



Pol. 4c. 25.00 (Philology)
C33/9

DUKE
UNIVERSITY
LIBRARY

Treasure Room

I - F, 5

January 15

With an elaborate colored paper by the
editor Dr. Parry, portrait of Beecher, Fox
and Wash to each of whose sections are
dedicated. Drury 10s - Horn 30c. 15s.
plates folded

G U L I E L M I
B E L L E N D E N I
M A G I S T R I S U P P L I C U M
L I B E L L O R U M A U G U S T I
R E G I S M A G N Æ B R I T A N N I Æ, &c.
D E S T A T U L I B R I T R E S.

E D I T I O S E C U N D A
L O N G E E M E N D A T I O R.

L O N D I N I.

1 7 8 7.

MVSEVM
BRITAN
NICVM

DUPLICATE
I 8 0 4

P R Æ F A T I O.

TRES, qui hoc volumine continentur, libri à BEL-
LENDENO conscripti, vel inter rarissimos jam olim
numerati sunt. Quòd autem effecimus, ut excitati è te-
nebris Bibliothecarum, publici juris nec-opinatò fierent,
magisque, quàm antea, parabiles, fore pro comperto habemus
ob nostram hancce *σπουδήν*, ut gratiam cum eruditis omni-
bus haud mediocrem ineamus.

De scriptore ipso, deque ordine, quo hæc opuscula in
lucem ediderit, paucula rejecimus ad calcem hujusce Præ-
fationis; quæ tamen veremur ut iis satisfaciant, qui in-
telligentiam ponant in legendi quodam fastidio. Sibi in-
tereâ, velimus, sic persuaderi sinant, sylvam satis amplam
errorum, qui in editionem priorem irrepsissent, è nostræ et
textu et margine sublatam esse: locos ferè omnes, ad quos
animum Bellendenus intendisset, diligenter à nobis inspec-
tos: in eo denique nostram operam sedulò navatam, ut edi-
tio hæc prodiret, tum accurata maximè, tum etiam ad nito-
ris laudem, quoad ejus fieri possèt, instructa et composita.

Aliud esse opus à Bellendeno inchoatum affectúmque,
cui titulus sit “ De tribus luminibus Romanorum,”
quotus est quisque vir mediocriter doctus, qui fando non
acceperit? illud etiam qui viderit, atque adeò visum, sua ut
abderet in *κειμήλια*, avidissimè arripuerit, est certè re-
periendus unus et alter ex iis, quibus libri sint in deli-
ciis rari suoque in genere exquisiti. Operis quidem ejus
in parte illa, quæ ad manus nostras pervenit, de Cicerone
agitur solo; idque, non modò incorrupta Latini sermonis
integritate, verùm etiam singulis penè verbis, puris putis,
ut aiunt, Ciceronianis. Talis autem vir tantúsque cùm

agmen duceret, magna esse debebat hominum expectatio de aliis duobus, quos Ciceroni, quasi ejus comites quosdam studiorum et socios famæ, Bellendenus adjungere instituisse. Verùm enimverò, illi quinam fuerint, diu multumque à nobis quæsitum est, sed frustrà tamen. Tandem aliquando in viros quosdam incidimus rei litterariæ peritissimos, qui certiores nos facerent, voluisse nostrum, de Seneca et Plinio majore justum librum conficere. Colligimus autem ex operis ipsius ratione, fuisse eum, è Scripturibus, quos sibi sive ad laudandum sive ad imitandum proposuisset, copiam verborum suos in usus comparaturum. Egregium hoc consilium, quò minùs ex sententia ejus cederet, in causa fuit mors Scriptoris; ipsi illa quidem haud immatura, doctis eadem bonisque omnibus nunquam non deslenda. Ut studiorum, ad quæ diu ille feliciterque incubuisset, fructus uberrimos nosmetipsi perciperemus, id sanè fortuna nobis invidit. Est autem cum Bellendeno actum præclare, siquidem morte à Deo Opt. Max. donatus, non bello viderit ardentem Britanniam, non flagrantis invidia regni Proceres, non Ecclesiam funditus everfam, non civium optimorum internecionem, non sceleratissimum Regis parricidium, non denique ægram et propè depositam eam civitatem, in qua, Henricum ille suum olim voluisset, regiis omnibus virtutibus instruere atque ornare.

Insedit profectò et penè inveteravit in animis eruditorum hæc opinio, Middletonum, cùm de Ciceronis vita opus scriberet, Bellendeni hisce è fontibus irrigasse hortulos suos. Ferunt etiam illum de industria, quò furtum suum meliùs celaret, nomen Bellendeni silentio jam tum prætermisisse, cùm Scriptores, qui sibi aliquid adjumenti suppeditassent, varios, suo quemque ordine, recensere profiteretur. His ego rumusculis, cùm in Middletono laudando solerem multus esse, inter audiendum subirascebar. Ita enim semper animum induxi, ut de tanto viro cautè et modestè pronunti-

nuntiandum esse statuerim. Præterea, haud nescius eram, quàm acris esse soleat doctorum invidia, quàm sint avidæ et capaces auriculæ indoctorum, quàm firma ad memoriam rerum levissimarum, et in calumniis propagandis veteratoria sint vapparum et nebulonum ingenia. Famam quippè vide-ram incendere etiam convicia non credentium, quoties certamen fieret inquinandi laudes eorum, qui artes infra se positas existimarentur prægravare. Causas igitur hujusce, quæ de Middletono incidisset, suspicionis, sæpenuerò sum et acerrimè perscrutatus; semperque sensi aquam hæere etiam illis, inter quos odium nominis Middletoniani glisceret vehementissimè. Ita profectò Caium suspicatum esse suspicabatur Titius. Ita se multis antè annis, aut legisse nescio quo libro, aut voces, ut fit, eruditorum subauscultando excepiisse Sempronius credebat. Bellendeni verò librum qui vidissent, perpauco reperi: qui eum contulisset cum Middletoni opere, (Wartonum si excipias) planè neminem. Hac autem à me collatione diligentissime facta, res illicò omnis ad liquidum perducta est.

Litteræ fuerunt Middletono, non vulgares hæ et quotidianæ, sed uberrimæ et maximè exquisitæ. Fuit iudicium subtile limatúmque. Teretes et religiosæ fuerunt aures. Stylus est ejus ita purus ac suavis, ita salebris sine ullis profluens quiddam et canorum habet, numeros ut videatur complecti, quales in alio quopiam, præter Addisonum, frustra quæsisseris. Animum fuisse ejusdem parùm candidum ac sincerum, id verò, fateor invitus, dolens, coactus.

Equidem de fide hominis in rebus sacris, fastidiosius et acerbius loqui nolim. Permolestè autem fero, potuisse illum, qui ingenii tam acris elegantisque esset, laudibus Bellendenum meritis ac debitis privare. Fidentissimè enim confirmamus, Middletonum non modò ex Bellendeni opere supellectilem sibi sublegisse satis lautam atque amplam, sed libri ipsius propè formam, qua res ferret, adumbrasse. Cùm in

▪ Opera Middleton : Tom.
4.

media Cantabrigiæ luce viveret, suique operis instrumenta undique colligeret, ad manum habebat Bibliothecas Cantabrigienses, libris eas quidem plurimis et exquisitissimis refertas. Qui autem “Academicæ Bibliothecæ ordinandæ methodum quandam proposuisset,”¹ ei, penè dixerim, in propatulo erant scripta ferè omnia Bellendeni. Quin Bellendeni ad hoc ipsum opus (etsi obscura sunt omnia et occulta) respexisse illum in Præfatione sua haud negaverim : in iis præsertim, quæ dixerit de “Historia temporum eorum, quam contexere esset cuivis integrum, qui Ciceronis Epistolas diligenter evolvisset :” de tædio, quod in Cicerone bis terque legendo, ipse, si Diis placet, solus devorâset : de cura, quam in condendo et componendo, quæ posset mox deprimere, animo ad commentandum et corrigendum prorsus obstinato, impendisset : de verbis ipsissimis Ciceronis, quæ auctoritatem secum afferrent maximam, apteque posita in Orationis ferie, plurimum haberent venustatis. Nimirum, quod Middletonus paulò ambitiosius prædicat, sese et velle facere et debere, illud ipsum est summa fide summæque arte à Bellendeno factum, jam inde ab ultimo principio operis, usque ad paginam extremam.

² Morhof :
Polyhistor :
Lib. 1. Cap.
5.

Exstat Stephani Forcatuli “De raptu animorum” Dialogus festivissimus, in quo “alienæ inventionis prædones reprehendit.” Scripsit etiam Thomasius de Plagiis Litterariis librum, cui, ut Morhofio² visum est, multa adjungenda sunt. Horum utrumque librorum, prelo si quis denuò subjecerit, Middletono poterit inuri eadem infamia, quæ Salmasio, quæ Lipsio, quæ Wouwerio, aliisque Plagiariis ingenio et doctrina eximiis, haud immeritò inusta est. At manes ejus, qui famæ Ciceronianæ custodem se adjutorémque egregium præstiterit, liceat mihi, verbis ex ipso Cicerone³ de promptis, extremum alloqui. “Satis hæc multa” de Middletono : “ac sine odio omnia, nihil sine dolore.”

³ Philipp. 8.
p. 521.
Edit. Grut.

Quod ad tres hosce libellos attinet, multis profectò nominibus dignos illos judicavimus, qui in conspectum homi-

num proferrentur: neque enim dubitandum est, quin ii se possint cordatiori cuique satis probare, non modò rerum ipsarum, quæ tractantur, gravitate; sed argumentorum lucido ordine, et luminibus sententiarum, et sermonis varietate atque elegantia planè admirabili.

In primo, res multas et varias ab ultima antiquitate repperivit Bellendenus, sitúque eas informi obrutas atque oppressas, in lucem protulit. Materiem illam de Persarum et Ægyptiorum disciplinis, rudem latissimèque sparsam collegit undique, et quodammodò coagmentavit in unum, et acumine styli diligenter limavit. Civitatum ortus et incrementa, quæ fuerit cuique peculiaris forma, quantum aliæ ab aliis discrepârint, luculentissimè descripsit. Quas in historia mendax Græcia excogitaverat fabellas, diluit refellitque. Philosophiæ, cùm delirantis redarguit commenta, tum sanioris illius quæ Pietati famulabatur, placita enodavit. Quæ quidem omnia eò pertinebant, ut religionis revelatæ veritatem solidis gravibúque argumentis Bellendenus confirmaret. Qui autem res hæc è ruderibus vetustatis eruit, is neutiquam antiquarii partes agit frigidè et jejunè: neque divertitur ad spinosas illas et exiles quæstiunculas, quibus in explicandis, est ubi Theologi malè feriatî torquent se miserrimè, atque operam frustrà conterunt. Stylus est Bellendeni per librum huncce, dilucidus in primis, neque exquisitus nimis. Sententiæ hic illic occurrunt reconditæ, quibus adhibita, tanquam obrussa¹, est ratio.

Operis porrò totius ita sunt aptæ inter se colligatæque partes, nihil ut sit asperum, vel hiulcum, vel dissolutum; nihil in alienum irruerit locum; nihil non positum sit suo.

Ostendit in secundo, aliis qui præesse velit, illum ipsum quàm potentem esse deceat sui; quàm memorem servatémque rerum omnium quæ à legibus imperentur; quàm audientem dictis sapientissimi cujusque; corruptelarum ab illecebris quàm alienum; à blanditiis adulatorum quàm

¹ Cic: Brutus p. 150.

abhorrentem ; quàm dignitate sua, tum in retinenda constantem, tum in augenda cautum et moderatum ; quanta denique innocentia et in rebus omnibus temperantia, ut ab alienis videatur manus, oculos, mentémque ipsam abstinere.

Senatoris quod sit officium, quibus potissimùm innitatur fundamentis illa *ἑρκαλλεμένη* populi salus, quàm sacrosancta habenda sint omnia, quæ fiant ex institutis et more majorum, in tertio docet Bellendenus : et quidem ita docet, difficile ut sit dictu, utrùm res verbis magis, an verba sententiis illustrentur.

De tribus illis Luminibus Anglorum, quibus editio hæcce dicatur, religioni nobis non habendum est, perhonorificè et sentire, et fari. Horum in uno virorum, insigne utriusque fortunæ exemplum ¹ vidimus. Cujus enim dicentis ex ore Senatus quondam pendebat, illius jam oratio, etsi nivibus hybernis simillima sit, sibi tamen audientiam vix ullam facit. Indignitas rei hujusce et atrocitas, quanta sit, cùm confidero, sæpè illud animo recursat, quod de Druso est à Paterculo ² scriptum pulcherrimè. “ In iis ipsis quæ pro
“ Senatu moliebatur, Senatum habuit adversarium. Denique ea fortuna Drusi fuit, ut malefacta” adversariorum,
“ quàm ejus optimè ab ipso cogitata, Senatus probaret
“ magis ; et honorem, qui ab eo deferebatur, sperneret ;
“ injurias, quæ ab aliis intendebantur, æquo animo reciperet ; et hujus summæ gloriæ invideret, illorum modicam ferret.”

Architectum quendam verborum esse scio, qui à vulgo numeretur inter optimos oratores, propter expeditam ac profluentem quodammodò celeritatem, et ³ Commissiones meras. Fremant ejus fautores licet, dicam de Burkii eloquentia, quod sentio. Hujus suavitate maximè hilaratæ essent doctrinarum omnium illæ inventrices Athenæ : hujus maximè admiratæ ubertatem & copiam ; hujus in labris
⁴ *Suadam* fessitantem maximè veneratæ.

¹ Liv. lib. 28.
cap. 42. Edit.
Var.

² Lib. 2. cap.
13.

³ Suet. l. 4.
cap. 53.

⁴ Cic. Brut.
pag. 140.

Fuerunt inter Romanos, qui ¹ fœccitatem et inopiam, dum-
modò efferet polita, dum urbana, dum elegans, in Attico ge-
nere ponerent, orationémque amplam, copiosam, excelsam,
magnificam planè contemnerent. Qui autem se credebant
eruditas habere aures, intelligénsque iudicium, illi ipsi et
gradus, et dissimilitudines, et varietatem Atticorum igno-
rabant. Marcum tamen Tullium ² incessere audebant, ut
tumidum, Asianúmque, et redundantem. Nostra etiam in
ætate non desunt, qui eandem de Burkio nobis insufurrave-
rint insulsam, et frigidam cantilenam. Sed meliùs de hoc
nomine sentiant, qui Atticos se volunt esse, eò quòd clario-
rem vim eloquentiæ ferre non possunt. Burkium si quis
imitetur, eum credant et Atticè dicturum, et optimè. In
litteris ipsi se sciant plurimùm profecisse, quibus Bur-
kius valdè placuerit.

¹ Brut. pag.
152. et de
Opt. gen. Or.
pag. 183.

² Quintil. 12.
cap. 12.

In quo autem homine, cùm illa, quæ jucunda et
grata, tum etiam illa, quæ mirabilia sunt in virtute, elu-
cent, ejus de moribus hoc solum dicere necesse habeo,
semper innocentiam Burkii et integritatem singularem fu-
isse, vitæque rationem justissimè ab aliis repositum eum,
qui reddere non reformidet suæ.

Meliore in omnia mente et ingenio, quàm fortuna, alter
est usus ; neque in omni ejus vita aliquid est ad laudem il-
lustrius, quàm quòd fortuna non fractus est, summámque
in rebus asperis retinuit dignitatem.

Atqui verissimum est illud quod à Cicerone dicitur, ³ mi-
nimis sæpè momentis, maximas inclinationes temporum
fieri, cùm in omni casu reipublicæ, tum in Bello, et maximè
civili, quod opinione plerumque et fama gubernatur.

³ Phil. 5. pag.
514.

Habet Northius à natura plurimum acuminis, quod
etiam arte limavit. Habet cum gravitate mistos sales,
tum facetos, qui in narrando aliquid venustè versantur,
tum dicaces, quorum, in jaciendo mittendóque ridiculo,
vis omnis perspecta est. Memoriam etiam habet, quæ

comme-

commemoratione antiquitatis et exemplorum prolatione valet maximè. Per id scitum est quoque in orationibus ejus, quòd ineptias hominum et stultitias patientia perquam amabili devorandas esse statuit, ita tamen ut tristitiam quorundam, et acerbitem, mirifica urbanitate sæpè perstringat.

Verbis utitur non illis quidem ornatis, sed tamen non abjectis. Rem quamque videt acutè, diligentèrque et enodatè explicat. Inter cæteras ejus laudes hæc certè non minima est, eum non solum quod ¹ opus sit, dicere, sed etiam quod non opus sit, *non* dicere: omnibus in rebus ² sentire quid sit satis: ³ malle desinere ne tædium creet, quàm nimium loquendo deficere. Civilis autem scientiæ ratio sic Northio suppetit, ut ei vix ullam deesse virtutem viri Politici existimem. His ad dicendum instrumentis, quæ vel ab ingenio vel ab industria profecta sunt, summus accedit et propè singularis amor in Patriam, cujus morem disciplinamque optimè intelligit, et defendit, quoties in disceptationem veniunt, constantissimè.

Animus hominis et mores, quales sint, si quæris, ⁴ civis fuit jam tum, cùm haberet famæ suæ parem, summa in dignitate modestissimus. Amiciciarum est apprimè tenax: in offensis idem exorabilis: in reconcilianda gratia fidelissimus: potentia sua ad impotentiam usus nunquam: omnium denique vitiorum penè expers, nisi numeretur inter maxima, Bellum Americanum spe lentiùs gessisse. Atqui bellum illud aliorum consiliis antea commotum et affectum, ægrè ipsum et gravatè suscepisse ferunt, cùm ad arma uncta cruoribus nondum expiatis, ad arma eum cessantem, et Rex, et Senatus, et Populus certatim concitarent.

Documentum is quidem grave et luctuosum dedit, quantum optimis viris beneficiorum memoria profit: quantum nocere iisdem possit levis et falsa opinio sceleris excogitati. Mentis verò in sanctis recessibus, habet quo se ex maximis

¹ Cic. Orator. pag. 169.

² De Orator.

l. 2. pag. 119.

³ Quintil. lib. 12. cap. 11.

⁴ Vel. Pater. lib. 2. cap. 29.

maximis molestiarum molibus recreet ac reficiat. Quoties enim secum reputat, sua ipsius quæ sit innocentia, quoties contumelias, quibus laceratus est, insignes et acerbas memoria repetit, quoties ad infidum respicit ingratiúmque optimatum gregem, quos opibus quondam honoribúsq; auxit atque amplificavit, toties ejus ex pectore Lycurgeæ illæ erumpent voces, ποῖος τις ὑμῖν δοκῶ εἶναι πολίτης, ὅς το-
σῶτον χρόνον, τὰ δημόσια πράττων παρ' ὑμῖν, διδὼς μᾶλλον
ἀδίκως, ἢ λαμβάνων ἔλημμαι.¹

¹ Vid. Præt.
Taylori ad I. y-
curg: et loc.
laudat..

Animum habet tertius, cùm magnum et excelsum, tum etiam simplicem et apertum, eminétque unus inter omnes in omni ferè genere dicendi.

Sed quoniam oppressi sumus opinionibus non solùm vulgi, verùm etiam hominum leviter eruditorum; nostrum de stylo ejus judicium, quod tandem sit, paulò fusiùs jam, et accuratiùs explicabimus.

Multos vidi Oratores,² quos in verbis ægrè perpendendis coagmentandisque, sollicitudo infelix maceraret. Foxii autem animus varias in res continuas ita intenditur, ut eas tanquam provisas aptissimæ voces haud invitè sequantur. Omnia is quidem novit verba esse alibi optima. Itaque, quæ cultiore³ in parte videntur fordida et humilia, ea nonnunquam in Orationibus ejus suam quandam vim habent, et locum suum. At sunt in promptu, si res poscit, aut magis ornata, aut plus efficientia, aut meliùs et pleniùs sonantia. Exprimit quamque difficiliorem cogitationem quædam ἄλλογος τριβή,⁴ in-
térque exprimendum expolit atque amplificat. Vivunt omnia moventúrque.

² Quint: l. 12.
c. 10.

³ Quint:
l. 10. c. 1.

⁴ Lib. 10. 7.

⁵ Spiritu ipso ejus qui dicit, excitantur auditores, nec imagine solùm et ambitu rerum, sed rebus ipsis novis et veluti nascentibus incenduntur. Plurimum igitur sanguinis nervorúmque ejus in sermone esse, nemo est qui inficias eat. Aiunt autem nonnulli paulò morosiores abesse

⁵ Cap. 1.

⁶ illi, et quidem deesse planè atque omninò, stylum nitidum

⁶ Cic: Brut.
p. 152.

et lætum, qui omnes undique flosculos carpat et delibet. Sed memizerint ii, velim, iudicio illum potiùs refugisse hæc dicendi delicias et ineptias, quàm formidine ulla desperasse. Etenim, quæ attentum quemque, dum audiuntur, et docilem reddunt validæ aptissimæque sententiæ, illis sanè
 1 De Or: l. 3. P. 129. ipsis, cùm leguntur, suavitas ¹ inest, non dulcis et decocta, sed, quæ à Cicerone meritò laudatur, solida et austera.

Habet Foxius hoc etiam verè admirabile: quòd salubritatem dictionis Anglicanæ et quasi sanitatem nunquam perdit, ut eos qui in calamistris adhibendis peregrinam quandam insolentiam consecretantur, simplicitate prorsus inaffectata, et tanquam orationis sapore vernaculo obruat. Novit enim, qui non dicat quod intelligamus, eundem minùs posse quod admiremur, dicere. Novit etiam, quæ maximam utilitatem in se contineant, eadem in oratione habere plurimum vel dignitatis, vel sæpè etiam venustatis.

² Or: p. 169. Jam verò eloquentiæ fulmina ² intelligit vibrari non posse, nisi numeris quibusdam contorqueantur. Hac de causa verborum perpetuitate, et conversione nonnunquam utitur, ut severos per illa unguis junctura effundat. Sæpè orationem carpit membris minutioribus, quæ tamen ipsa rythmo quodam suo vinciuntur. Facile tamen in hac parte deprehendes negligentiam quandam haud ingratam, quæ hominem magis de iudicii, certamine quàm de aucupio ullo delectationis laborantem indicet. Scilicet numeros illos minutos nunquam ita sequitur, ut sententias concidat delumbétque. Nunquam verba inferciens inania et canora, quasi rimas orationis explere studet. Otiosis ornamentis nunquam onerat delassâtque aures, quarum est superbissimum iudicium. Inde fit, ut neque diffuens sit aliquid et solutum, neque infractum, aut amputatum, aut hians. In conficiendo autem verborum orbe non apertè omnia, nec eodem modo semper, sed variè ³ dissimulantérque concluduntur.

Cùm rerum ipsarum usum Foxius percalleat, regiones ¹ videtur nōsse omnes, intra quas venari quod quærat, et per- ²De Or: l. 2. vestigare oporteat. Qua de re agitur autem illud, quod Juris-consultorum formulis et argutiis Dialecticorum includitur, tum quò valeat, tum ubi situm sit, prudentissimè videt; semperque de eo amplè differit copiosèque, aut distinctè atque articulatim disputat. Quæ divulsa et dissipata sunt, ea omnia conglutinat, et ratione quadam constringit. Si quid involutum paulò-ve insolentius est, notitiam ejus aperit, non exiliter et jejunè, aut ampullarum ope et sesquipedalium verborum, sed dilucidè, expeditè, et commune ad judicium popularèque intelligentiam accommodatissimè.

Si in exordiis auditores primò movet leviter, reliqua illis jam inclinatis graviter incumbit acris et contorta Oratio. Ipsæ porrò prolusiones, non ad speciem illæ quidem compositæ, ut Samnitum, ² qui hastis ante pugnam vibratis nihil ²De Or: l. 2. in pugnando utebantur; sed ejusmodi sunt, ut ei magno ³ P. 110. usui esse possint, cùm ad victoriam acerrimè nitatur. Res eum si qua premit vehementer, ita cedit, ut non modò non abjecto, ³ sed ne rejecto quidem scuto, fugiat; suò- ³ P. 119. que in præsidio consistens, loci eligendi causa *εὐπροσπαλί- σασι* ⁴ videatur. Ad refellendos autem adversarios ⁴ Hom: Il. 1. tela confert omnia. Digitos modò comprimit, et acu- ^{1. 546.} leis Dialectices, quæ tanquam contracta et adstricta Eloquentia putanda est, pungit homines in disputando perpugnaces; modò dilatat manus, et Orationis illius, quæ amplior magnificentiorque et splendidior est, omnes habenas effundit. Ingenii autem magnitudo ejus omnis ferè elucet, cùm antè occupat ⁵ quod opponi posse videat; cùm sermones ⁵ Orat: p. 163. hominum morèsq; describit; cùm exemplis utitur; cùm denuntiat, quid adversarii caveant; cùm fraudes civium ad perniciem, et integritatem ad salutem vocat; cùm liberius quid audet; cùm supplicat, optat, execratur.

Conci-

Conciliantur vel maximè auditorum animi dignitate hominis, rebus gestis, vitæ denique existimatione; quæ quidem omnia, licet in adversario Foxii non meliora sint, faciliùs tamen ornatiusque finguntur, ut probus, ut benè moratus, ut bonus vir esse videatur. Sed quoquo modo se illud habet, Foxius est Orator verè civilis, vereque sapiens. Non otiosis se disputationibus, sed Reipublicæ administrationi potissimùm dedit. Cùm priùs, quod honestum sit, in animo suo efficere constituit, omnibus, ad efficiendum quod proposuerit, naturæ dotibus, omnibus instrumentis artis, et obnixè et decenter utitur. Hac de causa, quos audienti mihi motus adhibere voluit, illi semper in animo Oratoris impressi et inusti esse videbantur.

Dicendi, sicut reliquarum artium, fundamentum est sapientia.¹ Qui autem et à doctrina fuerit liberaliter instructus, et multo jam imbutus usu, ejus solet animus illuc rapi, ubi non aliqua seclusa Eloquentiæ aquula² tenetur, sed unde universum flumen erumpit. Ad res igitur humiles et tenuiores, quæ vel explanatè vel subtiliter tractandæ sunt, Foxii ingenium nonnunquam summittitur. Decet³ hoc nescio quomodo illum. Arripit, quotiescunque vult, medium illud dicendi genus. Gravitatis ad locos subito convertitur, ascenditque ad fortiora, et pervenit in summum.

Præceps et rapida ejus Oratio fit interdum, cùm, idcirco obscura, quia peracuta est, tum, celeritate ipsa paululùm cæcata.⁴ Sed neque verbis aptiorem citò aliam dixeris, neque sententiis crebriorem. Profectò maxima in rerum verborumque varietate, unus infidet tota in oratione quasi color quidam, et succus suus. Habet ea tamen veluti umbram⁵ aliquam et recessum, quò magis ea quæ illustriora sunt, eminere solent atque exstare. Summa est etiam in Foxio, perinde ac Demosthene, laus illa, quòd inter diversas et in omnem partem diffusas disputationes, versat⁶ sæpè multis modis eandem

¹ Or: p. 159.

² De Or: l. 2. p. 111.

³ Br: p. 153.

⁴ Br: p. 151.

⁵ De Or: l. 3. p. 128.

⁶ Or: p. 162.

dem et unam rem : quòd hæret in ea commoraturque : quòd inculcat eam mentibus hominum atque infigit altissimè.

Monendi sunt ii quorum de hac re sermo imperitus nimis increbruit, illud ipsum, quod in Foxio reprehendunt, esse artis vel intimæ et ingenii haud mediocris. Sæpè sunt illius sententiæ, si per se spectantur, graves et exquisitæ et ex abdito erutæ, ut videantur è Philosophorum spatiis, potius quàm è Rhetorum officinis, profluxisse. Sæpè in propria ac definita disputatione hominum ac temporum versantur. Sæpè ad communem quæstionem universi generis traducuntur. Quò autem capiant te magis magisque, modò eas collocat in hoc lumine, modò in illo. Nimirum ad sensus voluntatésque diversas diversorum hominum inflectendas, orationis vim consultò accommodat. Quamobrem variis illam novisque insignibus distinguit; variis et inexpectatis confirmat argumentis; varios trahit et repentinos in usus, ut animos etiam non faventium, aut commotos, in quam velit partem, alliciat, aut concitados secum rapiat.

Dixi eam esse Foxio ingenii facultatem, quæ semper caussis, in quas inciderit, parem se ostendat. Quoties autem illæ sunt dignæ in quibus latiùs se fundat, luminosas ad partes et quasi actuosas accedens, quicquid in dicendo potest, totum expromit. Quod quidem cùm facit, veluti amnis monte decurrens saxa devolvit, ¹ et pontem indignatur, & ripas se coërcentes undique diruit, copia atque impetu verborum. Hanc utique dicendi vim et celeritatem in Pericle olim mirabatur Eupolis: ad hanc obstupefcunt auditores, qui Foxio acerbissimè conviciantur.²

¹ Quint: lib.
12. c. 10.

² Ibid.

Profecò indignissimam viri hujusce ad fortunam cùm respicio, et præteritorum recordatio est acerba, et quidem acerbior expectatio reliquorum. Maximè is tamen laudandus est, qui in hoc communi civium integerrimorum et quasi fatali malo consoletur se, cùm conscientia mentis optimæ,
tum

¹ Quint: 1. 12. tum, sanioris illius, quod de se posteritas latura sit, iudicii
c. 1. expectatione.

Nunc de iis dicendum ¹ est, quæ mihi conspiratione quada-
dam vulgi reclamari intelligo. Qui enim reliquis in homi-
nibus mites sunt, et cupiditates, quas Natura juvenibus pro-
fudit, faciles et tolerabiles habere solent; in hac fuerunt
causa pertristes quidam patrum, censores, magistri.

² Orat: pro
Sext. pag. 439. Hi sunt eorum assidui et quotidiani sermones. “ Si qui
voluptatibus ducuntur, et se vitiorum illecebris dederunt,
² missos faciant honores: ne attingant rempublicam.”

Quid igitur agam? quippe magna responsi invidia sub-
³ Or: pro Cæl.
par. 5. eunda est, neque mitigari possunt legentium aures. Veniam
igitur petere non ausim—³ Perfugiis non utar juventutis aut
temporum. Fatebor sanè Foxium, cùm in lubricas adolescen-
tiæ vias ingrederetur, stuperetque jam insolitis et insanis ful-
goribus, tanto mentis robore non fuisse, ut ei æqualium
studia, ludique, et convivium displicuerint. Erupisse in eo
fatebor, illum impetum ardoremque, qui, sive ad litteras
humaniores, sive ad prudentiam civilem, sive ad luxuriam
amoresque inclinaret, id unum ageret, ⁴ id toto pectore arri-
peret, id universum hauriret. Fatebor à vera illa et directa
ratione non gradu illum aliquo, sed præcipiti cursu descen-
dissè: ut patrimonium effuderit, ut scœnore trucidatus sit, et
naturale quoddam stirpis bonum degeneraverit vitio ætatis.

At hæ, deliciæ quæ vocantur, etsi ad eas hæserit, nunquam
hunc occupatum impeditumque tenuerunt diu. At fa-
cultate jam florens, et studiis eloquentiæ per intervalla fla-
grans, cum blandimentis hisce conjunxit plurimum dig-
nitatis. At scelere semper caruit. At in ⁵ Lux-
⁵ Tacit: Annal.
16. cap. 18. um se præcipitavit eum, qui à Tacito dicitur eru-
⁶ Orat: in L.
Pis. par. 11. ditus, itémque à Cicerone habetur homine ingenuo et
libero ⁶ dignior. At revocavit se identidem ad curam
reipublicæ. At ⁷ Petronii instar, vigentem se ostendit, et
negotiis parem; effecitque, perinde ac ⁸ Mutianus, ut,
in

in quo nimiae essent, cum vacaret, voluptates, in eo, quoties expediret, magnae elucerent virtutes. At vixit, hodieque idem vivit, amicis carus. At dulcissimus illis semper occurrit, eò quòd æqualitas et pares honorum gradus, et studiorum quasi finitima vicinitas, tantum absunt ab invidiæ obrectatione, ut non modò non exulcerare eorum gratiam, sed conciliare videantur. At dignus est quem numeres inter multos et quidem bonos, qui, cum adolescentiam ferè totam voluptatibus dedidissent, emerferint aliquando, probique homines et illustres exstiterint.

Reipublicæ in procuratione dum versaretur, consilia sua omnia ita diligenter et animosè instituit, ita fuit ad excogitandum quid è Republica esset, solers acérque, ita ad negotia obeunda alacer et promptus, ut, ne æmulis quidem aut adversariis pernegantibus, ostenderit sese

Μύθων τε ῥητῆρ' ἔμεναι, προηκτῆρα τε ἔργων. ¹

¹ Hom : Ili-
ad : 9. 443.

Redite mecum, lectores, in memoriam rerum, quas nuper vidimus, miserrimarum.

Cum jam propè esset, ut optabilem ex iniquissima fortunam haberemus, eruperunt subitò, qui occasione ² quàm virtute honores petere malebant. Fieri autem non potuit inter motus istos animorum, quin obmutescerent cives boni, et quasi repentina popularique tempestate perculsi ac prostrati tantum non obtorpescerent. Quicquid enim est dictum in eam sententiam, quæ tum temporis populo deliranti perplacuit, ab eo licebat nemini, ne digitum quidem transversum, discedere. At verò, cum à strepitu illo tumultuque aures nostræ paululum conquieverint, quid tandem causæ est, cur, de Republica quid sentiamus, taciturnitate celemus diuturniore? Pudet, meherculè, pigétque nos memorare, qualis fuerit civium ardor prava jubentium,

² Liv. Lib. 6.
cap. 41.

qui tres illos viros de gradu et statu suo deturbârît indignis modis, effecerîtque, ut salutis suæ civitas perderet tot præsidia, atque ornamenta dignitatis. Animus etiam nunc horret meminisse, ut Respublica, sive ad capeffendum, sive ad arripiendum, tota sit permissa Oratoribus, non de cœlo illis quidem repentè delapsis, sed “stultis, novis, “adolescensculis¹”; et in arcem optimæ causæ catervatim invadentibus. Enimverò, quod in cives integerrimos prudentissimósque Senatores tam effrænate sæviit ignobile ac malignum vulgus, illud, et posteris, necesse est, et inimicis debeat ludibrium.

Qui ad rerum gubernacula, quo jure, quâve injuria, nunc affident, gloriolam ii, per nos licet, aucupentur caducam et inanem. Ingenio isto suo, qualecunque sit, gaudeant perfruantúrque; sibi plaudant mirificè; et κάλλος illud suum κακῶν² ὑπερλόν dictis phaleratis ostendent. Atqui omnibus qui libero et ingenuo fastidio judicant, videntur ad honores adipiscendos nudi venisse atque inermes, nulla cognitione rerum, nulla scientia ornati.³

In rebus ferè omnibus quæ optimo cuique pudorem incutiunt, habet profectò eorum causa quosdam colores, quibus possint imperitioribus fucum facere. Haud temerè est igitur, quòd sese tempestivis conviviis cautè subducunt, et νηφαλίος θεοῖς quàm Baccho malunt litare, siquidem memoriæ proditum est, et Demosthenem πρὸς ὕδωρ γράψαι⁴, et Cæsarem ad Rempublicam evertendam accessisse sobrium⁵. Leges si figunt refiguntque, populo plaudente, idcirco videntur properare ad exemplar illius Oratoris, qui, cùm interrogatus esset πῶς ὁ βουλευτῶν ἔχει νόμος, nulla usus circuitione verborum, respondit, ὡς ἐγὼ θέλω⁶. Si flosculis sententiarum, verborúmque lenociniis, et vitiosa sui jactatione vulgus captant, eodem planè, quo M. Cicero, animi morbo laborant. Si, contortulas per quæstiunculas et sophismata aculeata, quantum profecerint in Dialectica, ostendunt, credibile

¹ Nævius in Cic: de Serec-
tute p. 533.

² Sophoc:
Oed: Tyr:
1409.

³ De Orat.
lib. 3. p. 130.

⁴ Lucian:
Dem: Enc:
parag. 15.
Edit. Reitz.

⁵ Sueton:
lib. 1. parag.
53. & Quintil.
lib. 8. cap. 2.

⁶ Sext: Em-
pir: adverb.
Math. pag.
71.

dibile est illos prodiisse è familia Socraticorum, quibus id palmarium fuit

—— τὸν ἥττονα

Νικᾶν λόγον λέγοντα τὰ δικιώτατα. ¹

¹ Aristoph.
Nub. 914.

Si recentibus præceptorum studiis flagrantes, simulant se mores induisse paulò asperiores, quàm in Juvenibus ipsa Natura patiatur, ecquis perneget eos meminisse Platonici illius præcepti τὰ σωφρόνων ἀρχόντων ἢ θη δριμύτητος, καὶ τινος ἰταμότητος ὀξείας καὶ πρακτικῆς ἐνδεῖσθαι? ²

² Stobæus pag.
319.

Ipsi cùm novi sint homines, si novis rebus student, ac recentia quæque, insignia, ore adhuc alio indicta effutunt, illud ipsum “ ³ Atticos inquilinos” apprimè decet; Atticique illius νεωτερίσµα proprium redolet saporem.

³ Aristot.
Rhet. lib. 2.
cap. 17.

Sibi si videntur posse omnia, rémque populi tractant tumultuosè, et magno cum conatu magnas nugas agunt, vulgi in opinionibus probè sciunt perfugium esse, quò se recipiant. νέω μὲν γὰρ ἴσως ἐπέαιε καθ’ Ὀμηρον πάντα. καὶ ἔχοντα καὶ ἀγαπῶσι, τὰ μὲν μικρὰ καὶ πολλὰ πράξαντα, δημοτικὸν καὶ φιλόπονον, τὰ δὲ λαμπρὰ καὶ σεμνὰ γενναῖον καὶ μεγαλόφρονα καλῶντες. ἔστι δ’ ὅπῃ καὶ τὸ Φιλόνεικον καὶ παρὰ βόλον, ὥραν ἔχει τινὰ καὶ χάριν ἐπιπρέπενσαν τοῖς τηλικούτοις. ⁴

⁴ Plutarch.
Tom. 2. pag.
793. edit. Xyl.

Quid quòd negotia quæ susceperint ad defendendum minùs apta, “ rebus extrinsecùs adductis,” cujusmodi sunt Bellum Americanum et Coälitio quæ dicitur, “ circumliniunt?” “ ac si defecerint alia, conviciis implent vacua cauterium, si contingit, veris; si minùs, fictis: modò sit materia ingenii, intèrque audiendum excitent clamores?” ⁵ Hanc ipsam maledicendi fartaginem, hunc nigræ succum loliiginis et æruginem meram, hanc caninam ⁶, uti Appius ait, Eloquentiam, sunt qui verbis decoris obvolvunt, et partes in suas collo obtorto trahant Pindari hæc verba,

⁵ Quintilian:
lib. 12. cap. 9.

⁶ Ibid. cap. 3.

* Pind: Isth: 4.

— Χρὴ πᾶν ἔρ-
δοντ' ἀμαυρῶσαι τὸν εὐχθρόν. *

Ad plebeculam quod attinet, liceat ei, cū levis sit atque infida, homunciones sui simillimos in sinu fovere. Est utique τοῖς πολλοῖς persuasissimum, multis jactatam gravissimisque tempestatibus navem reipublicæ, tandem aliquando in tuto esse collocatam. Res credunt suas nunc demum omnes leni fluere et secundo cursu. Vota etiam, quæ, haud scio, an à numinibus exaudita sint malignis, ea jactitant esse ad felices exitus omnia omninò perducta.

Hujusmodi sanè rumusculi nostras sæpè ad aures pervenerunt. Ημεῖς δέ τοι ὃ ταχυπειθεῖς. Quin usu venit nobis, qui rerum ipsarum momenta ponderamus, in alia omnia ire. At enim uno ore omnes omnia bona de Palinuro nostro certatim dicunt! Id se ut ut habet, equidem haud crediderim, aut rerum prudentiam ², aut eloquentiam, quæ solida et robusta sit, ante pilos venire. Nec verò Reipublicæ is mihi gerendæ patiens peritúsque esse videtur, qui mellitis verborum globulis, tinnitúsque periodorum, et manus intra pallium non contentæ ³ ipsa majestate, multitudini fecerit silentium. Sed nimirum majus est quiddam quàm vulgò opinantur, reipublicæ procurandæ ratio. Non istam inanem sine usu loquacitatem, non cantilenam ex scholis, non orationis cincinnos et fucos illa quidem profectò desiderat. Non assiduitatis est meræ, et operarum harum quotidianarum. Contrà ea plurimis ex artibus et studiis, quæ veluti comites ministríque oratoris sunt, multis consiliis multaque exercitatione colligi debet.

⁴ Orat: in Pis:
par 5. Ed:
Delph.

Magnum, si quod aliud, ejus qui reipublicæ præest, nomen videtur, magna species, magna dignitas, ut angustia pectoris juvenilis, rerúmque insolentia civilium non sustinere possint tantam personam, tam gravem, tam severam ⁴. Liceat planè Pindaro, qui in ψευδεσι ποικίλοις versatus sit, de Damophilo compositè ornatéque dicere

Κεῖνος γὰρ ἐν πασι νέος·

Εν δὲ βελαῖς πρίσθους, ἐγκύ-
σας ἑκατονταετῇ βιοτῇ. ¹

¹ Pyth: 4. 501.

Fuit autem, ut opinio mea fert, etiam à Tiberio, ² illud certè quidem cautum præclarè, “ ut ne quis adolescentium “ animos præmaturis honoribus ad superbiam attolleret.”

² Tacit: Annal: 4. par. 17.

Etenim vix aut ne vix quidem repertiendus est, qui ineunte ætate docuerit, “ ab excellenti ³ eximiâque virtute pro-
“ gressum ætatis expectari non oportere.” Profectò et potest et solet esse militaris virtutis cursus celerissimus. Inde factum est, ut res maximas gereret Macedo ille Alexander, utque populi Romani imperium augerent superior Africanus ⁴ et Titus Flamininus, admodùm adolescentes consules

³ Cic: Philipp: 5. p. 515.

⁴ Ibid.

creati. At diversa est ratio eorum, qui pacatis in Temporibus ad Rempublicam æquo citiùs accesserunt. Vim illi omnem ingenii plerùmque consumserunt in populari levitate ⁵. Potentiam inutilem, dominandique lubricam et præcipitem cupiditatem veræ solidæque gloriæ anteposuerunt. Ac mihi quidem videntur frustrà argutari, qui rationibus hisce famam Luculli opponunt. Egregio illi viro contigisse fateor incredibilem quandam ingenii magnitudinem, quæ indocilem usus disciplinam non desideraret, & omnium opinionem quæ de ejus virtute fuisset, bellica laude vinceret. At verò idem ille adolescentiam ⁶ in forenfi opere et Quæsturæ diuturnum tempus in Asiæ pace consumserat. Ad Consulatum non accessit, antequam et Quæstor et Ædilis et Prætor factus fuisset. Habuisse fertur divinam quandam rerum memoriam, in qua insculptum hæreret, quodcunque audiisset vel vidisset. Omni litterarum generi et Philosophiæ deditus erat. Secum assiduè habebat Antiochum, qui ingenio scientiæque putabatur Philosophos ferè omnes præstare. Atqui harum rerum omnium ad laudem maximè antecellentium, vix unam esse puto, quæ in τὸν δεινὸν conveniat.

⁵ Phil: 5. p. 516.

⁶ Ciceron: Academ: lib. 4. sub init.

¹ Corn : Nep.
vit : Att : cap.
15.

Atticum ¹ ferunt suscepti negotii nunquam pertæsum esse : quod quidem ὁ δειῖνα minimè admirabile statuit esse in eo, qui Reipublicæ procuracionem judicio fugisset. Aliam ipse viam ad laudem primus invenit. Aliam, suo Marte, invexit regendæ civitatis rationem. Quippe profundo ipse se de industria merfat, ut pulchrior evenisse videatur. Opes ducit animúmque ex hoc ipso, quòd magnis atque immanibus ausis sæpiùs atque iterùm exciderit. Quinetiam vincendi cùm nec spes sibi ulla nec facultas sit, certamen, dedita opera, sibi cum hominibus disertissimis instituit, ut fallendo effugiendoque de iis triumphos agat. Qui autem lucro sibi apponit, quòd conatus ipsius vel sua sponte irriti cesserint, vel ab adversariis infraçti sint et contusi, τί ἄν ἐποίει, ἢ τίνας ἀν ἔιπε λόγους, εἰ συνέβη κατορθῶσαι αὐτῷ ἢ πολιτεύεσθαι ἐβόλετο.²

² Dinarch :
Orat : contra
Demosth.

Nobis sanè videntur homines Politici æquè ac Philosophi, non singulis ex vocibus judicandi, sed ex rerum perpetuitate ³ et constantia. Itaque quæ vel gesta à τῷ δειῖνα, vel tentata maximè laudantur, ea breviter summatimque perscringamus.

³ Cic : Tusc :
Quæst : lib. 5.
cap. 10.

Rebus in Hibernicis quas trahere ad arbitrium malebat, quàm lenibus ducere imperiis aut lenibus consiliis sequi, persæpè ab illo offensum et titubatum est.

Senatús non corrigendi modò, sed nova tanquam incude diffingendi causa, omnes effudit vires animi et ingenii sui : omnes in hac re una nervos intendit. Sed vicit, nescio quomodo, pars major, ut sit, eam, quæ à τῷ δειῖνα melior vocabatur. Quo quidem factò, refrixit in mente τῷ δειῖνα omnis ille ardor, diligentia omnis relanguit, et spes omnis fanandæ civitatis extenuari jam visa est ac penitùs infringi. Hinc illud est, quòd ii qui specie libertatis insaniunt, de verbis sibi datis conqueruntur, atque adeò patronum, in quem causa illa quondam inclinata recumbebat, illum ipsum clamitant

⁴ Hom. Iliad,
10.

ἕτερον Φρεσὶ κείθειν, ἄλλο δὲ βάζειν⁴.

Quod

Quod ad σεισασχθείαν ¹ attinet, quam Solonis nostri sub auspiciis futuram esse aiunt in publicis Vectigalibus, δ.δία μή ἀνθρακας τὸν θήσαυρον ἐυρωμεν ἀεργόμενοι. ²

¹ Dicq: Laërt: Vit: Solonis. lib. 1. pag. 27.

² Lucian: in Timon.

Gentes autem inter exterar, quæ videntur modò cæcas struere insidias, modò consilia intendere calida et audacia, si quid mali nobis nec-opinantibus eruperit, multa, quæ ex intervallo non apparent, res ipsa aperiet, ἐυρήσει τε τὰ σάθρα τῷ θεῖνᾳ αὐτὸς ὁ πόλεμος. ³

³ Demosth: Philipp. 1. parag. 15.

Nam quod fœdus est nuper cum Gallis initum, hujus vulgò creditur, illiúsque, quod est olim Ultrajecti factum, non unam esse faciem, nec diversam tamen. Dixerit quispiam, littora Gallorum nostris littoribus, et verò fata fati, cùm consuetudine tum legibus quibusdam propè ipsius naturæ, esse contraria? Facile ὁ θεῖνα ejus argumenta hoc consilio pervertet.

Κορινθίους ἀχθεσθε· κἀκεῖνοι γέ σοι

Νῦν εἰσὶ χρεστοὶ, καὶ σὺ νῦν χρεστός γενῇ. ⁴

⁴ Aristoph: Eccles: 199.

„ Annon Gallica vina Britannorum mercibus reparata, pateris de spumantibus hauriemus?”

Ὅτιον πρὸς ἀλλήλας λαλῶσιν αἱ πόλεις

Διαλλαγεῖσθαι, καὶ γελῶσιν ἄσμεναι,

Καὶ ταῦτα δαιμονίως ἰπωπιασμέναι

Ἀπαξάπασαι, καὶ κυάθοις προσκείμεναι. ⁵

⁵ Aristoph. Pax 538.

Contendunt scilicet ὁ Γαλλίζοντες, acriter contendit ὁ θεῖνα, omnes denique ejus fautores ὁμοθυμαδὸν καὶ ὁμοφώνως contendunt, fore, hoc fœdere perfectò, ut Galli positis armis mitescant, neque ex occulto vel insidiis aliquid agant. ⁶ Dulce fateor est nomen pacis.—Rem verò ipsam, cùm jucunda et salutaris sit, quovis ferè pretio emerim. At verba hujusmodi, utrùm à dolo hostium, an virtute profecta sint, haud quisquam addubitaverit. At Gallos ⁷ quos ἀπειλοῦντας crediderim esse μάλα ἰσχυροὺς, ⁷ Dem.

⁶ Cic. Philip. 13.

⁷ Dem. Olynth: 3.

eofdem illos tum maximè, cùm dona ultrò ferant, timendos esse statuerim. At pacis nomine bellum involutum reformido.

Enimverò pater τῷ δεινῷ, si in vivis esset, ea omnia, quæ in hac quæstione à filio dicta sunt, perflagitiosa ad loquendum esse clamitaret, et ad audiendum perturpia. Fulguraret more suo et tonaret contra eos, qui propter incertos exitus belli Martemque communem nimio sunt in metu. Diceret
¹ Philip. 13. in senatu, esse omninò ¹ fortium virorum, quales nos esse debeamus, virtute præstare tantum, ut possent fortunæ culpam non extimescere.

Λέγεται τι καινόν; γενόίτο γὰρ ἂν τι καινότερον, ἢ Μακεδῶν ἀντὶ τὰ τῶν Ελλήνων διοικῶν, καὶ ὑπερεκπεπληγμένοι ὡς ἀμαχόν τινα οἱ Αθηναῖοι τὸν Φίλιππον, ὑμᾶς δὲ αὐτοὺς πρὸς τὴν ραθυμίαν καὶ ἀθυμίαν πείθων ἐθελοντῆς, καὶ Φλυαρῶν, καὶ Φιλιππίζων ὁ Δημοδίνης ὁ τῷ Ὀμωνύμῃ αὐτῷ τῷ μακαρίτῃ. ² τιθασσεύει νῆ δία ὁ νεανίσκος χειροθήεις ὑμᾶς ποιῶν. Εσσι δ' οὐδέποτ' ὄμαι μέγα καὶ νεανικὸν φρόνημα λαβεῖν, μικρὰ καὶ φαῦλα πράττοντας. ³

² Demosth. Phil. 2.
³ Demosth. Olynth. 1.
⁴ Demosth. Olynth. 2.

Qui splendida ejus de se promissa exaudiunt, eundémque vident negotiis tot tantisque implicitum et constrictum, jure optimo possunt exclamare, Μητίοχος μὲν στρατηγεῖ, Μητίοχος δὲ τὰς ὁδούς, Μητίοχος δὲ ἄρτας ἐποπτεῖ, Μητίοχος δὲ τὰ ἄλφιστα, Μητίοχος δὲ πάντα ποιεῖται. ⁴ Sin autem aliorum expectationem fefellerint consilia, quæ fanè ab ipso suscepta esse videantur, non tam perficiendi spe quàm experiendi voluntate: si gravior aliqua facta fuerit ex improvise, temporum perturbatio: si bellum aliquando exarserit, tum demum illæ pertristes vulgi ore increbrescent voces, Μητίοχος δὲ οὐ μῶξεται. ⁵

⁴ Plutarch: Tom. 2. Pag. 211. Edit. xyl.
⁵ Ibid.

De stylo hujusce juvenis mea quæ sit sententia, idcirco difficile est proloqui, quòd plerique sunt rei ipsius iniqui æstimatores, et hominis, de quo agitur, fautores ineptissimi.

Si quid enim exquisitius acciderit auribus imperitorum, quaecunque sit id quod ipsi posse desperent, maximam habet admirationem. Qui autem plebe infima paulò plùs sapiunt, magis populare et plausibile existimant dicendi illud genus, quod puerilibus sententiolis lascivit, quod immodico tumore turgescit, quod inanibus locis bacchatur, et præcipitia habet pro sublimibus? ¹ Quam igitur eloquentiæ speciem Humius ² ait se cogitatione et mente complexum fuisse, re ipsa non vidisse, eam credunt in τῷ δεινῷ elucere aliquando—Oratorem, quem animo ille tenebat, ipsi se somniant manu prehendere ³, Juvenem utique acerrimo præditum ingenio, optimis disciplinis penitus imbutum, rerum civilium HAUD IGNARUM, qui in senatu auspiciatò assurgens aures nostras semper impleat, qui omnes affectus moveat vehementer, nitidusque et sublimis et locuples circumfluentibus undique eloquentiæ copiis imperet.

Hancce autem dicendi, quæ sentiam, occasionem nactus, paulò jam liberius enuntiabo, quod semper tacui, et sanè causis gravissimis adductus, adhuc tacendum putavi. Maximè in hoc juvene splendet pictum quoddam orationis et floridum genus, quod quidem cùm è Sophistarum fontibus in senatum defluxissè totum videatur, spreum est plerumque à subtilibus, idemque à gravibus repulsum. Habet autem ὁ δεινός (id quod unice laudandum statuo) facultatem illam dicendi ex tempore, quam “longi laboris esse præmium vel amplissimum” ⁴ veteres dictabant. Quæcunque ei demum acciderit necessitas, primo motu corporis, prima jactatione manûs, ⁵ prima pedis suppositione, copiarum ⁶ verborum, veluti milites Pompeiani duci suo sacramento addicti, promunt se, atque in medium certò evocatæ profiliunt. Per id mirum quoque semper mihi visum est, solere illum, in perpetuitate sermonis et celeritate maxima; solere, inter ambitus sententiarum longissimè circumductos; solere, inter vel abruptas

¹ Quintil: lib. 12. cap. 10.

² Essay 13th. on Eloquence.

³ Cicer: de perfect: Orat.

⁴ Quintil: lib. 10. cap. 7.

⁵ Ibid.

⁶ Strad. prol. Academ. 1. et Launcelot. Act. 3. Scen. 2. Mercat. Ven.

¹ Dion: Ha-
licar: ἀρχαίων
κρίσις. de
Simon:

vel flexuosas interclusiones παρατηρεῖν τῶν ὀνομάτων ἐκλογὴν καὶ τῆς συνθετέως τὴν ἀκρίβειαν¹, ut in verbulum, quod à Grammaticorum regulis aberret, ne unum quidem incidat—Huic verò facilitati illud etiam accedit, quòd tenorem quandam in disputando servat, et ordinem eum qui cogitationibus necessitate quodammodò expressis aptissimus est, rectè, maximam partem, disponit. Nunquam intersistit ejus oratio claudicàtve. Nunquam aut hæsitare videtur, aut, rebus duabus animo obversantibus, utra earum sit aptior ad usum vel ad ornatum magis decora, punctum temporis, deliberare. Sunt autem, qui rerum illas imagines, quæ tanto cum impetu feruntur, nimis recentes² esse deputent, ita tamen, ut easdem, si incudi redderentur, limatiores magisque factas fore evasuras non credant.

² Quintil: lib. 10. cap. 7.

³ Epigr. Cereal. Brunck
Analest:
Tom. 2. p.
345.

Sonitus ille παρασήμερον καὶ Ἀττικῶν ῥημάτων, ³ etsi nervorum ei minus inest, plurimum tamen venustatis nonnunquam habet. Est etiam, ubi sententia rerum vocabulis ornatissimis subjecta aut pertenuis est aut planè nulla. Ipsa porrò verba sæpè insolens quiddam et odiosum sonant. Sæpè orationis seriem, quæ in aures influebat percommode, illam ipsam oculis fidelibus subjectam si dissolvas, exile sit nescio quid, et fractum, et languidulum.

⁴ Liv. 34. cap. 5.

Oratorem non solum ⁴ gravem sed interdum trucem τὸν δεινὰν esse scimus omnes, ut sæpè necesse sit ejus inhumanitatem acriter propulsare et retundere. Ad ridiculum is tamen nonnunquam divertitur, sive ut animos auditorum à fatietate renovet reficiatque, sive etiam ut ingenio suo parùm miti morem gerat. His autem in dictariis, quæ orationi suæ aspergit, nec falsum, nec urbanum, nec facetum unquam consequi potest, palàmque ostendit, sibi, æquè ac

⁵ Quintil. lib. 6. cap. 3.

⁵ Demostheni, non tam displicuisse jocos, quàm non contigisse.

Quod

Quod autem in τῷ θεῷ maximè desidero, longe diversum est ab his quæ dixi, longéque majus. Etenim scientiam illam civilem, quæ summa in Oratore debet esse, in eo non vidi: non cognitionem earum rationum, quæ de naturis humani generis et moribus, à Philosophis explicantur: non denique vim illam, quæ in animorum motibus inflammandis potissimum dominatur, atque in mentibus eorum, qui audiunt, quasi aculeos quosdam relinquit. Fuerit igitur sermo ejus à circulatoria volubilitate paulò remotior. Fuerit idem artificio quodam et perpolitione distinctus. Numeris subindè ornatus fuerit, qui sua sponte defluxisse, non arcessiti et coacti esse videantur. Eloquentiam tamen si eam solam statuis esse veram, quæ animos hominum modò infringat, modò irrepat in sensus; quæ novas opinioniones inferat, “ deque pulmone,” ut cum Persio ¹ loquar, ¹ Sat: 5.

“ veteres avias revellat,” fatendum est profectò τὸν θεῷ, ² Cicer: de Oat: lib. 2. ne in rutis ² quidem et cæsis, solium paternum recepisse. pag. 115.

Nimirum ὁ θεῷ est vehemens feroxque natura; neque enim fas esse putat verbum ex ore exire cujusquam, quod non jucundum et honorificum ad aures suas accidat. Id verò ipsum maximè me impellit, ut audaciam ejus paulisper comprimam, et loquacitatem istam, qua possim, hisce interrogatiunculis irretitam retardem.

Num ad ambitiosa, quibus Orationes ejus enitescunt, ornamenta, adjungit etiam illa, quæ ex eruditione liberali ducta, et ferri solent et laudari ea in ætatula, cui plurimum favetur? Num historias movet eas, quæ in fastis temporum recentiorum positæ sunt? Num ex veteri memoria, et ³ monumentis, et litteris, haurit exempla, quæ ³ In Verr. lib. 3. pag. 266. quidem solent et auctoritatis plurimum habere ad probandum, et jucunditatis ad audiendum? Num verba illa ardentia et sententias vibrantes, quæ doctiori cuique inter legendum arrident, rei, qua de agitur, accommodat, suæque intexit

intexit orationi ? Auditores ejus fautorésque num gratulari sibi possunt de eo, quod est à Timotheo dictum de omnibus, qui apud Platonem cœnulas jucundè produxissent, ὡς καὶ τῇ

1 Athen : lib. 10. lin. 419. et Ælian. V. H. lib. 2. cap. 10. ὑσερλίχ κελῶς γίνονται ? Num qua ejus feruntur in ore vul-

2 Diog : Laert : in Vit : Platonis Segm : 38. γι, aut sapientiæ plenissima aut facetiarum ἀπορρημονεύματα, id quod idem ille Plato dicebat iis contingere, qui per spe-

cimina ingenii et doctrinæ sæpiùs populo data potuissent δνόματος τυχεῖν ? Ecquid reconditi profert in medium ? ecquid expectatione dignum eorum, quibus liberè et doctè licet judicare ? ecquid aut inauditum hominibus usu et ex-

3 Cic. deOrat. lib. 1 p. 99. ercitatione instructis, aut etiam mediocribus Oratoribus omninò novum ? NIL HORUM. Quæ cùm ita sint, non

illum negaverim ista omnia communia et contrita dicendi præcepta edidicisse. Illud etiam tribuerim, boni Oratoris esse multa auribus accipere ; multa itidem, 3 furtim et cur- sim attingere legendo. Si quid autem aptius et exquisitius in orationibus ejus, (quamvis rara avis est) si quid tamen unquam exiit, id omne mihi videtur ὁ δεῖνα non ut suum possidere, sed libâsse ut alienum. 4

4 Ibid.

Haud sanè diu est, cùm se in cancellos et conciunculas tanquam in pistrinum quoddam detrudi et compingi indignatus est. Quæ autem aliis tradi solent arte et via, ea omnia credibile est eum hausisse ab ipsa Natura, aut rap- tim levitérque labris primoribus attigisse. Inde fit, ut verborum gurgite 5 in vasto, communes loci, qui Latinè scripti sint, rari nantes appareant, hic videlicet à Lucano petitus, ille à Livio : puerulis uterque et litteratoribus notissimus. Inde fit, ut argumenta ejus persæpè declamato- rem de ludis sapiant : convicia ejusdem, rabulam de foro.

5 Warburton præf: ad Shaksp.

Minimè ei cedat in laudem, quòd ancipites dicendi incertósque casus non extimescit, aut incredibilem rerum ipsa- rum, quæ tractandæ sunt, magnitudinem et difficultatem contemnit. Marcus enim Crassus se fatetur id sæpissimè expertum esse, ut exalbesceret in principiis orationis, et

tota

tota mente atque omnibus artibus ¹ contremesceret. Fatetur etiam M. Cicero ² se, cùm illius diei sibi venisset in mentem, quo die sibi dicendum esset, non modò commoveri animo esse solitum, sed etiam perhorrescere toto corpore. At nemo est, qui τὸν θεῶν unquam viderit, aut metu aliquo paulisper fractum, aut ingenuo et infanti, qualis juvenem deceret, pudore debilitatum. Esse quosdam scio quibus admirabile hoc ipsum videatur. M. autem Crassò iudice ³, ne illi qui-

¹ Cic. de Oratore lib. 1. p. 94.

² Divinat. in Cæcil. par. 10.

³ C. de Orat. lib. 1. p. 94.

dem qui facillimè et ornatissimè dicunt, impudentiæ nomen debent effugere, nisi timidè ad dicendum accedant, et in ordianda oratione aliquantulùm conturbentur.

Ferri solent in juvenibus etiam uberiora paulò et penè periclitantia. At nihil est in natura rerum, quod se univsum semel profundat, aut quod totum repentè evolet. Oratoris itaque si præproperè ⁴ distringatur frons immatura, et acerbum quidque ab eo temerè proferatur, omnia quæ benè nata fuerint aut parata in vita meliore, penitus dedecorantur. Quid enim? annon fundamenta jaciuntur arrogantia ⁵? annon vires prævenit fiducia? annon tumidus fit quidam orator, suique jactans, et ⁶ facundus malo publico?

⁴ Quint. 1. 12. c. 6.

⁵ Quint. 1. 12. c. 6.

⁶ Vel. Patere. lib. 2. cap. 48.

Contigerit, necne, Humio, ea prudentia, quæ à divinatione propè abesse dicitur, non est nostrum dijudicare. At *hunc* scio non esse virum, quem Curia consulenti præsidium et decus futurum Philosophus ille promiserit. Alia ex parte, qui in rebus hisce sapit, et Jove, quod aiunt, æquo judicat, mecum, nî fallor, lubentissimè faciet, cùm Ciceronem affirmo, ea, quæ nuper facta sunt, cecinisse ut vatem:

“ Cùm in dicendo sæpè par, nonnunquam etiam superior
 “ visus esset is, qui, omisso studio sapientiæ, nihil sibi
 “ præter eloquentiam, comparasset, fiebat, ut et multitu-
 “ dinis, et suo iudicio dignus, qui rempublicam gereret,
 “ videretur.”

⁷ Cic. Rhet. lib. 1. pag. 63.

Profectò juvenem huncce, modò in venditandis ineptiis
 αὐταρκῇ καὶ αὐτοδίδακτον, modò rebus in arduis ἀπορον καὶ
 ἀμήχανον si aspiceres, nihil fatereris unquam exstitisse “ sic
 dispar sibi.” Aliis in rebus iracundus acérque, convicio-
 rum aculeis nihil non flagitat, aut penè vi et armis arrogat.
 In aliis fit simillimus Lancastrio, qualis describitur ab
 equite ¹ illo, quem facetiis abundantem et cute benè curata
 nitidum, asseclæ τὰ δεινὰ oculis fugiunt, auribus respu-
 unt, animis aspernantur,

Ψυχρὰν ἔχει παῖς καρδίαν θερμοῖς ἔπι·
 Ὑδαρεῖς τέ πως καὶ λεπτὸν αἷμα εἰς τρέφω
 Νηφεῖν τ' ἀπιστεῖν τ' ἄρθρα τῶ βίᾳ λέγει,
 Ἄσινον, ἀγέλασον, ἀπροσῆγορον τέρας.

Certis quibusdam destinatisque sententiis ita est hodie
 consecratus, eaque, ut opinor, necessitate constrictus, ut
 Dogmaticorum more, etiam quæ minùs probari possint, ea
 cogatur, sive dignitatis, sive constantiæ causa defendere. ²
 Crastino die fit transfuga Academicorum ad partes, nihil-
 que ducit tam temerarium tàmque indignum sapientis gra-
 vitate, quàm illud, quod non satis exploratè cognitum sit,
 sine ulla dubitatione tueri ³. Tum verò, furtivis colori-
 bus ferox et præclarus, tanquam Cornicula, superbit, et,
 à quibus est mutuatus, quicquid in consiliis suis sanum et
 sincerum est, eorum pergit aures obtundere conviciis è
 trivio petitis.

⁴ A Minucio is quidem didicit, eum primum esse virum,
 qui ipse consulat, quid in rem sit: secundum autem eum,
 qui benè monenti obediat. Cavet itaque ne extremi esse
 ingenii ideò videatur, quòd et sua ipse negotia expedire et
 explicare nequeat, et simul aliorum consiliis regi nolit.

Sumásne ab alienis, tibi quod usui sit, pudenter, an im-
 portunè rapias, “ immane quantum distat.” Sit tamen
 illud

¹ Henric: 4ti.
 Pars 2da. Act:
 4. Sc. 7.

² Cic. Tusc:
 Quæst: lib. 2.

³ Cic: de Nat:
 Deorum lib. 1.

⁴ Liv. lib. 22.
 cap. 29

illud duræ necessitatis, quòd, domi cùm sit res angusta et exilis,

—Conveſtare juvat prædas, et vivere rapto. ¹ Virg. Æn. 1.

Atqui opprobriis eos laceſſere, per quos plurimùm ipſe profeceris, animi videtur eſſe invidi et puſilli, qui nec cedere velit, nec, certamine æquis conditionibus comparato, poſſit victoriam ab adverſariis extorquere. Nempe qui doceri ab hoſtibus haud nefas eſſe ſtatuit, ipſe oportet “Hoſtis Teucros ² laude” aliquantulùm proſequatur. ² Æn. 1.

Minimè eſt interea diſſimulandum poſſe ex adverſariis τῶ δεινῶ quorſdam reperiri, quos veluti πρῶτον νήπιος ³ ³ Hefiod: Op: et Dies. 218. tangere omninò nolit. Hoc nimirùm illud eſt, quod ne ſui quidem Senatùs plauſu ſolet gaudere, quoties famam captat dicacis viro in illo, qui cùm oratorem maximum, tum acerrimum Jaculatorem ſeſe præbuit: qui, et cauſæ cuiuſque qui ſit color, et ⁴ ſagittæ quibus ex armamentariis veniant, probè novit; qui denique nec Hyperidi aut Lyſiæ ⁴ Juvenal. Sat. 7. acumine et ſubtilitate ⁵ cedit, nec ſacetiis et ſalibus Atticis Ariſtophani aut Menandro. ⁵ Cic: Orator p. 161.

Ne “bellum incidat diſparibus,” ipſe tanquam pigrior ὁ δεινῶ nonnunquam diſcedit, vehementérque optat occaſionem ſe nanciſci poſſe “munerum ultrò mittendorum.” ⁶ ⁶ Horat: Sat. 7. lib. 1. Hoc verò fieri cùm nequeat, omnes iſtos aculeos et tortuoſum genus diſputandi totum, homo belliffimus relinquit. Adverſarium ita laudat, ut ſe fateatur cundem pertimeſcere. Ita contra illum dicit, quamvis ipſe ſit ingenioſus, ut graviffimum etiam de ſuo ingenio iudicium fieri arbitretur.⁷ Cum Sheridanano qui congreditur, iſ utique, mirum foret, nî tela imbellia abjiceret, nî viribus parceret conſultò, modeſtiâque et temperando linguæ, ⁷ adoleſcens, ne à viris ⁷ Vide Liv: lib. 28. et Orat: τῶ δεινῶ. facetiſ vinceretur, ipſe ſe et dicacitatem ſuam vinceret. Alii item aut conticeſcant oportet, aut demiffiùs ſe gerant veteratores in diſputando vaſtri et malitioſi. Etenim ad magnam

¹ Cicer : de
Orat : lib. 1.
pag. 89.

magnam rerum cognitionem multa in Sheridanano accedunt, quæ in Oratore apprimè necessaria sunt. Nòrunt experti quantus sit ejus in jocando lepos, quanta libero homine digna eruditio, quanta celeritas brevitàsque respondendi et laceffendi, cum argutiis exquisitissimis atque urbanitate mirificè conjuncta.¹

² Brut : p.
147.

Oratorem aiunt vel mediocrem, modò sit aliquid in eo, tenere hominum ² aures. Sed, tanta cùm turba sit faventium τῷ δεινῷ, fateor me vix in ullum de iis incidisse, qui, minima ex parte, cum Sheridanano comparari possit. Unì, forsàn, & alteri eorum, non ingenium omninò, sed oratorium ingenium deest. Mediocriter sunt alii à doctrina instructi, et multò angustius à natura, vix ut in dicentium numero habendi sint, nedum disertorum. Alii autem ignoti homines et repentini, oratores celeriter facti sunt, oppidano quodam et incondito genere dicendi. Missos igitur faciamus fortemque Gyam fortemque Cloanthum, ne suspicantes quidem quid sit ornatè loqui, et ad laborem cogitandi planè inhabiles. Ego verò trutina in eadem, qua Sheridanum, juvenes posuerim duos, quorum hunc, jure appellaveris πρωταγωνιστὴν, illum, secundarum partium actorem.

Prompta est et parata τῷ δεινῷ in agendo celeritas, nihil ut sit in illo genere magis plausibile. Eum verò acumine et nonnunquam diligentia, fale semper et lepore superat Sheridanus.

Τῷ δεινῷ accedit, longo proximus intervallo, sed proximus tamen, Grenvillius, is, qui et impar congressus cum hoste, et victus, pretium aliquod certaminis ex eo ipso tulit, quòd cum Sheridanano certaverat. Docti hujusce, quod satis sit, adolescentuli, prudens quædam et considerata tarditas est, atque industria valdè probabilis. At Sheridanus illum vincit expediendis conficiendisque rebus, fitque, quod est admodum difficile, idem et perornatus et perbrevis.

Possunt profectò Oratores esse summi, qui maximè sunt inter se dissimiles. Quid igitur vetat quò minùs Sheridanum conferamus cum aliis quibusdam hominibus disertis, qui, vel ardore ei propiores sint, vel amicitia et voluntate conjunctiores?

Tribus illis viris, quorum à me sæpè facta est mentio, ita evenit, ut, cùm suo quisque in genere plenus Orator, et propè jam perfectus evaserit, non tamen quisquam ex iis felix sit ab ulla laude, quæ omnibus sit communis. At Sheridanum penè dixerim, et consecutum esse, quod eorum singulis contigit, et, quod defuit, sæpè eundem explere. Etenim, quicquid aureo flumine eloquentiæ fundit Burkius: quicquid est in Northio urbanitatis, et sine molestia diligentis elegantiae: quicquid Foxius habet, vel subtilitatis, vel lacertorum, vel gravis et incitatae et flexanimæ orationis, id omne Sheridanus ita complectitur, ut, qui arte in secunda primus sit, idem ille, de prima contendens suo quasi jure sibi secundas vindicet. Illud adeò propè adest ut eloquentia sua Sheridanus præstiterit, quod Athenienses videntur multùm et frustra exegisse ab iis, qui tragœdias facerent, γεγονότων γὰρ καθ' ἑκάστων μέρος ἀγαθῶν ποιητῶν, ἐκάστω τῷ ἰδίῳ ἀγαθῷ ἀξιοῦσι τὸν ἕνα ὑπερεβάλλειν¹.

¹Arist. Poetic.
cap. 17.

Causa illa publica contra præfectum quendam nuperrimè dicta, quantum commendationis ad gratiam et ad famam habuit? Quanta vocis et animi contentione Sheridanus ad se auditores convertit omnes omnium et ordinum, et ætatum, et partium? Quàm mirum in modum, et voluptate mentes eorum devinxit, et illuc, quò res poscebat, etiam invitas impulit?

Hanc utique ad causam veniebat paratissimus—expectabatur—audiebatur—A principio statim videbatur, dignus expectatione. Rem illam omnem, quæ tractanda erat, tam variam, tamque multiplicem, et abstrusam complectebatur memoriter, et acutè dividebat. Argumenta collocabat

fuò quæque loco, ubi plurimùm efficere et valere possent. Longa in oratione magnopere cavebat, ne ita aliquando aliquid emitteret imprudenter, vel consultò et apertè præstaret, ut sibi ipsi non conveniret. Sermonem, pro re nata, variabat aptissimè. Hac in parte, abundanter et illuminatè dicebat: arctiùs, in illa, et angustius loquebatur, veritatèque disputando limabat. Auditores suos pro arbitrio vel docebat—vel delectabat—vel movebat. Nihil tamen unquam propositi habere videbatur, nisi rem ut definiret: ut robustam hominis improbitatem signis omni luce clarioribus coargueret: ut id, quod intenderet, exquisitis rationibus confirmaret. Pertimescebat tum primùm Scotus iste clamator audacissimus, et quamvis loquacissimus sit, penitus obmutescere. Suæ autem vocis bonam partem ad Sheridanani rationes ὁ δεινὸς adjuungebat, vel quòd Oratorem extra omnem ingenii aleam positum persentisceret, vel quòd crederet sic exstingui posse veterum suorum famam maledictorum.

Illo fanè tempore multæ erant in Sheridanano, non scurri-les, sed oratoriæ facetiæ. Sæpè erat liquida et fusa, nec tamen redundans et circumfluens oratio. Vehemens eadem erat identidem, et interdum irata, et plena iusti doloris. Ea denique vis erat, is splendor, ea copia et varietas, quam magnitudo illius causæ et dignitas postulabant.

Oratio illa, sciunt omnes, quo plausu sit in Senatu excepta: quas Sheridanani ex adversariis expresserit atque extorserit laudes: quantus inde ejus vel ad popularitatem innoxiam honestamque, vel etiam ad gloriam solidam et sempiternam cumulus accesserit. Obstupescunt certè posterì decies illam lectam relegentes, eruntque iis sæpè in pectore et in ore Æschineâ illa verba paululùm mutata, “ Quid si ipsum audiissemus ? ”¹

¹ Quintil: lib.
2. cap. 3.

² Vid. Præf:
Taylori ad
Lycurg.

Fuerit Bellum Americanum et susceptum malis avibus et gestum. Fuerit illud in manibus τοῦ δεινῶς tanquam Κερκυραία τις ἰμῶς-ιξ,² cujus vis omnis dirigenda sit in unius hominis

hominis caput et famam. Fuerint civium, qui periculo armorum liberantur, animi tamen in ejusdem hominis perniciem armati. At spectatum ea, quæ in Senatu fiunt admissus, nemo fibram tam corneam habet, ut risum tenere possit. Res quædam agenda est de tribus ¹ Capellis. Comitum fit concursus, strepitusque, et clamor adolescentulorum. ² Tumultuantur, cachinnantur, de loco depugnant. Hæc dum fiunt, homo quidam purpuratus Curiam ingreditur. Surgit continuo δ δεινός, triumque Capellarum paululum immemor, multa de vi et cæde, multa de Syllis et Mariis, multa de Cannis et perjuriis Punici furoris lingua perfonat audacissima et manu tota. Deos hominesque testatur bellum Americanum in causa fuisse, cur Titius istas tres Capellas à Caio furatus sit. Belli Americani contendit Northium existisse unum atque unicum auctorem. Northium appellitat fatale quoddam portentum prodigiumque Reipublicæ. Northium clamat, illaqueatum esse omnium legum periculis, irretitum ³ odio bonorum omnium, implicatum expectatione summi supplicii. Hæc ille et alia ejusdem farinæ dum funditat verbis tristissimis et voce maxima, obduruisse videtur et usu ipso percalluisse incredibilis quædam Senatûs patientia. Silent interea aut clanculum subrident Northii desertores et proditores salutis, ipsi illi, qui foedissime Bellum Americanum quondam cauponati sunt, qui faces ad bellum Americanum sua sponte prætulērunt foedas et luctuosas, qui toti et mente et animo insisterunt ad bellum Americanum.

———Nam quæ sibi quisque timebat

Unius in miseri exitium conversa tulère. ⁴

Non eos fugit, in more positum esse τῷ δεινῷ, ut miseram et tenuem prædam sectari nolit — Aprum quippe exoptat, aut Leonem de monte descendere — Sibi credit multas imagines, non solum ad intuendum, verum etiam imitan-

¹ Martial. lib. 6. ep. 19.

² Terent. Prolog. ad Hec.

³ C. de Herusp. Resp. p. 411.

⁴ Virg. Æn. 2.

dum, clarissimorum virorum expressas, à scriptoribus et Græcis et Latinis esse relictas.

¹ Aristoph : Pax 75¹. Ἀλλ' Ἡρακλέης ὀργήν τιν' ἔχων, τοῖσι μεγίστοις ἐπιχειρεῖ.¹

² Plutarch : Vit : Syll. p. 473.

Ad laudes hæc populares aliqui ferunt illas minùs notas minùsque pervulgatas, quæ cum litterularum Græcarum scientia conjunctæ sint, τὸν δεινὰ adjecisse. Quod si verum est, unum hoc reperio inter me ipsum atque illum amicitiae vinculum intercedere, quòd iisdem quondam studiis dediti sumus. Qui autem in gradu tam excelsò collocatur, poterit is sibi eodem jure, quo Sylla, felix videri. Moneo tamen illum atque etiam hortor, ne, Græcè si quando scribat, gyro nimis arcto Syllam imitetur, sèque *Επαφρόδιτον* ² appellet. Porro, qui Lysurgeam severitatem in Orationibus præ se tulerit, neque tamen integritatem in moribus Lysurgeam expresse, ei auctor fuerim, ut usu atque ætate se demitigari patiatur. Discat velim à Cicerone, Oratorem oportere insanabiles vitare contumelias : tantummodò ad-

³ Cicer : Orator : pag: 169.

⁴ De Orat : lib. 2. p. 115.

versarios figere, nec eos tamen semper, nec omnes, nec omni modo ³ aliorum denique dignitati parcere, in quo ipse servaverit suam ⁴. Discat etiam à Quintiliano, “ quæ fortia inter dicendum visa fuerint, stulta, cùm læserint, vocari.” Meminerit quoque et turpem et inhumanam esse ejus voluptatem, qui, risus ut eliceat, “ petulans esse sustineat, “ compositusque ad stomachum audientium, bono à viro “ in rabulam et latratorem convertatur.” Illud autem vel in primis animo infixum habeat, “ mores dicentis ex oratione quodammodò agnosci, neque maledicum distare à “ malefico, nisi occasione.” ⁵

⁵ Vide Quintil: lib. 12. cap. 9. & lib. 6. cap. 2.

⁶ Brut: p. 143.

Fore probè scio, ut ea mihi objiciantur, quæ de ⁶ Fimbria scripta sunt : “ habitum fuisse eum oratorem asperum “ ac maledicum, et genere toto paulò fervidiorem : diligentia “ tamen et virtute animi et vitæ bonum existisse auctorem “ in senatu”—Equidem illud non possum quin fatear, vehementerque doleam, quòd fidem ὁ δεινὰ auditoribus semper faciat,

faciat, quòd et Populus faveat validissimè, et eloquentiam, quam semper in ¹ numero is habeat, ita admiretur, ut, ¹ Quint. lib. 6. cap. 3. et Senec. lib. 2. quid in eo reprehendi debeat, nunquam requirat. Quare ita factum esse existimem, si quis curiosiùs elicere velit, causæ sunt in promptu, nec tacendæ illæ quidem, nec sine cura mihi dicendæ. controv.

Solet profectò vulgus uni alicui totum se dedere atque ad-dicere. Hunc, tanquam amores et delicias suas, complexu et sinu recipit—Hujus integritatem et innocentiam summam esse, ² jurati testificantur omnes ad unum, licet, opinionis ² Hudibras lib. 1. lin. 7. ejus rationem qui reddat, nemo unus reperiatur.

Minimè verò fugit τὸν δῖον vulgi aures esse quandam ³ tibiam, in quam oporteat oratorem inflare. Hac de ³ Brut: pag. 147. causa, per artes non antè vulgatas, et populo ⁴ canit et ⁴ Ibid: p. 146. sibi—Quod autem acroama ⁵ Themistocles dicebat luben- ⁵ Orat: pro Arch. p. 190. tissimè se audire, illud ipsum credit ὁ δῖος sua voce optimè decantatum, ipse cùm se admiretur, suæque de virtute pa-làm et gloriòsiùs prædicet—Hinc, sive de lana rixatur ca-prina, sive de stillicidiis declamitans lateribus pugnat, et cœlo mare confundit, prima ut sibi fides habeatur, deposcit. Hinc omni, quæ habetur contra voluntatem ejus, oratione graviter offenditur, tanquam, ubi laudis intempestivæ blan-dimenta desint, ibi semper adsit acerbitas contumeliarum. Hinc, quam magnis unquam et divinis bonis viri præclaris-simi consecuti sunt licentiam, eandem ipse se arbitratur consecutum esse, ut contra morem et consuetudinem civilem asper sit in dicendo.

Per id ridiculum est, quod dicturus sum, et portenti simi-le. Tantum ipse Clodius prædicat in τῷ δῖον castitatis splen-dorem esse, ut oculos etiam suos co hebetari et præ-stringi sentiat. Aristippeum igitur illud de voluptate, quæ sensibus nostris blandiatur, contemnere se ait et ex-periendo abjecisse. Nihil fatetur esse virtute formosius, nihil pulchrius, nihil amabilius. Unum à se aliquem inventum esse confirmat, qui aspernetur oculis pulchri-tudinem rerum, qui suavitatem omnem auribus excludat,

omnēque vitæ suæ cursum, in labore corporis atque animi contentione conficiat

¹ Her. Epod.
17.

—————¹ hic pudicus, hic probus
Perambulabit astra sidus Georgium.

² Tacit. Hist.
1. cap. 49.

³ Cic. de Offic.
lib. 3. F. 526.

Sunt ea quidem à Clodio perbellè simulata. Ab aliis interea creditur ὁ δεινός ² magis extra vitia esse, quàm cum virtutibus." Mihi verò ipsi semper visum est hac in parte moderationem ³ Fimbriæ et prudentiam sequi. Quamobrem nihil me unquam de moribus τὸ δεινόν judicaturum dixi, ne aut famam læderem probati hominis, si contra judicassẽm, aut statuissẽ viderer virum bonum esse illum, in quo multa officia multasque laudes, quæ hanc ad rem pertinerent, nonnunquam desiderassẽm. Atque idem ego haud negaverim in Foxio esse nonnulla, quæ lenissimus quisque et facillimus reprehendere possit et subaccusare. At videtur eum tamen ipsa natura finxisse, ad justitiam, ad industriam, ad omnes denique amicitiae virtutes, reique publicæ rationes, magnum hominem et excelsum.

⁴ Tacitus An.
nal: 4. par. 32.

A populo, cùm se τὸ δεινόν totum permetteret, læto omnia magis quàm prospero successu gesta sunt. Sed non sine usu fuerit introspicere illa primo aspectu levia, è quibus maximi sæpè rerum motus ⁴ oriuntur. Suæ igitur oportet felicitati cives nostri illud acceptum referant, minimè posse ea, quæ ipsi nuper fecerint, ratione et modo tractari, ut quæ neque consilium in se ullum neque modum habuerint. Res quidem sua, cùm nullam præ se ferret effigiem veritatis solidam expressamque, exigebant, (quæ fuit eorum sive calliditas malitiosa sive insulstas singularis,) exigebant, inquam, rem adversariorum ad ridiculum, si Diis placet, tanquam ad Lydium lapidem. Minimè eos crediderimus sapientiæ illius, quam Shaftsburius excolebat, esse consultos. Fuit autem iis monstratum intus, et ab ipsa Natura præpositi imperatum, ut, in quo maximè ipsi valuissent, eo ipso homines se meliores prudentioresque terrerent et vulnerarent,

rent. Solet itaque nobis sæpè in mentem venire temporis illius, quo omnes illi, qui rerum momenta non potuissent perpendere, oculos tamen potuissent incertos, atque adeò animos incertiores “ pictura pascere inani.” ¹ Etenim cum Pericles staret à partibus adversis, fuit illis integrum, aut Pauson nescio quem ad suas vocare, aut Bupalum, aut virum quendam “ optimarum ² sanè artium” sed pessimarum “ partium,” cujus nomen Anglicanum, cum ἀπόρρητος esset, Στέφανον “ Graii vertèrè vocantes.”

¹ Virg. Æn. 1.

² Cic. Perorat. pro Cæl

Sufficiebant profectò operi cui pares se crediderant. Pictas per tabellas, jocis eas quidem καθημαξευμένοις refertas illud effecerunt, quod de Cleandro memoratum est. Is enim Præfectum ³ quendam ob Ægypti administrationem ἐλοιδόρησε καμωδῶς, καὶ παρέλυσε αὐτὸν τῆς ἀρχῆς ἔδρην ἀδικήσαντα.

³ Æl. Fragm.

ex emend.

Maillon. p.

1020. edit.

Gron.

⁴ Rolliad.

scriptores.

Alia autem ex parte non defuerunt, qui Camæenis ⁴ minacibus armati in studiosam illam juvenum cohortem insurgerent, liberòsque Jambos vi et asperitate prorsus Hipponactea, indignabundi distringerent. Fore tamen op-

tandum est, ut ad ultionem potiùs quàm defensionem composita fiat tabula, qualem ferunt, (quoniam Græcas ⁵ fabellas enarrare licet,) tum denique ab Apelle esse pictam, cum

⁵ Liv. lib. 28.

cap. 44.

immeritò ipse, Antiphilo ⁶ accusante, gravitèrque rege Ptolemæo irascente, penè obrutus esset infamia. Sin hoc minus fiat, aliud instituendum est opus, plus in se artis habens, neque tamen materiam ipsam superans. His enim in rebus fieri nequit, quin “ infamia sit minor vero ⁷.”

⁶ Lucian: de

Calumn: non

tem: credend:

Parag: 3. 4. &

5. unde pro-

fluxerunt pul-

cherima illa

in Præf. War-

burt. in Tom.

3. de Div: Le-

gat: Mos: p.

26.

⁷ Ov. Met:

lib. 1.

⁸ I. R. Equit.

Ecquis autem ignorat virum ⁸ illum egregium, qui ἑμοτεχνίων suorum familiam ducit, minimè solere in sententiam τῶ δέειν pedibus ire. Quin idem jure optimo dicimus de aliis ferè omnibus, qui sunt in nostra hac ætate, aut usu re-

rum, aut ingenii acumine, aut ornamentis artium ingenuarum præ cæteris habiti dictique eximii. His profectò viris causa victa quantum placuerit, dici vix potest. Nec verò superior illa esse desiit, ideò quòd inferiorem qui de-

fenſitent, plures ſunt numero, et tanquam “ juncto umbone Phalanges” ad depugnandum prodeunt parati.

Quæ cùm ita ſint, quicquid eſt in repulſa dedecoris facile ferunt ii, in quos convenit illud quod eſt à Zenone dictum πρὸς τὸ πλῆθος τῶν Θεοφράστου μαθητῶν, ὁ ἐκείνῳ χόρος (ἔφη) μεῖζων, οὐμὸς δὲ συμφωνότερος ¹. At ſtudia ſunt eorum ideò ſuis cariora et magis honorifica, ut quæ nec ſpei nec timori tribuenda ſunt. ²

Nihil eſt ſanè, cur miremur graſſandi in ſamam fortunâſque civium optimorum populo non deſuiſſe voluntatem. Impunè in eaſdem graſſandi contigiffe ei occaſionem, id verò non invidemus. Qui autem hæc tam aperte diximus, populo ut de jure diſputemus tantum abeſt, ut ei fateamur liberum eſſe ſuffragiis ſuis, quid cuique velit, vel dare vel detrachere. Atqui eundem planè et obnixè contendimus dignos ſæpè negligere,—ſæpè ea quæ pulcherrimè facta ſint, ſatiſdine ³—ſæpè eblandita ⁴ ejus eſſe ſuffragia non enucleata, ut ſtudio in iis ferendis, aut ira appareat, potiùs quàm judicium. Levis proſectò ſi res agatur, ſapiens quiſque, etiam quæ minùs laudaverit, tolerari tamen ſtatuerit oportere. In iſtis autem tempeſtatibus et fluctibus quos nuper vidimus, impetu plena omnia et temeritate fuerunt. Sin judicium id quivis maluerit vocare, ejusmodi ſanè eſt ut ferri debeat nulla alia de cauſa, niſi quòd penitùs reſcindi nequeat. Invitus hæc tanquam vulnera attingo. Quæ autem præterita ſunt, nî reprehendantur, corrigi et ſanari nequeunt. Ea porrò omnia, quæ nuper ⁵ acciderunt, iterùm ac tertio accidere poſſunt, et quod hodie nobis minùs in integro eſt ⁶ exemplis tueri, id ipſum inter exempla erit, ſi fortè ⁷ æmulos invenerit nequitia plùs æquo felix.

Quoties verſantur rerum maximarum momenta, prudentiſſimus quiſque exiſtimabit ſe non tam annumerare debere, quàm appendere ſuffragia. In rumoribus ſpernendis mentem ſolidam ſecum afferet. Elaborabit pro virili, ut optimi cujuſque ſtudioſus videatur, potiùs quàm popu-

¹ Plutarch:
Tom. 2. P.
545.

² Corn. Nep:
Att: vit: cap.
6.

³ Orat. pro
Mil: p. 475.
⁴ Orat: pro
Planc. pag.
418.

⁵ Liv. lib. 28.
cap. 41.

⁶ Tacit. An-
nal. 11. cap.
24.

⁷ ————Hitt.
4, cap. 42.

popularis. Faciles commodasque aures præbebit non nisi iis, qui mores hominum intimosque sensus per integumenta verborum et involucra, cognitos habent et probè exploratos. Novit is quidem multa, quæ inter ancipitia probata fuerint, veris mox pretiis ¹ æstimari. Homines novit ² Annal. 11. par. 26. sæpè temerarios atque imperitos, falsis rumoribus terreri, et de summis rebus consilium capere, et impelli ad facinus. Novit in mutatione Reipublicæ, fieri posse, ut adversariorum res verbosior et magis popularis sit, sua cum sit verior. Novit denique honestas rerum causas ³ ducere ad exitus perniciosos, si fortè populi aliena aut offensa sit voluntas. Hæc ille omnia animo agitans, respiciensque ad istos tumultus populares, dubitabit profectò, utrum pejor res ³ ipsa sit, an peiori facta esset exemplo. ³ Liv: lib. 34. cap. 2. Dolebit intereà naturæ humanæ infirmitate tardiora esse remedia quàm mala; neque exempla solere, unde cœperint, ibi consistere.

Hæc qui fecerit, in memoriam sibi illud revocabit, quod est à Polybio scriptum. ὁ δῆμος πᾶν καὶ τὸ πλεῖστον αὐτός. οὗ γενομένου, τῶν μὲν ὀνομάτων τὸ κάλλιστον ἢ πολιτεία μεταλήψεται, τὴν ἐλευθερίαν καὶ δημοκρατίαν· τῶν δὲ πραγμάτων τὸ χεῖριστον, τὴν ὀχλοκρατίαν⁴. Quæ autem gravissimus ille scriptor fieri intellexit cum “ mutationis in deterius “ principium existeret ab honoribus per ambitionem petitis aut negatis,” ea nos vidimus facta esse in maximo et pulcherrimo incepto.

Probè scimus esse permulta, quæ, dum fiunt, non laudentur, sed cum facta sint, plurimum fructus habeant. Horum in numero ponenda est lex illa, quæ de Rebus Asiaticis à viro quodam præclaro rogata fuit, et à proceribus regni fœdissimè antiquata. Equidem haud ignarus sum quàm flexibiles sint, hominum mentes incertæque: quantum valeant omnes rumorum et concionum venti, quos colligere cives populares consuecunt. Hac de causa, cum facienda est alicujus rei mutatio, temporum puto rationem habendam esse, populoque esse et scenæ aliqua ex parte serviendum.

Qui autem illud reprehendunt et accusant, cur in re tam inusitata Foxius quidquam novi fecerit, his ego respondendum esse statuo Canuleii verbis. “Nullane res nova institui debet, et quæ nondum facta sunt, (multa enim nondum facta sunt in nova hac Asiaticorum civitate) ea, ne si utilia quidem sint, fieri oportet ? ” ¹

¹ Liv. lib. 4. cap. 4.

At enim quo tandem jure lex ea innixa est ? Nimirum eo quod Jupiter ipse sanxit, ut omnia quæ salutaria rei publicæ essent, justa et legitima ²haberentur. Neque enim nunc primum patriæ salutem aut Brutus aut Cassius legem sanctissimam et morem optimum judicavit. ³ Est autem hominis pudentis cupidique officio satisfaciendi, ut consilium sequatur periculosum, magis, dum se optimo cuique probârit, quàm tutum, quod habere possit minus commodi et plus opinionis. Natura quidem ita comparatum est, ut qui apud Multitudinem sua causa loquuntur, gratiosi sint ; cùm adversis auribus accipiantur, quicquid à sapientibus viris dictum fuerit. Itaque in illa conversione rerum non recusandum fuit, quin magna daretur occasio improbioris famæ. Qui autem contra periculosas hominum Asiaticorum opes et potentiam tum temporis providebant, eosdem certè scio civium communi et commodo consuluisse et gloriæ. Et ⁴ Liv. lib. 6. cap. 40. verò licet illis dicere cum Claudio, “⁴ nullum factum dictumve suum contra utilitatem publicam, etsi quædam contra voluntatem, referri posse.”

² Cic. Philippic. 11. pag. 529.

³ Ibid. pag. 529.

Qui verbi invidia contumeliâque maledicti Foxium obruere volunt, ii clamitant majestatis fuisse populi Anglicani prohibere injuriam, neque pati cujusquam *regnum* ⁵ per scelus crescere. At ⁶ regem ne posthac Foxium dixerint, nisi fortè regium iis videtur in Senatu sentire liberè : non modò homini nemini, sed ne partibus quidem ullis, fracto animo et demisso servire : populi utilitati magis consulere, quàm ad arbitrium ejusdem totum se fingere et accom-

⁵ Sal. Bel. Jug. cap. 15.

⁶ Cic. Orat. pro Syll. p. 382.

accom-

accommodare : potentioribus pravè consiliantibus non cedere : projectæ eorum et effrænataæ audaciæ fortiter ob- sistere.

Sed si qui sunt, quibus injuriæ, Senatui illi illatæ, parvi æstimandæ videantur, monendi sunt ii, quòd parva ¹ ista non contemnendo, majores nostrî hanc rem maximam fecerint. ¹ Liv. lib. 6. cap. 41.

Non est hujusce loci opiniones eorum excutere, qui pertimescere se dicerent, ne fortè prærogativa regia labe- factaretur. Sæpè eos putabam, qui tantas de hac re tragœdias excitarent, non tam imprudentia falli, quàm invidia aliqua et obtrectatione impediri. Quinetiam ar- gumenta eorum pleraque videbantur nobis lepore potiùs elevanda, quàm frangenda acri contentione. Sed quan- tulamcunque ea in se vim habeant, fatis est supérque ho- rum cavillatorum sive ratiunculis sive maledictis à Burkio responsum ea in oratione, cui nihil à viris rei politicæ prudentissimis, neque addi neque demi potest.

Illam sanè Burkii orationem qui attentè diligentérque legerint, ferent illud vel acerbissimè, quod gravi et into- lerabili arrogantia nuper in Senatu nescio quis Wilberfor- cius balbutivit ; quod est voce τῆ δεινῆ importuna et sce- lerata iteratum ; quod homulorum ei temerè assentientium agrestibus et inhumanis auribus exceptum est valdè liben- ter. Ibi tum impudentissima eorum hæc fuerunt verba—de- florescere jam Burkium, et penè ineptire, siquidem, credo, non maneant pristina illa eadem concinnitas, et lactea eadem ubertas, cùm cædem non deceant. Atqui oratio ejus, annon ² canescere potiùs videtur, suàmque quandam ha- bere maturitatem et quasi senectutem ? Ego verò contem- dere ausim, ita se rem habere ; quod quidem cùm dico, meminerint isti clamatores, velim, ³ γῆρας ἐμὲ διηγείσθαι, ² Brut. P. 137. ³ Longin. Sect. 9. γῆρας δ' ὅμως Ὀμήρ.

Posse nos in quæstione vexatissima nostros pati manes lu- bentissimè consitemur. Causam verò illam per omnes juris am-

anfractus, omnésque eruendæ veritatis latebras, pro ingenii nostri modulo exploravimus. Neque est quicquam in illa à nobis repertum, quod sit minùs rectè contráve Rempublicam aut factum aut inchoatum. Feliciùs nécne res Asiæ à τῷ δεινῷ tractentur, ipse viderit. Sua, ipse viderit, consilia fuerint, nécne, ejusmodi, primo ut aspectu speciosiora visâ sint, cùm aliorum essent usu meliora. Quæ autem à nobis probata est lex, fuit eadem neque intellecta minima ex parte, neque oculis strictim aspecta à plerisque eorum, qui acerrimè de ea sunt conquesti, ejusque in auctores invecti sunt non arrogantia, nam id vulgare vitium est, sed immanitate quadam nova et prorsùs inaudita.

¹ Orat: pro
Cæl: par. 2.

Non me præterit quanta sit in Cöalitionem, quæ dicitur, invidia conflata. “ Sed aliud est maledicere, aliud accusare.” Hoc verò ipsum munus conviciandi, etsi non admiratus sum, sanè quàm molestè ¹ tuli potissimùm esse à τῷ δεινῷ susceptum. Neque enim decebat, neque ætas illa postulabat. Fatendum est autem Juvenis disertissimi eum fuisse pudorem, qui in tali illum oratione versari facillimè pateretur—Profectò has maledicendi partes nemo ex illis robustioribus, aut libentiùs arripere potuit, aut libentiùs, fortiùsque, et magis more suo, sustinere.

² Orat: pro
Cæl: par. 2.

Nobis sanè persuasissimum est, viris illis quos tanquam patruæ linguæ verberibus, et penè Censorii styli mucrone petiverit, nihil fuisse prius antiquiùsve, quàm ut Respublica ne quid detrimenti caperet. Quin causa eorum materiem satis amplam habet, non modò ad defendendum, verùm etiam ad laudandum. Nam quod objectum est de Cöalitionem vocibùsque improborum hominum celebratum ², id nunquam Foxius et Northius tam acerbè ferent, ut eos poeniteat inimicitias posse deponere. Non putârunt famam inconstantiae ³ sibi pertimescendam, si quibusdam in sententiis paululùm se immutassent. Cùm perfuncta ⁴ esset Respublica misero fatalique bello, non solùm quid sibi expediret, sed quid deceret se atque optimum esset, rationis ad normam exegerunt. Belli illius

³ Epist: ad
Len: 9.

⁴ Orat: pro
Marcell: par.
⁴.

illius vulnera existimârunt, tum demum sanari posse, si inter
diversas civium voluntates distractâsque sententias, fieret
consensus bonorum omnium conspirans et penè conflatus.
Jecerunt, quod in se fuit, fundamenta pacis domesticæ,
Atheniensiumque ¹ vetus renovârunt exemplum, atque dis- ^{Philipp. 1.}
cordiarum memoriam omnem oblivione sempiterna delen- ^{pag. 494.}
dam esse censuerunt. Lapsi sunt, non pravitate aliqua, sed
opinionem officii et specie quadam reipublicæ. Fecerunt,
quod ab Æmilio ² Lepido et Fulvio Flacco, magna cum ² Val. Max.
laude olim factum fuerat. Hoc unum iis deesse maceror et ^{lib. 4.}
doleo, quòd exempla Themistoclis ³ et Aristidis sibi ad imi- ³ Polyæn: lib.
tandum non proposuerint, ut respublica eos inter se, bello ^{1.} *Στρατ.*
jam flagrante, conciliare posset et conjungere maturiùs.

⁴ Cùm à clarissimis viris justissimas inimicitias sæpè cum ⁴ Orat: pro
benè meritis civibus depositas esse vidissem, non sum arbi- ^{Flacco pag.}
tratus quenquam amicum reipublicæ, postea quàm Foxii ^{371.}
amor in Patriam perspectus esset, novas illi inimicitias, nulla
accepta injuria, denunciaturum. Sed aliter res cecidit, atque
opinabar. Etenim τῇ δεινῇ videtur neque ipsi periculosum,
nec sordidum ad famam, committere ut accusator nominetur.
Suæ insuper dignitatis esse existimat, summum ad imperi-
um, in quo versatur, naturæ etiam acerbitem adjungere. Alii
autem cùm et temporum rationem habuerint, et quidem in-
dolis suæ ad benevolentiam paulò prœclivioris, “ Scelus tu
illud vocas, Tubero ⁵ ? ” Profectò hoc cùm facis, petulantissi- ⁵ Pro Ligaria
mè te affirmo, injustissimèque iis maledicere, qui causam ha- ^{par. 4.}
bent, vel, uti ego dixerim, meliorem quàm tu, vel uti tu, tuæ
dignitatis istos adjuutores fautoresque circumspiciens, ipse,
necessè est, fatearis, parem. Debet, meherculè, causa illa
nomine hoc tetro atque horribili, te certè quidem auctore,
penitùs vacare. Num quid subtimes, crimen hoc deponen-
darum inimiciarum, ne ad te pertinere videatur? isto libera
te metu. Nemo credet unquam tantam in te esse aut huma-
nitatem aut animi magnitudinem. Non est tuum ira atque
odio cohibendo de Republica benè ⁶ mereri. Auctoritati ⁶ Philippic: 2.
verò ^{par. 6.}

verò tuæ non est idcirco parendum, quod adversariis tuis opposuisti sanctissimum illud nomen Regis. Te enim sciōsque tuos, qui intus et in cute nōrunt, verborum pondus tuorum facile sustinebunt. Ad istos cū respiciunt, liquidō patebit inter tam diversas mentes, inter studia tam contraria, tāmque pugnantes inter se cupiditates, nullam esse posse concordiam, quæ sincera ac diuturna sit. Latebras, quæ tuo in animo sunt, si excutiant et explorant, “impunè quælibet facere, id demum judicabunt, Regem esse.”¹

¹ Sall: Bell:
Jugurth: par:
36.

² Cic: de Off:
lib. 1. pag.
501.

³ Mich. Apof.
tol. Prov.
Edit. Heins.
pag. 266.

Qui ex errore multitudinis imperitæ, et insipientium ferme omninō pendet, hic in viris magnis non habendus est.² Nihil enim ipsi potest esse certi—nihil, quod exploratum habeat permanfurum sibi unum annum. Aliter sentiunt illi qui tanquam ψάφῳνος³ ὄρνιθες, stabile quiddam, et fixum et proprium esse fortunam τῇ δεινᾷ arbitrantur. Sed mecum ii, velim, recognoscant, quo in statu res nostræ sitæ esse videantur, et quæ sint civium diversorum diversæ in eum voluntates.

Si aut obfurdescunt cives saniores, aut paulō fastidiosius subringuntur ad nomen tributī, adest nescio quis è Publicolis istis et τῇ δεινᾷ assentatoribus, qui populum miris lenociniis permulceat et titillet. Argumenta ejus, quibus φενακίζει ἡμᾶς, huc ferè redeunt.

Μὴ περιλαλῶμεν, μηδὲ πυνθανώμεθα
Τί ποτ' ἄρα δρᾶν μέλλουσιν, ἀλλ' ἀπλῶ τρόπῳ
Εἰμὲν ἄρχειν, σκεψάμενοι ταυτὶ μόνα,
Ὡς τὰς στρατιώτας, βασιλεὺς ὄντες φίλοι,
Σώζειν ἐπιθυμῶσιν. —————
Τὰ δ' ἄλλ' εἰάσω· ταῦτα κ' ἔν πεῖθηθέ μοι,
Εὐδαίμονεῖτες, τὸν βίον διὰ ἔχετε.⁴

⁴ Aristoph:
Eccles: lin.
230. & 239.

Scilicet, qui ad calculos omnia exiguè et exiliter revocant, sua in divendita et addicta sententia non erubescunt perfe-

perseverare. Alii tanquam sacramento obligati aut superstitione quadam constricti, de consilio, quod susceperint, discedere nefas esse ducunt. Quibus olim est persuasum, ubi ¹ pars civium sit, ibi imperii esse partem, ipsi illi in ¹ Liv. 8. cap. ² contumeliam ignominiamque certant suam, cum ³ crescere sibi aiunt ex eo ipso fiduciam, quod possit in Juvenis ² 4. cap. 4. ³ 28. cap. 43. unius virtute tantum esse momenti. Impetus autem multorum refederunt, non negligentia, sed quodam consilio, si quidem fatentur se, quos fugiant, habere; quos sequantur, non habere.

Πόλιν γὰρ ὁρῶσι προσάταισι χρωμένην

Ἀεὶ πονηροῖς· κ' ἂν τις ἡμέραν μίαν

Χρηστὸς γένηται, δέκα πονηρὸς γίγνεται.

Ἐπέτρεψας ἑτέρῳ; πλείον' ἔτι δράσει κακῶ. ⁴

⁴ Aristoph.
Eccles. lin.
176.

Transferunt alii ad τὸν δειῶνα, quod Tacitus de Galba ⁵ Hist. lib. 1. par. 49. scripsit; “ fuisse illum omnium consensu capacem imperii, “ nisi imperasset.” Aliorum in mentibus, cum illa dicendi vitiosa jactatio suos inter plausores detonuit, tandem aliquando videtur resurgere veræ spretæque virtutis fortior fama ⁶. Etenim quæ et facta sunt à τῷ δειῶνι et dicta in ⁶ Quintil. lib. 12. cap. 9. eadem trutina illi perpendunt, cognitumque jam artificem, aliquandòque evolutum illis integumentis dissimulationis suæ, nudatumque perspiciunt.

Mirantur profectò et stomachantur proceres sibi necesse esse tam angustè sedere inter homines, qui, nulla vel famæ vel majorum commendatione, ad honores obreperint. Per silentium verò aut ⁷ occultum murmur optimus quisque Senator excipit quosdam suum in ordinem popularibus suffragiis nuper alleetos, idque non injuria. Sunt enim, magnam partem, aut prædones Asiæ opibus superbientes, aut viri loco infimo nati et in omni civili ratione hospites ac tirones, quibus sanè edicto opus est hujuscemodi, “ *BONUM FACTUM!* Senatori novo obviam ⁸ Sucton. vit. J. Cæs. par. 80. “ *euntes curiam monstranto.*” Dolent intereà qui res ponderant

ponderant certo iudicio, iidémque indignantur, adolescentibus loquacioribus esse serviendum, et omnes, qui videantur scire aliquid, tanquam dominos timeri. Veniunt quippe illis in mentem ea quæ Ephesii, cùm civitate expulissent Hermodorum, locuti sunt, “ nemo de nobis unus excellat : sin quis exstiterit, alio in loco, et apud alios vivat.” ¹

¹ Cic. Tusc.
lib. 5. p. 2 40.

Civium de maxima parte notissimum est, eos rumoribus atque auditionibus permotos, de summis sæpè rebus consilia inire, quorum eos è vestigio pœnitere necesse sit : quum incertis rumoribus serviant, et plerique ad voluntatem eorum ficta respondeant. Inde fit, ut nihil sit illorum studiis incertius aut obscurius, totámque eorundem

² Pro Mu-
ræm: parag. 9.

opinionem parva nonnunquam commutet aura rumoris. ² Etenim non modò ipsi quid facturi sint, minùs diligenter cautèque perpendunt, sed ne tum quidem, cùm fuerit factum, quare ita factum sit intelligere possunt. Itaque illi ipsi, qui contagione olim insaniebant, ne hodie quidem scire videntur, quò amentix ipsi progressi sint. Qui autem pluris hominum famam quàm Rempublicam faciunt, levi quovis momento huc et illuc impelluntur. Sed ea est

³ Liv: Lib.
21. cap. 10.

horum hominum ratio, ut, quò leniùs ³ primò agant, segniùsque odisse incipiant, eò, cùm cœperint, perseverantiùs sæviant. His de causis perbreve quiddam et ventosum videtur extraordinarium illud Imperium, quod est τῷ δεινῷ haud ita pridem commissum. Quare caveat necesse est, ne, quantulum sit id, quod humeri ejus ferre non recusent, sæpiùs æquo ostendat, cùm res gravissimas minùs cogitatè aggrediatur. Caveat ne adolescens improvida ætate ita se erratis fraudibùsque irretiat, ut salvus esse non possit, si sanus esse ⁴ cœperit. Caveat ne quando ἀποδάλων τὴν ἡγεμονίαν cum Demetrio cogatur Æschyleum illud usurpare.

⁴ Cicero:
Tuscul:
Quæst: lib. 5.
pag. 398.

⁵ Vid. Plu-
tarch: de Mo-
narch: et
Æschyli
fragm. ex
emend:
Heathii.

Σὺ τοι μ' ἔφυσας, σὺ δέ με καταφθίειν δοκεῖς. ⁵

At illud nobis ὁ δειῖνα objiciet, 'honorem esse præmium virtutis, judicio studioque civium ad aliquem delatum, quod si quis sententiis eorum ac suffragiis adeptus fuerit, eum sibi et honestum et honoratum meritò videri. Hæc autem ne vera esse credam, prohibent ea, quæ à Quinto Cicerone dicta sunt, cùm ² propter tot tantos tamque præcipites casus clarissimorum hominum, Marcum fratrem ab omni contentione ac dimicatione revocaret. Prohibent pessimorum virorum dignitates, qui occasione aliqua, etiam volentibus suis civibus, nacti sunt imperium. Prohibent, pleni ea de re argumentis libri, plenæ sapientium voces, plena exemplorum vetustas.

Bello de Americano, acerbissimè multi conqueruntur. At vitia ejus modique unde fluxerint, illud eos habet parùm sollicitos. Nimium de re gravissima dicunt, nec tamen totum. In unum è multis belli ejus auctoribus, quicquid in buccam venerit, temerè iracundèque effutiunt. Quod quidem sibi si liceat impunè facere, satis ipsi sibi videntur, quid clamitando possint, ostendisse, etcivium satisfecisse officio bonorum. Aliis plurimum terroris iniecit regia illa potestas, quæ in præmiis et honoribus pessimo cuique deferendis, nimia esse dicitur et tantùm non prodiga. Sed causas rerum earum, quæ nuper acciderint, ipse cùm requiro quæ verisimillimæ sint, alio ex fonte mihi videtur, quicquid est malorum, in patriam esse derivatum. Est enim hominum quoddam genus, qui primos se rerum omnium *videri nolunt* et tamen *sunt*. ³ Quòd si dominandi libido tam effrænata τὸν δειῖνα tenet: si "Julus ille noster" quærît impensius, "Unde suo partus Marte triumphus eat," hostes ei, quos republica incolumi superet, cohors Aulica cumulatissimè præbebit—Quare præmia si cupit ἀνδραγαθίας καὶ πατραγαθίας ⁵ reportare, oro illum obtestorque, ut omnes iræ aculeos in istos insidiatores dirigat—Hastas, velim, oratoriis viribus lacertisque non amentatas torqueat in θηρία,

¹ Brut. pag. 152.

² De Orator. lib. 3. pag. 124.

³ Terent: Eunu-
ch: Act. 2.
Sc. 2.

⁴ Ov: Epist:
Did.

⁵ Plutarch: de
Vitiis. Pud.
pag. 534. &
Apophteg.
pag. 183.

quæ, si patri ejus credendum est, deliteſcunt, et quidem jamdiu deliteſcunt, καὶ ἐν μέσῳ τῷ θρόνῳ καὶ ἐν κύκλῳ τῷ

¹ Revelat: cap. θρόνῳ, γέμοντα ὀφθαλμῶν, ἔμπροσθεν καὶ ὀπίθεν. ¹

⁴. et Orat:
Comitis de
C——m.

Mancam ac debilem esse rempublicam, non is sum, qui pernegem. Paucos tamen esse concesserim, qui medicas ei manus adhibere aut possint aut debeant. Quare consiliorum, quibus ea jamdudum geritur, paulò altius repetenda est ratio; exponendumque quid potissimum agant aut agere velint ii, quibus, vel intercesserit olim cum τῷ δεῖνῳ amicitia, vel etiam nunc intercedat.

De his autem mihi cogitanti primum ante oculos obversatur vir ille nobilis, ejus sub auspiciis omnia quæ comota fuerant, pace atque otio resederunt, cuiusque mira est, qua stat à promissis, constantia et fides. ἐπεκλήθη γὰρ Δώ-
σων, ὡς ἐπαγγελτικὸς μὲν, ἔτελει δὲ τῶν ὑποσχέσεων. ²

² Plutarch: in
Vit. Coriol:
p. 218. & Paul.
Æmilii 258.

³ Claudian: in
Eutrop. lib.
2.

Sunt qui credant hunc virum ferè primam fuisse mali originem, geminasque inter partes, (id quod de Rufino ³ dicitur,) discordiam, hoc auctore, exstitisse.—Calculum illis, qui ita judicant, ut meum adjiciam, hæc potissimum me impellunt.

Qui consilium in ipso negotio capere coguntur, modicè solent titubantèrque agere. Dofoni autem ita sunt meditata et provisa ferè omnia, ita est ipse totus fallaciis conflatus, ita ad insidiandum nocendumque συγκεκροτημένος ⁴, ut, res si qua præter spem et opinionem acciderit, ea, quid possulet, intelligere et è vestigio aggredi possit. Idoneum, quo hoc faciat, auctorem habet; legerat quippe in Livio, ⁵ boni ducis esse, non deesse fortunæ præbenti se, et oblato casu flectere ad consilium.

⁴ Demosth.
Olynth. I. et
Theocr. Idyll.
15.

⁵ Lib. 28. cap.
44.

Honoribus sibi inhianti et primarium semper petenti locum impedimento novit esse mitem illam Lælii ⁶ sapientiam, quæ ad salutem patriæ perofficiosè et peramanter incumbens, benevolentiam et charitatem omnium sibi adjunxisset. Itaque adeò, cum morte vir ille amabilis esset extinctus, fore

Dofon

Doson credebat, ipse ut in campo puro ac patenti versari posset. Pectus continuò illud suum secundum concussit totum. Statuit aut dolos cum præclaro successu versare, aut in certam incurrere perniciem. Expulsis igitur omnibus, qui aut consilia ejus rimari possent, aut ambitioni vellent acriter resistere, socium sibi in republica procuranda τὸν δεῖν adjunxit.

Imperii autem inter consortes rarissima est fides, siquidem, quæ amicitias hujusmodi conglutinat utilitas, ¹ eadem, temporibus paululùm mutatis, aut dissuit illas aut planè dirumpit. Doson non modò spe sed ipsa potentiae et honorum possessione deturbatus est. Paucis post mensibus, monitore illo atque adjutore, summam dignitatem ὁ δεῖν occupavit. Per quem autem virum, ipse, cùm in Senatu propter pubertatem ² minimè posset, gratia olim creverat, ejus ad potentiam minuendam opibus nervisque omnibus ὁ δεῖν usus est. Scilicet in secundis Doson voluit ita consistere, ut primo ³ esset propior quàm tertio. Sed repulit illum atque illiberaliter aspernatus est Juvenis, qui “ferre quentquam potest nec priorem nec parem.” ⁴ Quid ergo? fortunæ ait Doson minimè se invidere et virtuti C. Syllæ, qui jactaverit inter amicos sibi in fatis fuisse γέροντ, παῖδαν ἀγῶνας ἀγωνίζεσθαι. Veterem illum nunc demum præ se fert morem officii, non infuscatum malevolentia, non assuetum mendaciis, non eruditum artificio simulationis vel suburbano vel etiam ⁶ urbano. Otia dicit sese inglorium amare, “⁷ Sylvāsque, et vitam quæ fallere sit nescia ⁸.” In urbe mustitat, potiùs quàm ruri posse jam ab aliis *secretum* illud iter reperiri. ⁹ Qui autem *boni* ¹⁰ *viri* (ita enim est ille à quodam honorificè dictus in Senatu) officiis fungitur, is ne malus sit civis, prohibent multa, quò minùs ve-reamur.

Minas possumus contemnere vocemque fulmineam Thra-sonici istius Oratoris τῇ τὰς ὀφρῶς νναίας ἐπηρεάτος ¹¹, cujus

¹ C: de Amic: pag. 544.

² Cæs: de Bell: G. l.4. par. 20.

³ Quintil: lib. 10. cap. 1.

⁴ Lucan: l. 1.

⁵ Plutarch: Vit: Pompeii p. 625.

⁶ Orat. pro Planc. p. 119.

⁷ Vid: Orat: M de L.

⁸ Virg. Georg. 2.

⁹ Horat. Epist: 18. lib. 1.

¹⁰ Hor. ep. 16. lib. 1.

¹¹ Lucian: Tom. 1. p. vul- 367.

¹ Horat. Sat. 9. lib. 1. vulticulum, uti ¹ Noviorum istius minoris, ferre posse se negat Quadruplatorum genus omne et Subscriptorum. Quid enim? ² truculentus semper incedit, tetérque, et terribilis aspectu. De supercilio autem isto quid dicendum est? annon reipublicæ illud quasi pignus quoddam videtur? annon senatus illo, tanquam Atlante cœlum, innititur?

Ferunt profectò Novium in “summa feritate esse verstissimum, promptumque ingenio ultra Barbarum.” Quod si demferis illi aut σφοδρότητα quanta in Bruto fuit, aut πικρότητα verè Menippeam, aut προσώπις σκληρότητα propriam et suam, faciliè eidem juris nodos legumque ænigmata ad solvendum permiseris.

⁴ Brut. pag. 149. Fervido quodam et petulanti genere dicendi utitur, eodémque, nec valdè nitenti, nec planè horrido. Solutos irridentium cachinnos ita commovet, ut lepores ejus, scurriles et prorsùs veteratorios diceret. Omnia loquitur verborum fanè bonorum cursu quodam incitato, itémque voce, qua ne subsellia quidem ipsa desiderant pleniorē et grandiorē. In adversariis autem lacerandis ita caufidicorum ⁵ figuras jactulatur, ita callida et malitiosa juris interpretatione utitur, ita furere et bacchari solet, ut sæpè mirere tam alias res agere optimates, ut sit penè infano inter disertos locus.

⁶ Tacit. hist. 2. cap. 82. ⁷ — Hist. 2. cap. 76. ⁸ — Annal. 12. cap. 8. ⁹ Tacit. Hist. cap. 53. ¹⁰ Juvenal Sat. 4. Fuit ei, perinde atque aliis, fortuna pro virtutibus. Dicit autem à Muciano, satis clarum esse apud timentem, quisquis ⁷ timeatur. ⁸ Corpore ipse ingens, animi immodicus, verbis magnificus, et specie inanum magis quàm sapientia validus, studia ad se Optimatum ⁹ illexit, eamque adeptus est auctoritatem, quæ homini novo pro facundia esse posset. Scilicet, quæ bonis ¹⁰ Titio, Seioque turpissima forent, Novium nostrum maximè decent, siquidem è subsellis elapsus de Tribunali nunc pronuntiet, et ex Præcone actionum factus sit institor eloquentiæ senatoriæ. Quam igitur in civitate gratiam dicendi facultate Q. Varius ¹¹ consecutus est, vastus homo atque fœdus, eandem Novius intelligit, illa ipsa facultate, quamcunque habet, se esse in Senatu consecutum——

¹¹ Cic. de Orat. lib. 1. P. 94.

——— “ Ellum, *confidens, catus* :

Cùm faciem videas, videtur esse quantivis preti :

Tristis severitas inest in vultu, atque in verbis fides.”

¹ Ter. And.
Act. 5. Sc. 2.

Arrogantia in dicendo et acerbitas, habet illa quidem nonnunquam gravitatem. Qui autem tetricum quiddam et vultuosum nunquam non confectatur : qui rem quamque iustissimam vel acutulis impedit conclusionibus, vel attenuat affligitque improbulis fallaciis : qui adversarios semper conatur conviciando atque obstrependo verberare et frangere, is sanè et in litigioforum grege et sophistarum, annumerari debet. Verba hæc, quid velint, itémque alterum ab altero, quantum intersit, melius ipse ab Aristotele, quam à nobis audièrit——*ὥσπερ γὰρ ἡ ἐν ἀγῶνι ἀδικία εἰδὸς τι ἔχει, καὶ ἐστὶν ἀδικομαχία τις· ὅτως ἡ ἐν αὐτιολογία, ἀδικομαχία ἐστὶν ἐρισική*——Οἱ μὲν ὅν τῆς νίκης αὐτῆς χάριν τοιᾶσιν, ἐρισικοὶ ἄνθρωποι καὶ φιλέριδες δοκῶσιν εἶναι· οἱ δὲ δόξης χάριν τῆς εἰς χρηματισμὸν, ² σοφισαί.

² Aristot.
Soph. Elench.
lib. 1. cap. 11.

At meam de se opinionem si legat Novius, etiam atque etiam illum hortor

Μή μοι γορφεῖν κεφαλὴν δεινῷ πελώρῳ

³ intorqueat. Quod in alios sæpè usurpat, triste atque asperum dicendi genus, illud ipsum, credo, maximè exhorrescet in se intentatum.

² Lib. 9. ep. 6.
Att.

Sed si quid “ dictum in se inclementius

Existimàrit esse, sic existimet : sciat

Responsum, non dictum esse, quia læsit + prior : ”

In iis, quæ sequuntur, telis ego Novium secundis ⁵ petam ; imò verò ad hilaritatem illam et suavitatem, qua propè jam delectantur homines, me convertam.

⁴ — Ter.
prol. Eunuc.
⁵ Ovid. Met.
lib. 3. l. 307.

Brevi fore spero, ut vigiliis senioque confectus, curas super urbe civiles libentissimè deponat, satísque habeat sibi licere,

——— *Εν εἰρήνῃ γε διάγειν τὸν βίον*

⁶ *Ἐχονθ' ἐταῖρον.*

⁶ Aristoph.
Pax 438.

Senilem verò amorem si quis putat subturpe quiddam esse, et tanto vitæ splendori labeculam aspergere, “est ille quidem valdè severus”. Latine non accusatoriè dico, potuisse Novium satis spectatum probatúmque civem videri, si in omni ejus vita nihil esset magis inhonestum, quàm quòd cum ancillula “senex miles” divortium non fecerit. ²

¹ Orat. pro Cæl.

² Philipp: 2. par. 10.

³ Æn. 11. 1736.

⁴ Orat. pro Muræ: par. 12.

Qui autem prima jam inde ab adolescentia, et forensibus concertationibus et quidem bellis ³ nocturnis, non sine gloria militavit, eundem credibile est, accedente jam senectâ, meliorem posse leniorémque fieri. Satieta abjecisse videbitur, quicquid in se corrigendum, ⁴ aut leviter inflectendum sit. Quod dixerit, interdum, si ita rectius sit, mutabit. De sententia decedet aliquando. Exorari se et placari nonnunquam patietur. Quibus horribilia ista nunc minitatur, levius cum iisdem et urbanius aget verbis hisce Aristophaneis

Ουκέτ' ἄν μ' εὐροῖς δικαστὴν δριμύν, εὐδὲ δύσκολον,
 Ὅυδὲ τὰς τρόπας γε δῆπρ σκληρόν, ὥσπερ καὶ προῦτ'
 Ἄλλ' ἀπαλόν γ' ἄν μ' ἴδοις,
 Καὶ πολὺ νεώτερον, ἀ-
 παλλάγεντα πραγμάτων. ⁵

⁵ Aristoph. Pax 348.

Parùm nos movet ἡ πολυπραγμοσύνη nobilis cujusdam viri, cujus ego nomen sciens prætereo, ne opus tendam ultra legem, qua, ne quis Magnatibus flagitium faceret contumeliamve, prudentissimè cautum est. Signis erit perfacile hominem describere, qui odio possit vincere regem ⁶ sermonisque adeò amari sit, ut nec civium nec Ducum ullorum unquam famæ pepercerit. Themistoclem is cùm oderit, Aristidem tamen non amat. Quamquam justum ipse se neque esse neque videri plus nimio cupit, ita tamen est propositi tenax, atque

⁶ Horat: lib. 1. Sat. 7.

ἀνθρώπου,

ἀνθρώπων, ut ne Pythium quidem oraculum de ligneis muris possit cum à machinis et deliramentis suis unquam deflectere aut divellere—At verò arrogantiae ille per omnem vitae cursum tantam speciem praebeuit, tantamque in publicis muneribus pertinaciae habet opinionem, ut ineptiae ejus atque imperia, ne iis quidem, qui ipso amico usi sint, diu perferenda videantur. In rumoribus sanè quidem illis, qui famam τῆς δεινῆς perstringunt, habet populus Anglicanus aures hebetiores. Sed oculi sunt ejus acres et acuti in consiliis dispiciendis, quæ Miso-Themistocli unicè sunt cordi. Id adeò malum, quod ex magnis et parùm fructuosis expensis nascitur, apud Anglos non minùs quàm Athenienses in proverbium abiit—τὸ Ἰππάρχου τεῖχος.¹

¹ Mich. Apotol. Paræm. p. 240.

Ne Clodii quidem ipsius mendacia, quæ regibus quondam esse formidini solebant, risum jam aut admurmurationem auditoribus eliciunt, quippe quæ iterùm et sæpiùs conflata sunt usque ad tunicati popelli fastidium.

Quatuor hosce viros, h. e. Dosona, Novium, Miso-Themistoclem et Clodium, dixi quare non ita vehementer reformidandos esse statuerim. Verùm enimverò qui cuniculis et ambagibus et susurris moliuntur omnia: qui in ipsis penetralibus imperii nidulos sibi ponunt, tanquam speculatores miseriarum omnium et discordiarum: qui consilia sua huc atque illuc torquent et flectunt ad tempus: qui rempublicam aut infirmam labefactant, aut validam vigentemque arrodunt: qui juvenes in pulverem et Solem, vita ex umbratili proripientes sese, tollunt in altum, ut lapsu eosdem graviori præcipientes agant: EORUM profectò ab insidiis nihil non extimesco.

Eccum tibi Thrasylbulum² istum ἀνδρὰ τρισκαιδεκά-² ep. 3. lib. 8.
πην, ³ cujus vultum habitumque si spectas, erit tibi ³ ad Att.
ad jocandum satis bella materies. Dicendi autem genus ³ Theocr. Id.
quale sit, si quæris, nihil ei inest limatum politumque, 15.

nihil sine asperitate et offensione, nihil non incisum angulis aut anfractibus contortum. His accedit lingua volubilis, ferreum os, atque importunum; vox denique, quæ vereor ut perinde intelligi legendo possit, atque ego ipse eam exaudiverim. Sonat illa quidem, ipsa natura, subraucum quiddam et subagreste. Faucibus modò

¹ Quintil: lib. 11. cap. 3. strangulatur tumentibus, modò rasis asperatur.¹ In summa

laterum nunquam defatigatorum contentione non solùm concitata fit, feriènsque aëra et aures duriter dilacerans, sed fracta identidem, et elisa, et in κλώσμον subitò erumpens. Vitium esse quoddam dicit Tullius, quod nonnulli de industria consecretur, rustica ut vox sit, atque antiquitatem sonet.² At eam, quæ extra modum absona atque absurda esset, neminem vidi, Thrasymbulo excepto, qui non aut effugere cuperet, aut exquisitis remediis dissimulare conaretur et tanquam liquido³ plasmate emollire.

² De Oratore lib. 3. pag. 125.

³ Pers. Sat. 1.

Thrasymbulum qui viderit ad partes modò has, modò illas, sese convertentem, ἢ ἀν γνῶνι ποτέροισι μετέειη.⁴

⁴ Il. 5. l. 85.

Nempe verissimum ei et apprimè utile Marianum illud videtur, “præstare in republica beneficii⁵ quàm maleficii esse immemorem.” At quod tandem maleficio potest unquam fieri in illum, cujus voluntatem solet potentior quisque aut impellere quò velit, aut, unde velit, deducere? Thrasymbulo igitur salva res est, eò quòd non erubuit.⁶

⁶ Terent: Adelph. Act. 4. Sc. 5.

⁷ Orat. pro Lege Manil.

Nonnullos ait Tullius “se vidisse, qui, oratores evadere cùm non possent, juris ad studium devenissent.”⁷ Thrasymbulus autem noster hancce urbanam ad vitam et actuosam accessit, longè aliter subducta ratione. Nec verò mirandum est, novum sibi eum invenisse aucupium, cùm egregius magister artis ingeniique largitor sit venter. Domi ille quamdiu habitaret, ima ad subsellia detrusus est, habitusque etiam à vulgo, non solùm horridus incultusque Orator, sed infans et penè insipiens. Profectò in dicendo quid posset,

ne judices ¹ quidem satis attendebant, siquidem pulchrè nôf-
sent illum in clamando esse robustum et benè exercitatum.
Hoc igitur unum deficit prosperam ejus ad fortunam, quòd,
duæ cùm res, quò magis in foro diceret, confidentia ² et vox
non deessent, malè tamen res ei cesserunt. At verò, quem
populares sui existimabant Leguleium, Blateronémque, et
syllabarum Aucupem, et formularum Cautorem merum;
ei in fatis fuit, ut cum disertissimis hominibus et ad dicen-
dum paratissimis, pugnaret olim decertarétque.

Solum utique cùm vertisset, (id quod sæpè factum est ab
iis, qui aliquam vel pœnam vel calamitatem subterfugere
volunt,) aliam ingressus est viam. Legerat, credo, moris
fuisse Germanis, jumenta ³ quæ viderentur apud se prava
atque deformia, hæc, quotidiana exercitatione, summi ut
essent laboris, efficere. Curavit itaque ὑποζυγιάδης ἀνθρω-
πος ⁴ ut in se conspicerentur, cùm fortitudo ea, quæ sit confi-
derata periculorum susceptio, tum ea patientia, quæ rerum
difficilium voluntaria et diuturna perpessione constet. ⁵ Merita
fore sua credebat magis expressa atque illustriora, si palàm
profiteretur neminem in se uspiam reperturum esse, aut segni-
tiem arduis in negotiis, aut in iis quæ subturpicula et subodi-
osa essent, fastidium nimis delicatum. Omnibus igitur omnia
⁶ annuens, potentiorum ad gratiam sensim arrepsit. Mili-
tiam ⁷ mox Senatoriam, sollicitudinis illam et stomachi
plenissimam, secutus est. Semper habuit ὡς ἐν ὑγερῷ γλῶτ-
ται. ⁸ Commoda enumeravit pacis, opum, potentiæ, pe-
cuniæ, vectigalium, militum, quorum quidem omnium
utilitates suo ipsius fructu metitus est. Multorum, salva dig-
nitate sua qualicunque, arrogantiam pertulit, difficultatem
exforbuit; inò dixit omnia fecitque ad arbitrium aliorum.
Inviçto hoc labore et penè improbo cùm potissimùm inni-
teretur, paulò latiùs dimanabat ὑπὲρ τῆς ἀνθρώπου κλέος

¹ Divinat. in
Cæcil. par. 12.

² Nonius in
fragm: Cice-
ron.

³ Cæsar de
Bell. Gall:
lib. 3.

⁴ Mich. Apost.
Cent. p. 249.

⁵ Cicer: de In-
ventionem lib.
2. pag. 88.

⁶ Catull.
Epith.
Jul. et Manl.
⁷ Orat. pro
Muræn. par. 5.
⁸ Theophras.
p. 25. Edit.
Caf.

⁹ Aelian.

Fragm.
¹⁰ Tacit: Hist.
1. cap. 15.

eorum

σοβαρώτατον.

Suadere ¹⁰ Principibus quid oporteat.

multi laboris rem esse, expertus confirmat. Omnia verò

¹ — Annal.
². cap. 38.

eorum ¹ laudare honesta atque inhonesta, id demum sibi moris esse, id è re sua, id penè ex officio confitetur. Verbis itaque suis nomen aliquod speciosum non prætexit. Palàm et apertè cum Marco Terentio loquitur, “ ² non est “ nostrum æstimare quem supra cæterós et quibus de cau- “ sis extollas. Tibi summum rerum iudicium Dii dedere : “ nobis obsequii gloria relicta est.”

³ Epist. ad
Att. 8. Lib. 6.

Dulci jam ebrius fortuna inter principes artium primarum, nomen profitetur suum. Liceat modò sibi repul- sam effugere et raudusculum ³ contrectare, velle se ait quidvis et facere et pati. Quin eò usque levitatis progressus est, ut magni nominis in umbra delitescere se existimet, quoties Ciceronis verba, ab animo ea quidem Ciceronis haud parcè detorta, propositis suis prætendat, tutàsque ad aures obganniat, *Se se non semper idem dicere, sed idem semper spectare.* ⁴

⁴ Tull. Epist.
Fam. i. 1. 9.

Hæc qui facit, is, mihi crede, intelligit se, suis quod probabile gratúmque sit, esse facturum; neque enim, cùm opiniones maximè inter se discordantes complectitur, non constat sibi. Prius nempe ei cariúsque nihil est, quàm ut Persona, quam sustineat, ab incepto ad imum eadem procedat : ita tamen, ut rebus ipsis mutatis, sua semper penitúsque mutantur consilia, atque ὁμαλῶς illud ἀνώμαλον ⁵ lepidissimè fervetur.

⁵ Aristot.
Poet. Cap. 15.

Fortuna quid possit, quoties in hominibus omnia audacissimè incipientibus velit joculari, Thrasylbulus iste exploratum habet—Illud quoque in animo habet infixum, suam cuique mores ⁶ fortunam fingere, et multos posse, suo magis quàm suorum civium tempore perpetua quadam felicitate uti. Quare non ⁷ disputandi solùm causa sed ita vivendi, voces illas Pompeianas crebrò usurpat, ὅτι τὸν ἥλιον ἀνυτέλλοντα πλείονες ἢ δύόμενον προσκινῶσι ⁸. Multa insuper novit sibi peculiararia contigisse, quæ ad po- tentiam

⁶ C Nepos in
Vit. Att.

⁷ Orat. pro
Muren. par.
13.

⁸ Plutarch. in
Vit. Pompeii
pag. 325.

rentiam et χρυσὸν θέρος ¹ munirent viam. Etenim famam, ante collectam ² quò servet, Thraſybulò nostro minimè opus est, ut causa, in qua versetur, vel ad commemorandum sit honesta, vel æqua ad probandum. Eam cùm ingreditur, nihil habet quod in offensione deperdat. Ea si cadit flagitiosissimè, nihil unquam de veteribus suis ornamentis requirit. Reliqui autem temporis spem confirmat tum maximè, cùm, sceleratis ne periculum facessat, permetuens, ex eo quod in dicendo possit, aliquantulum remittat, aliorumque ex invidia quicquid deoneraverit, id omne in se ipsum trajici patiatur.

¹ Plutarc.
Præc. ger.
Reip. p. 798.
² Divinat: in
Cæcil: par: 18.

Hoc ab uno discas licet, quales sint plerique omnes, quos principum amicos appellitant. Atqui hinc omnis pendet ὁ δεινός. His stipatus, contra quam factum oportuit, rerum ad fastigia aspiravit accessitque. Hos è latebris eorum prorepentes, in publicum comites secum eduxit: imò fortunæ secundæ jam intolerantior quasi famæ suæ quosdam fautores ac participes consiliorum, HOS

Proh Curia, inversique mores,³
in conspectu Senatûs Anglicani fidenter collocavit.

³ Horat: lib. 3.
Od. 5.

Ergo referens hæc nuncius ibit

Pelidæ genitori: hæc illi tristia facta

Degenerémque Neoptolemum narrabit. ⁴

⁴ Virg: Æn. 28

Quamquam ego Civilibus fluctibus nunquam me commisi, optimarum tamen Partium semper volui esse et existimari; semperque mei iudicii ita fui, ut, quod mihi ipsi videretur verum et æquum, facerem et sentirem, potius quàm quod alii forent laudaturi. Erunt profectò qui causam mirentur eam à nobis potissimùm probatam esse, quæ sit à Rege et à Senatu ipsòque Populo penitus deserta. Alii verò difficilem quandam temperantiam postulant in eo, quod coerceri reprimique non debet, ut propemodùm justioribus
utamur

* Tacit. Hist.
lib. 7.

utamur iis, qui nos sentire quid velimus ¹ prorsus vetent, quàm iis, qui contumeliosum quiddam esse statuunt dicere quid sentiamus. Sed causa certè quidem manet eadem, neque ullo modo mutabitur. Temporis autem iniquitas atque invidia ita recessit, ut quod in tempore mali fuit, minùs jam obesse possit: quod in causa boni, id demum aliqua ex parte sit profuturum.

De Pol.
Stat. M. Brit.
A. D. 1787.

² Tacit. Hist.
1. 1.

⁴ Ibid.

Illud interea non prætermittendum est, quòd tres per annos proximos, fautores τῷ δεινῷ quocunque in loco, quoscunque inter homines, effutierunt convicia deformia. Scribendi labor, est ille quidem imperitis, et turbæ pulatæ quondam relictus. Sed cùm in acie quidam ² homo nuper steterit, qui litteras haud omninò nesciat, cùmque sit, propè sub conatu adversarii, manus erigenda, ἀισχροῦ σιωπῶν. Dicit scriptor ille “ ³ Galbam, Othonem, Vitiellum, sibi nec beneficio nec injuria esse cognitos.” Dicere debuit, se eum esse, qui “ dignitatem ⁴ suam, à Vespasiano inchoatam, à Tito auctam, à Domitiano longius provectam non abnuisset.”

⁵ Acad. Qu.
lib. 3. pag.
291.

⁶ Terent.
Prolog. ad
And.

Est quidem causa illa, si per se spectatur, perfacilis et explicata. Artibus autem hominum improborum effectum est, ut ei defensionis ratio lubrica et periculosa sit proposita. Judicium de me quodcunque demum fuerit, modò stet illud penès sapientes ac bonos, ei certè ferendo parem me fore intelligo. At cavendum est, qua possum, ab iis, qui in verba τῷ δεινῷ, quæcunque ἀν φάιν, superstitione plusquam Pythagorea obligati jurant: qui ad novam hanc civilem Disciplinam tanquam ad saxum ⁵ adhærescunt: qui denique aliorum sententias aut pejorem in partem interpretantur, aut intelligendo faciunt, ut nihil intelligant ⁶—Meminerint ii, velim, si librum hunc nostrum legerint, et refellere se oportere sine iracundia, et reselli sine contumacia. Studiis porrò postris desinant maledicere, ne ἐνορχηληδὴν in Rolliade olim cantati, malefacta ipsi noscant

noscant sua. Horum igitur in suspiciones ne fortè incurramus, qualis de summa Republica sit nostra opinio, paulò enucleatiùs exponendum est.

Patriæ vulnera vel acerbissima et posse crediderim et solere ab iis infligi, qui in libertate vindicanda acerrimos sese profitentur: qui de civitate, quæ omnibus numeris absoluta et perfectæ sit, decantatas illas fabellas garriunt: qui denique Romuli ex sæce ipsi videntur tum denique prodiiisse, cùm Platonis de πολιτεία magnificè animosèque ineptiunt. Illud etiam arctè et mordicùs tenemus, vim penè omnem et robur imperii esse situm in Senatu: cujus qui aut dignitatem clanculùm minutatimque læserit, aut nervos subdolè et malitosè eliserit, in eodem is habeatur numero oportet quo patriæ hostes judicati. Regio quidem nomini ut infensi simus, mirum quantùm abest. Regia ut potestas, qualis à legibus descripta sit, facta tecta conservetur, id verò confitemur esse è re civitatis benè constitutæ et benè moratæ. Regi porrò ipsi, si quod unquam signum sustulisset ad benè sperandum de republica, et gratiam vel maximam et laudem deberi semper exultavimus. Quicquid autem privata in vita justè pieque Rex fecerit, gloriandum semper putavimus vehementerque prædicandum, proptereà quòd Principes ita sunt nati, ut eorum mores vel boni, vel mali, publicè ad civitatem pertineant. At verò qui et cum Cassio

τὸν ἄρχοντα ¹, et cum Bruto ἀρχὴν omnem omninò oderunt ex animo, eos paulò stomachosius animadvertimus in aula nuperrimè volitare. Quid enim? quem foedissimis ipsi conviciis haud ita pridem laceraverant, ab eo τῶς τυραννικῆς φιλοφροσύνης ² καὶ χάριτας petierunt precariò, cupidè, instantèr.

Fuerunt profectò viri, ut in temporibus illis sapientes habiti, qui dicerent nihil esse tam insigne ad infamiam, tamque ad memoriæ diuturnitatem stabile, quàm id, in quo eos offenderis, qui et plumbeas ³ gerunt iras et lon-

¹ Plutarch. Vit. Bruti p. 937.

² Ibid.

³ Plaut. Pænul: Act. 3 Sc: 6.

* Ovid : et
Cowleii
" Complaint'
sub fin.

gas¹ manus habent. Quin ab Heroicis usque temporibus
eadem ducta est opinio ; siquidem in Homero legimus,

Κρείσσων γὰρ βασιλεὺς, ὅτε χῶσεται ἀνδρὶ χέρῃ·
Εἴπερ γὰρ τε χόλον γε καὶ αὐτῆμαρ καταπέψῃ,
Ἀλλά γε καὶ μετόπισθεν ἔχει κότον, ὅφρα τελέσῃ
Εὐ σήθεσσευ ἰοῖσι.²

² Iliad. 1.

Verùm enim verò in nostro hoc seculo plura sæpè pec-
cantur ab iis qui populum regémque demereri volunt, quàm
ab iis qui et hunc dente Theonino vulnerârunt, et illum
fallaciis verborúmque præstigiis deliniêrunt et transversum
egerunt. Nobis proprium hoc et peculiare est, ut principes
odiosum illud τὸ μυησικακεῖν defugiant, sêque præbeant
nunc his, nunc illis, placabiles et perbenignos et quodam-
modò Ἀλλοπροσάλλας.³ Et quidni ita faciant ? Qui enim
heri et nudiustertius contumaciam abruptam præ se fere-
bant, eosdem illos posse constat, si res tulerit, bo-
nam ad frugem redire : posse quicquid in se superbix aut
feritatis fuerit, penitùs deponere : posse animos suos flec-
tere et demittere ad obsequium deforme.⁴

⁴ Tacit: Ann:
lib 4. par. 20.

II nos quidem non sumus qui statuamus ex officio boni
civis esse πρὸς κέντρῳ λακτίζειν. Contra ea ut quisque de
Republica optimè senserit, ita maximè eum crediderimus
reformidare dicendi difficultatem—At videtur tamen ab
eo quod vel decorum vel honestum sit minimè abhor-
rere, si cautè nosmet ipsi timidèque digitos ad fontem in-
tendamus.

Ea nimirùm conditio est rerum humanarum, ut, qui
Flavia è gente nec primus nec secundus sit, summo in
imperio possit versari. Potest etiam vis in civium jura
sensim et pedetentim ab iis inferri, qui velint ipsum flo-
rem dignitatis refringere, qui oderint⁵ ingenium, qui vir-
tuti invidéant, eámque opprimendam putent atque etiam
puni-

⁵ Orat: pro L.
C. Balbo pag.
458.

puniendam. Populus autem qui statuerit tum denique HÆC
falva esse, cùm ex unius pendeant arbitrio et nutu, idem
ille, fieri non potest, quin brevis atque insolentis lætitiæ
pœnas det graves ac diuturnas. ¹

¹ Orat. Cæs. in
Bell. Cat. Sall.

Hæc nos προθεσπίζοντες ² scripsimus, idque nec ro-
gatu cujusquam, nec quò potentiorum nobis gratiam
posse conciliari existimemus. Si quis autem vitio nobis id
vertat, multis nos laudibus extulisse tres illos viros, quibus
Bellendeni opuscula dedicavimus, plurimum illa, quæ pos-
sunt ipsi de se jure et merito prædicare, nostram ad defensio-
nem profecerint. Ἀρκεῖ γὰρ (ὅμαι) τὸ τὰ Πινδάρου, πρὸς τὸν
λέγοντα πανταχῶς, καὶ πρὸς πάντας ἑπαινεῖν αὐτὸς, ἐιπόντος,
Χῆμαις σοι χάριν ἀποδίδομεν, ποιεῖμεν γὰρ σε ἀληθεύειν. ³

² Epist. ad
Att. 11. lib. 8.

³ Plutarchi de
Vitios: Pud:
Tom. 2. p.
536.

Quòd de viro ⁴ quodam optimo et nobilissimo, cùm dicere
multa habeam, nihil tamen compositè atque honoratè dixi,
hac quidem in re memor fui Antalcidæ, qui, “Sophistæ
cuidam laudationem Herculis recitare volenti, respondit”

⁴ D de P—d.

Τίς γὰρ αὐτὸν ψέγει; ⁵

⁵ Plut. Lacon.
Aprophthegm.
pag. 217.

Periniquos autem hominum malevolorum fermunculos,
scurrilémque semidoctorum dicacitatem, et alia omnia
quæ in cultores veritatis cadere solent, despiciamus et pro
nihilò putamus. Ita enim nos Dii ament, ut nulla in
quempiam malignitate aut livore inflammati sumus. Cau-
sam odimus non homines, quod quidem fidentissimè dici-
mus de eo juvene, in quo lubentissimè confitemur virtutis
et ingenii igniculos quosdam illuxisse, cùm curriculum
gloriæ primùm ingrederetur. Est autem inter carceres et
metas intervallum satis longum καὶ πόλλα μέταξυ πέλει.
Quin via ipsa tam lubrica est, et confragosa, et virgultis
hic illic interclusa, ut in ea vel progredi quisquam vel
consistere sine casu aliquo et prolapsione vix possit. Quid
est quòd dissimulem ea, quæ sentiam? Profectò collegiæ
illum videntur detraxisse de cœlo atque effecisse, non
ut suorum esset omninò similis, sed ut plus æquo dissimilis
esset

esset sui. Ego illum pro ejus muneris, quod gerit, majestate
 2 Liv. 9. cap. et 1 verecundia, ne verbo quidem inclementiore à me appel-
 34. latum vellem. Sed ea, quæ dixi, coegerunt me dicere pervi-
 cacia ejus et arrogantia, coegerunt isti, quos in optimum
 quemque immittit, aculei asperrimarum contumeliarum, coe-
 gerunt denique malè parta, malè gesta, malè retenta imperia.

Iniqui tamen ingratiq̃ue animi esset, si propter ea, quæ
 ὁ δεινὰ nuperrimè fecerit, vel dissimularem silentio, vel parcè
 et malignè laudarem. Quòd enim jura Ecclesiæ viriliter de-
 fendit, et eloquentiam suam quasi pedissequam et ancillulam
 adjunxit Northii prudentiæ civili, id bono cive dignissimum
 videtur. In iis autem, quæ ad Asiæ Præfectum spectant,
 tandem aliquando resipuit, veritatique per tot difficultates
 eluctanti jam, et in lucem sese proferenti manus dedit.

Verè de hoc juvene dici potest, et ausum esse illum, quæ
 2 Vel. Paterc. nemo 2 auderet prudens, et perfecisse, quæ à nullo nisi felicif-
 2. cap. 25. simo perfici possent. Quòd si animum suum disciplinis ho-
 nestissimis diutiùs ornare studuisset, et civilem dignitatis con-
 cupisset modum, quicquid tumultuando, jactitando, et mul-
 3 Vel. Paterc. titudine inescanda adipisci 3 gestiit, id ei, firmata jam
 lib. 2. cap. 7. ætate, obtulissent omnes boni. Illud verò, ut ut se habet, ei,
 quem æstus quidam gloriæ absorbit, Plutarchi hæc verba
 ad lectitandum propofuerim. ὥςπερ εἰς Φρέαρ, ὄιμαι, τὴν
 πολιτείαν τὴς μὲν ἐμπύκνουσας αὐτομάτως καὶ παραλόγως
 ταράττεσθαι καὶ μετανοεῖν, τὴς δὲ καλαβάνοντας ἐκ παρα-
 σκευῆς καὶ λογίσμῃ καθ' ἡσυχίαν, χρῆσθαι τε τοῖς πράγμασι
 μετρίως, καὶ πρὸς μηδὲν δυσκολαίνειν, ἅτε δὴ τὸ καλὸν
 αὐτὸ καὶ μηδὲν ἄλλο τῶν πραξέων ἔχουσας τέλος. 4

* Plutarchi
 præcept. ger.
 Reip. Tom. 2.
 pag. 799.

Quoniam verò emersisse jam è vadis, et scopulos præ-
 tervehti videmur, perfacilis nobis ostenditur reliquus cursus,
 in iis, quæ ad Bellendenum spectant, enarrandis. Gente
 erat Scotus. Litteris fuit iis ornatus eoque præditus ingenio,
 ut de illo dici possit, quod in ore eruditorum percrebuit de

Buchanano & Σκότος ἦν, ἀλλὰ Φόως Σκοτίας. Fuit à propheta, quantum conjectura auguror, vetere atque illustri oriundus. De vitæ autem ratione quam sibi instituerit, parum est certi quod cum lectoribus communicemus. Scoticorum scriptorum in catalogo, quem ¹ Dempsterus confecit, dicitur Gulielmus Bellendenus fuisse humanitatis Professor Parisiis An. Dom. 1602. Gratia plurimum valebat apud Jacobum, uti à Scotis dicitur, Sextum, fuitque ei Magister supplicum libellorum. Titulus autem ille quò minus scrupulum alicui injiciat, paucula quæ ad eum explicandum faciant, lectori tanquam per lancem saturam apponenda censemus. “ Libellensis, Magistratus apud Siculos, “ qui aliis Magister Libellorum, qui scilicet libellos supplices “ subditorum excipiebat, examinabat, et de iis ad Principem “ referebat, in Constitut. Sicul. lib. 1. tit. 38. §. 2.” Du Cange. Glossar: Tom. 2. “ Supplicare, libellum vel preces “ principi offerre. l. 1. Cod. ut lit. pend.” Vicat. Vocab. Jur. utr. Tom. 4. “ Magistri libellorum, in inscriptione “ l. un. D. de off. præf. præt. l. un. C. Theod. de curs. “ publ. erant, qui supplices libellos à privatis oblatos tractabant. Vocantur etiam Carthophylaces et libellani.” Vicat. Tom. 3.

¹ vit. Scot.
scrip. vol. 1.
p. 481. à
Mackens.

Sed jam supplicibus dominum lassare libellis

Define ————— 2

Aliis gloriolæ insignibus à Jacobo ornatus sit, necne, planè nescio. Regem verò illum et à doctrina fuisse haud mediocriter instructum, et doctorum hominum maximè studiosum, nemo est qui ignoret. Effectum est igitur ejus munificentia, ut otio perquam honesto Bellendenus Parisiis frueretur. Hac in urbe dum commoraretur, aciem ingenii nolebat hebescere, sed, ut quàm plurimis prodesset, enitebatur. Trium horum librorum secundum et tertium bis, primum semel ipse prelo subjecit. Ciceronis Princeps lucem vidit Ann. Dom. 1608. sub hoc titulo “ Cice- “ ronis princeps, rationes et consilia benè gerendi firman-

² Martial.
Epigr. lib. 8
32.

“ dique imperii: ex iis repetita, quæ ex Ciceronianis
 “ defluxêre fontibus, in libros xvi. de statu rerum Ro-
 “ manarum, qui nondum lucem acceperunt—Parisiis,
 “ apud Carolum Chappelain, via amygdalina, sub signo
 “ beatæ Mariæ. cio dccxix—” —Huic primæ Cice-
 ronis Principis editioni præfixus est “ Tractatus de Pro-
 “ cessu et Scriptoribus rei Politicæ.” —Sed in tribus de
 Statu libris editis 1616. eundem tenet locum, quem nos
 Bellendeni vestigiis fideliter insistentes, ei attribuimus.

Editio prima Ciceronis consulis hunc præ se fert titulum.
 “ Ciceronis Consul, Senator, Senatûsque Romanus. Il-
 “ lustratus publici observatione juris, gravissimi usus dis-
 “ ciplina, administrandi temperata ratione: notatis incli-
 “ nationibus temporum in Rep. et actis rerum in Senatu :
 “ quæ à Ciceroniana nondum edita profluxêre memoria
 “ annorum. dccx. congesta in libros xvi. De statu
 “ rerum Romanarum: unde jam manavit Ciceronis Prin-
 “ ceps, dignus habitus summorum lectione Principum.
 “ Ad inclytum Serenissimûmque Principem Henricum
 “ Principem Scotiæ, et Walliæ. Per G. Bellendenum
 “ Magistrum Supplicum libellorum Augusti Regis Magnæ
 “ Britanniæ &c. Parisiis. Apud Joannem Corbon è re-
 “ gione Ecclesiæ S. Hilarii, sub signo Cordis boni,
 “ M. DC. XII. Cum Privilegio Regis.”

Extraict du privilege du Roy.

TRES-expresses inhibitions & defences sont faites à tous, d'im-
 mer ou exposer en vente le livre intitulé *Ciceronis Consul, Senator,*
Senatûsque Romanus, per Gulielmum Bellendenum, Magistrum Supplicum libellorum
Augusti Regis Magnæ Britanniæ, durant le temps & espace de six ans. à
 commencer du jour qu'il sera achevé d'imprimer: si ce n'estoit de l'ex-
 presse permission & consentement dudit Bellenden. A peine de confiscation
 des livres, dommages & interests, & d'amende arbitraire: comme
 plus amplement est déclaré & contenu ausdites lettres du privilege
 du 5. juillet, l' an de grace mil six cens douze.

Par le Roy en son Conseil.

Signé DE VABRES.

Je soubz signé ay permis & permets a Jean Corbon Marchand Libraire
 juré en ceste ville de Paris, de faire imprimer & exposer en vente le
 livre intitulé *Ciceronis Consul, Senator, Senatûsque Romanus,* par moy
 fait, & de jouyr & user plainement du benefice du privilege a moy sur
 ce octroyé par le Roy le 5. du present mois. Fait soubz mon signe le
 14. Iuillet 1612.

“ Hi duo libri in nomine apparuerunt Serenissimi Principis Henrici.” Editio secunda vulgata est Ann. Dom. 1616. eique additus est liber de Statu prisçi orbis, qui quidem anno proximo superiore typis mandatus fuerat, Carolóque Principi, fratris Henrici superstiti, dicatus.

Quamquam ab ineptiis eorum, qui fluctus in simpulo excitant, semper animus meus abhorruit, expedienda est tamen quæstio subdifficilis de tempore, quo Liber de Stat. p. Or. primùm è scriniis Bellendeni sit emissus. In titulo trium de Statu librorum, quos constat à Bellendeno fuisse editos Ann. Dom. 1616. dicitur liber ille “ nunc “ primùm editus.” Exemplar autem operis hujusce, quod in Museo Britannico asservatur, titulo in suo habet Ann. 1615. Anni porrò ejusdem nota legitur in fine Dedicætionis, quæ, in tribus de Statu libris anno proximè sequenti editis, tractatum de Processu rei Politicæ subsequitur. Littera etiam numeralis extrema x. in fine tituli trium librorum videtur à typographo addita esse, postquam litteræ numerales M. DC. xv. fuissent excusæ. Ita certè se res habet in omnibus, quæ vidi, exemplaribus. Bellendenum itaque consilia sua sic instituisse crediderim. Liber de Statu Prisçi Orbis ad umbilicum perductus est 1615. et pauca exemplaria sparsim à scriptore, vel amicis suis vel fortè viris quibusdam primariis dono data sunt. Complura autem exemplaria, quæ fuerant eodem tempore excusa, consultò premebantur à Bellendeno pauculos in menses; idque, eo consilio, ut iis adderentur duo libri de Principe et Consule, atque adeò justum opus de Statu uno volumine conficeretur.

In libro de Statu Prisçi Orbis tum eo, cujus exemplar in Museo Brit. reperitur, tum eo, qui in Libris de Statu primum tenet locum, idem est paginarum numerus, et eadem prope operis forma, nisi quòd tractatus de pro-

cessu rei Politicæ, quem hic præfixum habet, illi omninò deest.

His de causis librum de Statu Pr. Or. bis editum esse dixerim, siquidem ea, quam primam vocaverim editionem, alium præ se fert titulum, et aliud, uti aiunt, privilegium Regium proprium ac suum, quod est Bellendeno, nî fallor, concessum, postquam ei jus datum esset librorum de Statu trium edendorum.

In libro de Statu prisce Orbis, qui prodiit Ann. Dom. 1615. titulus hic legitur.

“ Gulielmi Bellendeni Magistri supplicum Libellorum
 “ Augusti Regis magnæ Britanniæ, &c. De statu prisce
 “ orbis in religione, re politica, & litteris liber unus. Ad
 “ Serenissimum principem Carolum Principem Scotiæ et
 “ Walliæ. Parisiis, Apud Herveum du Mesnil, via. s.
 “ Joannis Lateranensis, sub signo Bellerophontis Coronati.
 “ M. DC. XV. cum privilegio regis.”

P AR lettres du grand seau du 1. Juin 1615. defenses sont faictes à tous d'imprimer ou vendre, soit pour le tout ou partie, les livres intitulez *G. Bellendeni &c. De statu libri tres*: l'un desquels est celuy *De statu Prisce Orbis &c.* durant le temps de six ans: si ce n'est du consentement dudit Bellenden; à peine de confiscation des livres dommages & interests & d'amande arbitraire: comme il est plus amplement declaré par lesdites lettres signées Le Liepure, et en queue d'Amboise.

Librorum à nobis editorum titulus ita se habet “ Gu-
 “ lielmi BELLENDENI Magistri Supplicum Libellorum
 “ Augusti Regis Magnæ Britanniæ &c. De Statu Libri
 “ tres. 1. De statu prisce orbis in Religione, Re politica
 “ et Litteris. 2. Ciceronis Princeps, sive de Statu Prin-
 “ cipis et Imperii. 3. Ciceronis Consul, Senator, Sena-
 “ túsque Romanus, sive de Statu Reip. et Urbis impe-
 “ rantis Orbi. Primus, nunc primùm editus: cæteri, cum
 “ tractatu de Processu et Scriptoribus Rei politicæ, ab
 “ auctore aucti et illustrati. Parisiis, apud Herveum du
 “ Mesnil,

“ Mefnil, via S. Joannis Lateranensis, fub signo Bellero-
 “ phontis Coronati. M. DC. XVI. Cum Privilegio
 “ Regis.”

Extrait du Privilege du Roy.

TRES-expresses inhibitions & deffenses font faiçtes, à tous, d'im-
 primer ou expofer en vente, foit pour le tout ou partie, les livres
 intitulez *Gulielmi Bellendeni magistri supplicum libellorum Augufti Regis Magnæ
 Britanniæ, De Statu libri tres*: le premier, *De Statu prisci orbis*: le fecond,
Ciceronis Princeps, five de Statu Principis: le troisième, *Ciceronis Consul, Sena-
 tor, Senatúsque Romanus, five de Statu Reip. & urbis imperantis Orbi*, durant le
 temps & efpace de fix ans, à commencer du jour que lefdits livres se-
 ront achevez d'imprimer: fi ce n'estoit de l'expresse permission & con-
 sentement dudiçt Bellenden. à peine de confiscation des livres, domma-
 ges & interets, & d'amende arbitraire: comme plus amplement est
 déclaré & contenu aux lettres du privilege du premier Juin, l'an de
 grace mil fix cens douze.

Par le Roy en fon Conseil.

Signé **LE LEIPURE.**

Et signé en queue

D'AMBOISE.

Testimonium quoddam hifce de libris è Bauero excerptum.
 “ Bellendeni. (Guil.) Ciceronis Consul, Se-
 “ nator, Senatúsque Romanus. — — — De ftatu
 “ libri 3. videlicet 1. de Statu prisci orbis in religione, re
 “ politica, et litteris. 2. Ciceronis princeps. s. de ftatu
 “ Principis et imperii. 3. Ciceronis Consul, Senator &c.
 “ Libri rari. Widekind. p. 363.” Tom. 5. Baueri Bib-
 lioth: lib: rar: univ: five Tom. 1. Supplem. Fuit ea
 Bibliotheca Norinbergi edita in quat. vol. à Johanne Ja-
 cobo Bauero Ann. Dom. 1770. De hifce autem libris
 Bellendeni fcripfit in ea Bauerus *ἔδὲ γγύ*. Secutum est
 Supplementum Ann. Dom. 1774. duobus Voluminibus,
 quorum è primo verba fuperiora haufimus.

Saxius in præcláro illo fuo Onomástico fic fcribit. “ Ann.
 “ Dom. 1612. Guilielmus BELLENDENUS, gente Sco-
 “ tus, Philologus, et Archæologus. hoc anno ipfi debe-
 “ batur Ciceronis Consul, Senator, Senatúsque Romanus,

“ Parisiis, 8. et de tribus luminibus Romanorum liber Parisiis. 1633. fol. Vid. F. G. Freytag. *Analec̃ta Litteraria* p. 81.—David Clement *Bibliothèque curieuse*, Tom. 3. p. 71. 72. (50)—(52)” Tom 4. p. 224.

Manca atque imperfecta sunt et Baueri et Saxii testimonia, quatenùs de ordine quo libros suos Bellendenus edidisset, nihil eorum uterque exploratum habuit. Sciant autem lectores nullam esse eorum factam mentionem, neque à Morhofio in *Polyhistor* :—neque à Fabricio in *Biblioth* : Latin : med : et infim : ætat :—neque in *Amœnitatibus Litterariis Francofurti et Lipsiæ editis* 1728. quarum in Tom : 2do. 5to. et 8vo. fusè elegantissimèque agitur de libris raris :—neque in *Observationibus Litterariis Halæ Magdeburgicæ editis* 1705. quarum in decimo Volumine dissertatio de raris libris occurrit admodùm docta et dilucida.

In bibliothecis sive privatis, sive publicis rarissima sunt eorum exemplaria. Cantabrigiæ quæ inveniuntur, hæc sunt—In *Bibliothec* : Aulæ Clar : editio princeps Ciceronis Consulis—In *Bibl* : Col : Emmanuel : qua quidem, nulla uspiam est, quòd sciam, libris optimis et rarissimis magis abundans, de *Statu* tres libri.—In *Bibliotheca Academica*, principis editionis Ciceronis Consulis duo exemplaria, et de *Statu trium librorum* exemplar unum.

In *Catalogo Bodleiano Oxonii edito* 1738. prorsùs de iisdem filetur. Editio autem prima Ciceronis Principis in *Bibliotheca* illa asservatur. In *Collegio Animarum Omnium* unum est exemplar trium librorum de *Statu*.

In *Museo Britannico* asservatur Bellendeni liber de *Statu pris̃ci Orbis*, quem quidem crediderim penes *Carolum primum* olim fuisse.

In domestica Regis Britannici *Bibliotheca*, quam sanè et copia librorum et splendore verè Regiam dixeris, neque cum *Ptolemæorum* et *Osymandyæ* thesauris litterariis conferre dubitaveris, reperitur unum exemplar Ciceronis Consulis.

In

In Bibliotheca Regia Parisiensi No. 1346 de juris-prudentia unum est exemplar librorum trium de Statu.

In Bibliothec. viri Reverendi et Doctissimi C. M. Cracherodii Mus. Brit. Curatoris asservantur lib : de Stat. Pr. Or. et edit. princeps Cic. Conf.

Singulis trium de Statu librorum, (quod jure mireris) Biblioth. Argatheliens. et Hunterian. omninò carent.

In Catalogis Bibliopol. Londinens : qui Ann. Dom. 1787. prodierunt, duo exemplaria hujusce libri de statu invenimus, et inventa statim arripuimus.

Obiter monendus est lector "regnandi præcepta ab Augusto parente filio suo tradita" ad quæ respexerit Bellendenus in Præfatione Ciceronis Principis, Londini esse edita sub hoc Titulo. "Βασιλικὸν Δῶρον or his Magesties "instructions to his dearest Sonne, Henrie the Prince. "At London, imprinted by Richard Field, for John Norton, according to the Copie printed at Edenburg, 1603." Fucrit quoque operæ pretium Lectores Bellendeni docere de re alia, quæ mihi inter legendum verisimilis videatur: numeros nempe marginales ab eo adhibitos convenire "Ciceronis editioni Aldinæ, cui Editiones Pauli Manutii "Aldi F. et Uvendelin. Argentoratensis, (si Nizolio ¹ credendum est) ad amussim respondeant: Robertique aut "Caroli Stephani exemplaria ita respondeant, ut binæ "Aldi aut Pauli paginæ pro una deputari possint." Notissimum est autem in editione Aldi actiones in C. Verrem septem haberi, quarum prima sit ea, quæ nunc vocatur "Divinatio in Q. Cæcilium."

¹ Vid: Præf : Nizol.

Libris de Statu præfigenda esse statuimus Carmina duo, quorum exemplar forma quartana impressum in Museo Britannico servatur.

Haud moleste feret lector candidus, si de majore opere Bellendeni, quod de tribus luminibus Romanorum inchoaverat, paucula in transcurso adjiciam.

Cùm tres hosce libros, qui à nobis editi sunt, Bellendus scriberet, Ciceronem lectitabat studiosè. Cujus autem scripta manu diurna nocturnaque versaverat : cujus verba, tanquam ungues digitosque suos pernoscebat : cujus doctrinam multiplicem et reconditam, animo suo omnem omninò complectebatur, hujus vehementiore, ut fit, amore flagravit, afficique se sensit majore ejusdem admiratione. Spæ igitur famæ, cùm intelligeret, quantam segetem et materiam comparasset, ad aliud quoddam opus, quod difficilius et splendidius esset, accinxisse se videtur. Quæ de Cicerone olim scripserat, ea omnia novo ordine disposuit. Plura, quæ in manu habebat, novo operi, quod de Tribus Luminibus conficiebat, solertissimè intexuit. Ultimam verò manum libro ne imponeret, in iis quæ ad Senecam et Plinium spectarent, colligendis atque ordinandis, mors (ut à me antea dictum est) eum prohibuit. Parte tamen in illa, quæ superest, nihil reperiri potest, quod non summa sit elaboratum industria, et summo ingenio perfectum. Etenim quæ aut eleganter à Cicerone dicta, aut subtiliter excogitata, sparsim in ejus operibus legi solent, ea nobis uno aspectu legenda Bellendus proposuit, et in clariore quadam luce collocavit. Hunc itaque librum qui lectitaverit, magnam tenebit omnis ferè antiquitatis et exemplorum vim : magnam juris Romani civilisque Scientiæ cognitionem sibi comparabit : magnam veluti de Thesauro quodam poterit depromere verborum exquisitissimorum copiam.

Ciceronis opera, qualia ab Oliveto edita essent, Oxonienses haud ita pridem typis pulcherrimis mandare dignati sunt, et novis quibusdam lectionibus MSS. augere et illustrare. Fecerint autem Cantabrigienses, quod eruditus omnibus gratissimum foret, si Bellendeni opus, egregiè illud quidem comparatum ad Ciceronis famam conservandam, atque etiam exornandam, prelo Academico subjecerint.

Scribit

Scribit vir ¹ quidam ingeniosissimus et πολυμαθέσ-
 τατος " multa libri ejus exemplaria, cùm in Angliam ve-
 " henda essent, naufragio periisse." Quo quidem fato
 usa sunt biblia ² Suefica Marci Ann. Dom. 1637. in 8vo.
 excusa; et Biblia ³ regia vel Polyglotta Typis Plantinianis
 octo Voluminibus edita Ann. Dom. 1516. Existitisse etiam
 olim creduntur orationes quædam Jacobi Critoni, ⁴ Scoti
 doctissimi, quæ " non reperiuntur nisi frustatim impressæ." ⁵
 Sunt autem illæ, Gabriele Naudæo judice, " mellito
 " eloquentiæ flumine largissimè tinctæ." Qui igitur eas
 in unum collegerit, et recudendas curaverit, optimè de vi-
 ris doctis merebitur.

Fuit profectò quoddam tempus, cùm in linguis Græcis
 Latinisque Scoti plurimum operis collocabant. Putaban-
 tur iidem perbenè Latinè loqui, et quidem ⁶ litteratiùs, quàm
 plerique Anglorum qui illo ipso tempore, Spartam, quod
 aiunt, eandem ornabant. Horum verò in studia virorum
 transversa incurrebat fortuna Reipublicæ. Quicquid autem
 cum Musis aliquod commercium habebat, id omne penitùs
 conticuit in temporibus parùm tranquillis, intérque stre-
 pitum, qui subindè auditus est, armorum. Huc accedit
 quòd multi, qui in litteris existimabantur plurimum posse,
 vel à studiis partium abhorrentes, vel amplioris cujusdam
 doctrinæ cupidi, vel aliis adducti causis minimè inhonettis
 peregrè ibant, neque in patriam revertebantur. Quid
 est igitur, quòd miremur scripta permulta Scotorum in-
 tercidisse, ut eorum nunc appareat nec vola nec ves-
 tigiū?

Optimorum illam librorum jacturam ut feramus ali-
 quantò leviùs, animus noster se convertit ad lætiorem
 rerum faciem, quæ Scotiam cuivis aspicienti ultrò
 se offert. Vacillàrat usque ad hanc ætatem et quidem
 jacuerat inter Scotos Philosophia, non modò illa, quæ de
 vita

¹ Wart: super
 Pop: Script:
 Tom: 2.p.324.

² Amœnitat:
 Litterar: Tom.
 2. pag. 397.

³ Ibid. p. 398.

⁴ Amœn: Lit:
 Tom. 2.p.404.

⁵ V. Morhof.
 de pura dict.
 Latin. Edit:
 Mosheim. p.
 42.

vita et moribus agit, sed præpotens ea et gloriosa, quæ in rerum Metaphysicarum contemplatione posita, non rivulos scientiæ confectatur, sed penitissimos ipsos fontes audet aperire. Est autem ea nuper excitata à viris doctissimis felicissimèque exulta, tantùmque habet lumen litterarum elegantiorum, ut de quæstionibus perobscuris et perdifficilibus copiosè jam ornatèque scribere multi soleant. Quin Philosophorum, qui maximo acumine et subtilitate præditi familias quisque suas olim duxerunt, eorum luminibus videtur obstruxisse posteriorum quasi exaggerata altiùs Oratio.¹

¹ Brutus
p. 140.

Difficile est sanè enumerare, quot inter Scotos Philosophi paucis antè annis exstiterint, quanta iidem scientia fuerint, quantàque in suis studiis varietate et copia. Neque enim una in re separatim elaborârunt, sed omnia, quæcunque poterant, vel pervestigatione mentis humanæ, vel differendi ratione comprehenderunt. Horum itaque sub aus-

² Lib. 3. pag.
126.

piciis doctrinarum illud divortium,² quod est Socrate quondam auctore factum, in defuetudinem paulatim abibit, renovabiturque illa, quæ veteribus perplacuit, dicendi et intelligendi societas. Profectò hæ sunt, artium optimarum nunc discordantium inter se et divulsarum, nunc amicè conjurantium, quasi conversiones. Hoc illud est, quod à

³ De Orat: 1.
3. p. 124.

Cicerone³ dicitur, “ ubi perspecta vis sit rationis ejus quæ causæ rerum atque exitus cognoscantur, mirum quendam “ omnium tanquam consensum doctrinarum concentumque “ reperiri.” Huc etiam tendunt animorum illi motus et concertationes jucundissimæ ingeniorum, quibus Scotia jam omnis in Philosophia excolenda fervet, ut ita dicam, ac tumultuatur. Philosophis autem ipsis consultum erit pulcherrimè, cum ex argutiarum angulis et verborum angustiiis, in quas diu sunt immeritòque conclusi, poterunt se penitus expedire : poterunt è gyro exiguo in quendam ingentem descendere immensumque campum : poterunt

vires

vires suas explicare et excutere totas. Enimverò quicquid ab illis scriptum fuerit, nulla unquam ætas delebit. Quam Bellendenus et Critonus experti sunt fortunam, illa ne-utiquam vel in Smithii scriptis, vel Humii, vel Reidii, vel Beatteii, tristi clade iterabitur.

Laborum qui me diu constrictum tenuerunt, eorum intercapedinem omnem impendere soleo in libris Græcis Latinisque evolvendis. Quare veniam mihi candidus lector facillè dabit, si verba aut sententias, quæ mihi inter legendum arriiserint, præfationis hujusce in usus identidem transtulerim. Qui enim Bellendeni hoc opus è tenebris eripiendum esse statuisssem, mihi ipsi statuebam id licere facere, quod ab eo viderem multò sæpiùs esse multoque solertiùs factitatum.

Locos insigniores, qui occurrerint in scriptoribus, quorum sæpè verbis disertis, sæpè totis sententiis, ex professo usus sim, in margine notandos putavi: idque ea mente feci, non ut illa, quæ lætitasssem, pueriliter et ineptè ostentarem, sed, ut Bellendeni fidem diligentiamque sequerer, et consilii, quo multa laudaverim, vis omnis ac ratio penitùs perspicerentur. At si qui sunt, quibus propositum illud meum minùs probare possim, eorum captiunculis et sannis occurrere à vitio propiùs foret, quàm à laude.

Imitatio veterum, qualis tandem esse debeat, non est nostrum dijudicare. Suus est cuique in hac re gustus, suum etiam iudicium. Verbis ferè omnibus, modò perspicua et apta sint, in Latinè scribendo locum esse crediderim. Neque enim solæ phrasæ, aut ¹ sola vocabula, sed totius orationis habitus colórque potissimùm spectandi sunt. Habeat igitur, per me licet, ipsa morositas aliquid tum excusationis tum etiam laudis, in μελετήμασι concinnandis. Hujusmodi autem in opusculis, arbitror parùm referre, utrùm scriptores, è quibus verba petita sint, aurea, an argentea in ætate

¹ Vide Scheller. Append

ætate Linguae Latinae floruerint. Quicquid rei cuique, quæ tractanda sit, maximè conveniens fuerit, id demum mihi videtur optimum. Aliorum verò, sive obscuram in verbis conquirendis diligentiam et περιεργίαν, sive aurium sensum fastidiosum et propè κακόςηλον, is sanè ego sum, qui neque acriter improbandum, neque arctè et ambitiosè sequendum esse statuam. “ Aurea ex ætate, inquit ¹ Cellarius, cùm

“ pauci scriptores ad nostra tempora pervenerint, nimis

“ pauper Latinitas esset, si nihil approbandum sit, quod

“ è Cicerone aut æquali non habeamus. Altera quoque

“ ætas, quæ argentea dicitur, subvenire nobis debet,

“ nova verba, non minùs eleganter tamen, et suffragio populi Romani formata superaddit.”

Quòd textum, et marginem, et alia istiusmodi verba sine ulla præfatiuncula usurpavi, id ne bilem moveat inter eos, qui limatulum præ cæteris et politulum habere iudicium sibi videantur—Sed quorsùm hæc tam seria tantula in causa? quia profectò nodum hisce in scirpis quærunt homines nasutuli ac maligni, ea cùm ignorent, quæ subtiliter de his cavillationibus et eruditè ab Henrico Stephano disputata sunt. Rem vir ille doctus et ingeniosus huc deduxit:

“ ² nimiùm sanè fuerint delicatæ aures, quæ talia vocabula ferre non poterunt, quum præsertim alia desint.”

Latinis Græca verba si miscui, sciat lector me id fecisse, non quò sermonem fore concinniores intelligerem, nedum quod difficile et mirum illud putarem, quod contingere cuipiam possit, qui litteras hæc modò à limine salutârît. Rem quam in animo habebam, sæpè acu tangere ea, quæ legeram, videbantur. Sæpè sperabam, quæ à Græcis elegantissimè scripta essent, ea me posse non tanquam purpureos pannos orationi meæ assuere, sed veluti emblematis ³ vermiculatis eandem distinguere et illuminare. An verò dubitamus, quin lectoribus Græcè scientibus, Græca verba qualia

¹ Cellarii curæ posteriores.
pag. 93.

² Pseudo Cicer. pag. 96.

³ Cicer. de Orat. lib. 3.
p. 133.

qualia in scriptoribus suis reperiantur, Latinè iisdem con-
versis gratiora sint futura?

Num quis miratur, quid causa fuerit, quare juveni cui-
dam præclaro Græcum nomen imposuerim? Equidem in
hac re secutus sum exemplum ¹ Nicolai Heinſii, qui in ¹Vid. Burman.
Epistolis ad Gronovium scriptis Gevartium, quem con-
tumeliæ causa nominatum apertè nollet, τὸν δεινὰ voci-
tabat. <sup>Syllog. Vol. 3.
p. 138. & 183.</sup>

Jam verò illud absit, ut quisvis suspicetur, me in iis, quæ
vel de meo depromserim, vel à Bellendeno scripta edide-
rim, velle ad populum provocare. Nullus sanè dubito
placiturum esse vacuis et eruditis auribus Bellendeni
opus: quod tamen, committere nolim, ut manibus un-
quam fordescat eorum, qui in rebus quotidianis et verna-
culis garrulam suæ infantiae disciplinam produnt, “Volscè-
“que et Oscè fabulantur, cùm Latinè nesciant.” ²

² Titinius in
Quinto.

Animo equidem toto ad illud connisus sum, ut Bellendeni
fama radices ageret altissimè. Quamobrem, ea si disseminetur,
quàm latissimè fieri possit, inter homines harum deliciarum
studiosos, non officio solùm meo ipsè cumulatissimè satisfe-
cisse, verùm etiam voti mei esse videbor omninò compos.

Molem hujusce Voluminis auget Præfatio, ita tamen,
ut emtoribus in re pecuniaria non sit oneri. Ne cogita-
veram quidem de ea scribenda, antequam inter me et
Typographum convenisset de omnibus operis imprimendi
instrumentis, de Figuris Æneis, atque adeò de pretio quod
imponi libro deberet. Sub finem Octobris, quicquid de Bel-
lendeno compertum habueram, chartis meis illevi. Aure
verò jam tum fervebam vaporata ³ à libris hisce legen-
dis, siquidem multa in illis uberrimè et gravissimè de rebus
Politiciis disputentur. Plurima autem, ut inter scribendum
fit, ad Rempublicam nostram pertinentia in mentem ve-
nerunt, quæ temperare mihi non potui, quin stylo signa-
rem. Ita accidit, ut, qui institui cœpisset urceus, tandem
aliquando

³ Pers Sat. 1.

aliquando amphora exierit. Rectè, an secùs, fecerim, cùm aleæ plenum periculosæ argumentum consultò tractarem, mea parùm refert, dum Bellendenus, veluti quodam postliminii jure, in civitatem restituatur.

Vale L. B. et nostros hosce in Bellendeno edendo labores, qui te delectare quidem, aut etiam tibi prodesse possint, æqui boni consulas.

F I N I S.

Dabam Londini Calend. Maii.

A. D. 1787.

[ENTERED AT STATIONERS HALL.]

CORRIGENDA IN PRÆFAT:

- Pag. 7. lin. 24. *pro* fortuna, *lege* gravissima calamitate.
- P. 15. l. 25. *pro* tum, *lege* tunc.
- P. 20. l. 12. *pro* conatus ipsius, *lege* sui ipsius conatus.
- P. 23. l. 9. *pro* elucere, *lege* eluxisse.
- P. 24. l. 2. *pro* verbulum, *lege* verbum.
- P. 25. l. 2. *pro* quæ dixi, *lege* de quibus hætenùs dixi.
- P. 30. l. 19. *pro* Ego verò trutina, *lege* Trutina verò.
- P. 35. l. 1. *pro* et, *lege* ei.
- P. 40. l. 21. *pro* tum, *lege* tunc.
- P. 42. l. 13. *pro* quæ dicitur, *lege* quod aiunt.
- P. 51. l. 4. *pro* habet illa quidem, *lege* habent illæ quidem.
- P. 52. l. 24. *pro* faceret, *lege* faciat.
- P. 52. l. 26. *post* "Regem" *pone* comma.
- P. 61. l. 31. *pro* posset, *lege* possit.
- P. 62. l. 7. *dele* propter.
- P. 68. l. 7. *pro* nihil eorum uterque exploratum habuit,
lege uterque eorum parùm explorati habuit.
- P. 75. l. 19. *pro* quàm latissimè fieri possit, *lege* quàm fieri
possit, latissimè,

Bellendenus in fine edit: suæ trium de Statu librorum
sic scribit.

“ Sciat Lector, notam Ap. in marginibus positam designare applicationem.”

“ Erratum etiam in numero XVI. repetito in sequenti.”

Illud nos erratum in textu quidem correximus. Numeros autem marginales non mutavimus: unde factum est, ut eorum singuli, qui xvi. exceßerint, unione (ut ita dicamus) iusto minores sint. E. G. pag. 50. ubi legitur, “ v. cap. 24.” “ nu. 44. 45.” intelligendum est cap. edit. nost. 25.

G. BELLENDENI
MAGISTRI SUPPLICUM
LIBELLORUM AUGUSTI
REGIS Magnæ Britanniae, &c.
TRACTATUS

De Processu, & Scriptoribus Rei Politicæ.

HUMANUS animus ex se purus, simplex, immortalis, & quasi divinæ naturæ particeps, vi & natura sua prompta, celeri, expedita, admirabiliter se injicit, atque intendit in immensum: omnia penetrat, ambit, investigat: æterna meditatur, & concupiscit: ac, licet sit finitus, partem capit nullam quietis, nisi in infinito: quod ipsum Numen est divinum, in quo solo, tentatis rebus omnibus, acquiescit. Sed in domicilio habitans crasso, terreno, humili, contaminari cum se patitur, & deprimi materiei, qua cingitur contagione, pravôque impulsu sensuum, ab excellentia sua discedit, dilabitur ad abiecta, &

Acclinis falsis meliora recusat.

Nam cum corporata sensus moveant, & quæ cient, & cientur, in eisdem consistant: illa, principiis suffusa æternitate; contrariis, ad res obiectas specie pulchras, laudabiles, oblectantes se convertunt, & eodem secum trahunt animos, pulsu visionum è sensibus fluentium. Hinc motus aversi à natura, ab æternitate, à ratione, &

Edulcare placet vitam,

Curasque acerbis sensibus gubernare.

Hinc animi à suis decepti nunciis, ab infinita æternâque natura abducti, in re mutabili hærent, laborant, occupantur;

f

atque

atque errantes & illusi, vel secum discordant, vel languescunt, vel motus habent intemperantes. Quales tum præcipuè cient, cùm ad res fluxas, quæ titillant, & delectant maximè, feruntur, quasi ad perennes: aut effrenati incitantur ad commovenda præsidia utilitatis humanæ, vitæque communis. Quod genus motionum, ut est perniciosissimum, ita his opposita à veteribus propugnacula quietis & otii, in bonis sunt ducenda summis: ut naturæ accommodata maximè, & se attollentia ad omnia providentem, & regentem Deum: ejusque imitantia bonitatem erga universum genus hominum. Et verò, hæc ad divina cùm accederent, & à priscis manarent: qui, quo propius aberant ab ortu, hoc melius, quæ erant tenenda, cernebant: posteriorum error, qui ad impietatem incubuerat, & beneficiis virorum excellentium tribuerat cælestia, illis nomina affinxit, & Numina Deorum. Inò, ut fabula fabulam pepererat, invasit in quorundam animos opinio, initia vitæ atque victus: legum, morum, mansuetudinis, humanitatis exempla, quæ nepotibus sunt ascribenda Noë, hominibus & civitatibus à Cerere & Libero, quas pro Divis habuerant, data ac dispersita fuisse. Interea, etsi pietatem vinceret impietas, & in immoderata licentia fingendi, scribendique, antiqui ferè omnes, præter Hebræos, (apud hos enim vetita erant simulacra, nec cuivis permissum scribere) somnia pro religionibus exciperent, ac multa cumularent nefariis: cessit tamen in multis humanitati barbaries: atque ab illis initiis progressum est ad majora. quæ post Mosem tentârunt scriptis primi Phœnices, Ægyptii, & Chaldei apud Babylonios Phœniceis usi litteris. Seriùs Græci, qui diu sub regibus, sine ipso legum nomine; tandem à Draconte ex Phœnicibus scriptas acceperunt leges, consulta à Philosophis: qui tunc politici appellati, à Rebuspublicis nomen habuère: post à loco, vel auctore, cùm dissociati à disertis, his iter reliquerant ad Remp. de qua nunquam idem Græci: cùm à variis variæ adumbratæ fuerint Rerump. & Regnorum formæ: ut ab Hippodamo, Phalea, Sthenida, Diotogene, Ecphanta, Platone, Speusippo, Aristotele, Theophrasto, Demetrio: ab aliis

leges

leges scriptæ populis : ut à Zaleuco Locris, à Charonda suis civibus & Chalcidicis in Italia, Siciliâque, ab Api Argivis, à Mnesoe Phocensibus, à Minoe Cretensibus, à Phidone Corinthiis, ab Adromada Chalcidensibus in Thracia, à Demonacte Cyrensisibus, à Pagunda Achæis, à Nestore Pyliis, ab Archia Gnidiis, ab Eudoxo Milesiis, à Pittaco Mitylenensibus, à Draconte & Clisthene Atheniensibus, à Philolao Thebanis : ab aliis Resp. atque Imperia constituta : ut à Solone Atheniensium, à Lycurgo Lacedæmoniorum Respublica. Quibus tamen laus danda est, quòd planè, & sine pigmentis comprehenderint omnia, quæ ad consuetudinem vitæ, & usum civium pertinerent. Nam (ut ait noster) qui jura, qui leges, qui civitates constituerunt, locuti sunt simpliciter & splendidè, sine ulla serie disputationum, & sine jejuna concertatione verborum : id modò spectantes, ut fundamenta ponerentur tranquillitatis, atque pacis : atque ut vincula conjunctionis humanæ revulsa motibus, soluta casibus, mutationibus abrupta, concussa & tremefacta vi, firmarentur, juvarenturque consiliis, quæ spectarent futurum omne tempus humanæ societatis. Qui in his elaborârunt usu, studio, & scriptis, ex Hebræis habemus Mosem : è Græcis, qui exstet, nullum, nisi exceperis Xenophontem, aut fragmenta paucula scriptionum Solonis, Charondæ, Zaleuci : cùm tamen, qui utraque re excelleret, ut, & doctrinæ studiis, & regenda civitate princeps esset, non alium Cicero putavit facilè inveniri posse, quàm Phalereum illum Demetrium : qui doctrinam ex umbraculis eruditorum in solem aciemque produxerat. Itaque in hoc genere non pono Græcorum in scribendo principes Platonem, Aristotelem, Theophrastum : ne alios memorem imitatores Hippodami, qui primus ex iis, qui Remp. non administrârunt, cœpit de Rep. scribere. Ex Latinis præter Ciceronem reperies neminem. Is in Rep. versatus, valens ingenio, usu, & doctrina scripsit de Rep. libros sex, de legibus quinque. Prætereà gravem Epistolam ad Q. fratrem ingenio dignam civili : aliam ad Cæsarem. meditabatur etiam κοινώτερα quædam, et πολιτικώτερα ad Dolabellam : & hæc consilio Attici. At eorum fortè exemplis

qui suasionibus Alexandrum incensum cupiditate gloriæ, cupientem aliquid sibi consilii dari, quod ad laudem sempiternam valeret, cohortabantur ad decus. Sed illa ad Cæsarem non pervenerat, nec prodiit in lucem, quòd Hircio, Balbo, Oppio Cæsarianis non placeret: nec etiam ἀνέδοτα, quæ post mortem scripsit Cæsaris Theopompino, ut aiebat, genere, aut etiam asperiori multò. Asconius etiam refert eum scripsisse librum quem nominavit *Expositionem consiliorum suorum*: & Dion alium, quem vocat βίβλιον ἀπορήτων. Quæ volumina si exstarent, varia detegerent arcana Status, altèque studia virorum principum illius, et forsan superioris ævi, magni digna lætione principis, & gravissimi cujusque Senatoris moderatorisque Reip. Cætera etiam hujus generis, præter tres libros mutilos de legibus, et epistolam ad fratrem interciderunt. In iis tamen scriptis, quæ ad posteritatem transmissa sunt, sparsa remanent vestigia plurima antiquitatis, historiæ, legum, disciplinæ, status Reip. Rom. quæ in ordinem confecta annorum 1000. fiximus in libros XVI. lucem expectantes. Interea exit ab his **PRINCEPS**, eodem elaboratus studio, & stilo: ac confirmatione non ita veteris memoriæ, ut sit aliena ab usu nostræ ætatis: nisi me fallant asperis decursa temporibus, et observatio variorum in his casuum: ac simul experientia, ad quam navata in mandatis suæ majestatis opera me sæpè excitavit. Principem secutus est **CONSUL, SENATOR, SENATUSQUE ROM.** ut effigiem exprimeremus Reip. atque urbis imperantis orbi, suis nunc erectæ, nunc oppressæ viribus. Sunt in hoc scriptore multa de administratione urbana et provinciali Rom. plura ab his remota: quæ, ut Enniana, in una re posita, ad multas transferri possunt. Horum nonnulla, per me ad usum accommodata Reip. & cum illis sociata nexaque meis, ac simul omnia in capita civilis congesta disciplinæ, non offendunt gnarum, quòd pertineant, & quam intueantur artem, atque prudentiam. Alii, quibus sunt stirpes altæ suarum opinionum, suos habituri sunt amores, sua judicia: quorum neque accessione illustriora, neque decessione ignobiliora ista sunt futura. Ut verò placeant iis, quibus me, meaque omnia probare debeo.

Hoc votum nostri summa laboris habet.



CAROLI PRIMI
ET HENRICÆ MARIÆ,
REGIS ET REGINÆ
Magnæ Britanniae, &c.
EPITHALAMIUM.

ET
IN IPSAS AUGUSTISSIMAS
NUPTIAS, CELEBERRIMAMQUE
Legationem earum causâ obitam, &c.

PANEGYRICUM CARMEN, ET ELOGIA.
Per GULIELMUM BELLENDENUM
Magistrum supplicum libellorum
AUGUSTI REGIS MAGNÆ BRITANNIÆ, &c.

PARISIIS.

Apud GODOFRIDUM CORDIER, in deambulatione
Palatii, juxta incarceratos.

M. DC. XXV.

CAROLI PRIMI ET
HENRICÆ MARIÆ, REGIS
& Reginæ Magnæ Britanniaë, &c.
EPITHALAMIUM.

*CUNCTA tument gemmis, radiis obversa benigni
Syderis; exsurgunt Lilia septa Rosis.
Influit humanas res vis cœlestis in omnes :
Et potior claros tollit in alta viros.
Erigit ac ornat, faustis dominantibus astris,
Quos super irradiat luminis aura sui.
Et quos ipse rigat cœlestis ros, velut imber
Flores, quos ardens siccatur urit humus.
Consult Imperiis, curas ante omnia confert
In Reges, Regum progeniémque sacram.
Has ros et radii, simul exsurgentia signant
Lilia, et albentes purpureæque Rosæ.
Immensum peragrat, rorat, radiâtque per orbem :
Ut rerum omne creet, continuâtque genus.
Perpetuat Regale genus, quum ex sanguine Regum
Ipforum, jungit cum pare quémque suâ.
Sic decorat Reges : et, quæ illis gloria magna est,
Fama et progenies, sic sine labe manent.
Symbola sunt horum, Regalia stemmata juncta,
Conjecta in sortes Regia vota pares.
Angelicâ veluti signantur imagine, dextram
Quæ jungit dextræ, et Lilia utrique Rosæ.
Hinc, Sacra progenies, partitis floribus Orbis :
Sors tua, odoriferis Lilia juncta Rosis.
Una duâs fors, unus amor, laus una perennis :
Lilia septa Rosis, Lilia juncta Rosis.*

Sit vena tua benedicta, et lætare cum muliere
adolescentiæ tuæ. *Proverb. 5.*

Et videas filios filiorum tuorum : pacem super
Israël. *Psal. 127.*

IN AUGUSTISSIMAS NUPTIAS
CAROLI PRIMI ET
HENRICÆ MARIÆ, REGIS
& Reginae Magnæ Britanniaë, &c.

E T

IN CELEBERRIMAM LEGATIONEM

extraordinarium, eâ de causâ dignissimè obitam ab Illust-
rissimis Dominis, Domino D. JACOBO DE HAY, Comite
de Carlile, Equite celsissimi ordinis Periscelidis, &c.
Atque à Domino D. HENRICO LE RICHE, Comite de
Hollande, Prætorianis Præfecto, &c.

PANEGYRICUM CARMEN, ET ELOGIA.

CONJUGIO HENRICUS *stabili simul uniit antè*

Albentem faustè, purpureâmque Rosam.

Conjugio stabili, nunc faustè CAROLUS unit

Lilia, et albentem purpureâmque Rosam.

Non satis hæc thalamis, sceptris divortia pulsa,

Ni nexu, solvi non metuente, forent.

Nam scelus ausuri, si nil conatibus obset :

Regna infestabunt motibus assiduus.

Et jus prætexens, sub imagine juris, et umbrâ,

Regibus et populis perniciose struet.

Hæc placuit patribus metuenda avertere, sacris

Nexibus Imperii, nexibus obsequii.

Augustè HENRICUS patrum sapientibus usus

Consiliis, arctè nexit utrâmque Rosam.

CAROLUS augustè pariter sapientibus usus

Consiliis, necit Lilia, Serta, Rosas.

Ipsa simul Tria serta ornat, clarissima avorum

Atque patris decorum symbola, et imperii.

Hinc placidè HENRICUS, sceptri de jure Britannos

Firmavit dubios, pace perennè suos.

CARO-

*CAROLUS hinc placidè illa tria, et socialia sceptrâ
 Firmat, et hoc sacro fœdere, pace beat.
 Missis magnificè hæc sunt oratoribus acta :
 Et fluit ad missos, inde perenne decus.
 Adduntur titulis tituli, et nova stemmata priscis :
 Ac meritis dantur præmia summa novis.
 His variè ornantur, licet ornatissima, celsa,
 Clara utriusque domus nobilitate sua est.
 Quæ facere evaluit digna, acceptissima magnis :
 Reddere se acceptam Regibus inde suis.
 Venit enim à meritis, merita à virtutibus ipsis :
 A tribus his mixtis, splendor et omne decus.
 Quid mirere novis ipsos splendoribus auctos,
 Luminibus splendent, qui tribus hisce suis ?
 Bellica adornavit virtus, è sanguine primos :
 Et belli titulis fortia facta novis.
 Extulit hæc natos natorum, et honoribus auxit :
 Atque dedit meritis nomina digna suis.
 Ista Caledonii, ac Angli meminere, suarum
 Scriptores claris gentium in historiis.
 Designare brevi, satis hic est, quî sibi dignè
 Personam impositam sustinuère sacram.
 Sunt laute immensis, largisque paratibus usi,
 Et cultu, formâ conveniente, gravi.
 Spectati, quo ierant, comitum velut agmine, septi :
 Vota impleverunt Principis alta sui.
 Nemo non celebri dignos censebat honore :
 Favit et ipsorum laudibus emeritis.
 Quas peperit virtus, ornavit gratia rara,
 Hoc auxit gesto munere partus honor.
 Sic etenim quæsitus honos, laus, nomina magna,
 Debita sunt meritis ; debita sunt titulis.
 Nam faciunt, qui sacra obeunt hæc munera missi,
 Quod missus Raphael, Nuncius Angelicus.*

GULIELMI BELLENDENI

MAGISTRI SUPPLICUM LIBELLORUM

Augusti Regis Magnæ Britanniae, &c.

DE STATU *liber primus, inscriptus*

DE STATU PRISCI ORBIS in Religione, Re politica,
& Litteris.

Ad Serenissimum Principem CAROLUM PRINCIPEM
SCOTIÆ ET WALLIÆ.

*Non potest animum piè dolentem à solitudine
avertere, nisi aut ratio, aut honesta occupatio.*

PRINCIPI MAGNANIMO, OPTIMO,

SERENISSIMO CAROLO

Principi Scotiæ & Walliæ.

G. BELLENDENUS, S.

MAGNA æterno Numini habenda est gratia, PRINCEPS MAGNANIME, juréque lætandum populis Britannici Imperii, quòd ad omnia summa & magno digna principe erudiaris: eaque jam sis ætate, animo, & viribus, ut velis, & possis, quam tui concitasti opinionem sustinere: & cum ipsa expectatione, quam tibi clara nomina & decora alta parentum gravem pararunt adversariam, ita contendere, ut palmam sis laturus plurimam. Quæ sanè licet multi futura sit sudoris, velut omnis, quæ immenso paratur cursu gloria: tamen non erit adeò tibi difficilis accenso tanti contemplatione parentis, atque imitatione avorum omni genere laudis excellentium. Horum enim, quocunque te vertes, occurrent, quæ altum inflammabunt animum fortia facta, raræ virtutes, honesta consilia, benè regnandi artes. quas illi ad constituenda firmandaque tria, quæ nunc uni Augusto tranquillè parent Imperia, tenuerunt aptissimas. In quibus principem reperies à te colendam, quam omnes præclare imperantes noverant, artem imperandi, imò & parendi. Si quidem oportet imperantem, necnon eum, qui, ut aliquando imperet dignus haberi vult & esse, omninò tenere quomodò sit imperandum, quæ exercenda in populos imperia: quomodò parendum, quæ præstanda obsequia: ut sciat ratione & consilio populos regere, Imperia temperare, moderari sibi, tranquillare animos, summam rerum gubernare.

nare. Quorum & simul omnium, quæ ad humanam vitam pertinent, administra est prudentia : quæ in suis domestica, in iis quæ sunt communis vitæ moralis, in publicis civilis appellatur : & hoc clara nomine, multis clara muneribus, tanquam magistra officiorum vitæ, gubernatrix Regnorum, Principatuum, Rerump. æternitatem imitando humano consulit generi, res parat ad vivendum necessarias : vitæ civilis munit viam præsiidiis, adminiculis, legibûsque expressis ad illam omnium antiquissimam cuncta providentis Dei. Quo certè opere nullum est in natura præstantius, magis necessarium, æternoque similis : aut in quo reperitur verius illud Platonis : Qui aliquod munus efficere molitur, si eam speciem, quæ semper est eadem, intuebitur, præclarum opus efficiat, necesse est : sin autem illam, quæ gignitur, nunquam illam, quam expetet, perfectionem assequetur. Hinc Status Regnorum & Rerump. firmus aut instabilis, brevis aut diuturnus : prout ad hanc aut illam exprimitur imaginem, vel expressam retinet in rebus administrandis. Quod omnibus contigisse seculis animadvertes, cùm orbem velis circumspicere, ac lucem intueri purioris antiquitatis. In qua varia, diversa, multiplex incurret in oculos effigies. at rarò illa eminens, sæpissimè adumbrata : quòd vita semper humana ad umbras fuerit consecutandas, quàm ad veritatem suscipiendam, retinendamque proclivior. Hujus ego Statum in origine obscurum, in forma vagum, in cursu volubilem, in progressu inconstantem, ut repræsentarem : lineamenta ejus perquisivi vetera, & conjeci in libellum, quem inscriptum DE STATU PRISCI ORBIS, &c. ad te mitto, observantis testem animi, atque indicem fontium, unde manarunt primæ mortalium rationes civilis vitæ, consilia, studia, & instituta prudentiæ : quæ ætatibus his illis nata, crescentia, aucta, tanquam rivis flumina, in mare influxerunt actionum humanarum historiam. Ex qua rerum effluit maximarum notio, usus, experientia : gravissima quæque libantur Regum & populorum consilia, acta, controversiæ, bella,

bella, legationes, fœdera : cuncta denique magna & memoria digna, quæ in vulgari prudentia sita non sunt, nec ullis præceptis aperiri poterunt : & tamen quasi meditata claris viris in perpetuum ad omnem usum similium rerum esse debebunt. atque in primis abs iis teneri, quæ accuratè explicari à scriptore vult Cicero, quid in consiliis probatum, aut reprehensum : quid in rebus gestis actum, dictum, & quomodo : quis fuerit eventus, quæ ejus causæ, vel casus, vel sapientiæ, vel temeritatis : hominûmque ipsorum non solum res gestæ, sed etiam, qui fama ac nomine excelluit cujusque vita ac natura. Hæc veteres quique amplissimi observârunt : huc incubuerunt : ac tenenda in rebus gerendis, ex historia repetentes, judicia mentesque suas, non tantum præceptis, sed usu, exemplis, & ipsa cogitatione virorum principum, necnon eorum egregiis consiliis, atque factis conformârunt. Quod, ut omittam Reges, ac publici consilii auctores plurimarum gentium, ipse Imperator Augustus sic usurpavit ac retinuit, ut acta in Rep. & Imperio exscripserit, sequendâque miserit in provincias consulentibus. Nec aliò respexit Imperator Theodosius, cum illa Honorii filii inculcaret auribus, ad quæ non dubito te tuas admovere : Antiquos evolve duces : & quæ mox imitere legas. Hæ fuerant Cyri, Alexandri Magni, Scipionum, Cæsarum in otio & negotio exercitationes : Hæc incitamenta gloriæ : hæc prima animorum curricula, virtutum, humanitatis, & honoris summi spatia. Quibus reperientur (ut spero) consentanea, quæ ex voto suscepto, quod nunquam negligetur, pergo consecrare monumenta animi : qui se Regi maximo, optimo, beneficentissimo, parenti tuo carissimo, dulcissimisque ejus liberis in perpetuum serviendo obligavit.

Vale. Kal. Aug. M.DC.XV. Parisiis.

EDMUNDO BURKE

Viro, tum ob doctrinam multiplicem & exquisitam,

tum ob celeres illos ingenii motus,

Qui & ad excogitandum acuti, & ad explicandum

ornandumque uberes sunt,

Eximio ac præclaro :

Optime de Litteris, quas solas esse omnium temporum

omniumque locorum expertus vidit ;

Optime de Senatu, cujus periclitantis

Ipsæ Decus et Columna fuit :

Optime de Patria, in Civēs


fui amantissimos, cheu ! ingrata,

nunquam non promerito,

Librum huncce ea, qua par est, Observantia.

D. D. D.

A. E. A. O.



J. Jones fecit

*"Hunc tu, Dea, tempore in omni
Omnibus ornatum voluisti excellere rebus."*



INDEX TITULORUM

LIBRI PRIMII.

- D**E abditis rerum originibus: primo statu
mortalium: indiciis civilis vitæ ante elu-
vionem Orbis. - - - CAP. I.
- De secundo & tertio statu mortalium: lapsu mul-
tiplici in religione & moribus: eluvione, &
confusione linguarum: dominationum prima
forma, Regia, aut instar Regiæ. - - CAP. II.
- De primo statu Regum & Regnorum: præstan-
tia tertii status mortalium, primi post divi-
sum orbem: legibus & disciplina civili. - CAP. III.
- De quarto statu mortalium, secundo post divisum
orbem: Origine populi Hebraici: Abra-
hamo, Josepho, Mose, lege divina. - - CAP. IV.
- De status Hebraici amplitudine, conversionibus,
occasu. - - - CAP. V.
- Casus Gentilium graviores quàm Hebræorum:
tria præcipua firmamenta status ignorata à
Gentibus. - - - CAP. VI.
- De forma & ratione cultus divini Hebræis præ-
scripta, interdum servata, interdum remissa,
sæpè neglecta: unde salus aut ruina: De
Tabernaculo: Arca fœderis: Templo Jero-
solymitano: Templo Samariæ: Templo Ju-
dæorum in Ægypto: Excelsis: Synagoga-
rum institutione & usu. - - - CAP. VII.
- Hebræorum Status, cur præstantior, firmior, &
diuturnior aliis: Ortus & Occasus plurium
Regnorum, & Rerumpub. orbis. - - CAP. VIII.
- Gentiles

*Gentiles ignari rerum antiquissimæ memoriæ :
superstitio, confusio Religionum, Deorum
multitudo, & triplex Gentilium Theologia
unde profluxerint. - - - CAP. IX.*

*Qui sapere putabantur apud veteres, & quæ gen-
tes plus aliis: omnia Græcorum recentia :
in quibus posita prima eorundem sapientia. CAP. X.*

*Cultores primæ Græcorum sapientiæ: posterior à
Thalete introducæta in quibus posita: vera à
nemine nota Gentilium: Sophistæ unde no-
minati. - - - CAP. XI.*

*Labes in moribus quibus facta modis in Græcia
& Italia. - - - CAP. XII.*

*Quomodo, & à quibus facta labes in doctrina
apud Græcos: Philosophia antiqua & no-
va: doctrinarum divortia: unde Philoso-
phorum sectæ variæ. - - - CAP. XIII.*

*De vindicata à confusione Philosophia, & illus-
trata parte politica. - - - CAP. XIV.*

*De varietate civilis disciplinæ: dissimilitudine
Rerump. exiguitate plurium regnorum:
multitudine Rerump. Græciæ: amplitu-
dine Romanæ: scopo constituentium &
adumbrantium regna, leges, & Respub. - CAP. XV.*

GULIELMI BELLENDENI

MAGISTRI SUPPLICUM LIBELLORUM

Augusti Regis Magnæ Britanniae, &c.

DE STATU *Liber primus, inscriptus* DE STATU PRISCI
ORBIS in Religione, Re politica, & Litteris.

*De Abditis rerum Originibus : primo Statu mortalium ante
eluvionem.*

C A P. I.

ACTARUM in orbe rerum antè & illicò post diluvium memoria, tam est jejuna, exilis, & concisa, tantisque operta velis & involucris ævi remotissimi : ut difficile sit aperire, quæ in tam diuturna obscuritate latuerunt, atque latent, occultata caligine antiquitatis reconditæ, abstrusæ, involutæ. Nam, non nisi strictim et breviter hæc enarrat, & percurrit Moses : ac veterem, quem in his sequamur alium, non habemus. Antiquioris verò, qui scripserit, ne nomen quidem monumento expressum fidei. Commemorantur à veteribus Enoch & Noë scripta : quæ (inquit Augustinus) ut apud Judæos, & apud nos in auctoritate non essent, nimia fecit antiquitas, propter quam videbantur habenda esse suspecta, ne proderentur falsa pro veris. Nam & proferuntur quædam, quæ ipsorum esse
A dicuntur

dicantur ab eis, qui pro suo sensu passim, quod volunt, credunt. Sed ea castitas canonis non recepit: non quòd eorum hominum, qui Deo placuerunt, reprobetur auctoritas, sed quòd ista non credantur esse ipsorum. Citantur etiam in Talmudicis & Caballisticis scriptis Judæorum, libri Enoch & Abrahæ: sed ab his tenebricosis lux expectanda non est, nec etiam à Græcis. Illi suis mysteriis obducunt omnia, hi judicio eruditorum, majori honore in omnibus versantur disciplinis, necnon in verborum structura & acumine, quàm in veteri rerum memoria: atque, ut observavit Africanus, nihil exploratum in eorum historia invenitur ante Olympiadas, sed omnia confusis scripta temporibus. Commendatur à Josepho Berosus, quòd antiquissimas secutus historias scripserit de arca, de diluvio, de Noë posteris, & horum tempora persecutus sit usque ad Nabulassarum, Babylonis & Chaldæorum regem. Commemorantur et alii, nimirum Manethon, Mocus, Estius, Hyeronimus Ægyptius, Isidorus, Hecatæus, Hellanicus, Accusilaus. Sed hæc exceperunt fictis sic admista fabulis, & commentis aucta Poëtarum: ut etiamsi, quæ periere, exstarent, à Mose decedens, certa non reperiret tantæ antiquitatis vestigia. Perquirenti igitur mihi in jejuna antiquitate, & cæcis mundi primordiis, rerum augustarum origines, si non occurrant certæ, & minus quod exquiro consequar: ut ab initiis ducta unaquaque re, tota dilucidè et planè progressio constet, atque obscuritate involuta temporum aperiantur omnia: haud sanè erit mirum; et alii, qui ea evolvere non poterunt, contenti esse debebunt, si verisimilia ponantur, nec ultrà requirere, si certiora non afferant. Ego tamen de his non constituo, quæ Plato et alii differentes de natura Deorum & ortu mundi, cùm in hæc non incurrant eorum illud: Nullius rei, causa remota, reperiri origo potest. Nam causas non quæro, sed tempora et auctores

auctores rerum. in quibus, cùm negligentì esse non liceat, nec etiam curioso nimis in remotissimis à cognitione mortallum, sufficiat quod licet, & liceat quod sufficit: ut à tenebris primæ memoriæ convertamus animum ad lucem, quam porrigunt ejus indicia. Istam verò qui respexerit, non cunctabitur profiteri hæc, quæ investigamus, referenda esse ad cœtus hominum atque tempora, quæ illa præceserant infausta, misera, infelicia, quibus aqua universum orbem inundavit. Nam impressa fuit in animo primi parentis, & abs eo communicata suis notio supremi Numinis, vitæque utilitatum omnium: impositaque, quod summæ sapientiæ Pythagoræ visum est, cunctis rebus nomina: & divinus cultus, cujus comes est civilis, publicè susceptus est. Enos enim cœperat invocare nomen Domini, id est, publicè & palàm adorare, ut Gen. 4. interpretantur eruditi. Ad hæc, civitates tum erant, quæ sine disciplina, nec constitui, nec regi potuerant: & hujusmodi fuit vivendi ratio, ætâsque hominum, ut longa vita, usus rerum plurimarum, antiquitatis memoria, acceptaque à majoribus imperantis jussa Dei, potuerint eos erudire in omnibus, quæ ad vitam pertinerent humanam: cùm, ut observat D. Augustinus, qui minimùm vixit ante diluvium ad 753. annos pervenerit, plures nongentos transierint. Est verò in æterna laude posita maximè eorum memoria, qui ut posteris consulerent, eosque facerent participes, & quasi spectatores superarum rerum atque cœlestium: quæ de his acceperant, ne eluvione perirent aut incendio, duabus inciderunt columnis, una lateritia, altera lapidea, quam sua adhuc ætate in Syria exstitisse scribit Josephus.

De secundo & tertio statu mortalium: lapsu multiplici in religione & moribus: eluvione & confusione linguarum: dominationum prima forma Regia, aut instar Regiæ.

C A P. II.

AT alia, eaque maxima pars mortalium ad libidinem & cædes prona, multis vitiis & sceleribus depravata, de via quam habuit lege naturæ certam, & à Numine definitam, omninò deflexit. Hinc ultrices parentis almi iræ, & immerfus ab eo orbis, ut mortales deleret. In quibus omni diritate, flagitióque teterrimi fuêre, quos sacræ litteræ gigantes nominant: iis persimiles, quos Poëtæ ferunt bellum Diis immortalibus intulisse, id est, universæ repugnasse naturæ. Quorum scelera secuti alii, qui architectari & in cælum usque tollere turrim tentarunt Babylonicam, videntur aliam dedisse Poëtis materiem transferendæ istius ad eandem fabulam historiæ, & divinum temerantes imperium plus illis humano nocuisse generi. Nam illorum flagitia sui tantum seculi mortalibus offecerant, nec omnibus eodem modo: sed ita, ut impii eluvione perierint: pii, excepto cum suis Noë, ultra centum viginti annos, qui diluvium præcesserant, vitam non produxerint, decreto illo tremendo Numinis: Non permanebit spiritus meus in homine in æternum, quia caro est: erúntque dies illius centum viginti annorum. Hunc enim numerum D. Augustinus de centum viginti interpretatur annis, qui proximè antecesserant diluvium: Hieronimus de præfinito tempore ad agendam pœnitentiam: neuter, ut plerique de vita humana in centum viginti annos contracta. Posteriorum

teriorum temeritas ad infinitam posteritatem redundavit. Siquidem omnes omnium seculorum gentes pœnam illam sustinuerunt & sustinent, à qua linguarum profluxit dissimilitudo & varietas, quæ dirimit humani generis societatem, & hominem, ut ait D. Augustinus, sic alienat ab homine, ut libentiùs homo sit cum cane suo, quàm cum homine, quem non intelligit, alieno. Ab altera tunc constituta pœna, quæ immutationem priscæ communis induxit linguæ: libera quidem fuit familia Heber, in qua sola hæc remansit, & abs Heber Hebræa dicta est: nec tamen omnes ex ea familia liberi: quia lingua vetus orbis non est ad cunctos transmissa ejus posteros (nedum ad alios, ut voluit Goropius, contendens Germanicam primam in orbe fuisse) sed ad eos solummodò, qui, ut ait D. Augustinus propagati per Jacob insigniùs & eminentiùs in Dei populum coalescentes Dei testamenta & stirpem Christi habere potuerunt. Interea nemo non videt hos etiam ipsos cum cæteris mortalibus pœnam, quæ à diversitate linguarum profecta est, pertulisse, & perferre. Ita primis jam mundi seculis à cultu Numinis recessum est, & impietas cum pietate certans superabat: & primùm in ea orbis parte, in qua profugus Cham confederat, abs eo Chananæa dicta, & posterì ejus Chananæi. quorum impietas latius serpens vicinos populos infecerat, & inde progressa est per orbem. Dominationum verò, si investigetur quæ orbe crescente forma fuerit, reperietur regia, aut quasi regia. Etenim cum respecto vetera, cursúsque rerum, & ordinem sequor temporum, etsi expressa non reperiam dominationum principia, tamen in progressionibus reperio originum indices non obscuros, & antecessorum vestigia in antiquissimis impressa regnis: quæ acervata mihi persuadent primam in orbe cœptam, & ad posteros transmissam administrationis atque disciplinæ formam fuisse regiam, aut instar

regiæ. Inter indicia certa, quæ obferuo varia, præter universi Monarchiam, cujus simulacra regna sunt, & naturæ vim, quæ ad perfectiora dirigit: occurrit Cæini principatus in civitate Henochia, instar regalis: potentia eorum, quos Moses in Gen. ait potentes fuisse à seculo, & famosos viros: Noë propago distincta familiis, conjunctionibus propinquorum sociata, & orbe diviso, terris assignatis, quasi ordinibus disposita stirpium: in quibus nemo non conjecerit principes familiæ præfuisse cæteris: item principatus Assur in Ninive aliisque civitatibus; & ditioni suæ nomen abs eo datum Assyriæ: Regia dominatio Nembroth, & principium regni ejus in Babylone: Reges plures ibidem & in Assyria, Ægypto, Scythia, ante Abrahamum & Ninum: Nini regnantis in Assyria res gestæ: Reges Sicyoniorum, Bactrianorum, Cretæ, Mediæ: Rex Salem Melchisedech: Reges Sodomorum & finitimi: Abrahamus Rex dictus à Philone, & Nic. Damasceno: Abimelech Rex Geraræ: duces in terra Edom, postea Reges: tres amici Job Eliphaz, Baldad, & Sophar Reges appellati à septuaginta Interpretibus, & Aristæo in Judaica historia: omnes denique Provinciæ, in quas Josuè introduxit Israëlitas administratæ per Reges: nulla iis, aut primis seculis memoria Reip. ut usquequaque apparuerit illud Eccles. 17. In unamquamque gentem præposuit rectorem.

De primo statu Regum & Regnorum: præstantia tertia status mortalium, primi post divisum orbem: legibus, & disciplina civili.

C A P. III.

PROPHANI, & in his Aristoteles & Justinus, in notatione rerum insignium diligentes, suggerunt alia de prima regia, non solum dominatione, sed etiam disciplina: qua reges suis erant contenti finibus, suis quisque mortalium bonis, nemo invaserat aliena. Et certè, si ullum fuit seculum, in quo res sic sunt constitutæ, ut nihil earum defuerit ulli, quas natura desiderat: & sic amputata omnia, ex quibus odia, discordiæ, contentiones, bella nascuntur: ut nulla cuiquam causa esse potuerit, aliorum incommodis sua commoda augere: omninò illud fuit, quo omnium consensu æquabilis partitio orbis facta est, & singulis utilitates traditæ, quibus possent cum suis benè, lautè, conjunctissimè vivere: sine cura, metu, ambitione esse, & finitas habere cupiditates. Easdem habuere, qui præerant, beatè vivendi causas, & fortassè præstantiores: nullo impediante populari metu, nec bello impediante, nec formidine insidiarum eos deterrente: cum propinquis & volentibus imperarent, omnibûsque fruerentur bonis, quæ adversa obruerent, circumciderent errores, tranquillarent animos, vitæ et principatus statum, non modò præsentem firmarent, sed etiam ad spem erigerent temporis consequentis. Quis non dixerit hos fuisse, quos Aristoteles scribit heroïcis floruisse temporibus, voluntarios rexisse, res definitas tractasse & præscriptas: sic administrasse regna, ut duces essent belli, juris interpretes ac judices, necnon divini juris, sacrorumque principes, cujusmodi fuit, & in sacra describitur pagina Melchisedech: ut opinione Senecæ, officium olim fuit imperare, non regnum: summâque felicitas gentium:

in quibus non poterat potentior esse, nisi melior, quum animo rector eligeretur. unde fabula aurei-seculi, quo penes sapientes fuisse regnum Possidonius iudicavit. Quicquid sit, post innovatum orbem, non modò repressa est confusione linguarum temeritas turrim ædificantium, sed impressa in animis, ut apparet, mortalium, agnitio Dei, notio sui : & ab huiusmodi initiis monitisque sapientium defluxêre in orbem mores, ad capienda præcepta molliores : temperata & exulta vita mansuetudine, humanitate, civilibus officiis, & actionibus virtuti congruentibus. A quibus ne recederetur, utque esset vita munitior, leges sunt conditæ, tum certa juris forma, variis in provinciis. Nam, etsi datæ non fuerint divinitus ante Mosem aliæ, quàm naturæ leges, nisi de abstinence, conjugio, & homicidio commemoratas, Gen. 2. & 9. exceperis, civilis tamen vita civiles vivendi flagitavit accepitque leges, & primis mundi seculis, & mox post renovatum ac divisum orbem : ad minus ante Abrahami profectioem in Ægyptum. Siquidem, eò cum veniret, Ægyptios reperit de legibus dissentientes : ejusque ævo, Phoronæus Rex secundus Argivorum leges & judicia conscripisse traditur. Attamen, qui alii legum istiusmodi veterum latores exstiterint ante Mosem, aut quænam illæ fuerint, in nullo reperitur monumento vetustatis : ut non dubitemus cum Josepho asserere, legem Mosaicam omnes, quarum certa est memoria, præcessisse. Obscuræ quidem, ignotæque aliarum sunt origines, ut rerum penè omnium : nec tamen dubitandum est, quin prima societas humani generis, & quæ eam est consecuta, qualiscumque illa exstiterit, per civilem sit inita disciplinam, siue veram, siue adumbratam : ut sine ea, quam ipsis tyrannis, ut omninò necessariam, commendat Aristoteles, Caïn dispersos non congregârit in unum, ut par fuit, locum, ad urbem Henoch constituendam : nec domiciliis junctis eos officiis sociârit vitæ : nec illam rexit, quam condidit civitatem ; nec

Assur

Affur Ninevem, Chale & Rosen : nec Nembroth regnavit in Babylone : nec alta Noë progenies orbem diviserit, gubernârítque terrarum.

*De quarto Statu mortalium, secundo post divisum orbem :
origine populi Hebraici : Abrahamo, Josepho, Mose,
lege divina.*

C A P. IV.

JAM verò renovati orbis incolæ didicerant de Deo & natura rerum, quæ disci potuerunt : & crebra auditione acceperant, de immanitate & flagitiis priorum mortalium : de ira Numinis & diluvio : de temeritate Babylonica, & confusione linguarum : & nihilominus in eadem sunt delapsi vitia, errores, flagitia. Inde serpere & prodire cœpit impietas, quæ omnia inficiens, quum semel disseminata esset, crevit : & in omnes totius est diffusa partes orbis. Attamen bonus, misericors, in omnibus immensus Deus delere iterum noluit humanum genus : sed in sparso sic per orbem scelere, & amplexa ab omnibus ferè impietate, ad Abrahamum se convertit, & ejus sobolem : ut hanc sibi ascisceret, populum eligeret, tueretur, ornaret, ac sacris cæremoniisq̃ institutis ad cultum erudiret suum. Abrahamus tantæ prolis parens, septimo ab Heber (unde Hebræi) gradu in Chaldæa, Chananæa, & Ægypto varia edidit exempla virtutis, bonarúmque artium & prudentiæ : quæ in plurimorum animis tanquam semina in aratis à se sparsit agris, qui fructus ederent ad alendos plurimos mortales : ac postmodùm à Josepho, Mose, & aliis Hebræis iterati, sulco altius impresso, fruges effunderent uberiores, posteris

posteris profuturas seculis. Josephi, qui Abrahami fuit pronepos, clarum fuit nomen, fama perennis, collecta ex prudentia, qua in summa annonæ sterilitate, & frugum penuria, famem depulit ab Ægyptiis aliisque gentibus, & patrem, atque fratres accivit in Ægyptum. Ex quibus propagati Hebræi, ibi sedes fixerant annis quadringentis triginta. Hunc secutus ab undis servatus Moles, eodem abs Abrahamo, quo is ab Heber gradu, vir summus fuit, & primus sui temporis mortalium, à Domino electus, ut populum regeret Hebræorum divinis imperiis, consiliis, cæremoniis, legibus. quas ipsemet Deus, administrationi, quam optimam esse, & à se pendere voluit, dedit consentaneas: ne quid omitteretur, aut deesset, quod tantum imperium moderari, unumquemque in officio continere, res privatas atque publicas florentes reddere posset. Hinc 4. Esdr. 5. Ex omnibus multiplicatis populis, acquisivisti tibi populum unum: & ab omnibus probatam legem donasti huic, quem desiderasti populo. Atque in eo divina benignitas elucet, & simul progressus disciplinæ ab eo traditæ mortalibus, quod principio humanæ consulens, & se accommodans naturæ, ipsam homini naturam dedit magistram, ducem, & legem, quam sequeretur & teneret. At is cupiditatibus parens suis, à natura erudiri noluit, nec curricula tenere, quæ illa circumscripserat, ne à civilis vitæ & in cælum via declinaret. Itaque immemori, ingrato, & erranti pravitate atque inscientia, aliam dedit magistram, nempe legem, quæ esset emendatrix vitæ, & pædagogus in Christo, ut loquitur D. Paulus, doceret atque cogeret descendere in curricula, ad quæ natura direxerat, ut divinam omnes vitam viverent. Lactantius secutus, uti apparet, B. Clementem, causam & originem legis derivat ab impietate & scelere conversi ad idololatriam populi, cum Moles ascendisset in montem, atque ibi quadraginta diebus moraretur.

De status Hebraici amplitudine, conversionibus, occasu.

C A P. V.

NON potuit esse non augusta illa administratio atque dominatus, nec nisi divina, & regia ejus forma & disciplina: quæ à Deo sic constituebatur, ut ab ipso penderet, ipsius firmaretur imperiis, nomine teneretur, regeretur legibus, consiliis administraretur, armis propagaretur & victoriis. In hoc statu constanter mansit annis 70. sub Mose & Josue. Postea varia est facta rerum conversio, mutatusque sæpè status: nunc insolescens, velut Anarchia: nunc velut Aristocratia sub iudicibus annis plus quingentis: sæpè velut interregnum, sine duce, sine iudice, secundum illud Iud. 18. & ultimo: In diebus illis non erat rex in Israël: sed unusquisque, quod sibi rectum videbatur, hoc faciebat: etsi, ut habetur ibidem 2. & 4. Dominus reliquisset gentes quasdam, ut in eis erudiret Israël, atque in ipsis experiretur, utrum audirent quæ præceperant patribus eorum per Mosem, an non. Tandem avaritia filiorum Samuelis, pravitateque & fastidio populi, divinum imperium in humanum regnum transiit, regnorum instar gentium. deinde in duo regna abiit, nimirum Israël & Judæ. Hinc iræ domini, alienatio Israël ab ejus domo in Jerusalem: à Religione, & cultu vero sæpè discessum: scisso regno status varius, dominatio plurium unde quæritur & quærit Esdras 1. Cap. 5. Et nunc Domine, ut quid tradidisti unum pluribus? & præparasti super unam radicem alias, & disperdidisti unicum tuum in multis, &c. Sæpè misertus est Dominus eorum, propter pactum cum Abrahamo, cum Isaaco & Jacobo, ut habetur 4. Reg. 13. At cum nec mores, quibus assueverant, mutari, nec voluntates

tates sanari, nec impietates tolli potuissent, Israël translatus est in Assyriam, ejusque deletum regnum. Juda anno à Saùle 533. traductus in Babylonem, ubi serviit annis fere 70. Inde rediens fuit veluti Aristocratia sub Pontificibus: postea principatus sub Assamoneis. Iterum in forma regni sub Aristobulo, Alexandro, Solina, Hircano annis 46. Post sub Romanis velut provincia annis 3. Tertiùm in forma regni sub Antigono, Herode, Archelao annis 83. Iterum velut provincia annis 23. Quartùm in forma regni annis 10. Tertiùm in forma provinciæ annis 22. & tunc sub Vespasiano Hebræorum status omninò concisus & deletus est. Siquidem Juda, qui solus cum reliquiis Benjaminis ex omnibus tribubus remanserat, ita succubuit, ut omnia ejus insignia atque ornamenta occiderint: gens deleta, regni sublatum nomen, solium, solum, atque imperium: urbs direpta, Templum æquatum solo, nec unquam postea instauratum. exemplum mortalibus relictum immortale, de cultu & præscriptis servandis totius orbis Domini: monumentumque positum ad memoriam sempiternam eorum, quæ illèmet præmonuit, cùm Salomoni appareret post ædificatum Templum: Si aversi fueritis vos & filii vestri non sequentes me, &c. auferam Israël de superficie terræ, quam dedi eis: & Templum, quod sanctificavi nomini meo, projiciam à conspectu meo: eritque Israel in proverbium & in fabulam cunctis populis, & domus hæc erit in exemplum. Omnis qui transierit per eam, stupebit & sibilabit, & dicet: Quare fecit Dominus sic terræ huic, & domui huic? & respondebunt: quia dereliquerunt Dominum Deum suum, &c. Dignum est observatione, & in omnium etiam figendum animis mortalium, quod Eusebius notat in Chronico: Titus, inquit, Judæa capta, & Jerosolymis subversis sexcenta millia virorum interfecit: Josephus verò scribit undecies centena millia fame & gladio periisse, & alia centum millia captivorum publicè venundata. Ut autem

tem tanta multitudo Jerosolymis reperiretur, causam Azy-
morum fuisse refert : ob quam ex omni parte Judææ ad
Templum confluentes, urbe, quasi carcere sunt inclusi :
oportuit enim iisdem diebus Paschæ eos interfici, in
quibus Salvatorem crucifixerant : hæc Eusebius. Stupen-
dum etiam, quòd sic attrita fuerit ipsa stirps regia, Davidis
Soboles, & ad tantam paucitatem inopiámque redacta : ut
Imperatore Domitiano, qui Tito successit, jubente perimere
regiam illam progeniem, duo tantùm sint reperti, qui ad
eum, ut scribit Hegefippus, perducti, cùm de facultatibus
interrogarentur, responderunt, utrisque non esse, nisi tri-
ginta novem jugera : quæ ære obstricta alieno, ipsimet suis
excolebant manibus, ut alerentur, & tributa penderent.
Quorum utilitatem Domitianus contemnens, abire eos jussit
liberos. Hi autem fuere nepotes Judæ, qui secundùm car-
nem frater Domini dicitur.

*Casus Gentilium graviores, quàm Hebræorum : tria
præcipua firmamenta status ignorata à Gentibus.*

C A P. VI.

IN hoc vario & instabili statu cùm res verterentur Hebræ-
orum, tanquam in tempestatum moderatione, & pro-
cellis mare : orbis etiam regna, gentes, & Resp. fatales mo-
tus, conversiones, casus habuere suos, & in plerisque longè
graviores : in Religione verò, unde pendent omnia, gravis-
simos, miserrimos. Siquidem, etsi apud Hebræos ex alio
in aliud vicissitudo atque mutatio fuerit varia, hi autem af-
flicti ad unius cultum Dei, & susceptas de eo religiones re-
vertebantur. Nationes autem aliæ superstitionum confu-
sionibus sic involvebantur, ut ex iis nunquam se evolve-
rent : cùm sua cuique civitati, ut ait Cicero, religio esset,
& cuique

& cuique sua Theologia, quæ civilis appellabatur, innumerî in orbe Dii. Hinc in re divina cæcitas, varietas, dissolutio, quæ Gentilium obfederat animos, & imperia facilè commoverat, quia præcipuis caruere firmamenti dominationis, atque status. Hæc verò sunt, unius agnitio Dei, una Religio, cultus conformis sine varietate, dissimilitudine, mutatione, neglectu. In quibus ipsi cùm labarent Hebræi, in illas inciderunt acerbas inclinationes conversionisque rerum, quas summatim à me percurfas sacra Regum exprimit historia, & Josephus pluribus. Interim tamen firmior exstitit, atque diuturnior eorum, quàm Gentilium status : ut à nobis ostendetur post illa, quæ mox interponemus de loco & ratione, cultus, ab eis, aut retenta, aut variata. Unde Numinis nunc favor, nunc iræ : status nunc firmitudo & quies, nunc motus, fluctus, & procellæ. Quæ omnia curiosus poterit ex sacra pagina & Josepho repetere, iis prægustatis, quæ nos ex fontibus illis libavimus, non tam monitores, quàm indicis fungentes munere.

De forma & ratione cultus Divini Hebræis præscripta, interdum servata, interdum remissa, sæpè neglecta : unde salus aut ruina : De Tabernaculo : Arca Fœderis : Templo Ierosolymitano. Templo Samariæ : Templo Judæorum in Ægypto : Excelsis : Synagogarum institutione, & usu.

C A P. VII.

JOSEPHUS pro suis Hebræis contra Appionem : Modus, inquit, divinæ placationis sanctissimus est, unum Templum unius Dei, commune omnium communis Dei. Gratum namque semper est omne, quod simile est. Et verò,

verò, inter plurima memoranda Judæorum, id memorabile & memorandum maximè est, quòd non nisi unicum in toto orbe Templum haberent, eoque ab extremis orbis partibus venirent ad sacrificandum, vetante lege, ne offerrent sacrificia, nisi in loco, quem elegerit Dominus. Is verò fuit Mose imperante incertus, ubicunque ponebatur Tabernaculum, in quo erat arca fœderis: pòst verò certus in Silo oppido Ephraim, in quo fixum est Tabernaculum, & mansit Arca, à temporibus Josue, usque ad illa Pontificis Heli, quibus à Philistæis capta est. Pòst verò ab his remissa, in domo fuit posita Aminnadab in Gabaa, oppido Benjamitarum. Inde sub Saule Tabernaculum sine Arca delatum est in urbem Nobe. Postea, regnante Davide, translatum in Gabaon, & Arca illata abs eo in Jerusalem: tandem Templo à Salomone condito, posita cum Tabernaculo in loco suo, id est, in Sancto Sanctorum. Interea, & multò ante Mosem, gentes Deos coluerunt suos in montibus excelsis, collibus, & lucis. hos verò Dominus subvertere jusserat, vetuitque in iis sacrificare. Attamen, ut D. ait August. consuetudinem populi sui, qua præter ejus Tabernaculum, non Diis alienis offerebant, sed Domino suo, sustinebat potius quàm vetabat, etiam sic exaudiens offerentes. Istud verò primus inchoasse Gedeon censetur: quum, ut habetur 6. Jud. Tulit omnia sub quercu: quod postea usurpatum est à populo, ante extructum templum, ut 3. Reg. 3. apparet. Ubi tamen satis innuitur, id non placuisse Domino, cùm à principe fieret: Dilexit autem Salomonem Dominus, excepte quod in excelsis immolabat, & accendebat Thymiana. abiit itaque in Gabaon, ut immolaret ibi. illud quippè erat excelsum maximum. hæc sacra pagina. Sed tanta fuit, etiam templo condito, pertinacia populi, ut in excelsis sacrificârit: & Jeroboam regis Israël tanta impietas, atque dementia, ut Templum Jerosolymitanum omninò spreverit, fana fecerit in excelsis, altare in Bethel, & Deos sibi populoque

Ioque conflârit duos vitulos aureos, quibus immolaret. Cujus exemplum secuti Israëlitarum reges alii, ædificârunt sibi excelsa, & adolebant ibi incensum super aras more Gentium, ut 4. Reg. 17. perhibetur. Hinc regni Israëlis excidium. Excelsa permiserunt etiam reges Judæ omnes, præter Ezechiam, qui ea dissipavit: & Josiam, qui mundâsse dicitur Judam & Jerusalem ab excelsis, lucis, simulacris, sculptilibus: insuper altare diruissè Bethel, & fanæ omnia excelsorum Samariæ. Hic ea de causa omnibus præfertur Regibus: nec tamen placatus est Judæ Dominus, Manassis irritatus scelere & idololatria. Unde Templi incendium, & captivitas Babylonica. Quâ sic sapere cœperunt Judæi, ut post libertatem recuperatam, ad excelsa non reverterint, Templum instaurârint: ac majore, quam antea, habuerint sanctitate & honore, inde spe & expectatione rerum erecti meliorum. Sic quippè intelligebat, ut ait D. Augustinus, populus ille carnalis, quod prænunciatum est per Aggæam Prophetam dicentem: Magna erit gloria domus istius novissimæ, plus quàm primæ. propter hoc ergo (subjungit ipse) nec Prophetas ex illo tempore habuit illa gens, sed multis cladibus afflicta est ab alienigenis regibus, ipsisque Romanis, ne hanc Aggæi Prophetiam in illa instauracione Templi opinaretur impletam. Atqui (si modò revocare quid simile ad conjecturam liceat) eadem forsan de causa, & quòd antea non quanti debuerat, fecisset sacris commendata, ex his præcipua desierant: nimirum divina præsentia, & responsa ad propitiatorium edita: ignis facer, quo holocaustum incendebatur: lux lapidum Urim & Thurim, qui in rationali erant Pontificis, & ad occulta à Sacerdotibus intelligenda, tradendâque populo, plus solito lucere consueverant: prætereà evanuit Arca fœderis: nec propitiatorium cum duobus Cherubim Arcæ adhærentibus inventum est. Post hæc, translati multò antè, Israëlitarum loco, in Samariam oppidum tribus Ephraim Assy-

rii, qui & legem Dei susceperant, & idolis servierunt suis, & Judæos in odio habuerunt hostili, ac Templi instaurationem impedire tentârunt, sed frustrâ, Alexandri magni permisso, Templum ædificârunt in Gerizim monte Samariæ. Ex quo, de vero adorandi loco, cum Judæis certârunt, prætexentes Dominum primum cultus locum in Silo urbe Ephraim delegisse. Sed causa coram Ptolemæo Philometore acta, pro Judæis pronunciatum est: & multò pòst, ab Hyrcano Rege Judæorum Samaria subiecta, Templumque illud dirutum. Exstitit et aliud Templum ab Onia, Oniæ pontificis filio profugo conditum in Ægypto, Judæis urbe pulsas Jerosolymitana, quibus ipse velut Pontifex præfuit: quod à Paulino proconsule clausum est, eodem tempore, quo à Tito Jerosolymitanum est incensum. Habuerunt etiam Judæi Synagogas Jerosolymæ, & in provinciis: de quarum institutione prima non est certa memoria. Quidam eam referunt ad tempora captivitatis Babylonice, & in urbe postea sic acceptas tradunt, ut in usum cesserint peregrinorum, Templum verò civium. De urbanis, quas ad numerum 480. ex Hebræorum repetunt commentariis, non liquet. Quicquid sit, Templo Sacerdotes & Pontifices præerant, Synagogis scribæ, quorum princeps Archisynagogus nominabatur, ipsi Doctores legis. Judæi tam in Synagogis, quàm in Templo convenerant, ad legem audiendam: nec istas improbavit Dominus: Ego, inquit, Joan. 18. Semper docui in Synagoga, & in Templo, quo omnes Judæi conveniunt: & Luc. 5. Intravi secundum consuetudinem suam in Synagogam, & traditus est illi liber Is. Prophetæ. Item Matth. 4. Circumivit Jesus totam Galilæam, docens in Synagogis eorum. Jam ad intermissa redeamus.

Hebræorum Status, cur præstantior, firmior, & diuturnior aliis : Ortus & Occasus plurimum Regnorum, & Rerumpub. Orbis.

C A P. VIII.

CUM, fundamentis Religionis & disciplinæ firmissimis, Hebræorum Status niteretur: cæteris, in ratione imperii, administrationis prudentia, & forma Reip. præstitit omnibus. Et quamvis tempestatibus quateretur variis, tamen everfit: atque in ipsa tremefacta libertate, inclinationibus temporum, adversis casibus, leges retinuit: imò in his potius, quàm secundis. quòd longè secus apud Gentiles contigerat, etiam ipsos publicæ disciplinæ retinentissimos Lacedæmonios. Nam, ut observat Josephus, simul atque vis, & tempestas oblata est Reip. legum penè omnium obliti sunt. At electus ille populus, cùm religione contrarium censeret, legem violare: hac periclitante, nec turbinibus pacis & otii, nec procellis temporum, mutabatur. Quin- imò pro illa tuenda, sic sæpè exarsit, ut bella moverit periculosissima: omnia, quæ alii præclara putant, contemserit: nec tam metuerit arma, jussa, minas imperantium, suâsve & suorum calamitates: quàm contaminata spectare sacra, pollutum Templum, violatam legem. Equidem, ut Scipio censuit non posse felicem esse Remp. stantibus mœnibus, ruentibus moribus: ita Hebræus, nec se, nec suos beatos haberi, aut superesse debere crediderat, perruptis legibus. Hinc divinus ille status firmior fuit, & diutius multò stetit, quàm Principatus, Imperia, & Resp. Gentilium. Babylonis sive Chaldæorum regnum omnium antiquissimum censetur: huic proximum Assyriorum, in quo Rex Belus haberi cœptus est pro Deo: utrumque

utrumque sæpè eodem sub imperio, & Hebræorum statu antiquius, uti etiam Ægyptiorum. Hoc illo apud gentes illustrius, quòd Monarchiæ ornatum nomine, & robore firmius, illi jura daret: sed neutrum in diuturnitate dominatus cum Hebræorum statu conferendum. Siquidem Assyriæ imperium, ab Arbace Medo eversum est, & ad Medos translatum anno 1300. post ejus originem, ut scribit Justinus. Pòst verò Cyrus Persarum tunc regulus, avunculi jussu Darii, Babylonæ Regnum Mediæ regno adjecit, cæso Balthazare ultimo Chaldæorum Rege: & aliquar ò pòst Medos, qui Asiæ imperaverant annis 130. necnon Lydos, quorum regnum stetit 230. Persico subjecit imperio. Inde ex domitis Regnis Chaldæorum, Assyriorum, Lydorum, Medorum, & aliarum Gentium junctis Persidi, Monarchiam in Asia Persicam constituit. quæ cū fortuna conflixit variè, pluribus implicata bellis: nimirum primo Scythico: in quo Cyrus occubuit: Ægyptiorum defectione, & commissò cum iis prælio, in quo Persa superior fuit: bello Scythico secundo, quo in fugam se conjecit Darius, Hystaspis filius: bello abs eodem oblato Græciæ, in quo ducenta Persarum ceciderunt millia: & altero à Xerxe, cui terra & mari infauستا fuerunt omnia: bello ultimo, in quo duobus commissis præliis, utròque Darius ab Alexandro magno victus est: & primo cæsa Persarum equitum decem millia, peditum centum millia: secundo, millia quadraginta, fractaque & deleta Monarchia Persiæ, anno ab ejus origine 230. Inde vis illius imperii, & regnorum omnium Orientis, ad Alexandrum translata, subactaque pòst India, composita est Monarchia Græciæ, prioribus multò amplior, sed longè brevior: ut quæ mortuo Alexandro anno ætatis 32. dominatus tanti sexto, à successoribus ejus, in quinque, ut scribit Josephus, divisa partes, in plures, opinione Q. Curtii, dissipatis amisit viribus famam, nomen, splendorem:

ipsaque tandem Macedonia, cui tot accreverant orbis regna, Perseo ejus rege 38. & ultimo, victo à Paulo Æmilio, & in triumphum ducto, cum tribus filiis, in provinciam reducta est à Romanis ann. urb. 586. ab ejus origine, & Rege primo Cranao ann. ferè 700. Reliqua Græcia regiis quondam nobilitabatur imperiis, diversis tamen & modicis, ut ipsa olim Macedonia: primùmque se extulit Regnum Sicyoniorum, regnante Nino in Assyria, & 862. duravit annis. Iisdem ferè temporibus Cretæ cœpit regnum: in quo postea Melissæus Rex, pater Amalthææ & Melissæ nutricum Jovis, primùm Diis sacrificasse traditur, ac ritus novos eorùmque pompas introduxisse; quod alii Ægyptiis, alii Æthiopibus tribuunt. Deinde regnum Argivorum exortum est, quod 544. reperitur floruisse annis. Exin Thessaliæ Regnum; vivente Mose: atque etiam Atheniense, & Athenæ in Eubœa conditæ, judiciùmque constitutum Areopagi. Diis etiam sacra, uti scribit D. Augustinus, instituta à Regibus Græciæ, ab exitu Israel ex Ægypto, usque ad mortem Jesu Nave. Seculis sequentibus regna Mycenarum, Lacedæmoniorum, & Corinthiorum cœperunt: quæ tamen, ut cætera regna Græciæ, defecerunt omnia: nec diu steterunt, paulatim conversa in Resp. Quarum tempora, etsi ab origine regnantium repetiveris, nullam reperiēs, uti nec regnum, ut dixi, ullum ad diuturnitatem accedere status Hebræorum: qui, ut notat Josephus, amplius duobus millibus annis stetit. Nec ab hac supputatione abest Eusebius: qui à promissione facta Abrahæ, ad Mosē & egressum ex Ægypto, annos numerat 430. ab eo tempore, usque ad Salomonem, & templi ædificationem, annos 480. ab hac, ad excidium & ruinam sub Vespasiano, annos 1102. Quæ tempora, in unum coacta, numerum conficiunt annorum 2012.

Gentiles ignari rerum antiquissimæ memoriæ : superstitione, confusio Religionum, Deorum multitudo, & triplex Gentilium Theologia unde proflexerint.

C A P. IX.

HÆC Hebræorum incrementa, antiquitates, res gestas, & rationes vitæ, necnon illa, quæ repetivi primordia, & progressus rerum, Gentiles ignorârunt: & propterea majorum secuti deliria, in iis, quæ veteris erant memoriæ sacræ & profanæ, omninò deerrârunt: inventionesque utilitatum vitæ, seris tribuerunt seculis. Philo Judæus, auctor gravis, libro de meritis & pœnis, inania Græcorum exagitat commenta, de sparsis in terram frugibus à Tripolemo: ostenditque omnia ad vitam necessaria fuisse principio à Deo apparatus, datâque omni animantium generi, præcipuè homini: in nullo tardatum opere divino: cuncta, quæ artibus studiisque hominum perfecta videntur, in natura latuisse: & quæ ab iis ediscuntur, dici posse, humanis inde eruta ingeniis. Jejuna est, ut dixi, in multis antiquitas: attamen, qui ad hanc se converterit, & examinaverit percursa in sacris historiis de longa vita primorum mortalium, rerum gnara omnium, quæ ad ipsam pertinerent: facile deprehendet, quàm sint inania, atque falsa plerâque gentilium, ignorantium initia, & progressus humanæ vitæ. Cujusmodi (ne congeram, quæ volumen implerent) est illud Senecæ: Nondum sunt mille anni, ex quo initia sapientiæ nata sunt. Quod irridens Lactantius: Multis ergo, inquit, seculis humanum genus sine ratione vixit. At ille, alioqui scientissimus, quum nequiret doctrinæ luminibus, quæ à Græcis acceperat, tam retrò respicere: sapientiam & bonas artes, cum Græca putavit cœpisse sapientiæ: sibi que persuadere non potuit, virtutem primis floruisse seculis, quamvis fraus aberat: aut eos, à quibus vita hominum

instrueta primò sit, fuisse sapientes. Non tamen, inquit, negaverim fuisse alti spiritus viros, &, ut ita dicam, à Diis recentes. Ignorantiâ rerum innocentes erant. deerat illis justitia, deerat prudentia, deerat temperantia, ac fortitudo. Omnibus his virtutibus habebat similia quædam rudis vita. Hæc ille, ep. 90. Hortensius apud Ciceronem urget hujus magistros erroris, percunctando : Quando Philosophi esse cœperunt ? Thales (ut opinor) primus : recens hæc quidem ætas. Quid plura ? Nemo in sacra memoria versatus, & de bonitate providentiâque divina rectè sentiens, non agnoverit cuncta ratis ordinibus moderata, primosque mortales ante & post inundationem orbis, beneficio divini Numinis, naturæ adjumentis, usu plurimarum rerum, adhibitis sapientium consiliis, & præscriptis imperantium, omnia consecutos, quibus piè, civiliter, benè, tutò, tranquillè, & feliciter vivere possent : ut miserabilis stupendâque fuerit inscitia Gentilium : qui tot inventa rerum, tot vitæ & humani cultus artes, à commentitiis derivârunt fontibus ; ipsâque victus initia, tam fera putârunt, ut à Cerere & Libera reperta dixerint : quas tamen ad antiqua tempora retulerant, etiam ipso priora Mose. At Eusebius hanc diluit, & refellit fabulam : uti Philo illam Græcorum de Triptolemo : aliam Atheniensium de frugibus & legibus apud ipsos repertis, atque in omnes terras distributis Aristoteles : qui, hæc irridens lepidè, ait Athenienses frumenta & leges invenisse, frumentis quidem uti, non autem legibus. Sed, ut horum deliria à vanitate, sic illorum error ab ignorance manavit barbara, & cæca opinione : qua prisci gentiles, rerum tam utilium præstantiam admirantes, eam consentaneam putârunt cujusdam Numinis excellentiæ : & hujus generis omnia ascripserunt Diis, vel hominibus, quos, propter istiusmodi inventa, Deorum honore dignos existimârunt. Ad absurdiora etiam delapsi, rebus, quæ magnas utilitates afferrent, aut vim haberent majorem, De-

orum

orum tribuerunt nomina, atque sacra. Fragilis, inquit Plinius, & laboriosa mortalitas in partes ista digessit, infirmitatis suæ memor, ut portionibus coleret quisque, quo maximè indigeret. Itaque nomina alia, aliis in gentibus, & Numina in iisdem innumerabilia reperimus. Josephus, observator non indiligens errorum gentilium, hujusmodi tradit varia profluxisse, à malè composita disciplina civili, incuria legislatorum, negligentium statuere de cavendis, & præcidere, quæ maximè depravarent. Siquidem in mutis legibus, & oscitante cura magistratuum, immoderata atque insolens licentia irrepfit in respublicas, & imperia. Unde poëtæ finxerunt, pictores adumbrarunt, fabricantes signa formarunt, quos vellent, Deos : Oratores liberè de republica scripserunt, & de peregrinis decreta interponere Diis, præcipuè in Græcia. Ubi etiam unusquisque Philosophorum, quod de Diis conjiciebat, sequebatur, ut ait Eusebius. Et tamen qui puriori dabant operam Philosophiæ, ridiculam suorum agnoverunt impietatem : ejusque multos puduit, in primis Pythagoram, Anaxagoram, Socratem, Platonem : etsi Pherecydes Syrus, de Diis scribens Græcis, cum vulgo delirârit. Erunt etiam alii, qui, tametsi non omninò frangerentur pudore impietatum hujusmodi : sic tamen eo afficiebantur, ut Poëtarum fabulas in allegorias verterent, quas scitè Eusebius appellat remedia turpitudinis Deorum. Sed illos eruditos, neque superiorum quidpiam latuit, neque frigidæ ignoraverunt causas allegoriæ. Romani etiam, istiusmodi nugas & mysteria Græcorum penitus repudiârunt : uti Theodoretus, illorum auctoritate, ex Dionysio repetita Halicarnasseo, urget Græcos. apud quos, cum plures essent Respublicæ, & singulis sui Dii, plures in Græcia reperiebantur Dii, quàm in ulla orbis parte : nisi exceperis Ægyptum, quò refugere putabantur Dii peregrini & exules, atque salvari migrantes in effigies animantium. De Ægyptiorum Diis Leo scripsit, necnon Plarchus.

chus. Scythæ, quum non nisi suos Deos, & usitata mysteria putarent retinenda, advenientem interemerunt Anacharsim, quòd videretur ad eos venisse Deorum Græcorum plenissimus. Ab his de religione commentis, tripartita manavit illa Theologia, fabulosa, naturalis, civilis: quarum prima fuit Poëtarum, secunda Philosophorum, tertia singularum civitatum. Gentilium verò de hisce judicium, memoratur ab Eusebio lib. 4. de Præpar. Evang. & velut quædam sanctio, sic lepidè exprimitur: Primum & fabulosum, & historicum Theologiæ genus: & secundum naturale scilicet, atque allegoricum, unusquisque, sicuti placet, interpretetur, atque improbet: Tertium autem, quod singularum Civitatum legibus recipitur, nec Poëta quisquam, nec Philosophus moveat, nisi velit tanquam impius jure patrio puniri, Pleraque ejus generis, velut inventa juniorum, Sanchuniatho, scriptor antiquissimus, ut qui ante Trojana tempora floruit, exagitasse dicitur. Et verò, nemo dubitaverit, quin innumera, multis post primos gentiles seculis, fuerint excogitata, jam latè profeminata varia de Diis opinione: quæ, necnon Templorum moles, idola, simulacra, aræ, hostiæ, sacra, serò in orbem introducta sunt. Nam prisca illi Gentiles, motus corporum cœlestium admirantes, ea sola Deos putârunt, atque illis herbarum litârunt fumo, non thure, aut victimis, ut scripsit Theophrastus, & eum secutus Porphyrius. Postea Dæmones, Idola, Gigantes, Magi, Tyranni, homines præstantes & benefici, coli cœpere, & in numerum referri cœlestium: atque his fabricari Tempia, aræ, statux, simulacra, & hæc primùm ex ligno: atque sic tandem progressum, ut vi majore cujusque rei, & animantibus plerisque in Deos relatis, mirari non oporteat, si, jam suis temporibus Hesiodus censuerit Deorum triginta fuisse in orbe millia: Eusebiusque addiderit, se multò plures lapideos & ligneos hominum creatores, ac Dominos videre: indèque fluxerit Theologia, vel potiùs impietas, non modò illa tri-

plex,

plex, aut cuique regioni propria, ut Phœnicia, Ægyptiaca, Græca, Atlantica, Phrygia, de quibus Eusebius: sed cuique ferè civitati sua. Par est credere, Numam Pompilium, & sua, & aliorum de Diis commenta detexisse, libris illis septem Latinis de jure Pontificio, & totidem Græcis de sapientia, quos repertos ab arante, juxta ejus sepulcrum, Senatus in Comitio protinus cremandos censuit: quod iis, religiones, non modò, quas ipse instituerat, sed omnes dissolvisset.

Qui sapere putabantur apud veteres, & quæ Gentes plus aliis: omnia Græcorum recentia: in quibus posita eorundem sapientia.

C A P. X,

AMBUSTIS per Prætorem Numæ libris, suppressa sunt, quæ celaverat mysteria religionis abditæ, & simul incognitæ decreta sapientiæ. D. Augustinus scribit eum usum Hydromantia: quod genus fuit divinationis allatum à Persis: quorum sapientes, necnon Chaldæorum, & Assyriorum Magiam profitebantur, indèque Magi nominati sunt: veluti sapientes Indorum, Gymnosophistæ, Brachmanes, Sarmanæ: Ægyptiorum, Sacerdotes, Prophetæ, Arpedonaptæ: Bactrorum, Semanæi: Celtarum, Druides. Numæ ævo, Græcia nondum agnoverat post jactatam à suis sapientiam. Nam Thales Milesius, qui primus cœpit eam profiteri, & Ionicæ fuit auctor Philosophiæ, regnante vixit Anco Martio. Postmodum, Tarquinio Superbo dominante, Pythagoras exstitit, Italicæ auctor Philosophiæ. Ita Numæ sapientia, nec hujus, nec illius censeripotest generis: nisi fortè eadem acceperit, quæ illi ab Ægyptiis, principia doctrinæ. Ut ut sit, illa ejus scripta, tam curiosè tectèque asservata, videntur quarundam

con-

continuisse initia scientiarum : quibus imbuti veteres, aliis plus sapere putabantur, non solum in Phœnicia, Ægypto, & Assyria : sed in Chaldæa, Perside, India, Gallia, & ubicunque lux aliqua affulserat vitæ humanioris : & ab iis percepta doctrina nomen obtinuit sapientiæ. quod ipse D. Augustinus observavit cap. 37. lib. 18. de Civit. Dei, & suum iudicium sic expressit : Fatendum est, non quidem in Græcia, sed in Barbaris gentibus, sicut in Ægypto, jam fuisse ante Mosem nonnullam doctrinam, quæ illorum sapientia diceretur : alioqui non scriptum esset in libris sanctis, Mosem eruditum fuisse in omni sapientia Ægyptiorum. hæc ille. Præstitisse autem cæteris, Orientales videntur, & Ægypti : qui, necnon Ethan Ezraïtes, & Heman, & Chalcol, & Darda filii Moël, velut omnium mortalium sapientissimi, memorantur 3 Reg. 4. ut quantus fuerit, qui his præfertur Salomon, innotescat. Quia in historia, nemo Græcos, licet Orientales sint, designari putaverit : cum non nisi quadringentis ferè post Salomonem annis, inventa sit in Græciam per Thaletem, illa nova rerum scientia : ex qua, ostentata à Græcis sapientia profluxit. ut non abs re Ægyptius apud Platonem dixerit Sacerdos : O Solon, Solon, Vos Græci estis semper pueri, nullam penitus habentes doctrinam, auditione acceptam vetere : ex Græcis autem nullus est senex, nec ulla disciplina cana tempore. Ipse etiam Iosephus, se ait omnia Græcorum nova reperire, ac recens facta : & in his constitutiones civitatum, inventiones artium, editaque de legibus, atque rebus gestis : nihil apud ipsos inveniri vetustius poemate Homeri, historiis Acusilai & Hellanici, scriptisque Pythagoræ, Pherecydis, & Thaletis, qui Ægyptiorum & Chaldæorum fuere discipuli, ac primi in Græcia de naturalibus disseruere causis. Nec sunt tamen posteriores à prioribus contemnendi : nam Dominus, ut ait Clemens Alexandrinus, terræ agricola singularis, ex alto seminavit à constitutione mundi,

& unoquoque tempore explevit singula : tempora autem & loca, quæ ea susceperant, peperere differentiam. Ut nunc prædicatio, sic antè data lex est & Prophetia Barbaris, Philosophia Græcis, aures assuefaciens ad prædicandum. Hinc ipse Dominus : Tempore, inquit, placito exaudivi te, Is. 49. Ita providentia, quæ cuique pro meritis distribuit ea, quæ conveniunt, Judæis dedit legem, Græcis Philosophiam, usque ad adventum. Siquidem ipsa Græcos pædagogum more ducebat, sicut lex Hebræos ad Christum : atque erat ante adventum Domini, eis necessaria ad justitiam, nunc autem est utilis ad cultum & pietatem iis, qui fidem colligunt per demonstrationem. Quinetiam velut liberales artes conferunt ad Philosophiam, quæ earum est domina ita Philosophia ad parandum sapientiam, quæ ipsius est domina Philosophiæ. hæc ille lib. 1. & 6. Stromaton, Est interea (ut intermissa repetamus) inanis illa Græcorum ostentatio, de antiquitate scriptorum : quum non nisi serò notas acceperint litterarum, si veterem respexeris earum usum : qui fuit ante diluvium, ut patet ex incisus tunc in columnas, lapideam & lateritiam : & mox post diluvium, multò ante Taautum (huic Philo Biblius apud Eusebium, litterarum inventionem tribuit) qua de re singulare reperio indicium, ante illum & Cadmum, in civitate Dabor, cujus nomen vetus erat Carithsephat, id est, civitas litterarum, ut habetur Jud. 1. Et Græci tamen, ut primi haberentur rerum scriptores, nihil intelligi voluerunt scriptum ante Cadmum, à quo se litteras didicisse gloriabantur : cùm potiùs meminisse debuerint, inter ipsos quæsitum. An Trojanis temporibus essent usi litteris ? Quo planum fit, eos nullam potuisse memoriam prodere Cadmi scriptam ævo : nedum de antiquitate scriptionum, cultæve apud ipsos sapientiæ, & abstrusarum artium, cum Hebræis contendere, aut Ægyptiis. etsi non dubitem, quin vetustissimis coluerint seculis studia liberalium artium, & disciplinæ civilis : non tamen ullius

doc-

doctrinæ, quæ sapientiæ merebatur nomen : uti ex iis, quæ ex Augustino repetivi clarè patet. Philo Judæus auctor est, Mosem cura filię Pharaonis in omni institutum fuisse digna nobili ingenio doctrina : ab Ægyptiis in Geometria, Musica, Astrologia, & Hieroglyphicis : ab Assyriis & Chaldæis in ipsorum disciplinis : à Græcis in artibus, quas τὰς ἐγκυκλοπαιδικὰς appellant. Hæ verò, cùm sint vitæ civilis comites & ministræ, nemo non censuerit, hanc etiam in Græcia tunc floruisse, atque inde manasse eorum primam sapientiam : quæ non nisi prudentia fuit illa, de qua Crassus apud Ciceronem : Veteres, inquit, Græci cogitandi pronuntiandique rationem, vimque dicendi, sapientiam nominârunt : hinc illi Lycurgi, hinc Pittaci, hinc Solones : atque ab hac similitudine Coruncanii nostri, Fabricii, Catones, Scipiones fuerunt, non tam fortasse docti, sed impetu mentis simili & voluntate. Quo ille elogio, non designat forenses eloquentiam (hæc enim, non nisi serò, in Græcia & Roma se extulit) nec nudam vim dicendi sine rebus, aut jejunam sine vi verborum cogitandi rationem : sed ex utrisque constitutam disciplinam actuosam, heroicam : qua apud antiquos plerique Rerumpublicarum rectores, & publici auctores consilii (veluti hoc etiam, & omni ævo non pauci) nitebantur, Imperiæque & Respublicas gubernabant, ante delatam ad Græcos sapientiam, positam in rerum naturalium cognitione, augustum istud assumentes nomen, à novitate rerum, verborum magnificentia, arte reconditâ. Quam nemo tribuerit regibus Sicyoniorum, Argivorum, Thessaliæ, Mycenarum, Atheniensium, Lacedæmoniorum, Corinthiorum, vel ipsis Areopagitis : qui, ut indicat Aristoteles, cap. 10. lib. 2. Politic. in Græcia floruerunt, multò ante Thaletem & Solonem, licet aliter sentiat Plutarchus in Solone : nec aliam, quàm civilem coluerunt sapientiam : ne quis putet hanc scientiam esse, quæ arte nititur, & sine Græca non paratur doctrina. Quam
ipsi

ipsi domitores orbis Romani non agnoverunt ante ann. urb. Dxcviii. quo Athenienses ad Senatum legatos de suis rebus miserunt tres illius ætatis nobilissimos Philosophos, Carneadem, Critolaum, & Diogenem. Quid quod in ipsa Græcia, à summis imperatoribus, & ab ipsis Lacedæmoniis, quorum Respublica firmior fuit, diutiùsque stetit, quàm ulla Græcorum, non tam est culta hæc nova, quàm illa vetus doctrina, usus alumna gravissimi? Hinc Agefilaus Xenophonti, quem dilexit unicè, persuasit, ut eò liberos arcesseret, & curaret educandos, uti parère discerent atque imperare. Hinc etiam in Græcia, nullis bonarum artium magistris majores habiti honores, quàm hujus disciplinæ doctoribus, his antiquiores nulli. Hos enim reperiò, in desideriis & gratia fuisse principum, atque hujus tradidisse instituta doctrinæ viris clarissimis, ante septem Græciæ sapientes. Qua etiam in laude versati post hos sunt nobiles Philosophi, & ab eorum disciplinis, summi viri ad Remp. ornatiores accesserunt. Nam erudierunt multos, inquit Cicero, quo utiliores rebus, & suis, & publicis essent: ut Thebanum Epaminondam Lysis Pythagoræus, Syracusanum Dionem Plato, Timotheum præstantissimum Imperatorem, Cononis maximi Imperatoris filium Isocrates, Agefilaum Xenophon, Alexandrum magnum Aristoteles: à quo ille & agendi præcepta acceperat & loquendi.

Cultores primæ Græcorum sapientiæ: posterior à Thalete introducta, in quibus posita: vera à nemine nota Gentilium: Sophistæ unde nominati.

C A P. XI.

ANTIQUIORUM non tam nota est memoria: quam tamen dum repeto, & exquiro qui inter primos Græcorum exstiterint hujus cultores disciplinæ, occurrit Iphiclo datus comes Jason,

*Non operum in partem, monitus sed tradat ut acres;
Præclaris juvenemque ut laudibus urat avorum.*

Deinde, ille fama celebri apud Homerum Phœnix, qui à Nestore delectus legatus cum Ajace & Ulyffe, ad placandum infensum Agamemnoni Achillem, se à Peleo patre Achilli comitem esse datum dicit ad bellum, ut illum efficeret oratorem verborum, & actorem rerum. Hæc ducentis ferè annis ante Lycurgum, & trecentis, plus minus, ante Thaletem : qui ortu vel Phœnix, vel Milesius, Phœnissa prognatus matre, ab Ægyptiis institutus sacerdotibus, primus in Græcia incognitam antè sapientiam, id est, rerum naturalium scientiam, professus est : notam veterem, in civili positam disciplina, non attigit, nec Rempublicam, ut Solon & cæteri, tunc habiti sapientes, qui omnes civitatibus suis præfuerunt. Imo fuère, qui, ne prudentiam quidem, quæ in utilitatibus versatur vitæ, illi tribuerent : sed sapientiam quandam, id est, rerum scientiam, quæ tamen longè abs ea abfuit, quam Cicero nominavit principem omnium virtutum, & rerum divinarum humanarumque scientiam : Aristoteles exactissimam scientiarum, Qualem certè nemo affecutus est gentilium : ne ipsi septem, ab iis nominati sapientes. quos idcirco, qui ista subtiliùs quæsièrant, in sapientium numero non habuerunt : ut nemo non censuerit studia, unde hoc manavit nomen, minora fuisse, quàm fama feruntur, veluti omnia Græcorum. de quibus, non vereare cum Josepho, D. Augustino, & aliis eruditis, tale facere judicium, quale Sallustius de Atheniensibus : quorum ait facta, quia provenière ibi Scriptorum magna ingenia, per terrarum orbem pro maximis haberi. Quod omninò in Græcorum sapientiam convenit. Namque veram non agnoverunt, iis (si ullis) notam solis, qui aut naturæ, aut Mosis, aut gratiæ legem tenuère. quarum nullam Græci attigerant : quia naturæ repugnârunt : gratia nondum apparuit : Loquimur, inquit

Aposto-

Apostolus, Dei sapientiam in mysterio, quæ abscondita est : Mosaicæ arcana assequi non poterant. Hinc Pythagoras, qui, de his audiêrat in Ægypto, quæ intelligentiæ vim fugerant, sibi conscius, sapientiæ nomen non assumpsit, sed Philosophi : & Socrates, mentis cernens aciem in innumeris hebescere, ad confessionem ignorationis adductus est : ultrâque progressus è cœlo devocavit Philosophiam, & in terra collocavit : quòd animadverteret profitentes cœlestia, vix umbras tenere cœlestium : susceptas de religione opiniones, plenas esse, ut diximus, errorum : peccatum esse in moribus & doctrina, lapsu multiplici. ad quem excutiendum dispositè, repetenda priùs est intermissorum series, & perstringenda quæ supersunt, de prima Græcorum sapientia. Post ætatem illorum septem, aliquot annis, fuit Themistocles, quem constat, prudentia & dicendo valuisse : ut, qui illa vetere sapientia institutus fuerit à Mnesephilo Phræario : quem Plutarchus scribit cujusdam fuisse professorem sapientiæ, quæ non nisi rerum fuit prudentia civilium, ac ratio benè ordinandæ, gubernandæque Reip. hanc tamen ait appellatam tunc fuisse sapientiam, & à Solone per ætates ductam, quasi scholam & disciplinam quandam Philosophiæ ad Mnesephilum manasse : qui se tamen, nec ad naturam investigandam, nec ad eloquentiam applicuerat : sed posteriores hanc pervertisse disciplinam, & cum illa tradidisse litigandi artes, ac pedetentim res ad inania verba transtulisse : indéque nominatos Sophistas, id est, speciem præ se ferentes sapientium. In his primi fuisse videntur, & posterioribus iter aperuisse, Thrasymachus, Gorgias, & alii, quos *λογολαίδαι* appellat in Phædro Socrates, qui tamen ejusdem sapientiæ doctores erant, sed docere se etiam profitebantur, quemadmodum causa inferior, dicendo fieri superior posset.

*Labes in moribus, quibus facta modis in Græcia, &
Italia.*

C A P. XII.

HORUM arrogantia, vetus disciplina deflexit à suo cursu, uti, quæ cum illa jungi coeperat recentior, novitatibus Pythagoræ: maximè, cum, ut fieri solet in solutis legum vinculis, & licentia effrena, jam contagio invasisset mores, & tabes undique deflueret à curiositate, luxu, & deliciis: quæ cum litteris & splendore civilioris vitæ influxerant in civitates, & cum iisdem creverunt, ut cum frugibus agrestes solent herbæ, multaque admiscuerant perniciofa. Nam Ægyptii, cum Græcos doctrina imbuerent, idololatriam auxerunt: & Phœnices in Græciam, Græci in Latium intulerunt voluptates, & illecebras corruptelarum. Herodotus scribit Ægyptios primos duodecim Deorum cognomina posuisse, & ab illis Græcos fuisse mutuatos. Cicero auctor est Phœnices primos mercaturis, & mercibus suis avaritiam, & magnificentiam, & inexplebiles cupiditates omnium rerum supportasse in Græciam. Noluit culpam conferre in litteras & artium disciplinas, quas inde etiam ad Græcos pervenisse Herodotus, Diodorus Siculus, Josephus, & Eusebius tradunt. A Græcis ad Romanos Philosophia sola non penetravit, sed simul splendidior vivendi ratio: unde Persius, veluti Horatii

——— *Bestius urget*

*Doctores Græcos: ita fit, postquam sapere urbi
Cum pipere & palmis venit nostrum hoc maris expers:
Fœnificæ crasso vitiârunt unguine pultes.*

Et, quod magis mirabere, Epicuri Philosophia, quæ patrociniū suscepit voluptatis, ante alias sparsa est per Italiam, &

& Latinis mandari cœpta litteris: ejusque cultor primus, aliis, ut narrat Cicero, silentibus, C. Amasianus exstitit, dicens & scribens. Cujus libris editis, cuncta multitudo contulit se ad eandem potissimum disciplinam: sive quod erat cognitu perfacilis: sive quod invitabatur illecebris blandis voluptatis: sive etiam, quia nihil prolatum erat melius, illud quod erat, tenebant. Post Amasianum autem multi ejusdem æmuli rationis, multa cum scripssissent, Italiam totam occupaverant. hæc ille de Philosophia Epicuri: à quo non solum, inquit, Græcia & Italia, sed etiam omnis Barbaria commota est. Quid, inquires; à bonisne artibus pravæ opiniones, mores corrupti, depravata ingenia? non equidem: ut nec à nobilitate seditiones, & conversiones rerum. Sed blandæ voluptates se ubique insinuant, & mollibus in animis implicatæ insident: in altis ambitio honorum excitat studia, & contentiones. Adhæc nobilitas & litteræ, ut observat Aristoteles, comitantur sæpenumero ditiores: divitias luxus, elegantia & potentia: quæ omnibus insolenter abutuntur. Ex quo fit, ut in Rebuspublicis & Imperiis serpant cum disciplinis & humanitate vitia, quæ inficiunt animos deliciis, regna & principatus permiscant motibus, nisi, ne emanent, diligenter caveant rectores Reip. atque disperdant in his inclusa malorum semina. Præterea cum reconditioribus litteris, in civitates non rarò influunt, & curiosa fallunt ingenia falsæ religiones, novi mores: atque in desiderio sunt familiaritates peregrinationum, & peregrinationes apud exteros: quorum consuetudine plerique delectantes, voluptatibus inquinantur, ut olim Romani in Asia: in qua pauci continenter vixerunt, pauciores inde sine suspitione luxuriæ Romam revertebantur. Itaque non mirandum, si quæ depravant animos, leges violant, motus concitant, in Gentilium irrepsent mentes, Principatus, civitates, maximè Græcorum: qui ineptiis cumulabantur penè anilibus, immoderatis excita-

C

bantur

bantur concionibus, variis regebantur legibus, Imperiis, Diis: atque ipsi, sic natura ad luxum prœni, ut non dubitet Hortensius Ciceronianus, quin quæcunque fuerit Socratis Philosophia, lautum victum & elegantem, magnificè, neque minus quàm deceret, colere instituisset. Et quidem, is ab Aristotele ex iis censetur, qui parcius & minus, quàm sit, loquuntur: & moribus elegantiores videntur esse. Ipse Aristoteles veste insigni & annulo uti, atque oleo se ungere solebat calido. Lepidè Plinius: Tripatinum, inquit Feneſtella, appellabatur summa cœnarum lautitia: una erat Murænarum, altera Luporum, tertia Myxonis piscis. inclinatis jam scilicet moribus, ut tamen eos præferre Græciæ etiam Philosophis possimus. Siquidem in Aristotelis hæredum auctione LX. patinas venisse traditur. Justinus Scytharum laudat continentiam & iustitiam, ac prorsus admirabile ait videri, hoc illis naturam dare, quod Græci longa sapientium doctrina, præceptisque Philosophorum consequi nequeunt: cultosque mores incultæ barbariæ collatione superari. tantò plus in illis profecit vitiorum ignoratio, quàm in his cognitio virtutis: etiam Philosophis. quorum videre licuit alios, ut scribit Cicero, tanta levitate & jactatione, iis ut fuerit non didicisse melius: alios pecuniæ cupidos, gloriæ nonnullos: multos libidinum servos: ut cum eorum vita mirabiliter pugnaverit oratio: & sapientia, ut ait Lactantius, non exciderit vitia; sed abscondiderit.

Quomodo, & à quibus facta labe in doctrina apud Græcos : Philosophia antiqua & nova : doctrinarum divortia : unde Philosophorum sectæ variæ.

C A P. XIII.

HÆC de labe facta in moribus : in doctrina facta non minor. Antiqua sapientia, inquit Seneca, nihil aliud, quàm facienda & vitanda præcepit. & tunc longè meliores erant viri. postquam docti prodierunt, boni defunt. simplex enim illa & aperta virtus, in obscuram & solertem scientiam versa est, docemurque disputare, non vivere. tanta facta est in disciplinis, & rationibus vitæ mutatio. Nam Græci à veteribus excepta sic depravârunt, ut orbem infecerint opinionibus novis, impiis, repugnantibus : quod (ut, quæ Lactantius & alii scriptores Christiani tradiderunt, fileam) ipse Porphyrius, pietatis & piorum hostis acerrimus, agnovit in tractatu de Electorum Philosophia, & in libris de anima ad Boëthum. ubi disertè laudat Ægyptios, Phœnices, Lydios, atque Hebræos inventores sapientiæ : in Græcos invehitur, quòd eam corruperint, & à veterum recedentes institutis sapientum, omnibus in rebus, quasi modò nascentes, hæsitârunt. Quod illorum vitium pluribus antè seculis Aristoteles notavit, & scripsit contigisse, quòd otium nacti divitiis abundarent, atque auctis animis erectiores ad virtutem, jam ante res gestas in Medos, & postea, quum magnificè de se sensissent, elati rerum gestarum gloria, omnem tractarent disciplinam, nec perficerent quidquam, sed semper inquirerent. Accessit institutio confusa, vaga, disjecta, incomposita, semper nova, privata : non, quam ille desideravit, publica, ad cuiusque naturam accommodata, atque in iisdem præceptis, atque in una ratione formata : non Hebræicus ille in ediscendo

ordo, & ætatibus conveniens librorum lectio, à Gregorio laudata Nazianzeno : nec illa ordinata Ægyptiorum doctrina, ipforum repræsentata mysteriis, à Clémente recitata Alexandrino : nec (quæ origo est & fons, à quo omnis fuit scientia, sapientia, virtus, atque veritas) agnitio veri Dei. Hinc utraque antiqua Græcorum sapientia, cum prima ad usus apta vitæ, tum posterior de natura cum nomine ferè antiquata : novi sapientes, Philosophi ad disputandum projecti, in ratione vitæ errantes, de principatu contententes, & in sectas abeuntes varias : quum alii alia arriperent ex diffusis disputationibus Socratis. A quo Philosophia à rerum cognitione ad mores, à consiliis de Repub. ad scholæ acumina traducta est : cum sese opponeret & illis Sophistis, à quibus de re omni diserebatur, & antiquis Philosophis, à quibus numeri, motusque tractabantur : causæ, ortus & interitus, siderum magnitudines, intervalla, cursus anquirebantur, & cuncta cœlestia. Quibus ille rejectis omnibus, & simul ornatè dicendi scientia, coëgit de vita & moribus, rebusque bonis & malis quærere. Hinc etiam alia nomina, antiqua Philosophia & nova : illa Pythagoræa, hæc Socratica. A qua facta etiam alia doctrinarum divortia, aliúsque in re civili lapsus : Philosophi eloquentiam despexerunt, à rebus gerendis abhorruerunt, & oratoribus Rempub. & res civiles reliquerunt, ut Judæorum Caballistæ Tal mudistis rerum gerendarum curas : oratores Philosophiam aspernabantur, se à re forense subducentem. Ad hanc rationem mutata etiam nomina : Socratici à communi Philosophiæ nomine oratores separaverunt, sed quod Philosophorum proprium erat, perdiderunt. Nam olim, ut scribit Cicero, propter eximiam rerum maximarum scientiam à Græcis Philosophi appellati, universarum rerum publicarum nomine vocabantur. Sed, quòd orti à Socrate dissentirent inter se, & plura genera efficerent Philosophorum : postea ex particula parva urbis, ac loci, vel ab auctore, no-

men habuerunt : & Academici Philosophi, aut Peripatetici, aut Stoici, aut Cyrenaici, aut aliter nominabantur. Hinc Aristotelis querela de neglecta civili disciplina : hinc etiam illa Porphyrii de corrupta à Græcis sapientia, & apud Ciceronem Crassi de Græcorum ineptiis, disputationibúsque non necessariis.

De vindicata à confusione Philosophia, & illustrata parte politica.

C A P. XIV.

HÆC Philosophorum vitia & contentiones, maximam asperferunt labem Philosophiæ : quæ certè omnem splendorem amisisset, nisi veteres Academici & Peripatetici, qui re non differebant, eam à confusione vindicassent, composita certa disciplinæ forma, quâ constitutus est rerum ordo : discussa caligo omnium partium Philosophiæ : locus, quem Cicero civilem, Græci πολιτικὸν appellant, graviter & copiosè tractatus : nec ullus prætermisus, qui ad mores, qui ad leges, qui ad Reipublicæ disciplinam pertinet. Quæ omnia, ut antè multò perceperint Hebræi, videndus Eusebius lib. xi. de præpar. Evang. atque ut ea Græci abs Hebræis, Phœnicibus, Chaldæis, & Ægyptiis hauserint lib. 10. Sin quæritur, quis inter Gentiles excelluerit, Aristoteli palma danda est, qui differendi & Philosophiæ penè totius, quam Socrates minimè probavit, perpolivit artem : varia, quæ ad naturam pertinent, illustravit : disiecta de moribus confecit in ordinem : & quod alienatis plerisque à re civili, & ad alia conversis in Lycæo non potuit, in aula fecit atque libris, quos scripsit varios de rebus politicis. In quibus, omnes rei civilis partes sic tractavit, ut Platonis,

Speusippi, Xenocratis, & superiorum omnium, qui de re scripserunt civili, luminibus obstruxerit, ac suis lucem prætulit Peripateticis, qui hoc in genere præstiterunt omnibus. Inter primos Theophrastus, Cassandro charus & Ptolemæo, honoratus ab Atheniensibus, clarusque auditorum celebritate duorum millium, & illis litteratis monumentis politicis, quorum memoriam Laërtius collegit. Hujus auditor Phalereus Demetrius omnes sui ævi Peripateticos peritia, rerum usu, librorum multitudine, & veruum numero superasse traditur: ac scriptis de re civili, rebusque præclare gestis in Repub. excelluisse. Is (si quis alius) adversa, alto, magno, & invicto tulit animo. Nam post decennalem administrationem Reip. Atheniensis, cum in invidiam raptus absens damnatus esset, indeque incursum in bona, & statuas everfas acciperet, dixisse fertur; At virtutem non everterunt, cujus gratia illas erexerant. Hos tres lubens commemoro, principes illius scholæ, quæ in re civili diligenter & utiliter elaboravit. vetera recensuit acta, & formas plurium Rerumpublicarum: usus aperuit vitæ; eventuum perquisivit causas: atque docuit, quibus regna & Respublicæ stetissent legibus & consiliis, erroribus concidissent: ac simul de Rebuspublicis ordinandis monita præclara dedit, ducta ab humanæ naturæ principiis, vitæ utilitatibus, moribus hominum, institutis gentium.

De varietate civilis disciplinæ : dissimilitudine Rerump. exiguitate plurium Regnorum : multitudine Rerumpub. Græciæ : amplitudine Romanæ : scopo constituentium & adumbrantium regna, & Respub.

C A P. XV.

QUIBUS tamen in rebus, ut cunctis in humanis, cum dominantur causæ mutabiles, depravationes consuetudinum, opiniones variæ, vicissitudines eventusque rerum : nullus unquam in his tenenda ad artem revocare potuit, & præcepta constantia : nec nisi, quæ plurimum eveniunt, spectare in concinnanda disciplina civili. Hinc à variis multa tam variè, ut eadem de re diversi diversa statuerint ; ac tanta dissimilitudine, ut nulla exstiterit sive vera, sive adumbrata Resp. quæ alteri fuit in legibus & magistratibus similis. Aristoteles, quo nemo plures collegit examinavitque Resp. [descripsit enim CVIII. urbium Resp.] nemo observavit melius Rerumpub. errores, virtutes, varietates : tres solum animadvertit in legibus atque moribus, non ita dissimiles, Cretensem, Laconicam, Carthaginensem : quas pari ornat laude, atque effert, ut cæteris multò præstantiores : & tamen dissimilitudines agnoscit in iisdem varias, errores in Laconica XVI. in Cretensi VII. in Carthaginensi IV. Scitè Crassus de oratoribus : Si omnes, qui ubique fuerunt oratores complecti voluerimus, quot oratores, totidem ferè reperientur genera dicendi. Similiter, si omnes in urbibus constitutas, & eruditorum ingeniis atque libris formatas Respub. haberemus, tot formas ac species cerneremus, quot auctores, & nullam alii similem. tanta est in omnibus velut innata dissimilitudo. An ab ipsis legum, Rerumquepub. conditoribus, quorum sunt dissimiles & habitus animorum, & usus rerum ? An à natura locorum, propter cœli ac soli

dissimilitudines, in variis dissimilium? unde dissimilia pro-
 creantur corpora, formantur ingenia, mores induuntur;
 effundentur fructus, commoditatésque vivendi: quibus
 accommodare oporteat instituta atque leges: & in his fe-
 rendis duo spectari monito Aristotelis, nempe locum &
 homines. nec malè addideris vicinos finitimósque, ut præ-
 sidiis muniatur omnibus vita civilis. Idem agnoscit omnia
 ferè, quæ eò pertinent, adinventata: sed alia non esse col-
 lecta & coacta: alia in usum non adducta ab iis, qui ea
 noverunt. Quibus satis indicat, & imperfectam adhuc
 fuisse suæ ætate civilem disciplinam, & neminem alterius
 inventa secutum. tam est difficile ea, quæ utilitate & propè
 naturâ diversa sunt, voluntate conjungere. Idcirco, ne
 mirere, dissimilitudines civitatum, varietatem juris habere
 maximam: & Remp. non potuisse ullam formari, nec ferri
 leges, quæ omnibus convenirent locis, populis placerent:
 ne finitimorum quidem finitimis, aut fociis sociorum, aut
 bello domitis dominantium. Ipsi domitores orbis Romanî
 bello victis gentibus ferendi solùm imperiî leges dabant,
 non vivendi. De civili disciplina, de moribus, de legibus,
 de religione, de majorum institutis nihil immutârunt. Si-
 quidem prospiciebant his non solutis firmari satis imperium,
 majorem esse affectionum vim, quàm armorum: subjici
 armis provincias, sub jugum mitti corpora: vinci non
 posse animos, voluntates flecti, mutari ingenia, naturas,
 mores. Heraclitus à suis rogatus Ephesiis, ut ipsis daret
 leges, contempsisse dicitur, quod jam esset assuefacta civitas
 pessimis institutis. quibus planè indicavit assuetis vim fieri
 non posse: quicquid enim leges jure vinciunt, mores usu
 relaxant. Ex quo intelligi potest, integra fuisse ingenia:
 nòndum corruptas naturas, quæ prima iniverant consilia
 conjunctionis humanæ, ac licentiam libertatémque sibi
 præciderant vivendi, ut vellent: quasi præsentientes ve-
 rissimum, & illud Philonis: Quemadmodum urbes, sic
 cives,

cives, qui bonis se patiuntur regi legibus, liberi sunt: & istud Aristotelis: Vita ad Remp. accommodata, non est putanda servitus: nec est contra naturam se astringere vitæ civilis, & legum vinculis: quæ certè in constituendis Rebuspublicis non injiciuntur invitis. Arcades ferunt atque Thebanos, civitate condita justæ magnitudinis, Platonem rogâsse, ut in ea formaret Remp. sed eò non profectum, quòd intelligeret illos æqualitatem nolle: in qua, & in communione bonorum, uxorum, liberorum, ipse leges & Remp. fixit, & fundavit suam: eoque omnia, tanquam ad scopum direxit; quem Aristoteles ait perperam abs eo propositum: quia naturæ fundamenta pervertit, atque in primis libertatem: quæ ab animi non se jungitur affectione, qua quisque se diligit, avétque sibi semper aliquid tanquam proprium asciscere: deinde liberalitatem, quam, qui nihil suum possidet, exercere nequit: postremò honestatem, quæ cum pudore juncta libidinosas averfatur voluptates, incestas & promiscuas refugit, & abhorret conjunctiones: cogitque etiam permissarum dissimulare desiderium, & occultare usum propter verecundiam. His igitur & aliis cumulata vitiis illa Platonica, ab Aristotele omninò improbatur, & cæteris postponitur omnibus, tam adumbratis, quàm constitutis. Non est prætereundum, quod ipse tradit, veteres nominâsse rectiones populares, quas posteri Respub. Quæ certè principio, & exiguæ fuerunt, ut ipsa regna, ex quorum ruinis creverant, & plures numero in Græcia, quàm in ulla ora, partéve terrarum. Hinc plura de Rebuspub. à Græcis scripta leges, quàm à cæteris totius orbis gentibus. at nulla antiquissimæ memoriæ: quia nullam penitus reperiens primis seculis, florentis aut constitutæ Reip. mentionem, in ullo monumento vetere. ut non sit quod mirere, regna tunc fuisse plurima, & ferè omnia, si Assyriam, Mediam, Persidem, Ægyptum, & Macedoniam post Philip-

pum

pum Amyntæ filium exceperis, modicis terminata finibus : veluti illa xxxi Regum, qui Josue ceciderunt armis Jos. 12. & Lxx. qui captivi colligebant reliquias sub mensa Adonibezech. Judic. 1. & xxxii. qui ad Benadab regem Syriæ in auxilium venerant contra Achab regem Israël 3. Reg. 20. & xii. Regum Arabiæ, de quibus Melo apud Eusebium : & regna Regum, quos Sefostris Rex Ægypti superbissimus solebat, ut scribit Plinius, annis quibûsque forte singulos jungere ad currum, & sic triumphare. Quid ipsa Roma ?

Parva fuit, si prima voles elementa referre.

Sed, & in eo conveniunt ejus primordia cum Græcis, quòd fuerit primò regnum, deinde Respub. licet postmodum à prima Græcorum, & suis principiis longè discesserit : fueritque omnium, quæ in orbe exstiterunt, dominationum (Hebræam semper excipio) perfectissima : sive usum, diuturnitatem, & eventa observes, monito Aristotelis : sive formam ex mediis fere compositam civibus (hæc illius judicio optima est) & sic ex tribus temperatam generibus regali, optimatum, & populari : ut quo fuerit ex genere oculati nòndum viderint sapientes, nec augures divinârint politici. Hanc Polybius describit exquisitè, & eleganter ostendit, quibus fuerit composita ordinibus, firmata viribus, astricta retinaculis, ligata vinculis, librata ponderibus : & quemadmodum fuerit tanquam paribus examinata lancibus, ut staret recta, nec in hanc aut illam inclinaret partem. At casus tandem vicissitudinésque sensit rerum : & quæ orbis excitavit incendia, aliorum strage steterat, arma fregerat, vires debilitarat : suis conflagravit ardoribus, concidit motibus, armis, mole, viribus. Qua de re stupenda, quæ sagax præsensit Cicero, copiosè satis diximus libro de statu Urbis imperantis Orbi : ubi domitricis ostendimus Reip. & imperii libertatem perditam per potentiam translatam, primùm ad paucos, deinde ad unum, postea ad armatos.

Cujus

Cujus secuta conversio, aut potiùs interitus, planum facit, nihil esse rebus in humanis certum, constans, perenne. Etenim, ut vita hominis, sic Respub. quæ vita quædam civitatis est, fato debetur. quod ne veniat, nullis potest legislatorum provideri consiliis, nedum extremum, dum venit, flecti. Qua cogitatione Sulpicius se confirmatum scripsit, cùm ex Asia rediens regiones circumspiceret, in quibus olim fuerat Ægina, Megara, Pyræus, Corinthus: quæ oppida quodam tempore florentissima, tunc prostrata & diruta jacebant. Hinc tum ille: Hem, nos homunculi indignamur, si quis nostrum interiit, aut occisus est, quorum vita brevior esse debet, cùm uno loco, tot oppidorum cadavera projecta jaceant. Hæc & similia qui meminerit, mirari desinet, nihil eruditam Græciam, nihil domitricem orbis Romam, contra suos potuisse casus & interitus. Cicero monumentum positurus filiæ, quam tantoperè dilexerat, ad Atticum scripsit de ratione ineunda, quemadmodum in omni mutatione dominorum, in infinita posteritate illud quasi consecratum remanere posset. & addidit: Si modò hæc stabunt, Romanam intelligens Remp. & Imperium: de cujus diuturnitate non sine causa dubitabat. Et nihilominus voluit in eo, quod sacrare statuerat, simulacrum quoddam æternitatis fore. Non secus illi, qui Respub. vel in civitatibus constituerunt, vel scriptis formârunt, & expresserunt libris, vel leges tulerunt, etsi fluxa novissent omnia: illas tamen, veluti permanfuras, & nullo perituras ævo, ad omnem æternitatem conformabant. Hoc enim spectârunt, hoc voluerunt omnes, æternas esse Respub. leges æternas, æternam esse civium conjunctionem, utilitates, salutem. Hoc sibi spatium constituerunt omnes, & in eo cucurrerunt, alii licet alios sic tenuerunt cursus, ut à variis variæ prodierint leges, regna, Respub. ut diximus in Tractatu de Processu & Scriptoribus Rei Politicæ.

In summa, rerum humanarum Status à Deo pendet, & divina in animis sparsa sunt semina: quæ non in omnes
similia

similia inciderunt, nec eandem reperere concipientem naturam, & materiem. Sunt enim mortalium ingenia atque mentes, instar agrorum.

*Hic segetes, illic veniunt felicius uvæ:
 Arborei fœtus alibi, atque immensa virescunt
 Gramina. nōne vides croceos, ut Tmolus odores;
 India mittit ebur, molles sua thura Sabæi?*

At Chalybes nudi ferrum——

Ista, inquit Seneca, in regiones descripta sunt, ut necessarium mortalibus esset inter ipsos commercium, si invicem alius ab alio aliquid peteret. Idem fuit Apostoli iudicium de data unicuique secundum mensuram gratia, & D. Petri de ea exercenda monitum: Unusquisque inquit, sicut accepit gratiam, in alterutrum illam administret, sicut bonus dispensator multiformis gratiæ Dei.

*Qui multa in cunctas dispensat fœdera partes:
 Altera ut alterius vires faciâtque, ferâtque:
 Summâque per varias maneant cognata figuras.
 Exemplum inde Dei quisque est in imagine parva.*

GULIELMI BELLENDENI

MAGISTRI SUPPLICUM LIBELLORUM

Augusti Regis Magnæ Britanniae, &c.

DE STATU *liber secundus inscriptus* Ciceronis Princeps, sive,
DE STATU PRINCIPIS ET IMPERII.

Hic liber II. & III. in nomine apparuerunt Serenissimi
Principis HENRICI, PRINCIPIS SCOTIÆ, ET WAL-
LIÆ : qui nunc ævum degit immortale.

— *Uno avulso, NON DEFICIT ALTER*
Aureus, & simili frondescit virga metallo.

*Principis est virtus maxima,
posse suos.*

AD SERENISSIMUM

PRINCIPEM HENRICUM,

Principem Scotiæ, & Walliæ.

QUI clavum Imperii tenuêre (Princeps Serenissime) rem complexi fuissent gravem, se dignam, multis utilem : si, non acta modò, ut Reges Persarum, sed observata in usu & ratione imperandi, naturæque populi, & à successoribus tenenda, scriptis tradidissent. Nam, quæ præclarè gerunt Imperantes, ævi putantur unius : quæ usu, tractandoque percepta scribunt, & adornant monitis, utilitatem habent permanentem, & plenam auctoritatis. Sed qui hæc præstiterit, in annalium monumentis quæro, non invenio Principem. Augustum video Cæsarem libellum sua scripsisse manu de viribus, atque opibus Imperii : ejus exemplo Caligulam, & Cosmum Ducem Hetruriæ ærarii tabulas confecisse : Imperatorem Basilium, in decursu ætatis, monita dedisse filio : Caroli quinti admonitionem factam filio, in regnorum renunciatione celebrem haberi : plures in morte præcepta dedisse liberis. At qui valetudine firma, ætate florente regnandi præscripta filio tradiderit, aut in iis, quæ desideramus, elaborarit, si ab Augusto Parente tuo discefferimus, habemus, qui exstet, neminem. Hæc singularia suspicimus, illa omissa deploramus : relictamque à Constantino Porphyrogeneta filio memoriam, actis illustratam & consiliis suorum temporum, adhuc latere, nec in lucem prodire orbis, dolenter ferimus : & simul querimur nulla exstare de Rep. & Imperio scripta veterum, qui pub-

lica tractârunt gubernacula, præter quædam vagè sparsa in Cicerone : quæ, ne inhonorata maneant, se efferunt : & velut animulæ relictis corporibus in lucem excedunt : ad tuam festinant, ductu principis, qui iis, quasi manipularibus dispositis sub signis xxiv. agmine quadrato ad te proficiscitur : ut te Imperatore mereat, ac testetur, mihi non deesse voluntatem, ad ea præstanda, quibus obstringor, ut

Omni nexu, & usu tuus

G. BELLENDENUS.

Idibus Mart. cio. ioclix.





A. Ramsay pinxit 1761.

J. Jones fecit.

secundis
Sempioribus dubiisque rectus;

Consultque non unius anni;
Sed quoties bonus atque fidus
Judex honestum protulit utili.

HONORATISSIMO VIRO
FREDERICO DOMINO NORTH

Qui in æquabili et temperato dicendi genere
facilè primas tenet :

Quem sciunt omnes, tum in sermone tum moribus
Gravitatem fervare,
Non tristem illam ac tetricam,
Sed comitate quadam et lepore
suavissime conditam :

Qui optimorum et Civium et Virorum
Amicitia dignissimus,
novit simpliciter et candide ponere inimicitias :
Cujus nunquam in Clientium turbam infidelem
ingratamque
justa exarsit ira ;

Nunquam in legibus institutisque Majorum defendendis
Industria elanguit ;

Nunquam perturbatis temporibus, sua cum res
ageretur,

Fides Virtusque contremuit,
Librum huncce in summæ Observantiæ,
Admirationis, et Pietatis
testimonium.

D. D. D.

A. E. A. O.



INDEX CAPITUM.

LIB. II.

DE excellentia Principatus, & Imperii: causa, atque origine vitæ civilis, juris, Rerump. civitatum, urbium. - - - - CAP. I.

De præstantia Regalis Imperii: causa, & origine Regum, atque legum. - - - CAP. II.

De difficultate regnandi: fundamentis, & artibus Reip. & Imperii. - - - CAP. III.

De Principis officio in genere: quæ is scire, præstare, cogitare debeat. - - CAP. IV.

De prudentia tenenda in deliberationibus, consiliis & actionibus. - - - - CAP. V.

De prudentia tenenda in malis præcavendis: & incidendis motuum principis, mediis, reliquiis. - - - - CAP. VI.

De Cautionibus adhibendis, in variis motuum & seditionum causis. - - - CAP. VII.

De Condecentia à Principe tenenda, & ejus novem administris: quibus felix, & augustus redditur Princeps, atque Principatus. CAP. VIII.

De Imperii moderatione: & rationis usu Principibus conveniente, à barbaris neglecto. CAP. IX.

De Principum moribus: ut exemplo nocent, aut profunt. - - - - CAP. X.

Ut Præparatio necessariorum, lenitas, & continentia servant: negligentia, acerbitas, & avaritia evertunt Imperantem, & Imperium. - - - - CAP. XI.

De Liberalitate conveniente Principi. - CAP. XII.

De Præmiis & Pænis. - - - - CAP. XIII.

- De Principis prudentia, moderanda temporum,
rerum, & personarum ratione : & posita
de his tribus variae cautiones, atque re-
gulæ. - - - - - CAP. XIV.*
- De Principis annulo, Senatu, Senatoribus, &
consilio. - - - - - CAP. XV.*
- De assentatoribus vitandis. - - - CAP. XVI.*
- De Auctoritate retinenda : & vitandis pravis
animi affectibus, quibus hæc minuitur. CAP. XVII.*
- Quæ ad se, & principatum tuendum, facere, ac
parata habere Princeps debeat. - - CAP. XVIII.*
- De otiosis ad laborem traducendis : ut omnes
sibi sint & Statui utiles : inertes, aut turbu-
lenti nulli : item de præcidendis suis &
suorum vitiis. - - - - CAP. XIX.*
- De Virtutibus, quæ animos Principi conciliant :
& vitiis, quæ alienant. - - - CAP. XX.*
- Principis curæ, officia, studia, qualia sint : &
in quibus posita. - - - - CAP. XXI.*
- Septem, à quibus Principis, & Principatus ru-
ina, aut salus proficiscitur, atque pendet. CAP. XXII.*
- Præsidia quatuor, quibus Princeps se, & prin-
cipatum firmare debet. - - - CAP. XXIII.*
- De prudentia in externis, & erga exteros cau-
tiones XXXI. - - - - CAP. XXIV.*

GULIELMI BELLENDENI

MAGISTRI SUPPLICUM LIBELLORUM

Augusti Regis Magnæ Britanniae, &c.

DE STATU *Liber secundus, inscriptus Ciceronis Princeps,
sive de Statu Principis & Imperii.*

*De Excellentia Principatus & Imperii : causa, atque
origine vitæ civilis, juris, Rerump. civitatum,
urbium.*

C A P. I.

OMNEM naturam necesse est, quæ non solitaria sit, Principatus
aliquis in om-
ni ferè natura. neque simplex, sed cum alio conjuncta atque con-
nexa, habere aliquem in se principatum : ut in homine men-
tem, in bellua quiddam simile mentis, unde oriantur rerum
appetitus : in Republica magistratum, ut præsit præscri-
batque recta, & utilia, & conjuncta cum legibus.

Nihil porrò tam aptum est ad jus conditionemque na-
turæ, quàm imperium : sine quo, nec domus ulla, nec Imperium ad
naturam
sûmque vitæ
aptum, & ne-
cessarium. civitas, nec gens, nec hominum universum genus stare,
nec rerum natura omnis, nec ipse mundus potest. Nam
& hic Deo paret, & huic obediunt maria, terræque, &
hominum vita jussis supremæ legis obtemperat, ac se regi
patitur imperiis.

Principatus
firmamentum,
& vinculum,
benevolentia.

Ad hæc verò, quum se benevolentia applicat, & adjungit, firmamentum affert stabilitatis ejus, quam in principatu quærimus. Non est enim inhumana virtus, neque immanis, neque superba, quæ adjutrix naturæ populos universos tueri, eisque optimè consulere soleat: velut salutare dominatus regii, & societatis humanæ præsidium, conciliatrix, & vinculum à natura constitutum.

Vita agrestis
sine religione,
jure, & prin-
cipatu.

Fuit quondam tempus, cùm in agris homines passim bestiarum more vagabantur, & sibi victu ferino vitam propagabant, nec ratione animi quidquam, sed pleræque viribus corporis adminittrabant. Nondum divinæ religionis, non humani officii ratio colebatur. Nemo legitimas viderat nuptias, nec certos quisquam inspexerat liberos: non jus æquabile, quid utilitatis haberet, acceperat: ita propter errorem atque inscientiam, cæca ac temeraria dominatrix animi cupiditas, ad se explendam, viribus corporis abutebatur, perniciosissimis satellitibus. Qui igitur primi virtute & consilio præstanti exstiterunt, ii perspecto genere humanæ docilitatis, atque ingenii, dissipatos unum in locum congregârunt, eosque ex feritate illa ad justitiam atque mansuetudinem traduxerunt. Tum res communem utilitatem continentes, quas publicas appellamus, cùm conventicula hominum, quæ postea civitates nominatæ sunt, tum domicilia conjuncta, quas urbes dicimus, invento & divino jure, & humano, mœnibus sepeferunt.

Initia vitæ
civilis. juris,
Rerumpub.
civitarum, ur-
bium.

*De Præstantia Regalis Imperii: causa, & origine
Regum, atque Legum.*

C A P. II.

Imperium re-
gium n usu
apud omnes
veteres;

ATQUE, ut ad ceteriora veniam, & notiora nobis; Omnes antiquæ gentes Regibus quondam paruerunt. quod genus imperii, primum ad homines justissimos defe-

deferabatur, idque in Republica nostra maximè valuit, quoad ei regalis potestas præfuit: deinde etiam deinceps posteris prodebatur: quod & in his etiam, qui nunc regnant, manet, cum purpura & sceptro, & illis insignibus, quæ ad regum statum pertinent.

Ac mihi, quidem non apud Medos solùm (ut ait Herodotus) sed etiam apud majores nostros fruendæ justitiæ causa videntur olim benè moderati Reges constituti. Nam cùm premeretur initio multitudo ab iis, qui majores opes habebant, ad unum aliquem confugiebant virtute præstantem: qui cùm prohiberet injuria tenuiores, æquitate constituenda, summos cum infimis, pari jure retinebat. Eadèque constituendarum legum fuit causa, quæ Regum: jus enim semper est quæsitum æquabile, neque enim aliter esset jus: id, si ab uno iusto & viro bono consequerentur, eo erant contenti: cùm id minus contingeret, leges sunt inventæ, quæ cum omnibus semper una, atque eadem voce loquerentur. Ergo hoc quidem perspicuum est, eos ad imperandum deligidos, quorum de justitia magna esset opinio multitudinis: adjuncto verò, ut iidem etiam prudentes haberentur, nihil erat quod homines his auctoribus non posse consequi se arbitrarentur.

Cur Reges constituti.

Eadem causa legum, quæ Regum.

Justis & prudentibus imperia data apud veteres.

De Difficultate regnandi: fundamentis, & artibus Reip. atque Imperii.

C A P. III.

QUIBUS autem regia potestas non placuit, non ii nemini, sed non semper uni parere voluerunt. Quare cùm permagni hominis est, & ipsa natura moderati, tum

Qualis, & quantifit Principis, firmum & diuturnum reddere imperium?

verò etiam doctrina atque optimarum artium studiis eruditi, sic se adhibere in tanta potestate, ut nulla alia potestas ab iis, quibus præsit, desideretur. Est enim ars difficilis, rectè Rempub. regere, imperio præesse.

Fundamenta Reip. & Imperii.

Hujus autem hæc fundamenta sunt, hæc membra, quæ tuenda Principibus, & vel capitis periculo defendenda sunt: religio, potestates magistratuum, Senatus auctoritas, leges, mos majorum, judicia, jurisdictio, fides, provinciæ, focii, imperii laus, res militaris, ærarium.

Duæ artes politicae.

Duæ sunt artes, quibus hæc præstari, & omnia, quæ sunt in imperio atque statu defendi putantur, scientia imperandi, & administrandæ Reip. disciplina.

Ars Imperatoris.

Quarum altera utilem, & valde necessariam Principi continet doctrinam, de exercitu, de castris, de agminibus, de signorum collationibus, de oppidorum oppugnationibus, de comœatu, de insidiis faciendis, atque vitandis: de reliquis rebus, quæ sunt propriæ belli administrandi.

Ars Rectoris Reip.

Altera necessitatem habet non minorem, utilitatem sæpè majorem: cùm ei quasi materies, quam tractet, & in qua versetur, subjecta sit rerum civilium prudentia, juris publici auctoritas, monumenta rerum gestarum, vetustatis exempla, & res cæteræ, quibus Reip. utilitas paratur, augeturque.

Ufus vitæ politicae.

Jam verò ista licet posita sint in præceptis, tamen his in omnes partes usus vitæ politicae conformari nequit: cùm oporteat, quæ sunt in fortuna, temporibus regere, consiliis providere, more nostrorum: qui semper ad novos casus temporum, novorum consiliorum rationes accommodarunt.

Prudentia politica, quibus modis paratur.

Ita hæc, quæ statuitur prudentia in rebus publicis, paratur, & acquiritur, non alicujus quotidiana loquacitate, non ex scholis cantilena, non in libris adumbrata

Rep.

Rep. sed rerum notitia maximarum, multarum memoria, usu plurimorum negotiorum, exercitatione assidua, & illa gravissimi usus disciplina, quæ perficitur observatione diuturna rerum, quæ prodesse solent, aut obesse Reip.

De Principis officio in genere: quæ is scire, præstare, cogitare, debeat.

C A P. IV.

HABENT, quæ eò pertinent, varios actus, & consiliorum, & temporum, in summa rerum administranda: & hæc gravem curam diligentiamque desiderat, quam ipse Princeps sustinet.

Principis cura in summa rerum.

Nam cum dirigi formarique debeat consiliis atque factis honestis, & utilibus: eluceat in iis oportet Principis ingenium, atque virtus.

Etenim, ut saluum sit imperium, prudentia, quæ in delectu bonorum & malorum cernitur, acuenda erit in consiliis advocandis, habendis, dimittendis, petendis, dandis, capiendis, communicandis, mutandis, abjiciendis: atque etiam in actionibus, & negotiis suscipiendis, exsequendis, committendis.

Prudentia in quibus acuenda.

Quæ omnia, cum sint de Rep. caput est nosse Rempub. idque latè patet, quid habeat militum, quid valeat ærario, quos socios Resp. habeat, quos amicos, quos stipendarios, qua quisque sit lege, conditione, fœdere: tenere consuetudinem decernendi, nosse exempla majorum, causam Imperii, jura publica, mentem, morem, disciplinam Reip.

Quid sit nosse Remp.

A Principe tenenda.

Ut enim gubernatori cursus secundus, medico salus, Imperatori victoria: sic moderatori Reipub. beata civium vita proposita est: ut opibus firma, copiis locu-

Quid moderatori Reip. propositum!

ples,

ples, gloria ampla, virtute honesta sit. Hujus enim operis maximi inter homines atque optimi, Principes esse effectores volo.

Quando con-
trahitur cul-
pa?

Non animadverterunt omnia: si scientes prætermittunt, magna culpa est, & rei fiunt alienæ, si provideri potuit, ne existeret. Culpa autem nulla est, cum id, quod ab homine non potuerit provideri, evenerit. Quod persæpè sapientissimis viris accidit, ut quemadmodum gubernatores optimi vim tempestatis: sic illi fortunæ impetum superare non possent. Sed hanc pauci ducunt rationem: omnia desiderantur ab eo; tanquam nihil denegatum sit ei, quominus omnia posset, qui publico negotio præpositus est.

Quæ deside-
rantur à Prin-
cipe.

Conditiones
administran-
darum pro-
vinciarum.

Quid referam oculos ad conditiones miseras administrandarum provinciarum? in quibus diligentia plena simultatum est, negligentia vituperationum: ubi severitas periculosa est, liberalitas ingrata, sermo insidiosus, assentatio perniciofa: frons omnium familiaris: multorum animus iratus: iracundiæ occultæ, blanditiæ apertæ: venientes Prætores expectant, præsentibus inserviunt, abeuntes deferunt.

Virtus à Prin-
cipe præstan-
da.

Multa hujusmodi eveniunt summis Principibus. Sed ipsum est, quod virorum fortium, virtute præstare tantum, ut possint fortunæ culpam non extimescere, rectè verèque sentire, & sapienter facere, non minus multa, quàm fortiter.

Virtus non
ponderanda
eventis.

Nam etsi plerique consilia eventis ponderent: & cui benè quid procefferit, multum illum providisse: cui secus, nihil sensisse dicant: mihi semper persuasum fuit, non eventis, sed factis, cuiusque virtutem & fortunam ponderari.

Quis poterit omnia perpetuà præstare Reip.? quis sic clavum imperii tenere, & gubernacula tractare in omni cursu & fluctibus, ut adversa tempestate in alto non jactetur, & fluitet?

Tu da operam, ut navem rectam teneas : utinam profpero cursu. Sed ubicunque venti erunt, fat, si ars tua non aberit. quid enim aliud præstare virtus potest ?

Ars à virtute præstanda.

Nunquam desine, sive intendas rebus animum, sive relaxes, & remittas, considerare, quem teneas principatum : qua partum, auctum, & retentum majorum virtute, sollicitudine, gloria : qua servandum, administrandum, & firmandum tua.

Cogitatio Principis in tribus desigenda.

Virtutis disciplinam meliorem reperies nullam, quàm contemplationem, atque imitationem clarorum Principum.

Disciplina optima.

Noctu ambulabat in publico Themistocles, quòd somnum capere non posset : quærentibúque respondebat, Militiadis trophæis se è somno excitari.

Cur de nocte vigilet Themistocles ?

De Prudentia tenenda in deliberationibus, consiliis, & actionibus.

C A P. V.

UT benè provisâ, & diligenter explorata principia ponantur, de re gerenda delibera accuratè, & considera, quàm illa res honesta sit : & si habeas efficiendi facultatem.

Principia & media deliberanda, consideranda.

Priusquam aggrediare, adhibenda est præparatio diligens, & aliquantò antè constituendum, quid accidere possit in utramque partem : & quid agendum sit, quum quid evenerit : ne committas, ut aliquando dicendum sit, non putàram.

Præparatio necessariorum, & futurorum præmeditatio.

In consiliis saniora putentur ea, quæ perpetuæ pacis rationem habitura sint, nihil insidiarum : in quo, si mihi obtemperatum esset, si non optimam, at aliquam Remp. quæ nunc nulla est, haberemus.

Consilia saniora.

Sententiam sententia vincat melior.

Nec

Agentis fin-
ceritas, & con-
siderata cogi-
tatio.

Nec agas quicquam, cujus non habeas causam pro-
babilem. Nihil enim per se amplum est, nisi in quo
judicii ratio exstat. Et diu sanè cogitandum est in eo,
quod semel admissum, coërceri, reprimique non potest.

Honesta cau-
tis præponen-
da.

Malo interdum multi te non cautè, quam pauci non
honestè fecisse existiment: atque omnibus te in factis, re
potiùs, quàm teste moveri: ut habere dignus, *QUICUM
IN TENEBRIS MICES*: & nostri imitator Senatus: qui
nunquam utilitatem à dignitate sejunxit.

Pudeat sentire, quod pudeat dicere: nec committe, ut
videaris facere, quod scias non licere, vel omninò nescire
quid liceat. Hoc enim inertis est.

Injuria quan-
do inest in du-
bitatione?

Benè præcipiunt, qui vetant quicquam agere, quod du-
bites, æquum sit, an iniquum. Æquitas enim lucet ipsa
per se: dubitatio cogitationem significat injuriæ.

Quando faci-
nus?

Et piè judicant, qui sceleratum & impium censent de-
liberare, utrum id sequare, quod honestum esse videas, an
te sciens scelere contamines. in ipsa enim dubitatione fa-
cinus inest, etiam si ad id non perveneris.

Quid vivere,
ut velis?

Regium non esse puta, sic vivere, ut velis: nec omnes
esse beatos, qui vivant, ut ipsi velint. velle enim quod
non deceat, id ipsum miserrimum est: nec tam miserum
est, non adipisci quod velis, quàm adipisci velle, quod
non oporteat.

Animus Prin-
cipis.

Magnis imperiis & provinciis præes. Gere igitur ani-
mum laude dignum: & regium existima, ita vivere, ut
non modò homini nemini, sed ne cupiditati quidem ulli
servias: contemnere omnes libidines: sentire liberè: po-
puli utilitati magis consulere, quàm voluntati: contra pe-
riculosas hominum potentias conditioni omnium civium
providere: nemini in his cedere: multis obistere.

Vita regia.

Aurea cohor-
tatio.

Semper memineris, quod dignitas tua facit, ut animad-
vertatur quicquid facias.

Quæ

Quæ multum ab humanitate discrepant facile apparent in omnibus : quæ parva videntur, neque in aliis tam notantur, ea in principe eminent, & animadverti solent. Quo in genere non est incommodum, quale quidque eorum sit, ex aliis judicare, & privatis, & Principibus : ut si quid dedeceat in illis, vites ipse.

Cogita, quàm non sit facilis virtus, quàm verò difficilis ejus diuturna simulatio. nemo enim potest personam, quam fictam induit, diu ferre.

Nihil fiat quod periculosam imitationem exempli aliis in posterum prodat. Multi, quod exemplo sit, id etiam jure fieri putant : & aliquid, atque adeò permulta addunt, & afferunt de suo.

Exempla periculosa.

Principis autem magni est facere, quod non solum ad tempus maximam utilitatem affert, sed etiam ad exemplum : nec quid agere, cui famam, liberrimam Principum judicem, vellet ignoscere.

Principis magni facta ad exemplum utilia.

Fama judex Principum.

De Prudentia tenenda in malis præcavendis : & incendiis motuum principiis, mediis, reliquiis.

C A P. VI.

VIGILANDUM est semper ad præcavenda mala, & ne quid intra cutem subsit vulneris : quod prius nocere potest, quam sciri, curarique possit.

Vigiliæ ad præcavenda mala.

Plurimum ratio potest, & diligentia, tum ex re, & ex tempore consilium. Est non alienum à dignitate regia, quod ipsi Agamemnoni Regum Regi fuit honestum, habere aliquem in consiliis capiendis Nestorem. Apud Homerum sæpissimè ille dux Græciæ nunquam optat, ut Ajacis similes habeat decem, sed Nestoris : quod si acciderit, non dubitat, quin brevi Troja sit peritura.

Quatuor Principi in rebus gerendis adesse debent.

Optatum Agamemnonis.

Nunquam

Nunquam tibi desit hujusmodi, quocum omnia, quæ te cura aliqua afficient, unà communices, qui te amet, qui sapiat, quicum loquaris, nihil fingat, nihil dissimulet, nihil obtegar.

Princeps
quando tibi
Senatus.

In rebus subitis, & angustis, hoc animo esse debes, ut nihil aliò rejicias : ipse tibi sis Senatus.

Celeritate ut-
tendum in
principiis se-
ditionum.
Media inci-
denda.

Nihil est periculosius, quàm spatium confirmandi sese iis dare, qui novari aliquid volent.

Incidere semper oportet media, ne nimis serò ad extrema veniatur. Omne malum nascens facilè opprimitur, inveteratum fit plerùmque robustius.

Non augenda
impunitate.

Improbitalatem itaque rerundere, & non pati impunitate augeri, non solum utile est, sed etiam necessarium : ut audaciæ perditorum, & solitudinis tuæ finem reperias.

Planci confi-
lium.

Sapienter Plancus in bello Antoniano, maturandum prius censuit, quàm hostes corroborarentur, & perturbationentur nostri : in quo, si celeritas fuisset adhibita, Resp. in possessione victoriæ, deletis sceleratis, permanisset.

Momenta
temporum.

Non ignorabat ille in Rep. versatus, quanta momenta sint in ea temporum : & quid intersit, idem illud, utrum antè, an post decernatur, suscipiatur, agatur.

Omnia quæ severè decreta sunt illo tumultu, si aut quo die dixi sententiam, perfecta essent, & non de die in diem dilata : aut ex quo tempore suscepta sunt, ut agerentur, non tardata & procrastinata, bellum nullum habuissimus.

Cautio in ul-
ciscendo.

In nefariis civibus ulciscendis, cum possis, quàm pertimescendis, diligentior cautio est.

Quatuor mo-
derationis re-
gulæ.

I.

De his illud valdè considerandum est, ne quid temerè, ne quid dissolutè. Ejusque rei moderatio Principis magni est : ut in duces & fontes vehemens sit : liberalis in multitudinem, fortunâ magis, quàm culpâ peccantem.

II.

Omnia publico consilio, præsidioque : ne videatur vi, atque impressione evertere.

Non

Non ex alieni sensus conjectura, aut cæca suspicione :
ne vel obterantur malevolorum obtrectatione & invidia
innocentes : vel aperiantur ad sordes eluendas venæ om-
nes, atque viscera. 111.

Et quod caput est, excitanda erit animadversio, &
prudencia : ut sit, non modò consilium in providendo, sed
etiam judicium in conficiendo : ne id ipsum, quod ve-
reatur, ita caveat, ut cùm vitare fortassè potuerit, ul-
trò arcessat, atque attrahat. quæ stultitia timoris mag-
na est. 117.

Semper in præsentibus malis prohibendis, futura quo-
que nisi antè occursum sit, explores, ne se insinuent. Futura ex-
ploranda.

Ne sint reliquiæ providendum : impolitæ enim res &
acerbæ, si erunt relictæ, quamquam fuerint abscissæ, ta-
men efferent se aliquando, & ad renovandum bellum revi-
rescent. Reliquiis pro-
videndum.

Est non minùs tutum extrema depellere, quàm prima
repellere.

Utrùmque judicio, neutrum dissolutè : ne in breve tem-
pus dilata sit perniciēs. Ut enim gravius ægrotant ii, qui
cùm levare morbo videntur, in eum de integro incide-
runt : sic vehementiùs laborant, qui profligato bello, ac
penè sublato, renovatum bellum gerere conatur. Dilata perni-
ciēs pericu-
losa.

Cavendum etiam : ne vindex unius mali, auctor sit
alterius, fundamentum & radices habituri altiores. No-
stris tumultibus semper primi cujúsque mali causa ex-
cidendi, causa fuit, cur aliud renasceretur illo pejus. Cautio gra-
vissima.

De cautionibus adhibendis, in variis motuum, & seditionum causis.

C A P. VII.

Cautio in obscuris odiis.

STULTITIAM puta, aut in obscuro odio apertas inimicitias, aut in quo nihil noceas, ostendere voluntatem nocendi.

Confilia tegenda.

Illius probantur confilia, qui se muniendum putavit aucto exercitu, auxiliisque multiplicatis: ut cum præferret sensus apertè, tum etiam invitis quibusdam, sciri quid defensusus esset, non esset periculosum. Is multa, ut ad effectum horum consiliorum perveniret, simulavit: quod præmatura denunciatio imparati, quam periculosa esset, ex casu collegæ vidisset.

Cautio contra conventus.

Providendum, ne viri nobiles simulatione communium negotiorum, officiorumve coeant, & arma parent ad eadem, aut tumultum.

Concordiæ consulendum.

Si qua est inter populos, sive ordines dissensio, elaborandum, ut ex ea ad concordiam evocentur. Et, si qui fervor mentium inveteravit, ut in opinionum æstu, studiisque honorum evenire solet (horum enim quisque retinens est, nec cedit facilè) sit sine progressu ad acerba: nec ita dissentiant, ut de communi salute non idem sentiant: sed potius certent de amore Reipublicæ.

Liberi nobilium.

Nobilium virorum liberos his opinionibus imbuendos cura, ut ne quas maximas inimicitias residere in suis familiis arbitrentur.

Conciones moderandæ.

In concionibus adsit moderatio, ne turbulenti, aut temerarii cujusque lingua, quasi flabello seditionis, populus incendatur, ut ille Græcorum: quorum totæ Resp. sedentis concionis temeritate administrantur. Itaque, ut hanc Græciam,

Græciam, quæ jam diu suis consiliis perculsa & afflicta est, omittam: illa vetus, quæ quondam opibus, imperio, gloria floruit, hoc uno malo concidit, libertate immoderata, ac licentia concionum. Cùm in theatro imperiti homines, rerum omnium rudes, ignarique confederant, tum bella inutilia fuscipiebant, tum seditiosos homines Reip. præficiabant, tum optimè meritos cives è civitate ejiciebant. Quòd si hæc Athenis tum, cùm illæ non solum in Græcia, sed propè cunctis gentibus enitebant, accidere sunt solita: quam moderationem putatis in Phrygia, aut in Mysia conclonum fuisse?

Græcia periit
licentia concionum.

Athenarum
fama celebris.

Sæpè videmus, ut mare, quod sua natura tranquillum sit ventorum vi agitari, atque turbari: sic et populum sua sponte esse placatum, hominum seditiosorum vocibus, ut violentissimis tempestatibus, concitari. id ne fiat providendum.

Ut mare, sic
populus.

Danda etiam opera, ne disseminatis dispersisque sermonibus, tua lædatur existimatio. nec satis erit, eum, qui sic peccarit, pœnitere: ut & ipse, ne quid tale posthac, & cæteri sint ad similia tardiores.

Existimationi
consultandum.

Coercendi ad exemplum, libellos aut carmina probrosa qui emiserint. xii. tabulæ, cùm perpauca res capite sanxissent, in his hanc quoque sancendam putaverunt. *Si quis ætiterisset, sive carmen condidisset, quod infamiam afferret flagitiûmve alteri.* quid Principi?

Curandum etiam, ne quis de Statu temerè loquatur, rumorè-ve spargat in ullo casu Reip. præcipuè in bello, ac maximè civili: quod opinione plerumque & fama gubernatur.

Nil temerè de
Statu.

P. Vatienu, cùm è præfectura Reatina Romam venienti noctu, duo juvenes cum equis albis dixissent, Regem Persen illo die captum, Senatui nunciavit: & primò, quasi temerè de Rep. locutus esset, in carcerem con-

Historia singularis.

jectus est: pòst à Paulo litteris allatis, cùm idem dies constitisset, & agro à Senatu, & vacatione donatus est.

Cautio in accusationibus, & contra delatores.

In his tamen omnibus adhibenda prudens cautio, ne auris detur infensus, qui inimicos suos morte affici volent, vel quòd eos metuant, vel quòd oderint: nec iis, qui ut canes venatici odorantur omnia: & inopia criminum falsa inferunt: quæ in metu & periculo cùm creduntur faciliùs, tum finguntur impuniùs. Hoc genus hominum aliis exitia parantium, scire deberet sibi paratam pestem, ut participet parem.

Non danda materies sermonis, aut rumoris improbi.

Non detur malevolis probabilis materies sermonis: hanc enim nacti, conabuntur alienare voluntatem sociorum, aut civium.

Expetenda bona fama.

Non danda etiam occasio improbioris famæ: cùm ratio falsusque omnium, qui ad Remp. accedunt, non veritate solùm, sed etiam fama nitatur: nam licet è macello laus petenda non sit, est tamen sæpè populo & scenæ, ut dicitur, serviendum: & omninò expetenda bona fama bonorum: ut libenti animo, studiosèque Principis voluntati, commodis, opinioni in gubernanda Rep. serviant, & obtemperent. Non enim mediocre telum ad res gerendas existimare oportet benevolentiam. Fundamenta illius sunt iustitia, liberalitas, constantia: sine quibus nihil potest esse laudabile.

Fundamenta famæ.

De condecencia à Principe tenenda, & ejus novem administris; quibus felix, & augustus redditur Princeps, atque Principatus.

C A P. VIII.

Decora Principi.

OMNI in re quid sit veri, videre, sentire, & tueri decet: imperii dignitatísque suæ retinentem esse: omnia facere forti ac libero animo: quem sine constantia & æqua-

æquabilitate nullum esse putâris. Omnino, si quicquam est decorum, nihil est profectò magis, quàm æquabilitas cum universæ vitæ, tum singularum actionum.

Præclara certè ea est in omni vita, & idem semper vultus, eadémque frons : ut de Socrate, itémque de Caio quoque Lælio accepimus. Philippum quidem Macedonum regem, rebus gestis & gloria superatum à filio, facilitate & humanitate video superiorem esse. Itaque alter semper magnus, alter sæpè turpissimus fuit. ut rectè præcipere videantur, qui monent, ut quanto superiores sumus, tanto nos geramus submissius, & perspiciamus rerum humanarum imbecillitatem, varietatémque fortunæ.

Theophrastus interitum deplorans Calisthenis sodalis sui, rebus Alexandri prosperis augitur. Itaque dicit Calisthenem incidisse in hominem summa potentia, summâque fortuna, sed ignarum, quemadmodum rebus secundis uti conveniret.

Laudabilior Cyrus ille à Xenophonte, non ad historiæ fidem scriptus, sed ad effigiem iusti imperii, cuius summa gravitas ab illo philosopho cum singulari comitate conjungitur : quos quidem libros non sine causa noster ille Africanus de manibus ponere non solebat : nullum est enim prætermissum in iis officium diligentis & moderati imperii.

Atque ille quidem Princeps ingenii & doctrinæ Plato, tum denique fore beatas Respublicas putavit, si aut docti, aut sapientes homines eas regere cœpissent : aut ii, qui regerent, omne studium in doctrina ac sapientia collocassent. hanc conjunctionem videlicet potestatis ac sapientiæ, saluti censuit civitatibus esse posse : quod fortassè quondam universæ Reip. nostræ contigit, ut is in ea summam potestatem haberet, cui in doctrina, cui in virtute, atque humanitate percipienda, plurimùm à pueritia studii fuisset, & temporis collocatum.

I.
Æquabilitatis
præstantia.

II.
Facilitas.

III.
Humanitas.

Comparatio
Philippi &
Alexandri.

Theophrasti
judicium de
Alexandro.

Cyrus Xeno-
phontis.

IV.
Gravitas.

V.
Comitas.

Quæ Resp.
beatæ ?

VI.
Doctrina.

VII.
Sapientia.

Salus civita-
tis.

Socratis opinio de felicitate Principum.

Qui Rex beatus.

VIII.

Bonitas.

IX.

Altitudo animi.

In Gorgia Socrates, cum esset ex eo quaesitum, Archelaum Perdiccae filium, qui tum fortunatissimus haberetur, nonne beatum putaret? haud scio (inquit) nunquam enim cum eo locutus sum. Ain tu? An aliter id scire non potes? nullo modo. Tu igitur ne de Persarum quidem Rege magno potes dicere, beatusne sit? An ego possum, cum ignorem quam sit doctus, quam vir bonus?

Ad haec tibi propone altitudinem illam animi, unam esse omnium rem praeclarissimam, & maximè dignam Principe, quae nihil à statu naturae discedit, nihil à dignitate sapientis: resque gerit pro salute communi magnas, & vehementer arduas, plenaeque laborum, & periculorum.

De Imperii moderatione, & rationis usu Principibus conveniente, à Barbaris neglecto.

C A P. IX.

Quale debet regentis esse imperium?

Ut affectus debet esse animus Principis.

Homo frugi.

Regiae virtutes, atque laudes.

SIC Principum, sic magistratuum, sic populorum imperia civibus sociisque praesint, ut parentes liberis, corporibus animus. Munus autem animi est, ratione bene uti: & ut sapientis animus, sic Principis ita semper affectus esse debet, ut ratione optimè utatur. Qualis ille sit, quem tum moderatum, alias modestum, & temperatum, alias constantem continentemque dicimus. Nonnunquam haec vocabula ad frugalitatis nomen, tanquam ad caput, referre volumus: quod nisi eo nomine virtutes continerentur, nunquam illud ita pervulgatum esset, ut jam proverbii locum obtineret, *Hominem frugi omnia rectè facere*. Hoc verbo scio laudari Reges non solere. Frugi hominem dico, non multum habet laudis in Rege: fortem, justum, severum, gravem, magnanimum, largum, beneficum, liberalem, haec sunt regiae laudes, illa privata est. Ut
volet,

volet, quisque accipiat : ego tamen frugalitatem, id est, modestiam, & temperantiam, virtutem esse maximam judico. non ita Xerxes : qui refertus omnibus muneribus, donisque fortunæ, non equitatu, non pedestribus copiis, non navium multitudine, non infinito pondere auri contentus, præmium ei proposuit, qui invenisset novam voluptatem : qua ipse inventa, non fuit contentus. neque enim unquam finem inveniet libido. Hinc Diogenes disputare solebat, quanto Regem Persarum vita fortunæque superaret : sibi nihil deesse, illi nihil satis unquam fore : se ejus voluptates non desiderare, quibus nunquam satiari ille posset, suas eum consequi nullo modo posse.

Xerxes nunquam contentus.

Fortuna Diogenis, & Regis Persarum.

Porro, solere aiunt barbaros Reges Persarum, ac Syrorum, plures uxores habere : his autem uxoribus civitates attribuere, hoc modo : Hæc civitas mulieri in redimiculum præbeat, hæc in collum, hæc in crines. Ita populos habent universos, non solum conscios libidinis suæ, verum etiam administratos.

Mos regum Persarum, & Syrorum.

De Principum moribus : ut exemplo nocent, aut prosunt.

C A P. X.

QUO perniciosius de rep. merentur, qui sic peccant quod non solum vitia concipiant ipsi, sed ea infundant in civitates : quamvis in Principibus facilior sit existimatio, quam reprehensio : ideo quod eos, si hoc faciunt, immoderatos possumus existimare, crimen in eo constitutare non possumus.

Quomodo infundantur vitia in civitates.

Existimatio Principum laedi potest, non reprehendi vita.

Imò, quod in communibus hominum sensibus, atque in ipsa natura positum, atque infixum est, facilè intelligo, non modò reticere homines Principum culpas, uti parentum, sed etiam animo æquo ferre oportere.

Principum & parentum vitia reticenda, ferendæque.

Principis est
modum sibi
apponere, le-
ges aliis.

Morum mu-
ratio à Prin-
cipe pendet.

Barbarorum
vita.

Ipforum verò est, sibi modum apponere, leges aliis. Nam licet videre, si velint replicare memoriam temporum, qualescunque summi civitatis viri fuerint, talem civitatem fuisse: quæcunque mutatio morum in Principibus exstiterit, eandem in populo secuturam.

Multùm itaque in exemplo est, studiosè enim plerique facta Principum imitantur. ut cupiditatibus Principum, & vitiis, infici solet tota civitas: sic emendari & corrigi continentia. Quid est negotii, continere eos, quibus præsis, si ipse contineas, & maneat gravis & constans disciplina? Barbarorum est in diem vivere: tua consilia sempiternum tempus spectare debent.

Ut præparatio necessariorum, lenitas, & continentia servant: negligentia, acerbitas, & avaritia evertunt Imperantem, & Imperium.

C A P. XI.

Ærarium non
sit inops.

DANDA etiam opera est, ne (quod apud majores nostros sæpè fiebat) propter ærarii tenuitatem, assiduitatémque bellorum, tributum sit conferendum: idque ne eveniat, multò antè erit providendum (nam obsurdescunt etiam boni ad vocem tributi) nec committendum, ut aliqua sit in rebus gerendis expectatio, aut dilatio temporis. Breve tempus longum est imparatis: dies enim affert, & hora potius, nisi provisum est, magnas sæpè clades. Certus autem dies, non ut sacrificii, sic consilii expectari solet.

Sin qua necessitas hujus muneris alicui obvenerit, danda erit opera, ut omnes intelligant, si salvi esse velint, necessitati esse parendum: atque etiam omnes, qui Remp. gubernabunt, consulere debebunt, ut earum rerum copia sit,

fit, quæ sunt necessariæ. quarum qualis comparatio fieri soleat, & debeat, non est necesse disputare. Est enim in promptu, tantum locus attingendus fuit.

Rerum necessariorum copia paranda.

Da te semper ad lenitatem, æquitatēque, ut tui rebus agitatæ usui tibi esse possint, & velint. Etenim, ut abs te affecti fuerint, ita in te animatos reperies.

Lenitas Principi utilis.

Cùm exercitum in Ciliciam ducerem, & regis Parthorum filius cum permagno exercitu transisset Euphratem, reperi socios infirmè animatos esse, & novarum rerum expectatione suspensos. Nam eorum auxilia propter acerbitem, atque injurias imperii nostri, aut ita imbecilla fuerant, ut non multum nos juvare possent, aut ita alienata à nobis, ut neque expectandum ab iis, neque committendum iis quicquam esse videretur.

Acerbitatis incommoda.

Aversis & imbecillis subditis nihil committendum.

Caput autem est in omni procuratione negotii, & muneris publici, ut avaritiæ pellatur, etiam minima suspicio. Utinam, inquit C. Pontius Samnis, ad illa tempora me fortuna reservavisset, & tunc essem natus, quando Romani accipere dona cœpissent: non essem passus diutius eos imperare. næ illi multa sæcula expectanda fuerunt. modò enim hoc malum in hanc Remp. invasit. Itaque facilè patior tunc potius Pontium fuisse, siquidem in illo tantum fuit roboris.

Avaritiæ vitanda suspicio.

Nullum igitur vitium tetrius, quàm avaritia. præsertim in Principibus, & Remp. gubernantibus: habere enim quæstui Remp. non modò turpe est, sed sceleratum etiam, & nefarium. Itaque quod Apollo Pythius oraculum edidit, Spartam nulla re alia, nisi avaritia, esse perituram: id videtur, non solum Lacedæmoniis, sed & omnibus opulentis populis prædixisse. nulla autem re, facilius conciliare benevolentiam multitudinis possunt ii, qui Reip. præfunt, quàm abstinentiâ, & continentia.

Avaritiæ mala.

Bona continentia.

Ab hoc genere largitionis, ut aliis detur, aliis auferatur, absterunt ii, qui Remp. tuebuntur. Nam propter hoc injuria

Genus largitionis perniciosum.

riæ genus, Lacedæmonii Lyfandrum Ephorum expulerunt; Agin Regem (quod nunquam antea apud eos acciderat) necaverunt: ex eoque tempore tantæ discordiæ secutæ sunt, ut & tyranni existerent, & optimates exterminarentur, & præclarissimè constituta Resp. dilaberetur: nec verò solum ipsa cecidit: sed etiam reliquam Græciam evertit contagionibus malorum, quæ à Lacedæmoniis profecta, manarunt latius.

De liberalitate conveniente Principi.

C A P. XII.

Liberalitate
utendum iusta
& moderata.

VIDENDUM igitur est, ut ea liberalitate utatur, quæ noceat nemini. Quare L. Syllæ, C. Cæsaris translatio à iustis dominis ad alienos, non debet liberale videri. nihil enim liberale, quod non est idem iustum, atque moderatum.

Philippus
Alexandri
exagitat largitionem.

Præclarè in epistola quadam, Alexandrum filium Philippi accusat, quod largitione benevolentiam Macedonum confectetur. Quæ te malum! (inquit) ratio in istam spem induxit, ut eos tibi fideles putares fore, quos pecunia corrupisisses? An tu id agis, ut Macedones, non te Regem suum, sed ministrum, & præbitorem putent? Benè ministrum, & præbitorem, quod sordidum Regi: melius etiam, quod largitionem corruptelam dixit esse: fit enim deterior, qui accipit, atque ad idem semper expectandum paratior. Hoc ille filio, sed præceptum putemus omnibus. malè enim se res habet, cum quod virtute effici debet, tentatur pecuniâ.

Philippus ad-
versus externos
à suis discedit
consiliis, &
monitis.
Philippi dictum,
& opinio
de vi munerum.

Philippus tamen non sic cum exteris: nam diffidit urbium portas, & subruit æmulos Reges muneribus: atque omnia castella expugnari posse dixit, in quæ modò asellus opustus auro posset ascendere.

Aristo-

Aristoteles graviter, & verè reprehendit effusiones pecuniarum, quæ fiunt ad multitudinem deliniendam, immanibus jacturis, infinitisque sumtibus: quum præsertim neque necessitati subveniat, neque dignitas augeatur: ipsaque illa delinitio sit ad breve exiguumque tempus: in quo tamen ipso, unà cum satietate, memoria quoque moriatur voluptatis. Benè etiam colligit, hæc pueris & mulierculis, & servis & fervorum simillimis liberis esse grata: gravi verò homini, & ea, quæ fiunt, judicio certo ponderanti, probari nullo modo posse.

Effusiones pecuniarum ab Aristotele reprehensæ.

Illæ impensæ meliores sunt, muri, navalia, portus, aquarum ductus, omniæque, quæ vel ad usum Reip. pertinent, vel ad utilitatem publicam: ut redimi è servitute captos, locupletari tenuiores: quod quidem vulgò solitum fieri ab ordine nostro, in oratione Crassi scriptum copiosè videmus. Hanc ergo consuetudinem benignitatis largitioni munerum longè antepono: hæc est gravium hominum, atque magnorum: illa quasi assentatorum populi, multitudinis levitatem voluptate quasi titillantium. Convenit etiam non uno modo in disparibus causis affectum esse: alia causa est ejus, qui calamitate premitur: & ejus, qui res meliores quærit, nullis suis rebus adversis. propensior benignitas esse debet in calamitosos, nisi fortè erunt digni calamitate.

Sequuntur 4. liberalitatis genera digna Principe.

I.
In usum Reip.

II.
Ad utilitatem eorum, quibus benignè fieri Reip. est utile.

Cautio tenenda.

Imitandus etiam Cyrus, qui præclara molientes donis & honoribus auxit: atque in omnium excitavit mentibus ardorem ad gloriam: simul studia, quibus singuli enitebantur in iis, quæ ille probaret, & elaborare, & excellere.

III.
Erga præclara consectantes.

Hoc autem in genere benignitatis excelluisse, regium fuit, nec mirandum, cum esset opulentissimus: sed Regem cum suis contendisse, ac dignitatem cum humilitate deficijs, id non mediocrem Xenophonti admirationem movet.

Cyri mira comitas.

At

Astygis monita.

At hæc ille, ex avi monitis atque disciplina, ne exhauretur largiendo ærarium, nec deessent alii ad virtutem, & obsequia stimuli : cùm non esset facilè semper donare : nec vellet regia pervagari munera, armillas, torques, fræna aurea : quæ apud Persas nemini habere licuit, cui non ea Rex tribueret.

Dona regia apud Persas.

Præmia virtutis & officii non pervulganda.

Id certè maximè tenendum est, præmia virtutis & officii sancta & casta esse oportere : neque ea, aut cum improbis communicari, aut in mediocribus hominibus pervulgari. Etenim minùs erunt homines virtutis cupidi, virtutis præmio pervulgato. Et qui ob egregia facta honorem adepti sunt, si pari indignos affici viderint, de sua gloria putabunt delibari.

Cæsar, cùm quosdam ornari voluit, non illos honestavit, sed ornamenta ipsa turpavit, & viris displicuit clarissimis.

iv.
Erga benè merentes.

Sit semper officiorum memoria, atque ratio : nec appareat usquam remunerandi, aut deesse voluntas, aut non suppetere facultas. Benè meritos enim, quin colas, neque exorari fas est, neque est excusatio difficultatis : neque æquum est tempore & die memoriam beneficii definire, aut differre : sed potiùs antevertere, ne liberalitatis fructu priveris & gratiæ, idque omninò faciendum, si quid in modestos & verecundiores conferendum sit.

Beneficia quando antevertenda.

Grave est enim homini pudenti petere aliquid magnum ab eo, de quo se benè meritum putet : ne id, quod petat exigere magis, quàm rogare, & in mercedis potiùs, quàm beneficii loco numerare videatur.

Principi ingrato esse non licet.

Sin benè merentes sint hujusmodi, quorum memoria posteris prodatur, his ingrato esse non licet. Omnes enim immemorem beneficii oderunt : nec est tibi horum solis utendum existimationibus, ac judiciis, qui nunc sunt, hominum, sed eorum etiam, qui futuri sunt. Quamquam illorum erit verius iudicium, obtestatione & malevolentia liberatum.

Omnes tuere, quos mirificè de Rep. meritos esse animadvertes : & effice, ne quem poeniteat, Remp. quàm spem prædæ, & rapinarum sequi maluisse.

Omninò cavendum, ne ea, quæ pertinent ad liberalem speciem & dignitatem, immoderata sint. Modus est optimus, decus ipsum tenere : & prudentia non parva, sentire quid sit satis : nescire inertia, barbaries : prætergredi effusio, probrium.

Videndum, ne obsit benignitas, & iis ipsis, quibus benignè videbitur fieri, & cæteris : tum, ut pro dignitate cuique tribuatur. Benignitas ne obsit.

Facessant ii, in quibus neque pecuniæ modus est, neque honoris, neque reliquarum cupiditatum : quas nulla præda unquam improbè parta minuit, sed auget potiùs, atque inflamat, ut coërcendi magis, quàm dedocendi videantur. Insatiabiles coërcendi.

Scire & meminisse expedit, facilè traduci ad mala consilia, non modò corruptum, sed inhiantem largitionibus animum.

De Præmiis & Pœnis.

C A P. XIII.

SOLON, qui & sapientissimus fuit ex septem, & legum scriptor solus ex septem, Remp. duabus rebus contineri dixit, *præmio*, & *pœna*. Est scilicet utriusque rei modus, sicut reliquarum, & quædam in utroque genere mediocritas. Ne sis in honoribus decernendis nimius, & tanquam prodigus : nec in animadversione, pœnæque durior. Sed sceleris pœnam prætermittere, periculosum puto ; ne quis talem amentiam vellet imitari. Ita probanda est mansuetudo, atque clementia, ut adhibeatur Reip. causa Resp. continetur præmio, & pœna.
severitas, Mediocritas illa tenenda, quæ est inter nimium & parum.

severitas, sine qua administrari non potest. Salutaris severitas vincit inanem speciem clementiæ.

Regula in severitate, & clementia tenenda.

In his, ut in cæteris, optandum est, ut ii, qui præfunt, legum similes sint, quæ ad puniendum, non iracundia, sed æquitate ducuntur: atque omnium salutem singulorum saluti anteponunt.

De Principis prudentia, moderanda temporum, rerum, & personarum ratione: & positiæ de his tribus variorum cautiones, atque regulæ.

C A P. XIV.

Communis prudentia.

OMNIBUS artibus volumus attributam esse eam, quæ communis appellatur prudentia: quam omnes, qui cuique artificio præfunt, debent habere: Principi eam, quæ versatur in perspicendiis rationibus constituendorum, & regendorum Imperiorum: necnon illam, quæ est scientia opportunitatis idoneorum ad agendum temporum. Nam res geruntur auctoritate, sententia, consilio: quod ex re, persona, tempore capiendum est: & tanquam navigium, & cursus, ex Reip. tempestate moderandum: cum oporteat non semper easdem sententias, rationesve, sed quascunque Reip. Status, inclinatio temporum, ratio concordiaë postulat, tenere: in magno motu, in conversione rerum, & perturbatione, temporibus potius parere, quam moribus: & tamen idem semper spectare, nempe Dei cultum, salutem populi.

Platonis præscriptum.

Id enim jubet Plato, quem ego auctorem vehementer sequor, TANTUM contendere in Rep. quantum probare tuis civibus possis: vim neque parenti, neque patriæ asferre oportere. Atque hanc quidem ille causam sibi ait non attingendæ Reip. fuisse, quod eum offendisset populum Atheniensem, propè jam desipientem senectute, tum

eum

eum nec persuadendo, nec cogendo regi posse vidisset, cum persuaderi posse diffideret, cogi fas esse non arbitra-
retur.

Vides quanta vis temporum sit, quanta varietas rerum, quàm incerti exitus, quàm flexibiles hominum voluntates: quid verò insidiarum, quid vanitatis in vita, tecum co-
gita.

Cato optimo animo utens & summa fide, nocuit inter-
dum Reip. dixit enim tanquam in Platonis πολιτία, non
tanquam in Romuli fæce sententiam: & nimis præfractè
ærarium, atque instituta majorum defendens, à Senatu, &
Equestrem ordinem, & homines clarissimos abalienavit.

Cato nocuit in-
terdum Reip.

Præstare hoc Senator debet, quantum potest, ne quis
vir clarus, aut potens Principi, vel Ordini jure irasci posse
videatur: atque hoc, si inimicissimus alicui esset, sentire
tamen deberet Reip. causa. quæ maximè censenda est
contentionem cum ejusmodi viris nolle fieri, & ne fiat re-
cusare.

Senator ne-
minem cla-
rum offensum
reddat.

Si intellexeris subesse quid opinionis incommodæ, im-
prudentiâ, aut artificiis quorundam viro inculcatum acri,
fauciûmque esse ejus animum, & incidisse quasdam odiosas
suspiciones: iis mederi stude, & fluctuantem ad te con-
verte.

Fluctuantes
firmandi.

Non minùs puta esse probandam medicinam, quæ sa-
nabit vitiosas partes Reip. quàm quæ exsecabit.

Imitare bonos & alto Principes animo, qui malunt
commemorare se, cum perdere possent, pepercisse, quàm,
cum parcere possent, perdidisse.

Consuetudo
bonorum im-
itanda Prin-
cipum in ig-
noscendo.

Et qui, cum parcere, vel lædere possunt, ignoscendi
quærunt causas, non puniendi occasiones: quod, uti judicis
lenti & considerati, sic Principis clementis est proprium.

Eos, quibus peperceris, omni metu libera, ne residere
in te ullam partem iracundiæ suspicientur.

Cautiones de
privilegiis &
honoribus.

De privilegiis & honoribus illud valde considerandum, ne injuria detrahantur.

Multis nocuit alienasse eos, qui valere, aut ingenio, aut gratia, aut potentia, aut militari virtute.

Est gravius spoliari honore, quàm non augeri dignitate : & acriores morsus sunt intermissæ libertatis, quàm retentæ.

Infuetus contumeliæ, insolens infamiæ, acer in ferro, ægrè omni animi impetu, dolori, & iracundiæ paret, cùm ex amplo statu concidit.

Nunquam dederis hominem magnis facultatibus ingenii, consilii, gratiæ, imò ne parùm sanum nobilem potentem, perditis hominibus, quò concurrant.

Cæsar aliena-
rus perdidit
Remp. Ro-
manam.

Cæsar Pompeio contendente, ne ipsius ratio haberetur, descendit ad extrema : & concitata juventute, dignitatem labefactavit veteris Reip. & Imperii.

Mutatio re-
rum magna-
rum sensim fa-
cienda.

Si facienda est alicujus magnæ rei mutatio, eam, si tempora adjuvabunt, facilius commodiusque facies : sin minùs, sensim erit, pedetentimque facienda : ut amicitias, quæ minùs delectent, & minùs probentur, magis decere censent sapientes sensim diffuere, quàm repentè præcidere.

Cautiones fir-
mæ, ut Prin-
ceps recta
præstet suis,
hi non decli-
nent ab offi-
cio.

In omni fortuna recta & honesta retine. Nihil cuiquam fieri, dari, auferrive debet, quod malè cogitantibus exemplo, aut præsidio sit.

Noli tribuere potentibus, quæ cupiditatem & arrogantiam incendere possint.

Quæ res Cæ-
sarem ad sum-
mum extule-
rant impe-
rium ?

Senatus multos decrevit eximios honores C. Cæsari, & propè singulares : provinciam extra ordinem : supplicationes numero, ut nemini ullo ex bello : honore, ut omnino nemini : quinquennii imperii prorogationem, ut absentis ratio haberetur : his ille rebus ita convaluit, ut exercitum & provinciam invito Senatu teneret, impendiò magis oderit Senatum : Rex populi Romani, dominusque omnium gentium esse concupisceret, idque perficeret. Sed horum omnium fons unus. Imbecillo resistendum fuit, & id erat

erat

erat facile. Pompeius Cæsarem ferò cœpit timere: qui mallem tantas ei vires non dedisset, quàm postea tam valenti restitisset.

Quanta sit in quoque fides, tantum cuique committe: imperium verò iis solùm, quos possis rectè facientes facile diligere, minùs consulentes tibi, facillimè coërcere.

Singularis homo privatus, nisi magna sapientia præditus, vix facilè sese regionibus officiorum magnis in fortunis, & copiis continet: nedum in magna fortuna natus, & educatus, semper in laude versatus, circumfluens gloria.

Non vides ipsum illum Aristotelis discipulum, summo ingenio, summa modestia, postquam Rex appellatus sit, superbum, crudelem, immoderatum fuisse? hunc de pompa Quirini contubernalem, qui sibi opinionis errore sinxerat Principatum, cùm omnes opes & suas, & populi Rom. Pompeius ad eum detulisset, exercitu populi Rom. populum ipsum Rom. Pompeiùmque oppressisse: & civitatem non modò liberam, sed etiam gentibus imperantem, servire sibi coëgisse? Nos malè cavimus Reip. qui ulli majores opes, & maiora præsidia, quàm libertas pati potuit, concessimus.

Nihil ei commiseris, ¹ qui omnia ad suam utilitatem refert: ² aut cui prudentia in consilio deesse solet. ³ Si quis est, in quo jam offenderis, de quo aliquid senseris, huic nihil credideris, nullam partem existimationis tuæ commiseris.

Nemo unquam sapiens proditori credendum putavit.

⁴ Culpa illa, BIS AD EUNDEM vulgari reprehensa pro-
verbio, in Statu valdè periculosa habetur.

Qui casus nostri meminerit, nunquam cuiusquam ⁵ in-
vidi, & ⁶ perfidi consilio utetur, nec ⁷ inertì crediturus est.

Illum verò ne rejeceris, cui acciderit, quod homini pu-
denti, & cupido satisfaciendi Reip. bonisque omnibus ac-
cidere solet, ut consilium sequatur periculosum magis, dum
se probârit, quam tutum, quod habere possit obtrecta-
tionem.

Quatenus, & quibus Prin-
cipum com-
mittenda ne-
gotia, & qui-
bus imperi-
um.

Humana na-
tura secundis
inolefecit.

Alexander
Rex appellatus
superbit, & fit
immanis.

Cæsar à Rep.
ornatus
Remp. oppri-
mit.

¹ Septem
² hominum
³ genera, qui-
bus nil com-
mittendum.

4.

5.

6.

7.

Ornandus,
quem honestas ducit in
pericula.

Vas de Statu,
& salute Prin-
cipis, non ac-
cipiendus.

Pro nemine, cùm agetur de tua salute, vel de summa rerum, vadem acceperis. Est enim gravior, & difficilior animi, & sententiæ, maximis præsertim in rebus, pro altero, quàm pecuniæ obligatio. Hæc enim solvi potest, & est rei familiaris iactura probabilis: tibi & Statui, quod quis spoponderit, quemadmodum solvat, nisi is dependi faciliè patitur, pro quo spoponderit?

Cautio digna
Principe.

Sic tibi semper cave, ut in eorum, à quibus cavendum erit, potestate, non sis, sed illi potiùs in tua.

Etenim neque de statu tuæ dignitatis est recedendum: neque sine tuis copiis intra alterius præsidia veniendum.

Aures dandæ
veris.

Sint aures tuæ, quæ id, quod audiunt, existimentur audire, non in quas fiètè, ac simulatè, quæstus causa infurretur.

Calumniæ
quæstus tur-
pissimus.

Omnium autem est turpissimus, & ob perniciem, quam fruit innocentibus, coërcendus maximè, calumniæ quæstus.

Pestis aulæ.

Evitandæ sunt omninò, & obterendæ nefariæ pestes hominum, bono ac laude aliena dolentium: quæ principes nonnunquam à viris claris alienant, & hos immutant Principi.

Hos Agesilaus magis oderat, quàm fures: quòd gravius esse duceret amicis, quàm facultatibus spoliari. Tum benè accidit, quum veritas emergit, & innocentiae defensio interclusa respirat; quòd aut ii, qui ad fraudem callidi sunt, non tantùm audent, quantum excogitant: aut ii, quorum eminet audacia, atque projecta est, à consiliis malitiæ deferuntur.

Credulitatis
error.

Credulitas error est magis, quàm culpa: & quidem in optimi cuiusque mentem facillimè irrepit. Sed hoc vitio decipi in statu periculosum.

Epicharmea
cautio.

Quocirca, ne credulitate res summa fallatur, *ἐπιχαρμίων*, illud teneto, *Nervos atque artus esse sapientiæ, non temerè credere*, & tuum sit elogium, NEC DECIPI POSSE, NEC VINCI.

De Principis annulo, Senatu, Senatoribus, & Consilio.

C A P. XV.

SIT annulus, non ut vas aliquod, sed tanquam ipse tu: Annulus sacer.
non minister alienæ voluntatis, sed testis tuæ.

Senatus sit *ἀγῆτος παῖς*, constans, severus, gravis, fortis. Senatus quis.

Omnia tuus Senator præstet Reip. quæ præstare debet Quæ à Senatore præstanda?
is, qui est in eo gradu collocatus: nec illa modò, quæ nimirum sola ab homine sunt præstanda, fidem, vigilantiam, patriæ charitatem: ea sunt enim, quæ nemo est, qui non præstare debeat. Ego autem ei, qui sententiam dicat in principibus de Rep. puto etiam prudentiam esse præstandam. nec me, quum mihi tantum sumserim, ut gubernacula Reip. prenderem, minùs putârim reprehendendum, si inutiliter aliquid Senatui suaferim, quàm si infideliter. Neque etiam me censuerim excusandum, si cùm Resp. erit tuenda, vel defatigatus requiem quæsierim ex magnis occupationibus, vel statuerim minùs bonis temporibus in Senatum non venire. quia *nulla lassitudo, aut timor impedire officium, & fidem debet.*

Utendum consilio fidelium, & sapientum: hisque tribuenda est auctoritas. Neutiquam ferendum, ut contemnantur. sin quis tanta improbitate usus fuerit, cogitandum, in illorum injuria te esse despectum, auctoritatémque tuam abjectam: omnia hujusmodi, ad exemplum esse perniciofa, & ne progrediantur, coërcenda. Serpit enim malum consuetudine peccandi: atque in audacibus crescit, cùm pœna abfuit, & licentia consecuta est.

Non parùm proderit secretò in consilium arcessere, quos Singularis cautio in deliberationibus & consiliis.
fide, & rerum usu cæteros anteire noveris: ut cum eis rerum eventa, acta, & agenda communices, & examines: ac quid sentiant, liberè proferre jubeas: vel in præsentia, si

convenit : vel si res gravior est, & differri possit, ea deliberata. Sic enim, quæ ab eis tractabuntur, maturitatem tibi dabunt discernendi vera à simulatis, atque animadvertendi, quid factu sit melius : & tu magna cum laude ac fructu edes, quæ illi consulta ad te, & exquisita deferent.

In omnibus, quæ dubitationem afferunt, videndum est, non modò quid quisque adhibitus ad deliberandam loquatur, sed etiam quid quisque sentiat : atque etiam qua de causa quisque sentiat : & ne qua affectione ducatur, aut motu animi.

De Assentatoribus vitandis.

C A P. XVI.

Assentatores
vitandi.

CAVENDUM, ne Assentatoribus patefacias aures. Malè Pompeius, qui in bello, cùm omnium nostrum conjunctum esse periculum suo cerneret, certorum hominum minimè prudentium consilio utebatur.

Si tibi imponi non vis, ostende levitatem, assentationem, & animos, non officiis, sed temporibus servientes, tibi displicere.

Claudendæ sunt aures blandis vocibus, & quidem primis. Nam cùm initium fecerunt, admissæque sunt, plus audent.

Veritatis odium,
quæ pariat mala.

Obsequium
fraudentum.

Neutiquam committendum, ut existimeris veritatem odisse, in recta consulentes iracundiam exercere, & odia : quæ sunt venena fidelium consiliorum, escæ pravorum, incitamenta perfidiæ, lenocinia obsequii : quod erroribus indulgens, præcipites multos ferri solet. Maxima autem culpa in iis est, qui & veritatem aspernantur, & in fraudem obsequio impelluntur : quod illi potissimum faciunt, qui ipsi sibi assentantur, & se maximè ipsi delectant. Omnino est amans sui virtus : optimè enim se ipsa novit, quàmque amabilis sit, intelligit. Ego autem non de virtute

nunc

nunc loquor, sed de virtutis opinione. Virtute enim ipsa non tam multi præditi esse, quàm videri volunt. Hos delectat assentatio: his fictus ad ipsorum voluntatem sermo, quum adhibetur, orationem illam vanam, testimonium esse laudum suarum putant. Nullum est igitur hoc obsequium, quum alter verum audire non vult, alter ad mentiendum paratus est.

Cujus autem aures, ita clausæ veritati sunt, ut verum audire nequeat, hujus salus desperanda est.

Vera asper-
nantis salus
desperanda.

De auctoritate retinenda: & vitandis pravis animi affectibus, quibus hæc minuitur.

C A P. XVII.

CONSTANTIA est adhibenda, & gravitas, quæ absit non solum à levitate, verum etiam à pertinacia, & arrogantia.

Cautiones uti-
tiles, & neces-
sariæ ad dig-
nitatem, aucto-
ritatémque re-
tinendam.

Sapiens etiam imitandus prætor, qui offensionem vitat æquabilitate decernendi, benevolentiam adjungit lenitate audiendi, & in satisfaciendo diligentia.

I.
II.

In summa, ea sit gubernandi ratio & vita, in qua non resideat inertiae, aut levitatis ulla suspicio.

III.

Nunquam omnino committendum est, ut imbellis timidusque videare.

IV.

Si quid metuendum accidit, dissimula: præsentī animo utere, & consilio, nec à ratione discede: quod fecit nostra Resp. cum sæpè alias, tum maximè bello Punico secundo: quæ Cannensi calamitate accepta, majores animos habuit, quàm unquam rebus secundis: Nulla timoris significatio, nulla mentio pacis.

V.

Neque enim decet, aut convenit Principi, periculo ulli submittere animum.

Quemadmodum scalarum gradus, si alios tollas, alios incidias,

incidas, nonnullos malè cohærentes relinquo, ruinæ periculum struas, non ascensum parcs: Ita, si in acerbis casibus Reip. ipsam reliqueris dissolutam, nec te ostenderis in confirmanda tuorum salute, aut periculum morando fortem, perniciem accelerabis, non reparabis, quæ dilapsa sunt.

VI.
Pompeii erro-
res octo.

Quæ consilio provideri poterunt, cave: atque perface, ut minùs sapienter provisâ, diligentia tua corrigantur. Vidi Pompeium XIV. calendas Februarias, ¹ plenum formidinis: illo ipso die sensi, quid ageret: nunquam mihi postea placuit, nec unquam aliud in alio peccare destitit: ² non animus erat, ³ non consilium, ⁴ non copiæ, ⁵ non diligentia. ⁶ Mitto illam fugam ab urbe turpissimam, ⁷ timidam in oppido conciones, ⁸ ignorationem non solum adversarii, sed etiam suarum copiarum. quid quæris? Nihil boni, præter causam, causam solam Cæsaris causa non habuit: cæterisque rebus abundavit, vigilantia, celeritate, diligentia: qua si usi essent nostri, Remp. recuperâssemus.

¹ Animi

² tria vitia in-
decora valde
Principi.

Ut in hoc gradu positum, ¹ animo esse nolim fracto rebus in asperis, ² sic nec communem naturæ sensum repudiante. hanc enim animi duritiam, sicut corporis, quod cum uritur, non sentit, stuporem potius, quàm virtutem putârim.

3.

³ Fugiendum etiam illud, ne projiciat, & offerat se periculis sine causa: quo nihil potest esse stultius.

Gloriam in morte debent Principes, non culpæ reprehensionem, & stultitiæ vituperationem relinquere.

Plancus pro-
imitandum.

Laudanda Planci sapientia, qui per hanc temeritatem labi noluit. duobus enim exercitibus conjunctis objicere exercitum fidelissimum, maxima auxilia, principes Galliæ, provinciam cunctam, summæ dementiæ, & temeritatis esse vidit: sibi que, si ita oppressus esset, remque pub. secum perdidisset, mortuo non modò honorem, sed misericordiam quoque defuturam.

Boni

Boni luxerunt mortem Trebonii. At fuere tamen, qui dixerint (durè illi quidem, sed tamen dixerunt) minùs dolendum, quòd ab homine impuro, nefariòque non ca-
verit.

Mors Trebonii cur non dolenda?

Quæ ad se, & Principatum tuendum, facere, ac parata habere Princeps debeat.

C A P. XVIII.

QUI multorum custodem se profitetur, cum sapientes sui primùm capitis aiunt custodem esse oportere : ut sui me monitore fuerat Rex Ariobarzanes.

Rex Ariobarzanes Cicero-
nis consilio
servatus.

Nam, quum Senatus auctoritas intercessisset, ut ejus Regis salutem & incolumitatem defenderem : Regi Reg-
nòque præsidio essem : adjunxissetque salutem ejus Regis populo senatuique magnæ curæ esse, quod nullo unquam de Rege decretum esset à nostro ordine : judicium senatus ad eum detuli, & patefactis insidiis, quas vitæ illius & Regno fieri intelligebam. monui Regem, ut omnem diligentiam ad se conservandum adhiberet : amicòsque jam patris ejus judicio probatos hortatus sum, Regis sui vitam, docti casu acerbissimo patris ejus, omni cura custodiàque defenderent : illum etiam cohortatus sum, ut *in sua vita conservanda primùm regnare disceret* : à quibus perspexisset sibi insidias paratas, in eos uteretur jure regio : pœna afficeret eos, quos necesse esset : reliquos metu liberaret : præsidio exercitus mei ad eorum, qui in culpa essent, timorem potius, quàm ad contentionem uteretur : sic ego eum præsentibus insidiis liberavi ; neque solùm ei saluti fui, sed etiam curavi, ut cum auctoritate regnaret.

Decretum Senatus Romani singulare.

Principis cautio, subditorum cautio est. ex unius plerumque vita, pendet salus omnium.

Subditorum
cautio.

Princeps imparatus ab armis esse non debet.

Apparatus navalis, quibus provinciis necessarius.

Nihil est magis necessarium, quàm parata habere semper arma, quibus vel ipse tectus esse possis, vel provocare improbos, vel te ulcisci laceffitus: item ornatas habere naves in provinciis, quæ exitus undique habent maritimos. Siquidem in iis navalis apparatus, & mari plurimum posse, cura debet esse antiquissima, consilio Themistocleo: quo, qui mare teneat, rerum potiri posse existimatur.

Firmamenta magna reputa Imperii, omnia explorare: monita non negligere: duces, magistratus habere fideles, ingenuos, continentes: urbibus, & limitibus, ut satis sit præsidii consulere & providere. Etenim facile evertitur dissolutè & negligenter imperans: nec-non imparatus à militibus & pecunia.

Imò hoc amplius, existimo in regione atque provincia, quæ mari cincta, portibus distincta, insulis circumdata est, non solum præsidii, sed etiam ornandi imperii causa navigandum esse. Hæc enim ratio, ac magnitudo animorum in majoribus nostris fuit, ut, cum in privatis rebus, suisque sumptibus minimo contenti, tenuissimo cultu viverent: in imperio, atque in publica dignitate, omnia ad gloriam, splendoremque revocarent. quæritur enim in re domestica, continentiae laus: in publica, dignitatis.

*De otiosis ad laborem traducendis: ut omnes sibi sint
& Statui utiles: inertes, aut turbulenti nulli. Item
de præcidendis suis & suorum vitiis.*

C A P. XIX.

Deductio util-
lis Reip.

SI uspiam agri fuerint deserti à plebe, atque à cultura hominum, fiat in eos deductio, ut sentinae provinciarum urbiumque exhauriantur, & solitudo frequentetur: idque sine injuria veterum possessorum, ut non alios demovisse, sed utrosque constituuisse videare.

Omnia

Omnis tenenda ratio, qua ab otio traducantur animi, ad honestas & utiles vitæ artes, studia, labores. Id variè fiet: ¹ primò, si velut certamina quædam constituentur in singulis, & iis præmia, qui cæteris præstiterint. Quæ enim rara & ardua sunt, ea ex præmio pulchra & jucunda hominibus videri solent.

Ponuntur
4. modi, quibus ab otio ad labores traducuntur cives.

¹ Præmia constituenda excellenti.

² Magnam etiam habet vim Reip. disciplina. Cretum leges, itemque Lycurgi, laboribus erudiunt juventutem, venando, currendo, esuriendo, sitiendo, algendo, æstuando. Illi enim, qui Græciæ formam Rerumpublicarum dederunt, corpora juvenum firmari labore voluerunt: quod Spartiatæ etiam in fœminas transtulerunt, quæ cæteris in urbibus, mollissimo cultu, parietum umbris occuluntur: illi autem voluerunt nihil horum simile esse apud Lacænas virgines: quibus magis palestra, Eurotas, sol, pulvis, labor, militia studio est, quàm fertilitas barbara.

² Publica disciplina. Juvenum corpora labore firmata, Græcorum legibus.

Lacænae virgines.

Fuit hæc gens fortis, dum Lycurgi leges vigeant, è quibus unus, cùm Perses hostis in colloquio dixisset glorians, solem præ jaculorum multitudine & sagittarum non videbitis: In umbra igitur, inquit, pugnabimus. Viros commemoro. qualis tandem Lacæna, quæ cùm filium in prælium misisset, & interfectum audisset: Idcirco, inquit, genueram, ut esset, qui, pro patria, morti non dubitaret occumbere.

Responsum Spartiatæ.

Lacænae responsum.

Esto: fortes & duri Spartiatæ, quid Romani? nostri exercitus primùm unde nomen habeant, vides: deinde qui labor, quantus agminis: ferre plus dimidiati mensis cibaria: ferre, si quid ad usum velint: ferre vallum. nam scutum, gladium, galeam in onere nostri milites non plus numerant, quàm humeros, lacertos, manus: arma enim, membra militis esse dicunt: quæ quidem ita geruntur aptè, ut, si usus foret, abjectis oneribus, expeditis armis, ut membris, pugnare possint. Quid exercitatio legionum? Cur tantum interest inter novum & veterem exercitum?

Exercitus Rom.

Milites Rom.

Exercitatio legionum.

3.
Gloria.

ætas tironum plerumque melior: sed ferre laborem, contemnere vulnus consuetudo docet. ¹ Quinetiam est intemperans militaris in forti viro gloria.

Omninò clari & nobilitati labores sunt faciles.

4.
Honores?
Quid non designat honos?

⁴ Quæ flamma est, per quam non currunt ii, qui honores ambiunt? Itaque semper Africanus Socraticum Xenophontem in manibus habebat; cujus in primis illud laudabat, quod diceret eosdem labores non esse æque graves imperatori & militi: quòd ipse honos laborem leviores faceret Imperatorum.

Xenophon
legendus.

Studium
regale.

Multas ad res perutiles Xenophontis libri sunt: quos lege quæso studiosè: quàm copiosè ab eo agricultura laudatur in eo libro, qui est de tuenda re familiari, qui Oeconomicus inscribitur: atque ut intelligas nihil ei tam regale videri, quàm studium agri colendi, Socrates in eo libro loquitur cum Critobulo, Cyrum minorem, Persarum Regem, præstantem ingenio, atque imperii gloria, quum Lyfander Lacedæmonius vir summæ virtutis venisset ad eum Sardis, eique dona à sociis attulisset: & cæteris in rebus commem erga Lyfandrum, atque humanum fuisse: & ei quendam conseptum agrum, diligenter consitum ostendisse. quum autem admiraretur Lyfander, & proceritates arborum. & directos in quincuncem ordines, & humum subactam atque puram, & suavitatem odorum, qui affarentur è floribus: tum eum dixisse, mirari se non modò diligentiam, sed etiam solertiam ejus, à quo essent illa dimensa, atque descripta: & ei Cyrum respondisse: Atqui ego omnia ista sum dimensus, mei sunt ordines, mea descriptio: multæ etiam istarum arborum mea manu sunt factæ. Tum Lyfandrum intuentem purpuram ejus, & nitorem corporis, ornatumque Persicum multo auro, multisque gemmis, dixisse: Rectè verò te, Cyre, beatum ferunt, quoniam virtuti tuæ fortuna conjuncta est.

Ager à Cyro
consitus.

Imitanda,

Imitanda, non Cyri modò, aut Scipionis facta fortia, sed etiam consilia Romani illius : qui leve esse judicans, non regium, nec magnificum, se solùm virtutis studiosum præstare, enitebatur continentes cos reddere, & in re militari præstantes, quibus imperabat.

Prudentis & magnanimi Principis esse crede, nascentia vitia, tum sua, tum suorum præcidere, crescentibus non indulgere. Qui enim vitiis indulget, ea nutrit, & partem suscipit vitiorum : qui modum apponit, similiter facit, ut se posse putet eum, qui è rupe præcipitaverit, sustinere se, cùm velit.

Vitiis non indulgendum.

De virtutibus, quæ animos Principi conciliant : & vitiis, quæ alienant.

C A P. XX.

VACANDUM est omni perturbatione, ut tranquillitas adsit, & securitas, quæ afferat tum constantiam, tum etiam dignitatem. nihil enim laudabilius, nihil magno & præclaro viro dignius placabilitate, atque clementia.

Tranquillitatis bona.

Difficile etiam dictu est, quantopere conciliet animos comitas affabilitasque sermonis. Exstant epistolæ & Philippi ad Alexandrum, & Antipatri ad Cassandrum, & Antigoni ad Philippum, trium prudentissimorum (sic enim accepimus) quibus præcipiunt, ut oratione benigna multitudinis animos ad benevolentiam alliciant, militesque blandè appellando, sermone deliniant.

Affabilitas sermonis benevolentiam conciliat.

Miscenda cum his, & retinenda majestas, quæ reverentiam : auctoritas, quæ obsequium : gravitas, quæ observantiam parat.

O Dii immortales ! quàm magnum est personam in Rep. tueri Principis ! quæ non animis solùm debet, sed etiam oculis & auribus servire civium : ne aspera videatur natura, difficilis

Res magna personam tueri Principis.

difficilis aditus, severior vultus, superba responsa, insolens vita, fides lubrica.

Mala iracundia.

Exercenda est facilitas, & altitudo animi, quæ dicitur : ne si irascaris, aut intempestivè accedentibus, aut impudenter rogantibus, in morositatem inutilem, & odiosam incidas : atque vincaris artificio benevolentia colligendæ ab iis, qui neque Cyrum Xenophontis, neque Agesilaum noverunt : quorum Regum, summo in imperio, nemo unquam verbum ullum asperius audivit. quod contrà fit à Barbaris : quorum sunt hæc imperia : *Animadvertite, & dicto pare : & præter rogatum, si loquere : & illæ minæ : Si te secundo lumine hic offendero, moriere* : quæ non, ut delectemur solum legere & spectare debemus, sed cavere etiam, & fugere discamus.

Nihil pulchrius in tanto fastigio collocatis, quàm multarum rerum veniam dare, nullius petere.

Nullæ sint vehementiores animi concitationes : nulla maledicta : nullæ contumeliæ : quæ cùm abhorrent ab humanitate, tum verò contraria sunt Imperio, & dignitati. Nam si implacabiles sunt iracundiæ, summa est acerbitas : sin autem exorabiles, summa levitas : quæ tamen (ut in malis) acerbitati anteponenda est. Quid Achille Homérico foedius ? quid Agamemnone in jurgio ? Nam Ajacem quidem ira ad furorem mortemque perduxit. Alexander Rex, cùm interemisset Clitum familiarem suum, vix à se manus abstinuit : tanta vis fuit pœnitendi.

Contumeliarum aculei perniciosi.

Nihil est tam deforme, quàm ad summum imperium etiam acerbitem naturæ adjungere. Nec quicquam incendit magis odia, offensionésque hominum, quàm ad injurias omnia cœquare. Habet enim quendam aculeum contumelia, quem pati pudentes, ac viri boni difficillimè possunt, nedum factiosi, aut insolentes, animo mobili, & elato.

In omni sermone imitandi sapientes, qui dicto aliquo, aut responso neminem alienant, aut irritant : tum etiam oratores boni, qui non solum, quod opus est, dicunt : sed etiam

etiam quod non opus est, non dicunt: quod obeſt, omnino cavent, & reticent.

Principis curæ, officia, studia qualia ſint: & in quibus poſita.

C A P. XXI.

OMNINO qui præfuturi ſunt, duo Platonis præcepta teneant: unum, ut utilitatem civium ſic tueantur, ut quidquid agant, ad eam referant, obliti commodorum fuorum: alterum, ut totum corpus regni curent, ne dum partem aliquam tueantur, reliquas deferant. Qui autem parti civium conſulunt, partem negligunt, rem pernicioſiſſimam inducunt, diſcordiam.

Platonis præcepta duo.

Hinc non ſolùm ſeditiones, ſed peſſifera etiam bella civilia, quæ gravis & dignus principatu fugiet, atque oderit, tradetque ſe totum, ut omnibus conſulat: in primis operam dabit, ut juris, & judiciorum æquitate, ſuum quiſque teneat, & neque tenuiores propter humilitatem circumveniantur: neque locupletibus ad ſua, vel tenenda, vel recuperanda obſit invidia.

Juris & judiciorum æquitas.

Ac mihi quidem videntur omnia eſſe ab iis referenda, qui præſunt aliis, ut ii, qui eorum in imperio erunt, ſint quàm beatiffimi: nullæ ſint ſeditiones, nullæ diſcordiæ, tollantur latrocinia, cædes reprimantur: removeatur à fama, & à fortunis, & ab otio locupletium, illa acerbiffima miniſtra avaritiæ, calumnia. curandum, ut ſumtus & tributa, ab omnibus tolerentur æquabiliter: ne ſit æs alienum, quod Reipubl. noceat, providendum: facillimi ſint aditus ad te, pateant aures tuæ querelis omnium: nullius inopia, ac ſolitudo, non modò ullo populari accèſſu, ſed ne domo quidem tua ſit excluſa: toto denique in Imperio nihil acerbum ſit, nihil crudele, atque omnia plena clementiæ, manſuetudinis, humanitatis.

Quo referendæ actiones Principum.

Curarum ſtudiorumque varia ponuntur genera.

Eam

Eam legem tibi statue, ut quocunque veneris, lux venisse, & salus videatur: & non te unum, sed omnes ministros Imperii tui, præstare videare. Quid autem reperiri tam eximium, aut tam expetendum potest, quàm non itineribus tuis perterreri homines, non sumtu exhauriri, non adventu commoveri: esse quocunque veneris, & publicè, & privatim, maximam lætitiā? cùm urbs custodem, non tyrannum, domus hospitem, non expilatorem recepisse videatur.

Frangenda avaritia, scelera ponenda: viri deligendi graves, qui ad omnia advigilent: insolentiam, luxum, exquisitas voluptates, mores pravos coercant: quā curā haud scio an ulla sit dignior, aut magis è Rep. Catonem censorium tam Romano populo profuit nasci, quàm Scipionem; alter enim cum hostibus bellum gessit, alter cum moribus; & vitam suam exposuit ad imitandum omni ætati.

Septem, à quibus Principis, & Principatus ruina, aut salus profiscitur, atque pendet.

C A P. XXII.

- I.
Benevolentia.
- II.
Metus.
- III.
Odium.

RERUM autem omnium, nec aptius est quicquam ad Imperia tuenda, ac tenenda, quàm diligi: nec alienius, quàm timeri. Præclarè enim Ennius “quem metuunt, oderunt: quem quisque odit, perisse expetit.”

Multorum autem odiis nullas opes posse obistere, si antea fuit ignotum, nuper est cognitum. Malus enim est custos diuturnitatis, merus: contraque benevolentia fidelis, vel ad perpetuitatem. Et verò, qui metui volunt, Dionysius tyrannus indicavit quàm sint beati. Nam cùm quidam ex ejus assentatoribus commemoraret in sermone copias ejus,

ejus, opes, majestatem dominatus, rerum abundantiam, magnificentiam ædium regiarum, negarétque unquam beatiorum quoniam fuisse: vísne igitur, inquit, ô Damocle, quoniam hæc te vita delectat, ipse eandam degustare, & fortunam experiri meam? cùm se ille cupere dixisset: collocari jussit hominem in aureo lecto, strato pulcherrimo textili stragulo, magnificis operibus picto: abacósque complures ornavit argento, auróque cælato. tum ad mensam eximiâ formâ pueros delectos jussit consistere, eosque ad nutum illius intuentes diligenter ministrare. aderant unguenta, coronæ, incendebantur odores: mensæ conquistissimis epulis exstruebantur. fortunatus sibi Damocles videbatur. in hoc medio apparatu fulgentem gladium è lacunari setâ equinâ appensum demitti jussit, ut impenderet illius beati cervicibus. Itaque nec pulchros illos administratores aspiciebat, nec plenum artis argentum, nec manum porrigebat in mensam: jam ipsæ defluerant coronæ: denique exoravit Tyrannum, ut abire liceret, quòd jam beatus nollet esse. Satisne videtur declarasse Dionysius nihil esse ei beatum, cui semper aliquis terror impendeat? Atque ei, ne integrum quidem erat, ut ad justitiam remigraret, civibusque libertatem & jura redderet. iis enim se adolescens improvida ætate irretierat erratis, eaque commiserat, ut salvus esse non posset, si sanus esse cœpisset. Omni cultu & victu humano carebat: vivebat cum fugitivis, cum facinorosis, cum barbaris: neminem, qui aut libertate dignus esset, aut vellet omninò liber esse, sibi amicum arbitrabatur: omnes metuebat.

Etenim qui se metui volent, à quibus metuuntur, eodem metuunt ipsi necesse est. nec verò ulla vis imperii tanta est, quæ premente metu possit esse diuturna. Testes nos ipsi, qui vexatis & perditis exteris nationibus, bellis plectimur civilibus. ex quo parietes modò urbis stant, & manent, iique ipsi jam extrema scelera metuentes, rem verò publicam penitus amisimus: atque

Vita & fortuna Dionysii egregiè expressa.

Exitii
Reip. Rom.
causa.

in has clades incidimus, dum metui, quàm chari esse, & diligi maluimus.

Provisiones
aptæ ad diu-
turnitatem
imperii.

IV.
Existimatio.

V.
Missi cum
imperiiis.

Quomodo de-
bent ministri
Principum sua
exsequi offi-
cia, & se ge-
rere.

VI.
Ministri.

VII.
Magistratus.

Nihil verò est ad diuturnitatem aptius, quàm providere, ne imperantis dignitas violetur, ne nomen Imperii in commune odium vocetur. grave enim est nomen Imperii: atque id etiam in levi persona pertimescitur: propterea, quòd missi cum imperiis, mittentium, non suo nomine abutuntur: & suas sordes cum istorum splendore permiscant.

Sit is, cui potestatem permiseris, non suæ, sed tuæ lenitatis minister: majoraque præferant fasces illi ac secures dignitatis insignia, quàm potestatis.

Toti sit imperio cognitum, tibi omnium salutem, liberos, famam, fortunas esse charissimas.

Denique hæc opinio sit, non iis modò, qui aliquid turpiter acceperint, sed iis etiam qui dederint, te inimicum, si id cognoveris, futurum. Neque verò quisquam dabit, cùm erit hoc perspectum ministris imperii, atque magistratus, ita laborare de existimatione sua, ut ista lex non perfringatur: *Vim ne faciunto: donum ne capiunto, nève danto, nève petenda, nève gerenda, nève gesta potestate: nec te posse ferre, ut quisquam ea, vel potestate, quam tu ad dignitatem permiseris: vel officio, quod in beneficii loco detuleris: vel cura, quam laboris munerisque ratione dederis, ad quæstum abutatur: propterea nihil injurium, aut ad famam fordidum, per eos, qui simulant apud te multum posse, abs te solere impetrari. Nec tamen est hæc oratio mea hujusmodi, ut te in tuos, aut durum esse nimium, aut suspiciosum velim: sed in credendo cautum, ac diligentem in observando, ut quæ parârint, benè parta sint, nullo neque turpi quæstu, neque odiofo: & magis liberalitate utantur tuo, quàm sua libertate.*

Neque sanè placet, præferim, cùm hi mores tantum jam ad nimiam levitatem, & ambitionem incubuerint, scrutari

scrutari omnes fordes, excutere unumquémque eorum: sed iis, qui & omnes vias pecuniæ sequuntur, & omnia pecuniæ causa faciunt, nihil credere.

Pragmatici homines omnibus historiis, præceptis, verbis denique cavere jubent, & vetant credere: statimque, ut quisque aliquid rectè fecerit, omnia dare, & permittere.

Cautiones
duæ pragma-
ticorum.

Præsidia IV. quibus Princeps se & Principatum firmare debet.

C A P. XXIII.

NIHIL tua magis interesse puta, quàm lectissimorum hominum, qui in aliquo genere laudis & industriæ excellunt, nomina tenere, ingenia nôsse, studia ad tuas & populi utilitates allicere, & excitare: ad honores vocando & munera, tuo delectos iudicio, & uni tibi, à quo illa proficisci debebunt, astrictos: ut habeas undique pro te excubantes, ac velut in præsidiis collocatos, ne quid lædat, ne quid offendant.

Lectissimi ad
publica mu-
nera, & ho-
nores ab ipso
Principe pro-
vehendi.

Ad tenendum etiam tranquillè in tuos imperium, caput est, providere, ut non modò, qui summis augentur honoribus, imperiis, potestatibus: sed etiam qui præsidiis, ac propugnaculis præsunt, ex te uno pendeant: idque in arcanis habendum est imperii: ut occasionibus occurras, spes frangas, ambitionem prævertas eorum, qui violentas opes, ac potentiam non ferendam sperabunt, aut concupiscant.

Qui in Impe-
rio plurimum
possunt, à
Principe solo
pendeant.

Obeundæ statim sunt temporibus provinciæ, ut injuriæ, libidines, conatúsque nefarii comprimantur: atque iis Reip. partibus, quæ maximè laborant, medicina af-

Obeundæ pro-
vinciæ statim
temporibus.

feratur

Remotiora
cur diligentius
observanda.

Incommoda
provinciali-
um.

IV.
A legibus non
discedendum.

feratur tempestiva, & morbo fortior. Quæ enim procul sunt à conspectu Principis, studio curanda sunt majore, firmioribus munienda præfidiis, luminibus clarioribus illustranda: cùm antè omnia commutari, quàm audiri possint. In fede verò Imperii, in oculis Principis, nihil ferè potest existere, quod non antè extinguì atque opprimi potest, quàm planè exortum, ac natum sit. Neque tam hìc facilè à potentioribus, & ministris imperii tenuiores violantur, spoliuntur locupletes, quàm in provinciis: in quibus vexati, hoc sæpè jure sunt, ut iis ne deplorare quidem de suis incommodis liceat.

Intereà, quoniam populus omnia commoda sua, jura, salutem, legibus obtinet, cavendum ne à legibus recedatur. Oportet enim omnia lege, quasi mente quadam regi, & administrari: cùm, ut corpora nostra sine mente: sic civitas sine lege, suis partibus, ut nervis, & sanguine, & membris uti non potest.

*De Prudentia in externis, & erga externos
cautiones XXXI.*

C A P. XXIV.

I. **A**GE verò, ne quæ domi fiunt solùm meditare: exterorum status, voluntates, vires, fœdera, pactiones, & consilia sunt cognoscenda.

II. In primis, cave ne largitionibus ulli tuorum ab iis corrumpantur, fidem prodant, & tua consilia ad illos deferant: ne sociorum mentes à te avertantur: ne copiae, quas simulatione aliò sibi comparârint, subito ad tua convertantur pericula.

III. Magni prætereà refert scire, quid alii Reges, quid nationes, quid hostes, quid socii de tè, tuo Imperio, Statu, potentia

potentia existiment: cùm soleant homines, in tantis rebus, ut, aut contemnant, aut metuant, aut oderint, aut ament, opinione non minùs famæ, quàm aliqua certa ratione commoveri.

Colendæ summa benevolentia nationes officiis, vetustate, fide, periculis, fœdere conjunctæ. Novas necessitudines sic ascisce, ut veterum beneficia conservari velis.

VI.

Non his modò servantur æqua, sed & aliis: ne quid exteris à cive fiat durum, agreste, vel injurium: ne qua in re contra jus gentium peccetur.

Canibus, quæ sunt canum relinquuntur: adulatio erga domesticos, & odium in externos.

Malè, qui peregrinos urbibus uti prohibent, cósque exterminant: quoniam dirimunt communem humani generis societatem.

At neutiquam ferendi, qui speculandi causa adveniunt, aut aliter declinant ab officio: quod est nihil præter suum negotium agere, nihil de alio anquirere, minimèque in aliena esse Rep. curiosos.

VIII.

Vitandæ sunt inimicitia vicinorum, & potestatis otio consulendum.

IX.

Non conturbaveris ea, in quibus ipsorum salus est: ne aut impiam cupiditatem contra salutem tuam habeant: aut commodis officiant tuorum.

X.

Non sunt illa, quæ forsitan ne sentimus, parva: quòd in pace multò locupletioribus civibus utimur: quòd habent propinquas remotasque regiones fructuosas, quòd facile excurrant: ubi libenter negotium gerant: quos illæ, partim mercibus suppeditandis, cum quæstu, compendiòque dimitunt: partim ut negotiari libeat: ut denique sedes ac domicilium collocare: quod commodum non mediocre populi, & Principis est, tantum civium numerum alibi, tam bonis fructuosisque rebus detineri.

Pacis commoda.

Si quæ à tuis accepta est offensio, inscientiâ, aut perversitate

XI.

sitate foederatorum, lenem te præbe, ut violata expientur : & tua, quæ sunt sanctissimè conservata, suam religionem obtineant.

XII.
XIII.
XIV.
XV.
XVI.

Curandum, ut à piratis mare sit liberum, navigantibus tutum : propugnacula imperii, & præsidia provinciarum firma : classes ornatae mercatores, & agricolæ, non modò à calamitate, sed etiam à metu calamitatis defendantur.

Nam in cæteris rebus, cùm venit calamitas, tum detrimentum accipitur : at in cultura agrorum, & in vestigali-
bus, non solum adventus mali, sed etiam metus ipse affert calamitatem. Siquidem, cùm hostium copiae non longè absunt, etiamsi nulla irruptio facta sit, tamen pecora relinquuntur, agricultura deferitur, mercatorum navigatio con-
quiescit. Quare sæpè totius anni fructus, uno rumore periculi, atque uno belli timore amittitur.

XVII.

Non permittendum, ut apud exteros fiant injuriæ negotiantibus : quorum per se res, & fortunæ curæ esse debent : & multorum civium calamitas à Rep. sejuncta esse non potest. Non possunt enim in civitate provincia, aut regno, multi rem atque fortunas amittere, ut non plures secum in eandem calamitatem trahant.

Ab hoc periculo prohibenda est Resp. & omni studio incumbendum, in quo vel gloria tui nominis & Imperii, vel salus fociorum, vel fortunæ plurimorum civium, cum Rep. conservantur, defenduntur, augentur.

Porro, nihil est tam regium, tam liberale, tam munificum, quàm opem ferre supplicibus, dare salutem, liberare periculis (etsi difficilis sit cura rerum alienarum) idque etiam perutile, & opportunum est ad potiendum, si quid expectas. Nihil in discrimine nimium videbitur. Sed non satis, verbis tum cavere. quia diligentius homines metuunt, quàm meminerint. & nescio quomodo facilius in timore benigni, quàm in victoria grati reperiuntur.

XVIII.

XIX.
Fœdera ser-
vanda.

Si verò ex fœdere auxilia petantur, prætermitti defensio, deferique officium non potest : fœdus si quidem sacrosanctum est :

est: Imperium gloria debet fultum esse, & benevolentia sociorum. Quare, propter socios, nulla ipsi injuria lacerasti, majores nostri cum Antiocho, cum Philippo, cum Ætolis, cum Pœnis bella gesserunt. Tibi verò nihil ad existimationem esset turpius, quàm si tu, qui alienissimis à te, salutis existimareris fuisse, sociis auxilium ferre non posses.

Si præsidia tuis periculis fuerint ab exteris quærenda, non committe, ut eorum beneficio potiùs, quàm tua virtute, potentiâque tui salvi esse possint, aut videantur.

xx.
Cautiones duæ
contra extero-
rum arma.

Est valdè cavendum, ne inter aliena vitia, vel auxiliarii milites, vel inimicæ gentes tuorum mala suam putent occasionem: ut noster populus, qui sociis defendendis, terrarum jam omnium potitus est: & victor dedit, ac detraxit regibus, atque sociis, quod voluit.

xxi.

Omninò Principis est maximè conservare jura belli: nam cum sint duo genera decertandi, unum per disceptationem, alterum per vim: quumque illud proprium sit hominis: hoc belluarum: confugiendum est ad posterius, si uti non licet superiore.

De jure belli.

xxii.

Quare suscipienda quidem bella sunt ob eam causam, ut sine injuria in pace vivatur: parta autem victoria conservandi sunt ii, qui non crudeles in bello, nec immanes fuerunt. Et cum iis, quos vi deviceris, consulendum est: tum ii, qui armis positis ad Imperatorum fidem confugiunt, quamvis murum aries percusserit, recipiendi. in quo tantopere apud nostros justitia culta est, ut ii, qui civitates, aut nationes devictas bello in fidem recepissent, earum patroni essent more majorum. ac belli quidem æquitas sanctissimè feciali pop. Rom. jure perscripta est. ex quo intelligi potest, nullum bellum esse justum, nisi quod, aut rebus repetitis geratur, aut denunciatum antè sit & indictum.

xxiii.

xxiv.

xxv.

xxvi.

Princeps suos tueri debet. majores enim nostri mercatoribus retentis, vel injuriosius tractatis, bella gesserunt. Legati, quòd erant appellati superbius, Corinthum totius Græ-

xxvii.

ciæ lumen extinctum esse voluerunt. siquidem existimârunt legatos Senatus faciem secum afferre, auctoritatem populi, eorûmque jus, cûm hominum præsidio munitum esse, tum etiam divino jure vallatum.

XXVIII. De evertendis autem diripiendisque urbibus, valdè illud considerandum est, ne quid temerè, ne quid crudeliter : nisi fortè in immanes, ut in Pœnos & Numantinos nostri : qui Carthaginem & Numantiam funditus sustulerunt, nollem Corinthum : sed credo aliquid secutos, opportunitatem loci maximè, ne posset aliquando ad bellum faciendum locus ipse adhortari.

XXIX. Vitanda sunt penitus conditione & exemplo pertimescenda : veluti incendia : ne paria ab adversariis exerceantur, quæ ad tuorum redundant perniciem.

XXX. Semper statue non esse insectandos imbelles, nec inimicorum amicos, qui tibi non nocuerunt.

XXXI. Fides fervanda diligentiissimè : hanc autem qui violat, oppugnat omnium commune præsidium : & deceptos excitat, ut novarum se necessitudinum fidelitate, contra veterum perfidiam muniendos putent : ipse notatur summa perfidiæ, & sceleris infamia.

Conclusio.

Princeps tutor & patronus subditorum. Jam verò, cûm videas hæc omnia, pacem externam, otium domesticum, salutem univerforum, & cætera, quæ mortalibus chara, atque ampla sunt, in tutelam, atque patrocinium tui Principatus esse collata : intellige, te in hac custodia tanquam in speculo collocatum esse, ut vacuum omni metu, atque malo, populum tuæ vigilia & prospicientia reddas : tuum esse pro salute commodisque omnium, pro universo Imperio vigilare : erecto animo, intentis oculis omnes Reip. partes intueri : in omnibus rebus, quas statues, quas decernes, quas ages, quid Deo immortalis, tantis hominum opinionibus, tantis de te judiciis, tantis honoribus debeas, cogitare.

GULIELMI BELLENDENI

MAGISTRI SUPPLICUM LIBELLORUM

Augusti Regis Magnæ Britanniae, &c.

DE STATU Liber tertius, inscriptus

Ciceronis Consul, Senator, Senatúsque

Romanus, sive de Statu Reip. &

Urbis imperantis Orbi.

O quàm ridiculi sunt mortalium termini!
Punctum est illud, in quo Regna, &
Respublicæ disponuntur. Sursum ingen-
tia spatia sunt, in quorum possessionem
animus nisi admitteretur, non fuerit operæ
pretium nasci. Detrahe hoc inæstimabile
bonum, non est vita tanti, ut sudem, ut
æstuem.



IN TRIBVS VNVM



Ser^{mus} Princ^{bis} HENRICO, CAROLO,
ELIZABETHÆ, liberis dulciss^{imis} Augusti
Regis Magnæ Britanniae &c. *G. Bellendenus*

*Forma trium insignit Numen: Cor signat amorem:
Tres quia personæ Numinis, vnus amor,
Numine vester amor patriūq; COR IN TRIBVS VNVM
Crescit: adunantur Regia corda trium.
Hinc Deus impertit vobis sua symbola: vestris
Vultq; sit in titulis, IN TRIBVS VNVS AMOR.*

J. Gaultier incidit. 1612.

PRINCIPI MAGNANIMO, OPTIMO, SERENISSIMO HENRICO

Principi Scotiæ & Walliæ, G. Bellendenus S.

CUM virtutis Regiæ & honoris amplissimi ornamenta intucor (Princeps Magnanime) a qua te numen extulit divinum. natura peperit, voluntas exercet, paternæ & avorum accendit gloria: ac simul me refero ad tui suavitates animi, cogitæque positum apud te in gratia Ciceronis Principem: mihi persuadeo te benignitatis adjecturum oculos ad Consulem, Senatorem, Senatûmque Romanum, Ciceronis expositum doctrina, industria elaboratum, profecta ab otio: quo Dei Opt. Max. & Augusti Regis, chari tui patriæque parentis fruor munere. Hucus verò fructum in Romano collectum agro, fundæque veteri tibi offero: ut beneficio divino, regio, atque tuo, in usum publicum abeat, utilitatêque tradat juventuti patriæ. Sin quæ manaverint in Britanniam, eas duces, opinor, tuas: cùm illius celebritatem & commoda existimes ad decus & splendorem redundare tuum. Fœcundus illo in imperio ager est honoris, magna seges gloriæ: clara senatorii, clara equestris ordinis progenies. Quæ ad res gerendas incensa, & secum ipsa certans, quoad virtus progredi poterit, perveniet: si, instar siderum, cursus sui vestigia nunquam inflectens, te, cujus in oculis habitant non nisi illustria, tanquam exemplar intucatur, tendâtque patriæ sui lumen animi, ut

Accipiat patris exemplum, tribuâtque nepoti
Filius: & cœptis ne desit fascibus hæres,
Decurrat trabeata domus, tradâtque secures
Mutua posteritas: servatôque ordine fati,
Dignus avis patrio natus succedat honori.

Vale. Kal. Sept. M.DC.XII. Parisiis.

CAROLO JACOBO FOX

Quòd veram illam & absolutam eloquentiam
non modò coluerit, sed cultam, qua potuit,
ad Salutem Patriæ Dignitatemque tuendam contulerit;
Quòd in suscipiendis sive amicitiiis, sive inimicitiiis,
has semper voluerit Mortales
habere, illas Sempiternas;
Quòd Mente solida invictaque permanferit in proposito,
atque improborum spreverit minas;
Quòd in Causa, quæ maxime popularis esse debuisset,
Non populariter ille quidem,
ut alii fictæ et fallaciter populares,
sed strenue ac fortiter versatus sit;
Quòd denique, in scædissimo illo
Optimi prudentissimique Senatus naufragio,
Id demum, imò id solum,
quod turpe esset,
Misferum existimârit, atque adeò cum bonis
Libere πολιτευέον statuerit,
potius quam periculose & simulate & cupide
inter malos,
Librum huncce ea, qua par est, Observantia.

D. D. D.

A. E. A. O.



Ἡστραπεν, ἐβρόντα. Ξωκενύκα πηὶ Ἑλλάδα."



I N D E X

CAPITULORUM.

DE origine, dignitate, præstantia Romani Senatus: & necessario senumin omni dominatione consilio. CAP. I.

De consulibus institutis Romæ, & jure primo consulari penè regio imminuto variè. - CAP. II.

De studiis ad consulatus honorem apposis, vera gloria, honore vero. - - - - CAP. III.

In quibus ponitur Romanorum petitio magistratum: unde proficiscuntur potestates & imperia: quæ sit ratio comitiorum. - CAP. IV.

A quibus habentur consularia comitia: cui dictatoris dicendi jus est: quantopere servantur in magistratibus creandis solennia: quomodo renunciatur consul: quæ sit ejus prima concio: cur Ciceronem Metellus abeuntem magistratu concione privavit. - CAP. V.

Consuli à Senatu honos defertur: Senatus auctoritatem consul tuetur: Piso & Gabinius exagitantur, quòd in consulatu senatum spreverint. - - - - CAP. VI.

Catuli de consulibus Rom. elogium: quæ in motibus debeat esse cura consulum. - CAP. VII.

Edicta consulum. - - - - CAP. VIII.

Consulares litteræ, - - - - CAP. IX.

Quomodo dantur consulibus provinciæ, exercitus, legati, quæstores. - - CAP. X.

In provinciis, exercitibus, & triumphis posita consulum cupiditas. - - - CAP. XI.

De summo imperio & jure belli. - - CAP. XII.

An liceat exire de provincia, dimittere, educerève exercitum, bellum sua sponte gerere. - CAP. XIII.

Missorum cum imperio ad senatum P. Q. R. litteræ. - - - - CAP. IV.

Romanæ religionum atque cærimoniarum maxime retinentes: consulum & imperatorum sacra, ritus,

- ritus, auspicia, : & cur hæc inventa, ac
retenta Romæ. - - - CAP. XV.
- Quæ in perfecto requiruntur imperatore. - CAP. XVI.
- De nomine amplissimi honoris beneficiique, &
nomine virtutis atque victoriæ : de donis
militaribus, ac jure imperatorio. - CAP. XVII.
- De præmiis & honoribus ab imperatoribus, ex-
teris decerni solitis. - - - CAP. XVIII.
- Quomodo firmantur concessa ab imperatoribus re-
gia beneficia, leges datæ pacis, & fœdera. CAP. XIX.
- De imperatore triumphante. - - CAP. XX.
- De senatoriis ornamentis, & honoribus. - CAP. XXI.
- Senatoris Rom. in decursu honorum, &
ætatis flexu auctoritas, exercitationes,
oblectamenta, solatia. - - CAP. XXII.
- De potestate, & jure censorum in senatori-
bus legendis : & interdicto istis quæstu. CAP. XXIII.
- De auctoritate & cognitione Romani se-
natus. - - - CAP. XXIV.
- De honoribus atque præmiis, à senatu de-
cerni solitis. - - - CAP. XXV.
- Quæ sit auctoritas senatus in iis quæ reli-
gionem injiciunt, vel ad res divinas
pertinent. - - - CAP. XXVI.
- De consulari cura, auctoritate, munere in
Repub. tuenda : convocando, cogendo
atque habendo senatū. - - - CAP. XXVII.
- Quæ senatum turbant, & minus frequentem
faciunt : quæ à senatore postulatur for-
titudo, sapientia : quæ præstanda pru-
dentia, diligentia. - - - CAP. XXVIII.
- Utrum in acerbis casibus & temporibus reip. se-
nator cogendus sit in senatum, an excusan-
dus. Quid fecerit in his Cicero. - CAP. XXIX.
- An liceat senatori aliquando rei causa, de
qua agitur, abesse, aut discedere, aut

*tacere, nec dicere sententiam : ne sit in
offensa apud potentes, vel benè meritos ?
Ciceronis in his usus, & consiliorum
expositio. - - - CAP. XXX.*

*Quæ debeant esse senatoris partes in tumultu
aut diffensione civili : quæ Ciceronis
in contentione Pompeii, & Cæsaris. CAP. XXXI.*

*Quomodo se gerere debeat senator in repub.
delata ad unum ? quæ Cicero secutus
sit consilia in dominatione Cæsaris ? - CAP. XXXII.*

*De relationibus & non enunciandis arcanis
patrum consiliis. - - - CAP. XXXIII.*

*Quibus retardari solent effugiis relata ad
senatum, sententiæ, S. C^a. - - CAP. XXXIV.*

*Quomodo consulitur senatus, roganturque
sententiæ. - - - CAP. XXXV.*

*Quæ nosse senator debeat ? duplex peritia,
una à doctrina & usu : altera ab in-
genio & varia rerum tractatione. - CAP. XXXVI.*

*De deliberationibus : cujusmodi soleant esse ?
quem sibi finem proponere conveniet se-
nator in deliberando. - - - CAP. XXXVII.*

*De libertate senatoris Rom. in sententiis di-
cendis, & tuenda repub. - - CAP. XXXVIII.*

In quo est posita senatoria libertas. - CAP. XXXIX.

In quo est posita constantia senatoria. - CAP. XL.

*Monita quædam de senatorio usu, prudentia
atque moderatione in dicendis sententiis,
& vitæ rationibus temperandis. - CAP. XLI.*

*De quibus potissimum liberè dicuntur senten-
tiæ, & contenditur in senatu. - CAP. XLII.*

*Vitanda studia diffensionum in senatu : enu-
meratio contentionum, quæ prima bel-
lorum civilium incendia excitârunt. CAP. XLIII.*

De statu reip. post consulatum Ciceronis : sig-

nis & causis reip. concidentis : sublata senatoria in sententiis libertate per potentiam translatam, primum ad paucos, deinde ad unum, postea ad armatos. - - CAP. XLIV.

De disputatione & altercation e- - - CAP. XLV.

Acta unius diei. - - - CAP. XLVI.

Acta alterius diei : quæ monstrant Senatoriam libertatem in monendo, & objurgando etiam senatu : nedum in dicendo, quæ senator velit, & quàm velit diu. - CAP. XLVII.

Res actæ in senatu : ex quibus sciri potest S. C. fieri, vel per discessionem, vel sententiis dictis voce, aut de scripto. - - CAP. XLVIII.

Res actæ in senatu : ex quibus intelligi poterit sententias, cum variæ sunt, pronunciari : sententiam, quæ res plures complectitur, dividi : ut de singulis fiat relatio. - CAP. XLIX.

Acta quibus patet S. C. etiam fieri sine varietate : interdum non dictis sententiis. CAP. L.

Sententiarum formulæ. - - - CAP. LI.

Formulæ S. C. & auctoritatum. - CAP. LII.

Quid sit S. C. tacitum : quid differat auctoritas à S. C. - - - CAP. LIII.

Observatio singularis de adhibitis interdum ad excipiendum acta senatoribus. - CAP. LIV.

Acta quæ monstrant S. C. nonnunquam infringi, sententias abrumpi per calumnias & contentiones principum in rep. aut per improbitatem, & dissimulationem consulum. - - - CAP. LV.

De senatorio consilio, & judiciaria senatorum dignitate imminuta paucorum improbitate : & translatis offensone judiciorum ad alios judiciis. - - - CAP. LVI.

C I C E R O N I S

CONSUL, SENATOR,

SENATUSQUE ROMANUS, &c.

*De Origine, dignitate, præstantia Romani Senatus: & necessario
senum in omni dominatione consilio.*

C A P. I.

CUM multis locis nostrorum hominum ingenia vir-¹ 4. Tusc.
tutésque soleo mirari, tum maximè in ² descriptione ² pro Sext.
civitatis à majoribus nostris sapientissimè constituta. ³ Nam ³ 4. Tusc.
cùm à primo urbis ortu, partim regiis institutis, partim
etiam legibus auspicia, cærimonix, comitia, provocationes,
patrum consilium, equitum peditumque descriptio, tota res
militaris divinitus esset constituta: tum progressio admi-
rabilis incredibilisque cursus ad omnem excellentiam factus
est dominatu regio rep. liberata. ⁴ In quo quantum præ-⁴ 1. de Orat.
stitierint nostri prudentia cæteris gentibus, tum facilè intel-
ligetur, si cum illorum Lycurgo, & Dracone, & Solone
nostra conferatur respublica. ⁵ quæ ex tribus generibus, ⁵ 6. de Rep.
regali, optimo, & populari confusa modicè, nec puniendo
irritat animum immanem ac ferum: nec omnia permit-
tendo, licentia cives deteriores reddit. *hæc enim fuisse video
fundamenta civilis disciplinæ, & vincula reip. per nostros con-
stitutæ.* ⁶ qui cùm regum potestatem non tulissent, ita ⁶ pro Sext. an.
magistratus annuos creaverunt, ut consilium senatus reip. ^{ccxlv.}
proponerent sempiternum: deligerentur autem in id con-
silium ab universo populo, aditusque in illum summum
ordinem omnium civium industrie, ac virtuti pateret: se-
natum reip. custodem, præsidem, propugnatorem colloca-
verunt:

verunt: hujus ordinis auctoritate uti magistratus, & quasi ministros gravissimi consilii esse voluerunt: senatum autem ipsum proximorum ordinum splendore confirmari, plebis libertatem & commoda tueri, atque augere voluerunt. 7 id est enim profectò, quod constituta religione remp. contineat maximè. *Hinc lex nostra.*⁸ EJUS DECRETA RATA SUNTO.

7 2. de leg.

8 3. de leg.

Nam ita se res habet, ut, si senatus dominus sit publici consilii, quòdque is creverit defendant omnes: &, si ordines reliqui principis ordinis consilio remp. gubernare velint: possit ex temperatione juris, cùm potestas in populo, auctoritas in senatu sit, teneri ille moderatus, & concors civitatis status. 9 ut in fidibus ac tibiis, atque cantu ipso, ac vocibus concentus est quidam tenendus ex distinctis sonis: quem immutatum ac discrepantem aures conditæ ferre non possunt: isque concentus ex dissimillimarum vocum moderatione concors efficitur & congruens: sic ex infimis, mediis, interjectis ordinibus, ut sonis, moderata ratione civitas consensu dissimillimorum concinit: & quæ harmonia à musicis dicitur in cantu, ea est in civitate concordia, arctissimum, atque optimum omni in rep. vinculum incolunitatis: quæ sine justitia nullo modo esse potest: *nec ista, ni sit, quod omnia moderetur, principis ordinis consilium:*

9 2. de Rep.

¹⁰ sine quo Romæ ne Reges quidem esse potuerunt. *hi enim* ¹¹ senatum habebant, & *in honore senes: quorum à Romulo institutus ordo* ¹² proximè accessit, ut secundus esset ad regium principatum. ¹³ Mens & ratio, & consilium in senibus est: qui si nulli fuissent, nullæ omninò civitates fuissent. ¹⁴ Non enim viribus, aut velocitate, aut celeritate corporis, res magnæ geruntur: sed consilio, auctoritate, sententia: quæ cùm essent in senibus, summum consilium majores nostri appellabant senatum, & *lectos in hunc ordinem senatores.* ¹⁵ Apud Lacedæmonios quidem ii, qui amplissimum magistratum gerunt, ut sunt, sic etiam nomi-

¹⁰ In Pis.

¹¹ 3. Phil.

¹² 3. de fin. ap.

¹³ In Cat.

¹⁴ Ib.

¹⁵ Ib.

nantur fenes. Quod si legere, & audire voletis externa, maximas resp. ab adolescentibus labefactatas, à senibus sustentatas, & restitutas reperietis. Cedo qui vestram remp. tantam amisistis, tam citò? sic enim percunctanti, ut est in Nævii ludò, respondentur & alia, & hæc in primis: *proveniebant ad res novi, stulti, adolescentuli.* temeritas est videlicet florentis ætatis, prudentia senectutis. Ille dux Græciæ nunquam optat, ut Ajacis similes habeat decem, at, ut Nestoris: quod si accideret, non dubitat, quin Troja brevi sit peritura. *Hi autem parantur ab illis,* ¹⁶ qui ¹⁶ 5. Tusc. putant ad se præceptum illud Atrei pertinere:

Proinde ita parent se in vita, ut vinci nesciant.

Igitur & Epaminondas princeps meo judicio Græciæ ^{1.} Tusc. *clarus victoriis non tam de viribus aut armis, quàm de consiliis* ¹⁷ gloriatur *hoc noto carmine:* ¹⁷ Ib. & Pausan. lib. 9.

Consiliis nostris laus est attonsa Laconum,

*Pubéque Messene floret adaucta nova
Jam valido armorum septæ munimine Thebæ,
Legibus & fruitur Græcia tota suis.*

¹⁸ Quamvis etiam Themistocles jure laudetur, citeturque Salamis clarissimæ testis victoriæ: est tamen bellum gestum consilio senatus ejus, qui erat à Solone institutus: & Themistocles quidem nihil dixerit, in quo Arcopagum adjuverit: at ille verè à se dixerit adjutum Themistoclem. Parvi sunt foris arma nisi sit consilium domi. ¹⁹ nec tantum Carthago habuisset opum sexcentos ¹⁹ 1. de Rep. ferè annos sine consiliis & disciplina: *nec nostri nisi institutionem retinuisent Romuli,* ²⁰ hanc remp. tam præclarè fundatam nobis reliquissent. ²⁰ 1. Parad.

²¹ Moribus antiquis res stat Romana virisque. ²¹ 5. de Rep.

Quem quidem ille versum, vel brevitate vel veritate, tanquam ex oraculo mihi quodam esse effatus videtur. nam neque viri nisi ita morata civitas fuisset, neque mores, nisi hi viri præfuissent, aut fundare, aut tam diu tenere potuissent tantam, & tam longè, latèque imperantem remp. Itaque ante nostram memoriam, & mos ipse patrius præstantes viros adhibebat, & veterem morem, ac majorum instituta retinebant excellentes viri. Nostra verò ætas, cùm remp. sicut picturam accepisset egregiam, sed jam evanescentem vetustate: non modò eam coloribus iisdem, quibus fuerat, renovare neglexit, sed ne id quidem curavit, ut formam saltem ejus, & extrema tanquam lineamenta servaret. quid enim manet ex antiquis moribus, quibus ille dixit rem stare Romanam? quos ita oblivione obsoletos videmus, ut non modò non colantur, sed etiam ignorentur. Nam de viris quid dicam? mores enim ipsi interierunt virorum penuria. Cujus tanti mali non modò reddenda ratio nobis, sed etiam tanquam reis capitis quodammodo dicenda causa est. Nostris enim vitiis, non casu aliquo remp. verbo retinemus, reapse verò jampridem amisimus. ²² veri juris, germanæque justitiæ solidam & expressam effigiem nullam tenemus: umbra & imaginibus utimur: eas ipsas utinam sequeremur: feruntur enim ex optimis naturæ principiiis. *quæ cùm nostri majores spectassent,* ²³ remp. bonis temperaverunt & institutis, & legibus. ²⁴ ex iis autem, qui magistratum ceperunt, senatus constituebatur: *quod* ²⁵ *et adhuc manet:* sed dignitas in sententiis dicendis, libertas in rep. capeffenda sublata tota, *ut suo dicetur loco. Interea hæc habe:*

²² 3. Off.

²³ 1. Tusc.

²⁴ 3. de leg.

²⁵ 1. ep. 9. l. 1. f.

Annus erat, decimum cùm luna receperat orbem,

Hic numerus magno tunc in honore fuit.

Inde patres centum denos sicrevit in orbes

Romu-

Romulus, hastatos instituitque decem.
 Et totidem Princeps, totidem Pilius habebat
 Corpora, legitimo quique merebat equo.
 Quin etiam partes totidem Tatiensibus ille,
 Quosque vocant Rhamnes, Luccribusque dedit.

DE CONSULIBUS INSTITUTIS Romæ, & jure primo
 consulari penè regio imminuto variè.

C A P. II.

¹ Fallitur egregio quisquis sub principe credit
 Servitium: nunquam libertas gratior exit,
 Quàm sub rege pio.

¹ Claud. lib.
³ in Stilic.

² **M** IHI nihil unquam popolare placuit: ³ regale
 nomen magnum ac sanctum semper visum est.
⁴ omnium rerum-publicarum nostram illam veterem,
⁵ eamque, quam consul constitui, quæ sit in potestate
 optimorum, remp. duco esse optimam. ⁶ Cum consilium
 principes cepissent cognationem Superbi, nomenque Tar-
 quiniolorum, & memoriam regni esse tollendam, ⁷ atque
 non nemini, sed non semper uni parere voluissent, ⁸ in-
 stituerunt annuos consules: ⁹ civitatemque perpetuo do-
 minatu liberatam legibus judiciisque devinxerunt. ¹⁰
 Quæ si fuissent extrema, resp. permansisset in potestate
 optimorum: nec ¹¹ convaluisset jus multitudinis. ¹² Sed
 ea natura rerum fuit, ut hæc non potuerint esse extrema:
¹³ non enim jus illud consulare solum superbius populo,
 sed violentius videri necesse erat. ¹⁴ Omnino est hoc
 populi, maximèque nostri in eo potissimum abuti liber-
 tate, per quem eam consecutus sit. Et vero tam fuit ab
 omnibus desiderata libertas, ¹⁵ ut anno xvi. post reges ex-

² ³ de leg.
³ pro Man.

⁴ ² de leg.
⁵ ³ de leg.

⁶ ³ off.
 Anno
 CCXLIV.
⁷ ³ de leg.

⁸ ¹ de rep.
⁹ In Bruto.

¹⁰ ep. 17.
¹ ² At ap.

¹¹ ³ de leg.
¹² d. ep. 17.

¹³ ¹ ³ de leg.

¹⁴ ep. 12. 1.
¹¹ fa.

¹⁵ ¹ pro Corn.
 an. CCLIX.

actos, propter nimiam dominationem potentium secederent, leges sacratas ipsi sibi restituerent, duos Tribunos crearent, montem illum Anienem, qui hodie Mons Sacer nominatur, in quo armati confederant, æternæ memoriæ consecrarent. Itaque auspicato postero anno, x. Tribuni pl. comitis curiatis creati sunt per pontificem, quod magistratus nullus erat: 16 Sacratissimis legibus sancitum est, ut NEVE PRIVILEGIUM IRROGARI LICERET, NEVE DE CAPITIS NISI COMITIIS CENSURATIS ROGARI, 17 NEVE CREARE PATRICIUM TRIB. pl. 18 Tribunatus non modò contra vim & ferrum, sed etiam contra verba, atque interfationem legibus sacratis est armatus. *En quo progressum.* 19 Aut exigendi reges non fuerant, aut plebi re, non verbo danda libertas. 20 Unum igitur in civitate esse magistratum, cui reliqui parerent, exactis regibus video placuisse maioribus nostris. Sed quoniam regale civitatis genus probatum quondam, postea non tam regni, quàm regis vitiis repudiatum est, res manebat, cum unus omnibus reliquis magistratibus imperaret. Quare ut Ephori Lacedæmone à Theopompo oppositi sunt regibus: sic apud nos consulibus tribuni. Illud quidem ipsum, quod in jure positum est habet consul, ut ei reliqui magistratus omnes pareant, excepto tribuno. qui post existit ipse, ne id, quod fuerat, esset. Hoc enim primum minuit consulare jus, quod existit ipse, qui eo non tenetur. Deinde, quod attulit auxilium reliquis non modò magistratibus, sed etiam privatis consuli non parentibus. 21 Hoc bonum tamen quæsitum, quod vis populi multò sævior, multoque vehementior, ducem quod habeat, interdum lenior est, quàm si nullum haberet. dux enim suo periculo progredi cogitat. populi impetus periculi rationem sui non habet. *Deinde jus consulare temperatum est: invidia sum-*
mu

16 pro Sext.

17 de Pro.
cons.

18 pro Sext.

19 3. de leg.

20 Ib.

21 Ib.

mus ordo caret: plebs de suo jure periculosas contention-
 es non facit: ei sic data libertas, ut multis præcla-
 rissimis legibus addiceretur, ut auctoritati principum ce-
 deret. *Postremò* sapientiam majorum in hoc vide: con-
 cessa plebi à patribus ista potestate arma ceciderunt: re-
 stincta seditio est: inventum temperamentum, quo te-
 nuiores cum principibus æquari se putârent. in quo
 uno fuit civitatis salus. ²² non enim facile populo resis-
 titur, si aut nihil impertias juris, aut parum. *Nequè solùm*
creatis tribunis, sed etiam censoribus, prætoribus ædilibus
consulare jus minutum est: data censoribus cura censendi,
prætoribus jurisdictione, ædilibus plebis tuitione sacrarum
ædium, curulibus varia curatione publica: quæ omnia fue-
rant juris consularis Cum his tamen consules non tam malè
 conveniebant. sed ²³ nescio quod habet susceptum bellum
 consulatus cum tribunatu: quia persæpe seditiosis atque
 improbis tribunis pleb. boni & fortes consules obstite-
 runt: & quia vis tribunitia nonnuquam libidini resistit
 consulari. ²⁴ Magna majestas est consulis, ²⁵ nimia po-
 testas est tribunorum pleb. ²⁶ neque tamen nos id que-
 rimur, esse hanc tribunorum potestatem: tantummodo,
 si quis ea potestate temerè est usus, existimamus. ²⁷ D.
 Brutum & P. Scipionem coss. (quos & quantos viros?)
 homo omnium infimus, & sordidissimus tribunus pleb.
 P. Curiatius in vincula conjecit: quod antea factum non
 erat. C. Matienus accusatus est apud tribunos pleb. quòd
 exercitum in Hispania deseruisset, damnatusque sub furca
 diu virgis cæsus est: & sestertio nummo venit: tribuni
 pleb. quia non impetraverunt. ut sibi denos, quos vellent
 milites eximere liceret, consules in carcerem mitti jusserunt.
²⁸ Statuerunt majores nostri, ut si à multis esset flagitium
 rei militaris admissum, fortitione in quosdam animad-
 verteretur: ut melius videlicet ad omnes, poena ad pau-

²² 4. de rep.

²³ 1. Agr.

²⁴ In pis.

²⁵ 3. de leg.

²⁶ 2. Agr.

²⁷ 3 de leg.
Anno DCXV

²⁸ pro Cluæ.

cos perveniret. nam miles qui locum non tenuit, qui hostium impetum vimque pertimuit, potest idem postea & miles esse melior, & vir bonus, & civis utilis. Quare ne in bello propter hostium metum delinqueret, amplior ei mortis & supplicii metus est à majoribus constitutus. ne autem nimium multi poenam capitis subirent, idcirco illa fortitio comparata est. *quam tribuni secuti non videntur: nec se tamen per consules impediri, aut cogi in ordinem passi sunt.* Major fuit 29 crudelitas tribunitia in Ciceronis gravi miserabilique casu. huic enim primo post Tarquinium rogatione imperium abrogatum est: quod consul 30 cum Cimbris bellum 31 gerens fugisset, & amisisset exercitum.

29 2. de Or.

Anno
DCXLVIII.

30 2. off.

31 2. de Or.

DE STUDIIS AD CONSULATUS honorem apposis,
vera gloria, honore vero.

C A P. III.

1 pro Mur.

Ib.

3 Ib.

QUI consulatum petit, 1 summum imperium, summam auctoritatem, gubernacula reip. denique orbis terrarum imperium à populo Rom. petit. Itaque non nisi 2 summis ornamentis fretum ad consulatus petitionem aggredi par est: Nec putandum in tenui 3 disciplina munitam esse ad consulatum viam. Omnes enim artes, quæ nobis populi Rom. studia conciliant, & admirabilem dignitatem, & pergratam utilitatem debent habere. Summa dignitas est in iis, qui militari laude antecellunt. Omnia enim, quæ sunt in imperio & in statu civitatis, ab iis defendi & firmari putantur. Summa etiam utilitas: siquidem eorum consilio & periculo cum reip. tum etiam nostris rebus perfrui possumus. Gravis etiam illa est, & plena dignita-
tis

tis dicendi facultas : quæ sæpè valuit in consule deligendo :
 posse consilio atque oratione & senatus, & populi, & eorum,
 qui res judicant, mentes permovere. 4 Quæri tamen non 4 pro Plan.
 solet num disertus : imo id, quod secundum est, ne quæ-
 ritur quidem : num jurisconsultus ? Omnes enim istiuf-
 modi artes in iis reprehenduntur, qui cùm professi fuerint
 satisfacere non possunt : non in iis, qui abfuisse se ab his
 studiis profitentur. Virtus, probitas, integritas in candi-
 dato, non linguæ volubilitas, non ars, non scientia requiri
 solet. Ut nos in Mancipiis parandis, quamvis frugi ho-
 minem, si pro fabro, aut pro textore emimus, ferre mo-
 lestè solemus, si eas artes, quas in emendo secuti sumus,
 fortè nesciverit : sin autem emimus, quem villicum im-
 poneremus, quem pecori præficeremus, nihil in eo nisi
 frugalitatem, laborem, vigilantiam esse curamus : sic po-
 pulus Rom. deligit magistratus, quasi reip. villicos : in
 quibus, si qua præterea est ars, facilè patitur : sin minus
 virtute eorum, & innocentia contentus est. quotus enim
 quisque disertus, quotus quisque juris peritus est, ut eos
 numeres, qui volunt esse ? quòd si præterea, honore dig-
 nissimus est nemo, quidnam tot optimis & ornatissimis ci-
 vibus est futurum ? Attamen cùm 5 ad studiorum atque 5 pro Mur.
 artium contentionem venit, duæ eminent 6 artes, quæ 6 Ib.
 possunt locare homines in illo amplissimo gradu dignitatis :
 una imperatoris, altera oratoris boni. ab hoc enim pacis
 ornamenta retinentur : ab illo belli pericula repelluntur.
 Cæteræ tamen virtutes ipsæ per se multum valent, justitia,
 fides, pudor, temperantia : sed nunc de studiis ad honorem
 appositis, non de sua cujusque insita virtute disputo. Omnia
 ista nobis studia de manibus excutiuntur, simul atque ali-
 quis motus novus bellicum canere cœpit. Etenim, ut ait
 ingeniosus poëta, & auctor valde bonus, præliis promul-
 gatis TOLLITUR E MEDIO, non solùm ista verbosa simu-
 latio

latio prudentiæ, sed etiam ipsa illa divina rerum SAPIENTIA: VI GERITUR RES: SPERNITUR ORATOR, non solum odiosus, in dicendo loquax, verum etiam BONUS: HORRIDUS MILES AMATUR: juris civilis verò studium totum jacet; NON EX JURE MANUM CONSERTUM, SED MAGIS FERRO, inquit, REM REPETUNT. quod si ita est, cedat, opinor, forum castris, otium militiæ, umbra soli. sit denique in ea civitate prima ars, propter quam ipsa est civitas omnium princeps, *Quare si de 7 artium contentione agatur*, qui potest dubitari, quin ad consulatum adipiscendum, multò plus afferat dignitatis rei militaris, quam juris civilis gloria? Vigilas tu de nocte, ut tuis consultoribus respondeas: ille, ut, quo intendit, maturè cum exercitu perveniat: te gallorum, illum buccinarum cantus exsuscitat: tu actionem instituis, ille aciem instruit: tu caves ne tui consultores, ille ne urbes aut castra capiantur: ille tenet, & scit ut hostium copiarum, tu ut aquarum pluviarum arceantur: ille exercitatus est in propagandis finibus, tu in regendis. Ac nimirum (dicendum est enim quod sentio) rei militaris virtus præstat cæteris omnibus. Hæc nomen populo Rom. hæc huic urbi æternam gloriam peperit: hæc orbem terrarum parere huic imperio coëgit. Omnes urbanæ res, omnia hæc nostra præclara studia, & hæc forensis laus, & industria latent in tutela ac præsidio bellicæ virtutis: simul atque increpuit suspicio tumultus, artes illic nostræ conticescunt. *quo tempore* 8 æquus dignitatis iudex populus fortasse est: utinam verò semper esset: est perraro: sed & si quando est, in iis magistratibus est mandandis, quibus salutem suam committi putat. *Ego filio* 9 soleo præcipere, quæ ille à Jove ortus suis præcepit filiis: VIGILANDUM EST SEMPER: MULTÆ INSIDIÆ SUNT BONIS. NON TE ID QUOD MULTI INVIDEANT, MULTIQUE EXPETANT. Nostis cætera, quæ scripsit gravis

7 Ib.

8 pro Plan.

9 Ib.

gravis & ingeniosus poëta, non ut illos regios pueros, qui jam nusquam erant, sed ut nos, & nostros liberos ad laborem laudēmq̃ excitaret. In nostra rep. honorum gradus summis hominibus, & infimis sunt pares, gloriæ dispares. Est enim ad virtutē multus ascensus: uti is gloria maximē excellat, qui virtute plurimū præstet. Honorū populi finis est consulatus: quem magistratum jam oētinenti ferē consecuti sunt. Horum, si diligenter quæras, vix decimam partem reperias gloria dignam. *Nam plerique*
¹⁰ nihil melius homini, nihil magis expetendum, nihil præstantius honoribus, imperiis, populari gloria judicaverunt. ad quam fertur optimus quisque: verāmq̃ illam honestatem expetens, quam unam natura maximē inquit, in summa inanitate versatur: consecatūrq̃ non illam eminentem effigiē virtutis, sed adumbratam imaginem gloriæ. est enim gloria, solida quædam res, & expressa, non adumbrata. ea est consentiens laus bonorum, incorrupta vox benē judicantium de eccellente virtute. ea virtuti resonat tanquam imago voci. quæ quia rectē factorum plerumque comes est, non est à bonis viris repudienda. Illa autem, quæ se ejus imitatricem esse vult, temeraria atque inconsiderata, & plerumque peccatorum vitiorūmq̃ laudatrix, fama popularis, simulatione honestatis formā ejus pulchritudinēmq̃ corrumpit. qua cæcitate homines, cū quædam præclara etiam cuperent, eaque nescirent nec ubi, nec qualia essent, funditus alii everterunt suas civitates, alii ipsi occiderunt. Atque hi quidem optima petentes, non tam voluntate, quā cursus errore falluntur, *ut duo Gracchi, atque etiam*
¹¹ C. Curio: qui si in Bruto.
 me audire voluisset, honores, quā opes consequi maluisset. Quidnam est, inquires, isthuc? & quemadmodum distinguis? Hoc modo: cū honos sit præmium virtutis judicio studiōque civium delatum ad aliquem: qui cum sententiis, qui suffragiis adeptus est, is mihi & honestus, & honoratus videtur,

¹² pro Mil.¹³ In Br.

videtur, licet sit illam non consecutus gloriam, quæ ¹² ex omnibus præmiis virtutis, si esset habenda ratio præmiorum, amplissimum est præmium. ¹³ Qui autem occasione aliqua etiam invitis suis civibus nactus est imperium, ut ille cupiebat, hunc nomen honoris adeptum, non honorem puto. Quæ si ille audire voluisset, maxima cum gratia & gloria ad summam amplitudinem pervenisset, ascendens gradibus magistratuum, ut pater ejus fecerat, ut reliqui clariores viri. Quæ quidem etiam cum P. Crasso. M. F. cum initio ætatis ad amicitiam se meam contulisset, sæpè me egisse arbitror, cum eum vehementer hortarer, ut eam laudis viam rectissimam esse duceret, quam majores ejus tritam ei reliquissent. erat enim cum institutus optimè, tum etiam perfectè planèque eruditus: ineratque & ingenium satis acre, & orationis non inelegans copia: prætereaque sine arrogantia gravis esse videbatur, & sine segnitia verecundus. Sed hunc quoque absorbit æstus quidam non insolitæ adolescentibus gloriæ: qui, quia navarat miles operam imperatori, imperatorem se statim esse cupiebat: cui muneri mos majorum ætatem certam, sortem incertam reliquit. Ita gravissimo suo casu, dum Cyri & Alexandri similis esse voluit; qui suum cursum transcurrerant, & L. Crassi, & multorum Crassorum inventus est dissimillimus.

IN QUIBUS PONITUR *Romanorum petitio magistratuum:*
unde proficiscuntur potestates & imperia: quæ sit
ratio comitiorum.

C A P. IV.

² de pet. Cons.

¹ **PETITIO** magistratuum divisa est in duarum rationum diligentiam: quarum altera in amicorum studiis, altera in populari voluntate ponenda est. Ea desiderat nomenclationem; blandi-

blanditiam, affiduitatem, benignitatem, rumorem, speciem
in rep. ² In quo illud debes putare, in comitiis, eos qui ² pro Plan.
suffragium ferant, quid cuique ipsi debeant considerare sæ-
pius, quàm quid cuique à rep. videatur deberi : ³ potesta- ³ 2. Agr.
tem injussu populi aut plebis posse habere neminem. At-
qui ⁴ cùm omnes potestates, imperia, curationes ab uni. ⁴ Ib.
verso populo Rom. proficisci convenit, tum eas profectò
maximè, quæ consiliuntur ad populi fructum aliquem,
& commodum : quo & universi deligant, quem populo
Rom. maximè consulturum putent : & unusquisque studio &
suffragio suo viam sibi ad beneficium impetrandum munire
possit. ⁵ Itaque temporibus *veterum*, qui populares erant, ⁵ pro Sext.
suffragiis, quod contenderant, consequebantur. ⁶ nam pa- ⁶ pro Plan.
tres apud majores nostros tenere non potuerunt, ut repre-
hensores essent comitiorum : *populi tamen potestatem atque*
motus quibusdam temperarunt remediis. ⁷ Sæpè enim populi ⁷ 3. de leg.
impetum injustum auspiciis represserunt : *tum ascriptione,*
⁸ si quid jus non esset rogari, ejus ea lege nihilum rogatum : ⁸ pro Cæcin.
hoc in omnibus legibus ascribitur : *item* ⁹ binis comitiis. ⁹ v. nu. 12.
¹⁰ Majores de omnibus magistratibus bis populum senten- ¹⁰ 2. Agr.
tiam ferre voluerunt. Nam cùm centuriata lex consulibus
ferebatur, cùm curiata cæteris patriciis magistratibus :
tum iterum de iisdem judicabatur, ut esset reprehendendi
potestas, si populum beneficii sui poeniteret. Nunc quia
prima illa comitia tenet centuriata & tributa : curiata tan-
tum auspiciorum causa remanserunt ¹¹ ad speciem, atque ¹¹ Ib.
ad usurpationem vetustatis per XXX. lictores adumbrata.
¹² Ita majores binis comitiis voluerunt populum de singulis ¹² Ib.
magistratibus judicare, ¹³ tum magistratum non gerebat is, ¹³ pro Plan.
qui ceperat, si patres auctores non erant facti. ¹⁴ Quam- ¹⁴ 3. de leg.
obrem plebi libertas sic data est, ut multis præclarissimis
legibus addiceretur : ut auctoritati principum cederet.
Nulli tamen licet ¹⁵ judicium populi Rom. reprehendere, ¹⁵ pro Plan.
vel ¹⁶ tanquam ex syngrapha agere cum populo, ut quem ¹⁶ pro Mur.
locum

locum semel honoris cuiquam dederit, eundem reliquis honoribus debeat. Quod enim fretum, quem Euripum tot motus, tantas, tam varias habere putatis agitationes fluctuum: quantas perturbationes, & quantos æstus habet ratio comitiorum. dies intermissus unus, aut nox interposita sæpè perturbat omnia, & totam opinionem parva nonnunquam commutat aura rumoris. Sæpè etiam sine ulla aperta causa fit aliud, atque existimaris: ut nonnunquam ita factum esse etiam populus admiretur, quasi verò non ipse fecerit. Nihil est incertius vulgo, nihil obscurius voluntate hominum, nihil fallacius ratione tota comitiorum. ¹⁷ Ut mare, quod sua natura tranquillum sit, ventorum vi agitur, atque turbatur: sic & populus Rom. sua sponte est placatus, hominum seditioforum vocibus, ut violentissimis tempestatibus concitatur. ¹⁸ Cùm est forum plenum iudiciorum, plenum magistratuum, plenum optimorum virorum & civium: cùm speculatur atque obsidet Rostra vindex temeritatis, & moderatrix officii curia: tamen quantos fluctus concionum excitari videtis? hic nullæ iudicis partes esse poterunt. ¹⁹ quare victus sis, non debet iudex quærere, modò ne largitione sis victus. *Alioqui* ²⁰ tollerentur studia, exstinguerentur suffragationes, nullæ contentiones forent, nulla libertas populi in mandandis magistratibus, nulla expectatio suffragiorum. Sin campus atque illæ undæ comitiorum, ut mare profundum & immensum, sic effervescent quodam quasi æstu, ut ad alios accedant, ab aliis autem recedant: in tanto nos impetu studiorum, & motu, temeritatis modum aliquem, & consilium, & rationem requiramus? *Fam verò* ²¹ cùm honoris amplissimi est contentio, quis ignorat quæ studia sint ambientium: quam timida sit ambitio: quantaque, & quàm sollicita cupiditas consulatus? Omnia non modò, quæ reprehendi palam, sed etiam quæ obscurè cogitari possunt, timemus: rumorem, fabulam

¹⁷ pro Clu.

¹⁸ pro Flac.

¹⁹ pro Plan.

²⁰ Ib.

²¹ pro Mil.

fabulam falsam, fictam, levem perhorrescimus: ora omnium atque oculos intuemur. Nihil enim est tam molle, tam tenerum, tam aut fragile, aut flexibile, quàm voluntas erga nos, sensúsque civium: qui non modò improbitati irascuntur candidatorum, sed etiam rectè facta sæpè fastidiunt. ²² *Non tamen faciet magno vir animo, nec gravitatis* ^{22 pro Plan. ap.} esse putabit suæ, quod multi nobiles sæpè fecerunt, ut, cùm minus valuissent suffragiis, quàm putassent, postea prolatis comitiis prosternerent se, & populo Rom. fracto animo, atque humili supplicarent. *Virtus de statu & gradu suo non dejicitur.* Etenim, ²³ cùm sapiens & bonus vir, qualis ^{23 S. Tusc.} fuit C. Lælius, suffragiis præteritur, populus à bono consule potiùs, quàm ille à vano populo repulsam fert.

A QUIBUS HABENTUR *consularia comitia*: cui dictatoris dicendi jus est: quantopere servantur in magistratibus creandis solennia: quomodo renunciatur consul: quæ sit ejus prima concio: cur Ciceronem Metellus abeuntem magistratu concione privavit.

C A P. V.

CONSULES centuriatis creantur comitiis, curiatis ceteri patricii magistratus. Consularia comitia à prætore haberi non poterunt. Cæsar post discessum ab urbe consulum voluit de comitiis decerni consularibus à prætore habendis.

Anno
DCCIV.

¹ Nam permagni ejus interfuit, rem ad interregnum non venire: id assequabatur, si per prætores consules crearentur.

¹ ep. 11. l. 9.
At.

Nos autem in libris habemus non modò consules à prætoribus, sed ne prætores quidem creari jus esse, idque factum esse nunquam; consules eo non esse jus, quod majus imperium à minore rogari non sit jus, prætores autem, quòd

ita

² Liv. l. 22.
Anno
DXXXVI.

ita rogentur, ut collegæ consulum sint, quorum est majus imperium. Fusa apud Thrasimenum lacum Romanâ acie, & Annibale magnis artibus terrente omnia, ab ² Æmilio prætore urbis ex SC. literæ ad consules missæ, ut si eis videretur, alter eorum ad consules creandos Romam veniret: se in eam diem, qua jussissent comitia, edicturum. Ad hæc à consulibus rescriptum, sine detrimento reip. abscedi non posse ab hôte: itaque per interregem comitia habenda esse potius, quàm consulum alter à bello advocaretur. Patribus rectius visum est dictatorem à cos. dici comitiorum habendorum causa: dictus L. Veturius Philo M. Pomponium Mathonem magistrum equitum dixit. His vitio creatis jussisque die quarto-decimo se magistratu abdicare, ad interregnum res rediit. Consulibus in annum prorogatum imperium. interreges proditi à patribus Cn. Claudius Cento, inde P. Cornelius Asina. At Cæsar non tenuit, quæ erant in more majorum: nec sicut Sylla effecit, ab interrege, ut dictator diceretur, sed à Lepido prætore: ³ & comitia dictator habuit consularia, quibus ipse cum P. Servilio consul est creatus. quippe ambienti omnia sint legitima, & periclitanti salutaria habentur justa. Atqui Cæsar forsitan acceperat in rebus ⁴ olim turbidis ab alio, quàm à Consule dictatorem dictum. Accepta apud Veios ignominia & clade, mœsta civitas fuit, vinci insueta, odisse tribunos, militum potestate creatos consulari, postulare dictatorem: in eo verti spes civitatis: & cum ibi quoque religio obstaret, ne posset nisi à consule dici dictator: augures consulti eam religionem eximere. A. Cornelius trib. mil. dictatorem Mamer-cum Æmiliū dixit: & ipse ab eo magister equitum est dictus. Adeo simul fortuna civitatis virtute vera eguit: nihil censoria animadversio effecit, quominus regimen rerum ex notata indignè domo peteretur. ⁵ Omnium prope Annales Fabium dictatorem adversus Annibalem rem gessisse tradunt prælio, quo Annibal abs se Minutium, se à Fabio victum asseruit.

³ Cæsar l. 3
de Bel. Civ.

⁴ Liv. l. 4.
Anno
DCCXXI.

⁵ Id. lib. 22.
Anno DXXXVI

Cælius

Cælius etiam eum à populo primùm creatum dictatorem scribit. Sed & Cælium, & cæteros fugit uni consuli Cn. Servilio, qui tunc procul in Gallia provincia aberat, jus fuisse dicendi dictatoris. quam moram, quia expectare jam territa clade civitas non poterat, eo decursum esse, ut à populo crearetur, qui pro dictatore esset: res inde gestas, gloriâque insignem ducis, & augendæ titulum imaginis posteris, ut dictator pro prodictatore, faciliè obtinuisse. In his multa sunt solennia, quæ nisi serventur summa cum cæremonia creati jubentur se, ut dixi, abdicare. ⁶ P. Scipionem, C. Figulum consules, —cùm Tib. Gracchus consul iterum crearet, primus rogatorum, ut eos retulit, ibidem est repentè mortuus. Gracchus cùm comitia nihilo minus peregisset, remque illam in religionem populo venisse sentiret, ad senatum retulit. Senatus quos ad soleret referendum censuit. Aruspices introducti responderunt non fuisse justum comitiorum rogatorem. Tum Gracchus, ut è patre audiebam, incensus ira, Itâne verò? ego non justus, qui & consul rogavi, & augur, & auspicatò? an vos Tusci, ac barbari auspiciorum populi Rom. jus tenetis, & interpretes esse comitiorum potestis? Itaque tum illos exire jussit. Post autem ex provincia litteras ad collegium misit, se cùm legeret libros, recordatum esse vitio sibi tabernaculum captum fuisse in hortis Scipionis: quòd, cum pomœrium intraisset habendi senatus causa, in redeundo, cùm idem pomœrium transiret, auspicari esset oblitus: itaque vitio creatos esse consules. Augures rem ad senatum: senatus ut abdicarent: consules abdicaverunt. —Vir sapientissimus, atque haud scio an omnium præstantissimus, peccatum suum, quod celari posset, confiteri maluit, quàm hære in rep. religionem: consules summum imperium statim deponere, quàm id tenere punctum temporis contra religionem. *Sed revertor ad comitia consularia. Hæc habituri consules proponunt edictum,* ⁷ *quo diem* ⁷ Liv. l. 26. *comitiis edicunt, vel, si absint, prætor edicit quem jusserint.* ^{v. nu. 2.}

- ² Phil. *Fit* ⁸ comitiorum die fortitio prærogativæ : renunciatur. prima classis vocatur : renunciatur. deinde ita ut assolet, suffragatum. secunda classis vocatur. ⁹ prærogativam majores
⁹ 1. de Divin. omen iustorum comitiorum esse voluerunt. ¹⁰ prærogativæ dicebantur, quòd primæ rogarentur, quos vellent consules fieri.
¹⁰ Asc. in Divin. *Lepidè* ¹¹ Maluginensis ille M. Scipio, cùm ex centuria sua renunciaret Acidinum consulem, præcòque dixisset, Dic de L. Manlio : Virum bonum, inquit, egregiùmque civem esse arbitror. *Quàm est hoc lepidum, tam est illud grave, & insigne ad memoriam virtutis priscae Romanorum, quod evenit*
¹¹ 2. de Or. *in comitiis, quæ* ¹² Fulvius consulibus rogandis habuit. *His prærogativa centuria juniorum declaravit T. Manlium Torquatum, & T. Octacilium : Manlius, qui præsens erat, gratulandi causa cùm turba coiret, nec dubius esset consensus populi, magna circumfusus turba ad tribunal consulis venit : petiitque, ut pauca sua verba audiret, centuriamque, quæ tulisset suffragium, revocari juberet. Erectis omnibus expectatione, quidnam postulaturus esset, oculorum valetudinem excusavit. Impudentem & gubernatorem & imperatorem esse, qui, cùm alienis oculis ei omnia agenda sint, postulet sibi aliorum capita ac fortunas committi. proinde si videretur, & redire in suffragium centuriam juniorum juberet : & meminisset in consulibus creandis belli, quod in Italia sit, temporumque reip. vix dum requiescere aures à strepitu & tumultu hostili : quo paucos ante menses assederint prope mœnia Ro. post hæc, cùm centuria frequens succlamasset, nihil se mutare sententiæ, eosdemque consules dicturos esse : tum Torquatus : Neque ego, inquit, vestros mores consul ferre potero, neque vos imperium meum ? redite in suffragium, & cogitate bellum Punicum in Italia, & hostium ducem Annibalem esse. Tum centuria & auctoritate mota viri, & admirantium circa fremitu, petit à consule, ut centuriam seniorum citaret. Velle sese cum majoribus natu colloqui, & ex auctoritate eorum consules dicere. citatis centuriæ senioribus, datum secretò in ovili cum his*
colle-

colloquendi tempus. Seniores de tribus consulendum dixerunt esse, M. Marcello, Q. Fabio, M. Valerio. Ita de tribus consultatione data, senioribus dimissis, juniores suffragium ineunt. Marcellum & Valerium absentes consules dixerunt auctoritatem prærogativæ omnes centuriæ secutæ sunt. Eludant antiqua mirantes. non equidem nunc, si qua sit sapientium civitas, quam docti fingunt magis, quàm norunt: aut principes graviores temperatiorisque à cupidine imperii, aut multitudinem melius moratam censeam fieri posse? Centuriam verò juniorum seniores consulere voluisse, quibus imperium suffragio mandaret, vix ut verisimile sit, parentum quoque hoc seculo vilis levisque apud liberos auctoritas fecit. ¹³ Consularis candidatus postquam præconis voce seniorum juniorumque centuriis illo honore affici renunciatur: vel (quod mihi contigit) ¹⁴ non extrema tribu suffragiorum, sed primis concursibus, neque singulis vocibus præconum, sed una voce universi populi Rom. consul declaratur, consulis renunciari voce solet, & solenni comitiorum precatatione diis commendari. Ego ¹⁵ precatus sum à diis immortalibus more institutoque majorum illo die, quo auspicatò comitiis centuriatis L. Murenæ consulem renunciavi, ut ea res mihi magistratuique meo, populo, plebi- que Rom. benè atque feliciter eveniret. ¹⁶ Est hoc etiam in more positum institutoque majorum, ut ii, qui beneficio populi Rom. imagines familiæ suæ consecuti sunt, eam primùm habeant concionem, qua gratiam beneficii illius cum suorum laude jungant. Qua in oratione nonnulli aliquando digni majorum loco reperiuntur. Plerique hoc perficiunt, ut tantum majoribus eorum debitum esse videatur, unde etiam quod posteris solveretur redundaret. Ad hæc consul non modò designatus, sed abiens magistratu jurat, eodemque tempore concionem habet. ¹⁷ Metellus trib. plebis prid. Calend. Jan. qua injuria nemo unquam in aliquo magistratu improbissimus civis affectus est, ea me consulem affecit, cùm rep. conservassem: atque abeuntem ma-

¹³ 7. Ver. ap.

¹⁴ 2. Agr.

¹⁵ pro Mur.

¹⁶ 2. Agr.

¹⁷ ep. 2. l. 5.
fa. An.
DCXCI.

gistratu concionis habendæ potestate privavit. cujus injuria tamen mihi honori summa fuit. Nam cùm ille mihi nihil, nisi ut jurarem permetteret, magna voce juravi verissimum pulcherrimùmque jusjurandum : ¹⁸ REMP. ATQUE HANC URBEM MEA UNIUS OPERA ESSE SALVAM. Mihi populus Rom. universus, illa in concione non unius diei gratulationem, sed æternitatem, immortalitatemque donavit : cùm meum jusjurandum tale, atque tantum, juratus ipse una voce, & consensu approbavit. ¹⁹ Hac accepta tam insigni injuria, tamen illo ipso die misi ad Metellum communes amicos, qui agerent cum eo, ut ab illa mente desisteret : quibus ille respondit, sibi non esse integrum. Etenim paulò antè in concione dixerat, ei, qui in alios animadvertisset indicta causa, dicendi ipsi potestatem fieri non oportere. Hominem gravem, & civem egregium : qui, qua pœna senatus, consensu bonorum omnium eos affecerat, qui urbem incendere, magistratus ac senatum trucidare, bellum maximum consilare voluissent : eadem dignum judicaret eum, qui curiam cæde, urbem incendiis, Italiam bello liberavisset.

CONSULI A SENATU honos deferitur : senatus auctoritatem consul tuetur : Piso & Gabinius exagitantur, quòd in consulatu senatum spreverint.

C A P. VI.

¹ **C**ONSULI omnes parent : in curiam venienti assurgunt. *ei que omnia deferunt, quæ tribuenda sunt* ² publici consilii duci, ³ reip. tutori, ⁴ custodi & conservatori hujus urbis & imperii. ⁴ *Ejus vicissim est tueri auctoritatem senatus. Ego consul liberè in senatu profitebar me* ⁵ *consulem, qui & parere senatus decretis non dubitarem : &*

ea,

¹ In Pis.² pro Sext.³ post red.⁴ pro Sext.⁵ 4. Catul.

ea, quæ statueret, defenderem, & per me ipsum præstare possem. ⁶ In C. Rabirio perduellionis reo XL. annis ante ⁶ In Pis. me consulem, interpositam senatus auctoritatem sustinui contra invidiam, atque defendi: *Contrà, in mea causa* ⁷ Piso ⁷ Ib. an. DCXCV. productus in concionem ab eo, cui æquatum præbebat consulatum suum, cùm esset interrogatus, quid sentiret de consulatu meo? gravis auctor respondet crudelitatem sibi non placere. crudelitatis senatum consul in concione condemnavit. non enim me, qui senatui parui. nam relatio illa salutaris & diligens fuerat consulis: animadversio quidem, & iudicium senatus. ⁸ Hic est ille, cui, cùm senatus ⁸ Ib. luctum & dolorem suum vestis mutatione declarandum censuisset: cùm videret mœrere remp. amplissimi ordinis luctu, fecit quod nulla in barbaria quisquam tyrannus. Omitto enim illud consulem edicere, ut senatus SC. ne obtemperet: quo sædus, nec fieri, nec cogitari quicquam potest: edicere est ausus cum illo suo pari, quem tamen omnibus vitiis superare cupiebat, ut senatus contrà quàm ipse censuisset, ad vestitum rediret. ⁹ Quis hoc fecit ulla ⁹ Ib. in Scythia tyrannus, ut eos, quos luctu afficeret, lugere non sineret? mœrorem relinquis, mœroris aufers insignia: eripis lachrymas, non consolando, sed minando. ¹⁰ O ¹⁰ pro Sext. diem illum funestum senatui bonisq; omnibus, reip. luctuosum, mihi ad domesticum mœrorem gravem, ad posteritatis memoriam gloriosum! Quid enim quisquam potest ex omni memoria sumere illustrius, quàm pro uno cive, & bonos omnes privato consensu, & universum senatum publico consilio mutasse vestem? quæ quidem tum mutatio, non deprecationis causa est facta, sed luctus. quem enim deprecarentur, cùm omnes essent fordidati? cùmque hoc satis esset signi, esse improbum, qui mutata veste non esset? Hac mutatione vestis facta tanto in luctu civitatis, omitto quid Tribunus fecerit: de consulibus loquor, quorum fide resp. niti debuit. Gabinius exanimatus evolat ex

senatu, non minus perturbato animo, atque vultu, quàm si annis antè paucis in creditorum conventum incidisset. advocat concionem : habet orationem talem consul, qualem nunquam Catilina victor habuisset : errare homines, si etiam tum senatum aliquid in repub. posse arbitrarentur : equites verò Rom. daturos illius diei pœnas, quo me consule cum gladiis in clivo Capitolino fuissent : venisse tempus iis, qui in timore fuissent (conjuratos videlicet dicebat) ulciscendi se. si dixisset hoc solùm, omni supplicio dignus esset. nam oratio ipsa consulis perniciose potest remp. labefactare. Quid fecerit quæris? nihil ille, nihil collega dignum consule : *cujus omnia acta, omnis de senatu & ad senatum oratio, plena debet esse gravitatis, plena dignitatis : ut quemadmodum senatus ad consulem, sic consul* ¹¹ ad senatum respectum habeat. Nil senatus decernit, nil senatores decernendum censent, ut fiat à consulibus : nec consules à senatu quid decerni postulant, nisi velut arbitrio relicto per honoris verba, SI VIDEATUR, SI VIDERETUR. Consularis postulatio.

¹¹ 5. Phil.

¹² v. cap. 16.
& cap. 23.
nu. 57.

¹³ v. cap. 50.
& 51.

¹² In senatu Cn. Lentulus, & L. Gellius coss. faciunt mentionem : Placere statui, si patribus conscriptis videretur, ne absentes homines in provinciis rei fierent rerum capitulum. *Senatoria sententia* : ¹³ Censeo uti C. Panfa, A. Hirtius coss. alter ambóve, si eis videretur, rep. recuperata, de provinciis consularibus, prætoriis ad hunc ordinem primo quoque tempore referant.

CATULI DE CONSULIBUS Rom. elogium : quæ in motibus debeat esse cura consulum.

C A P. VII.

¹ Post. red.
Anno.
DCLXVI.

AUDIERAM ex sapientissimo homine, atque optimo civi & viro Q. Catulo, non sæpè unum consulem improbum, duos verò nunquam excepto illo Cinnano

Cinnano tempore fuisse. Quare meam causam semper fore firmissimam dicere solebat, dum vel unus in rep. consul esset. quod verè dixerat, si illud de duobus consulibus, quod antè in rep non fuerat, perenne ac proprium manere potuisset. Sed fuerunt duo consules, quorum mentes angustæ, humiles, pravæ, oppletæ tenebris, ac sordibus, nomen ipsum consulatus splendorem illius honoris, magnitudinem tanti imperii, nec intueri, nec sustinere, nec capere potuerunt: non consules, sed mercatores provinciarum, ac venditores publicæ dignitatis. ² quibus inspectantibus & tacentibus delectus fervorum habebatur ab eo, qui nihil sibi unquam nec facere, nec pati turpe esse duxit: arma in templo Castoris constituebantur; lex Ælia & Fusia eversa est, propugnacula murique tranquillitatis atque otii: collegia, non ea solùm, quæ senatus sustulerat, restituta sunt, sed innumerabilia quædam nova ex omni fæce urbis ac servitio constituta: ab eodem homine in stupris inauditis nefariisque versato, vetus illa magistra pudoris & modestiæ severitas sublata est cùm illi interim, qui se consules Romæ dicunt fuisse, verbo nunquam significarint sententiam suam, tantis in naufragiis civitatis. non enim multùm interest, præsertim in consule, utrum ipse perniciosus legibus, improbis concionibus rep. vexet, an alios vexare patiatur. An potest ulla esse excusatio, non dicam malè sentienti, sed sedenti, cunctanti, dormienti in maximo Reip. motu consuli? ³ M. Popilius cùm cos. esset, eodémque tempore sacrificium publicum cum læna faceret, quòd erat flamen Carmentalis, plebei contra patres concitatione & seditione nunciata, ut erat læna amictus, ita venit in concionem: seditionemque, cùm auctoritate, tum oratione sedavit. ⁴ Etenim is honos vigilare dies ac noctes, & intentis oculis omnes reip. partes intueri jubet: ⁵ quæ sanari poterunt, sanare: quæ rescanda erant, non pati ad perniciem civitatis manare: denique efficere, ut ⁶ qui se com-

² In Pil.

³ In Br.
Anno
ccccxiii.

⁴ 2. Agr.

⁵ 2. Catil.

⁶ Ib.

moverint, quorum non modò factum, sed inceptum ullum, conatúsve contra patriam deprehendatur: sentiant in hac urbe esse consules vigilantes, esse integros magistratus, esse fortem senatum, esse arma, esse carcerem, quem vindicem nefariorum ac manifestorum scelerum majores nostri esse voluerunt. At illi ⁷ consules, qui publici consilii duces esse debuerant, perfecerunt, ut per ipsos consilium publicum funditus tolleretur: conjuratorum copiae veteres, & effusa illa ac superata Catilinæ manus importuna, novo duce & insperata commutatione rerum renovaretur.

⁷ pro Sext.

v. P. Servilii
cos. edictum in
lib. 2. Liv.

EDICTA CONSULUM.

C A P. VIII.

¹ pro Sext.

CONSULES de his, quæ fieri repente, aut sine disquisitione volunt, edicta proponunt. ¹ Erat in luctu, ut dixi, senatus: squallebat civitas publico consilio mutata veste: cùm subito edicunt duo consules, ut ad suum vestitum senatores redirent. ² L. Lamiam Gabinius in concione relegavit: edixitque, ut ab urbe abesset millia passuum ducenta, quòd esset ausus pro cive, pro amico, pro rep. deprecari. ³ Quàm etiam contumeliosus in edictis, quàm barbarus, quàm ferus Antonius? primùm in Cæsarem, maledicta coniecit deprompta ex recordatione impuditiæ, & stuprorum suorum. ignobilitatem objicit C. Cæsaris filio, cujus etiam natura pater, si vita suppeditasset, consul factus esset. Idem etiam Q. Ciceronem fratris mei filium compellat edicto: atque etiam ausus est scribere hunc de patris & patruï patricidio cogitasse. Cùm tot edicta proposuisset, edixit ut adesset senatus frequens a. d. VIII. Cal. Dec. At quo modo edixit? hæc sunt, opinor, verba in extremo, SI QUIS NON AFFUERIT HUNC OMNES EXISTIMARE POTERUNT, ET INTERITUS MEI, ET PERDITISSIMORUM CONSILIORUM AUCTOREM

² Ib.
v. cap. 23.
nu. 79.

³ 3. Phil.
An. DCCIX.

Torem fuisse. Sed cùm atroci edicto nos concitasset, diem edicti obire neglexit: in antè diem IV. Cal. Dec. distulit: adesse in Capitolio jussit: convenerunt corrogati, & quidem ampli quidam homines, sed immemores dignitatis suæ. is enim erat dies, ea fama, is, qui senatum vocarat, ut turpe senatori esset, nihil timere. At in rebus tristissimis quantos excitat risus? sententiolas edicti cujusdam memoriæ mandavi, quas videtur ille peracutas putare. ego autem qui intelligeret, quid dicere vellet, adhuc neminem inveni. NULLA CONTUMELIA EST, QUAM FACIT DIGNUS: NEC TIMOR, QUEM DENUNCIAT INIMICUS. Horum similia deinceps, nōne satius est mutum esse, quàm, quod nemo intelligat dicere? at ne sine causa videretur edixisse, ut senatus adesset, cùm de rep. relaturus fuisset: allato nuncio de legione quarta, mente concidit: & fugere festinans SC. de supplicatione per discessionem fecit, cùm id factum esset antea nunquam. ⁴ Verba edicti, quo Coss. in Curiam senatores vocant, hæc sunt. SENATORES, QUIBUSQUE IN SENATU SENTENTIAM DICERE LICET, ⁵ adsint ad.— Interdum ne ab urbe senatores absint edicitur. ⁶ adeò in apparatum belli quod populus cum Antiocho jussisset, intenta fuit civitas, ut P. Cornelius Cos. ediceret, qui senatores essent, quibusque in senatu sententiam dicere liceret, quique minores magistratus essent: ne quis eorum longius ab urbe Roma abiret, quàm unde eo die redire posset: nève uno tempore quinque senatores ab urbe Roma abessent. Et, si vis edicti militaris exemplum, habe, quod ⁷ omnibus tum satis comparatis, M. Acilius alter Cos. edixit, ut quos L. Quintius milites conscripisset, & quos sociis nominique Latina imperasset, quos secum ire in provinciam oporteret, & tribuni militum legionis primæ & tertiæ, uti omnes Brundisum Idibus Maiis convenirent. ipse ad quintum Nonas Maias paludatus urbe egressus est.

⁴ 4. Gel. cap. 18. l. 4.

⁵ Supra. nu. 3.

⁶ Liv. lib. 36. Anno DLXII.

⁷ Ib.

CONSULARES

litteræ.

CAP. IX.

¹ In Pis. v.
cap. 24. nu. 3.

² 3. Ver.
Anno
DCLXXII.

³ Ib.

LITTERARUM consularium varius est usus: *isque saepe ex auctoritate ordinis amplissimi*: ¹ Me senatus exteris nationibus, me legatis, magistratibusque nostris auctoritate sua consularibus litteris, ut civem servatorem reip. commendavit. ad meam unius hominis salutem senatus auxilium omnium cuncta ex Italia, qui remp. salvam esse vellent, consulis voce & litteris implorandum putavit: mei capitis servandi causa Romam uno tempore, quasi signo dato Italia tota convenit. *Si quæ vis, aut injuria magistratui Rom. in provinciis facta sit, si quæ seditio concitata, ad senatum res deferatur, auctorque consularibus litteris Romam evocatur.* ² Verres legatus cum esset circumfessus Lampasii, cumque, quemadmodum ipse ad Neronem scripsit, populo Rom. communique causæ legatorum facta esset insignis injuria, non est persecutus, imminuit jus legationis: causam populi Ro. deferuit, ac prodidit: injurias suas conjunctas cum publicis reliquit. Non ipsum ad senatum causam deferre, non de tam atrocibus injuriis conqueri, non eos homines, qui populum concitarunt consulum litteris evocandos curari oportuit? *Paulò antè* M. Aurelio Scauro postulante, quod is Ephesi se quæstorem vi prohibitum, esse dicebat, quominus è fano Dianæ servum suum, qui in illud Asylum confugisset, abduceret: Pericles Ephesius homo nobilissimus Romam evocatus est, quod auctor illius injuriæ, fuisse arguebatur. ³ Video, & ex iis, quæ legi & audiui, intelligo: in qua civitate non modò legatus populi Rom. circumfessus, non modò igni, ferro, manu, copiis oppugnatus, *ut Verres*, sed aliqua ex parte violatus sit, nisi publicè satis factum

factum sit, ei civitati bellum indici atque inferri solere. Etenim nomen legati ejusmodi esse debet, quòd non modò inter sociorum jura, sed etiam inter hostium tela incolume versetur.

QUOMODO DANTUR *consulibus provinciæ, exercitus, legati, quæstores.*

C A P. X.

SENATUS consulibus deligit, et ² decernit provincias: *consules sibi decretas fortiri SC. jubentur, vel comparare, id est de provinciis inter se convenire.* ³ Appianus in sermonibus antea dictitabat, postea dixit etiam in senatu palam, sese, si licitum esset legem curiatam ferre, fortiturum esse cum collega provinciam; si curiata lex non esset, se comparaturum cum collega, Lentuloque successurum: legemque curiatam consuli ferre opus esse, sibi necesse non esse: se, quoniam ex SC. provinciam haberet, lege Cornelia imperium habiturum, quoad in urbem introisset. *Legati consulibus ex nostri ordinis auctoritate dantur: sed plerumque quales ipsi velint: nec consulibus modo hoc tribuitur, sed aliis ad bellum gerendum delectis.* Pompeium lege Gabinia populus Rom. ⁴ ex omnibus elegit, quem bello prædonum præponeret. ⁵ quo mihi etiam indignius videbatur obtrectatum esse, Gabinio dicam, ane Pompeio, an utrique? id quod est verius, ne legaretur A. Gabinus Cn. petenti ac postulanti in bello, quod illa lege Gabinia gerebatur. De quo legando ego tunc prætor sperabam consules ad senatum relaturos: qui si dubitarent, aut gravarentur, ego me profitebar relaturum: neque præter intercessionem quicquam

¹ 11. Phil.

² v. cap. 4. nu. 10. & 16.

³ ep. 9. lib. 1. fa.

⁴ Pro Man.
⁵ Ib.

Anno
DCLXXXVII.

⁶ ep. 19. lib.
2. Att. Anno
DCXCV.

⁷ de pro. conf.

⁸ ep. 2. l. 9.
Att.

⁹ 3. Ver.

¹⁰ Ib.

quam auditurum. ⁶ Cæsar me sibi voluit esse legatum. ⁷ Ego illa ornamenta decere me, et convenire iis rebus, quas gesseram, non putabam. *post* ⁸ solebat, cum se purgaret, in me conferre omnem illorum temporum culpam. Ita me sibi fuisse inimicum, ut ne honorem quidem a se recipere vellem. ⁹ Quæstores, cum ex SC. fortiuntur, ii, quibus obtingunt consulares, cum consulibus eas obtinent. ¹⁰ Ad exercitum missi custodes non solum pecuniæ, sed etiam consulis participes omnium rerum consiliorumque fiunt, habenturque in liberum loco more majorum.

IN PROVINCIIS, EXERCITIBUS, & *triumphis posita consulum cupiditas.*

C A P. XI.

¹ ep. 19. l. 1.
Att. A n
DCXCIII.

² In Pis.
An. DCXC.

³ Ib.

An. DCXCI.

⁴ Ib. An.
DCLXXVIII.

EST bonorum consulum pacem externam, otium domesticum parare. sed plerique, hac aut illa cupiditate, multa *moliuntur*.¹ Metellus fuit egregius consul. unum reprehendi, quod otium è Gallia nunciari non magnopere gaudebat. cupierat credo triumphare: hoc volui mediocrius: cætera egregia. Ego Antonium collegam cupidum provinciæ, multaque in rep. molientem, patientia atque obsequio meo mitigavi. ² Ego provinciam Galliam, senatus auctoritate exercitu & pecuniâ instructam et ornatam, quam cum Antonio communicavi (quod ita existimabam tempora reip. ferre) in concione deposui, reclamante populo Rom. ³ Sæpe vidi, qui et mihi et cæteris cupidiore provinciæ viderentur, triumphî nomine tegere, atque celare cupiditatem suam. Hoc modo D. Syllanus consul in hoc ordine, hoc meus etiam collega dicebat. neque enim quisquam potest exercitum cupere, apertæque petere, ut non prætexat cupiditatem triumphî. ⁴ L. Crassus homo sapientissimus nostræ civitatis, spiculis propè scrutatus est Alpes,

Alpes, ut ubi hostis non erat, ibi triumphi causam aliquam quæreret. Eadem cupiditate vir summo ingenio præditus L. Cotta nullo certo hoste flagravît. Eorum neuter triumphavit, quòd alteri illum honorem collega, alteri mors ademit. Ita ex nostris ⁵ multi bella sæpè quæsierunt propter gloriæ cupiditatem: atque id in magnis animis, ingeniisque plerumque contingit: eoque magis, si sint ad rem militarem apti, et cupidi bellorum gerendorum. ⁶ Sed illud odiosum est, quòd in hac elatione et magnitudine animi, facillimè pertinacia, et nimia cupiditas principatus innascitur. Ut enim apud Platonem est, omnem morem Lacedæmoniorum inflammatum esse cupiditate vincendi: sic, ut quisque animi magnitudine maximè excellit, ita maximè vult princeps omnium esse, vel potius solus esse. ⁷ Cavenda est ⁷ Ib. igitur gloriæ cupiditas. eripit enim libertatem, pro qua magnanimis viris omnis debet esse contentio.

Cof. An.
DCLXXIX.

⁵ 1. Off.

DE SUMMO IMPERIO, et jure belli.

C A P. XII.

IMPERIUM, sine quo res militaris administrari, teneri ¹ 5. Phil. exercitus, bellum geri non potest, datur vel SC. vel ² 2. Agr. veris comitiis, hoc est populi suffragiis: vel Curiatis, ³ ad speciem, atque ad usurpationem vetustatis per xxx. lictores auspiciorum causa adumbratis. ⁴ Consulibus legem Curiatam ferentibus a tribunis pleb. sæpè est intercessum. ³ Ib. Et verò ⁵ consuli, si ob intercessionem ⁶ legem curiatam non ⁴ Ib. habet, attingere rem militarem non licet. nimirum, si interceditur, ne detur lege, vel datum SC. firmetur imperium. ⁵ Ib. Alioquin id obtineret, etiamsi intercessum sit: quod si fieret, ⁶ Ib. nullum ⁷ intercessurum puto, cum intercessio stultitiam intercessoris significatura sit, neque rem impeditura. Ut ⁷ Ib. v. c. 33. ut sit, consules etsi magna sit ipsorum potestas, & ⁸ Ib. gravis in

⁹ 11. Phil.

¹⁰ Ib.

¹¹ Ib.

¹² v. cap.
²³. nu. 10.

¹³ 11. Phil.

Anno DCXXII.

Anno DCLXXV.

An. DCCX.

in rep. cura ac diligentia, non sibi tamen asciscunt imperium. Est enim senatus, vel populi, quando cum hoste ⁹ decreto bellum gerendum est, imperatorem deligere: & ¹⁰ rerum decertationem consulibus optimis & fortissimis committere. ¹¹ Nam extraordinarium imperium populare atque ventosum est: minimè nostræ gravitatis, minimè hujus ordinis. ¹² Factum est aliquando, ut populus deligeret imperatorem: ut ¹³ Punico tertio: ad quod populus Rom. ita sibi ipse delegit idoneum ducem P. Scipionem, ut eum tamen bellum gerere consulem vellet. Cum Ariftonico bellum gerendum fuit, L. Valerio, P. Licinio consulibus. Rogatus est populus, quem id bellum gerere placeret: Crassus consul & pontifex max. Flacco collegæ flamini Martiali multam dixit, si à sacris discessisset, quam multam populus remisit, pontifici tamen flaminem parere jussit. Sed ne tum quidem populus Rom. ad privatum detulit bellum: quamquam erat Africanus, qui anno antè de Numantinis triumpharat: qui, cùm longè omnes belli gloria & virtute superaret, duas tamen tribus solas tulit: ita populus Rom. consuli potius Crasso, quàm privato Africano bellum gerendum dedit. De Cn. Pompeii imperiis summi viri, atque omnium principis, tribuni pleb. turbulenti tulerunt. Nam Sertorianum bellum à senatu privato datum est, quia consules recusabant: cùm L. Philippus pro consulibus se eum mittere dixit, non pro consule. At enim C. Cæsari adolescentulo imperium extraordinarium mea sententia dedi. Ille enim mihi præsidium extraordinarium dederat. Cùm dico mihi, senatui dico, populoque Rom. à quo resp. præsidium, ne cogitatum quidem tantum haberet, ut sine eo salva esse non posset, huic extraordinarium imperium non darem? aut exercitus adimendus, aut imperium dandum fuit. quæ est enim ratio, aut quí potest fieri, ut sine imperio teneatur exercitus? non igitur quod ereptum non est, id existimandum

dum est datum. eripuisset senatus C. Cæsari imperium, nisi dedisset. milites veterani, qui illius auctoritatem, imperium, nomen secuti pro rep. arma ceperant, volebant sibi ab illo imperari. legio Martia, & legio quarta, ita se contulerat ad auctoritatem senatus, populique Rom. dignitatem, ut deposcerent imperatorem, & ducem C. Cæsarem. imperium C. Cæsari belli necessitas, fasces senatus dedit. otioso verò, et nihil agenti privato, quando imperium senatus dedit? *Sed de his quidem hætenus. In urbe consul imperium summum non assequitur, (14 quod plerumque in atroci negotio solet) senatus decernat, ut dent operam consules, ne quid rep. detrimenti capiat. Ea potestas per senatum more Rom. magistratui maximo permittitur, exercitum parare, bellum gerere: coercere omnibus modis socios atque cives: domi, militiæque imperium, atque iudicium summum habere: aliter sine populi jussu nulli carum rerum consuli jus est. Dabatur verò à populo rogatione lata imperium in urbe triumphanti eod. die, quo triumphabat.* 15 Pomtinus L. Domitio, & Ap. Claudio consulibus, voluit triumphare. Huic obviam Cato & Servilius prætores ad portam, & Q. Mutius trib. Negabant enim latum de imperio: & est latum Herculè insulsè. 16 Nam Galba prætor legem de imperio clàm ante lucem tulerat contra leges: quæ agi cum populo ante horam primam vetabant. 17 Sed erat cum Pomtino Appius consul. Cato tamen affirmavit, se vivo illum non triumphaturum. Id ego putavi, ut multa ejusdem, ad nihil recasurum. Quale fuerit in re militari consulum imperium, quæ potestas, quæ disciplina declaravit 18 Torquatus, cum ipsi naturæ, patrioque amori prætulerit jus majestatis atque imperii: 19 filium morte multavit: si sine causa, nollem me ab eo ortum tam importuno tamque crudeli. fin, ut dolore suo sanciret militaris imperii disciplinam, exercitumque in gravissimo bello animadversionis metu contineret, saluti prospexit civium, quæ

v. cap. 43. nu. 67.

14 Salust. in Con. Cat.

15 ep. 17. l. 4. ad Ac.

DCCXCIX.

16 Dio.

17 d. ep. 17.

18 l. de fin.

19 lb.

An. CDXII.

²⁰ 1. off.

Anno

DLXXXI:

qua intelligebat contineri suam. A nostris verò ²⁰ maxime conservantur jura bella. C. Popilius imperator tenebat provinciam: in cujus exercitu Catonis filius tiro militabat: quum autem Popilio videretur unam dimittere, Catonis quoque filium, qui in eadem legione militabat, dimisit. sed quum amore pugnandi, in exercitu remansisset, Cato ad Popilium scripsit, ut, si eum pateretur in exercitu remanere, secundo eum obligaret militiæ sacramento: quia priore amisso, jure pugnare cum hostibus non poterat. Adeo summa erat observatio in bello movendo. Marci quidem Catonis senis epistola est ad M. filium, in qua scripsit se audisse eum missum factum esse à consule, quum in Macedonia bello Persico miles esset. monet igitur, ut caveat, ne præcium ineat. negat enim jus esse, qui miles non sit, cum hoste pugnare. Equidem illud etiam animadverto, quod, qui proprio nomine perduellis esset, is hostis vocaretur, lenitate verbi, tristitiam rei mitigatam. Hostis enim apud majores nostros is dicebatur, quem nunc peregrinum dicimus. indicant duodecim tabulæ: AUT STATUS DIES CUM HOSTE: itémque, ADVERSUS HOSTEM ÆTERNA AUCTORITAS. Quid ad hanc consuetudinem addi potest, eum, quicum bella geras, tam molli nomine appellare? quamquam id nomen durius jam effecit vetustas: à peregrino enim recessit, & propriè in eo, qui ferret arma contrà, remansit. ²¹ Ac belli quidem æquitas sanctissimè feciali populi Rom. jure perscripta est. ex quo intelligi potest, nullum bellum esse justum, nisi quod aut rebus repetitis geratur, aut denunciatum antè sit, & indictum: ²² in eoque, & suscipiendo, & gerendo, & deponendo jus plurimum valere, & fidem, horumque ut publici interpretes essent, lege sancitum esse, *uti hac nostra*: ²³ FOEDERUM, PACIS, BELLII, INDUCIARUM ORATORES, FECIALES JUDICES DUO SUNTO: BELLA DISCEPTANTO. ³⁴ Atque etiam, si quid singuli, temporibus adducti, hosti promiserint,

²¹ Ib:²² 2. de leg.²³ Ib:²⁴ 1. off.

miserint, est in eo ipso fides servanda: ut primo Punico bello Regulus ad supplicium redire maluit, quàm fidem hosti datam fallere. Secundo autem Punico bello, post Cannensem pugnam, quos decem Annibal Romam misit astrictos jurejurando, se redituros esse, nisi de redimendis lis, qui capti erant, impetrassent: eos omnes censores, quoad quisque eorum vixit, quod pejerassent, in ærariis reliquerunt: nec minus illum, qui jurisjurandi fraude culpam invenerat. Cùm enim Annibalis permissu exiisset de castris, rediit paulò post, quod se oblitum nescio quid diceret: deinde egressus è castris, jurejurando se soluturum putabat: & erat verbis, re non erat. Semper autem in fide quid fenseris, non quid dixeris, cogitandum:

An. DII.

Anno
DXXXVII.

AN LICEAT EXIRE DE provincia, dimittere, educereve exercitum, bellum sua sponte gerere.

C A P. XIII.

SUMMA est potestas consulis: & tamen, ut non assumit, sic non dimittit injussu senatus, aut populi Romani provinciam, nec exercitum: nedum gerit à populo non susceptum bellum. ¹ C. Cassius, qui in Gallia quàm sortitus erat, nihil memorabile gessit, per Illyricum ducere legiones in Macedoniam vano incepto est conatus. Ingressum hoc iter consulem senatus ex Aquiliensibus legatis cognovit XXX. dierum frumentum militi datum, & duces, qui ex Italia itinera in Macedoniam nossent, conquistos abduetosque. Enimvero senatus indignari, tantum consulem ausum, ut suam provinciam relinqueret, in alienam transfret, exercitum novo periculoso itinere inter exteras gentes duceret, viam

Livius
l. 43.

Anno
DLXXXII.

tot nationibus in Italiam aperiret. Decernunt frequentes, ut C. Sulpicius præt. tres ex senatu nominet legatos, qui eo die proficiscantur ex urbe: & quantum accelerare possent, Cassium consulem ubicunque sit, persequantur: nuncient, ne bellum cum ulla gente moveat, nisi cum qua senatus gerendum censuerat. ² Ego te, Piso, non vecordem putem, qui sis

² In Pis.

Anno
DCXCVII.

ausus primùm facere (nam id est caput) deinde Torquato gravissimo & sanctissimo viro premente confiteri, te provinciam Macedoniam, in quam tantum exercitum transportasses, sine ullo milite reliquisse? Mitto de amissa maxima parte exercitus. sit hoc infelicitatis tuæ. dimittendi verò exercitus quam potes afferre causam? quam potestatem habuisti? quam legem? quod SC.? quod jus? quod exemplum? Ecce tibi alter, cùm fines provinciæ tantos haberet, quantos voluerat, iis se tenere non potuit. exercitum eduxit ex Syria. quî licuit extra provinciam? præbuit se mercenarium comitem regi Alexandrino. quid hoc turpius? in Ægyptum venit, signa contulit cum Alexandrinis. Quando hoc bellum, aut hic ordo, aut populus susceperat: cepit

Anno
DCXCVIII.

v. cap. 14. 9.

Alexandriam. Quid aliud expectavimus à furore ejus, nisi ut ad senatum tantis de rebus gestis litteras mitteret? hic, si mentis esset suæ, ausus esset (mitto exire de provincia) educere exercitum, bellum sua sponte gerere, in regnum, injussu populi ac senatus, accedere? quæ cùm plurimæ leges veteres, tum lex Cornelia majestatis, Julia de pecuniis repetundis planissimè vetant. Sed hæc omitto. Ille, si non acerrimè fureret, auderet, quam provinciam P. Lentulus amicissimus huic ordini, cùm & auctoritate senatus, & sorte haberet, interposita religione sine ulla dubitatione deposuisset, eam sibi tum asciscere: cùm etiam, si religio non impediret, mos majorum tamen, & exempla, & gravissimæ legum pœnæ vetarent? *Ante hos Dolabella* ³ fecit etiam id, quod multi reprehenderunt, ut exercitum, provinciam, bellum

³ 3. Ver.
Anno
DCLXXIII.

bellum relinqueret, & in alienam provinciam proficisceretur : ut sua vi & crudelitate hominis improbiſſimi C. Verris pericula ſublevaret. *Si tamen de ſumma rerum agitur, ab hoc more majorum, à legibus diſceditur.* * neceſſe eſt enim in converſione & perturbatione omnium rerum, temporibus potius parere, quàm moribus. *Proinde nuper ego, ſi Brutus intellexerit plus ſe reip. profuturum, ſi Dolabellam perſequatur, quàm ſi in Græcia maneat : aget ipſe per ſeſe, ut adhuc fecit : neque in tot incendiis, quibus conſeſtim ſuccurrendum eſt, expectabit ſenatum. nam & Brutus & Caſſius multis jam in rebus ipſe ſibi ſenatus fuit. Nec enim nunc primùm, aut Brutus, aut Caſſius ſalutem libertatémque patriæ, legem ſanctiſſimam, & morem optimum judicavit. Itaque, ſi ad nos nihil referretur de Dolabella perſequendo, tamen ego pro decreto putarem, cùm eſſent tali virtute, auctoritate, nobilitate ſummi viri : quorum alterius jam notus nobis eſt exercitus, alterius auditus. Non igitur Brutus expectavit decreta noſtra, cùm ſtudia noſſet : neque enim eſt in provinciam ſuam Cretam proſeſtus : in Macedoniam alienam advolavit : omnia ſua putavit, quæ vos veſtra eſſe velletis : legiones conſcripſit novas, excepit veteres : equitatum ad ſe abduxit Dolabellæ, atque eum nòndum tanto parricidio oblitum, hoſtem ſua ſententia judicavit. Nam nî ita eſſet, quo jure equitatum à conſule abduceret ? Quid ? C. Caſſius pari magnitudine animi & conſilii præditus, nòne eo ex Italia conſilio proſeſtus eſt, ut prohiberet Syria Dolabellam ? qua lege ? quo jure ? eo, quod Jupiter ipſe fanxit, ut omnia, quæ reip. ſalutaria eſſent, legitima & juſta haberentur. eſt enim lex nihil aliud, niſi recta, & à numine deorum tracta ratio, imperans honeſta, prohibens contraria. Huic legi paruit Caſſius, cùm eſt in Syriam proſeſtus, alienam provinciam, ſi homines legibus ſcriptis uterentur : his verò oppreſſis, ſuam lege naturæ. Sed, ut ea veſtra quoque auctoritate firmetur :*

4 II. Phil.

An. DCCX.

v. cap. 39.
nu. 11.

Censeo senatui placere, C. Cassius procos. provinciam Syriam obtinere, ut qui eam optimo jure provinciam obtinuerit &c. *Istiusmodi etiam in motibus, itinerum ad provincias, solita non servatur ratio. Interfecto Cæsare, quæ futura essent prævidi, cum* ⁵ Trebonius itineribus deviis proficeretur in provinciam. *Cæteroquin, hujusmodi profectio reprehendi solet. Inde ego quæsi ex Vatino,* ⁶ *post quæsturam exiissetne legatus in ulteriorem Hispaniam C. Concio procos. ? cum illud iter Hispaniense pedibus ferè confici soleat, aut, si quis navigare velit, certa sit ratio navigandi: venissetne in Sardiniam, atque in Africam? fuissetne, quod sine SC. ipsi facere non licuit, in regno Hyempsalis? fuissetne in regno Mastanesosi? venissetne ad fretum per Mauritaniam? quem sciret unquam legatum Hispaniensem istis itineribus in illam provinciam pervenisse?*

⁵ ep. 10.
1. 14. Att.

⁶ In Vatin.
An. DCXCI.

MISSORUM CUM IMPERIO ad Senatum P. Q. R.
litteræ.

C A P. XIV.

MISSI cum imperio ad senatum litteras mittunt, non modò, si ¹ quid est actum, aut gestum in illa provincia, de quo ad senatum cum gratulatione aliqua scribi abs se oporteat: sed alia etiam omnia, de quibus ² necesse est publicè scribere. *Missæ verò litteræ dantur Consuli, si est in urbe: sin absit, ei,* ³ *qui consulare munus sustinet,* ⁴ *ut recitentur, & referantur ad senatum. Ego cum in Cilicia procos. essem, omnia,* ⁵ *quæ ad me delata essent ad Cols. Præt. Trib: pleb. s. P. Q. R. scribenda putavi.* ⁶ *Quis unquam provinciam cum exercitu obtinuit, qui nullas*

¹ In Pis.

² ep. 1. & 2.
1. 15. fa.

³ v. cap. 33.
nu. 1.

⁴ In Pis.

⁵ d. ep. 1.

⁶ In Pis.

nullas ad senatum litteras miserit? *Fuit hoc in Pisone novum*: multò illud magis, appellatus est hic Vulturius Macedoniæ, si placet, imperator: ne tum quidem Paulus noster tabulas Romam cum laurea mittere ausus est: nihil unquam ad eum ordinem scribere, quem despexerat, quem afflixerat, quem deleverat. ⁷ Itaque ut in urbe nequior ⁷ Ib. inventus est, quàm Gabinus, sic in provincia paulò tamen, quàm ille demissior. nam ille gurges atque helluo natus abdomini suo, non laudi atque gloriæ, cùm egisset aliud nihil illo exercitu, nisi ut urbes depopularetur, agros vastaret, exhaustiret domos: ausus est (quid enim ille non audeat?) à senatu supplicationem postulare. ⁸ Attamen ⁸ de Pro. conf. gravi plaga concidit, ignominia senatus. Quæ enim homini, in quo aliquis, si non famæ pudor, at supplicii timor est, gravior pœna accidere potuit, quàm non credi litteris iis, ⁹ quæ rem benè gestam in bello nunciarent? ⁹ Ib. hoc statuit senatus, cùm frequens supplicationem Gabinio ^{v. cap. 25. nu. 32.} denegavit: primùm homini sceleribus, flagitiisq; contaminatissimo nihil esse credendum: deinde à proditore, atque eo, quem præsentem hostem reip. cognôffet, benè rem geri non potuisse. postremò, ne deos quidem immortales velle aperiri sua templa, & sibi supplicari hominis impurissimi & sceleratissimi nomine.

ROMANI RELIGIONUM, atque cœremoniæ maxime retinentes: consulum & imperatorum sacra, ritus, auspicia: & cur hæc inventa, ac retenta Romæ.

C A P. XV.

¹ S U A cuique civitati religio est: nostra nobis: ² qui ¹ pro Flac. ² Val. cap. 1. lib. 1. tam scrupulosa cura parvula quæque momenta religionis examinamus, ut nunquam ab exactissimo cultu, cœrimoniarum

oculos habuisse nostra civitas existimanda sit. Omnia namque post religionem ponenda semper duxit: etiam in quibus summæ majestatis decus conspici voluit. Quapropter non dubitaverunt sacris imperia servire. ita se humanarum rerum futura regimen existimantia, si divinæ potentiæ benè & constanter fuissent famulata. His rebus imbuti cives religionum sunt colentes: magistratus religionibus parent: Senatus dubitationes de religione referri jubet ad pontifices: hi ³ opinioniones, quas à majoribus acceperunt de diis immortalibus, sacra, cærimonias, religionésque tuentur: eorúmque judicio, ⁴ quam volumus licet ipsi nos amemus: tamen, nec numero Hispanos, nec robore Gallos, nec calliditate Pœnos, nec denique hoc ipso hujus gentis ac terræ domestico nativóque sensu Italos ipsos ac Latinos, sed pietate ac religione, atque hac una sapientia, quod deorum immortalium numine omnia regi gubernaríque perspeximus, omnes gentes nationésque superavimus.

⁵ Ego is non sum, qui, si cui fortè videor plusquam cæteri, qui æquè atque ego sunt occupati, versari in studio litterarum, iis delecter, aut uter omninò litteris, quæ nostros animos deterrent, atque avocant à religione. ⁶ Credo tamen magna esse antiquorum peccata: quæ veri investigandi cupidus nullo modo ferre poterit: ne ad rem gerendam substitutionem habeat, non rationem ducem. Illius generis sunt ista: ⁷ Sacra Junoni Sospitæ omnes consules facere necesse est. ⁸ Nostri duces mare ingredientiés immolare hostiam fluctibus consueverunt. ⁹ C. Duilius, M. filius, qui Pœnos classe primus devicerat, delectabatur crebro funali & tibicine. quæ sibi nullo exemplo privatus assumserat: tantum licentiæ dabat ¹⁰ intemperans militaris in forti viro gloria. ¹¹ Eos quorum vita perspecta in rebus honestis et magnis est, benè de rep. sentientes, ac benè meritos, aut merentes aliquo honore, aut imperio affectos observare, & colere debemus: nec quemquam tamen hoc errore duci oportet, ut si quid contra morem consuetudinémque civilem

³ 3. de Nat.

⁴ de Har.
resp. ap.

⁵ Ib.

⁶ 1. de Nat.
v. cap. 25.

⁷ pro Mur.

⁸ 3. de Nat.

⁹ In Cat.

DDO
CDXCIII.

¹⁰ 2. Tusc.

¹¹ 1. Off.

lem fecerint, locutîve fuerint, idem sibi arbitretur licere.

¹² Quis nostrum se dicet C. Duilio parem. ¹³ Consules, cum proficiscuntur paludati in provincias plerique frequentia sua ipsorum egressum ornando atque celebrando, omnibus bonis prosequuntur. ¹⁴ Exierunt malis ominibus atque execrationibus duo Vulturii, Piso & Gabinius paludati: quibus utinam ipsis evenissent ea, quæ tum homines precabantur: neque nos provinciam Macedoniam cum exercitu, neque equitatum in Syria, & cohortes optimas perdidissemus. ° Dirarum obnunciatione neglecta

¹² pro Plac.
¹³ In Pis.

¹⁴ pro Sext.
Anno
DCXCVI.

° 1. de divin.

— — — — ° *Crassum in bella secutæ,*

Sæva tribunorum voverunt prælia diræ.

° Luc. lib. 4.
Anno
DCXCVIII.

¹⁵ In delectu consules observant, ut primus miles fiat bono nomine. ¹⁶ Parere tenentur religioni, nec patrium morem contumaciter repudiare. ¹⁷ Bello Punico primo P. Clodius cos. per jocum Deos irridens, cum cavea liberati pulli non pascerentur, mergi eos in aquam jussit, ut biberent, quoniam esse nollent. classis dovieta est. Collega ejus Junius eodem bello tempestate classem amisit, cum auspiciis non paruisset. Itaque Clodius à populo condemnatus est: Junius necem sibi ipse conscivit. ¹⁸ Bello Punico secundo C. Flaminius consul iterum neglexit signa rerum futurarum: ¹⁹ non paruit auspiciis: periit cum exercitu. At anno post Paulus paruit. num minus cecidit in Cannensi pugna cum exercitu? ²⁰ Errabat enim multis in rebus antiquitas: quam vel usu jam, vel doctrina, vel vetustate immutatam videmus. ²¹ Dubium verò non est, quin hæc disciplina & ars augurum evanuerit jam, & vetustate, & negligentia. quæ mihi videtur apud majores fuisse duplex, ut ad reip. tempus nonnunquam, ad agendi consilium sæpissimè pertineret.

¹⁵ 1. de divin.
¹⁶ 2. de divin.
¹⁷ 2. de Nat.
An. DIV.

¹⁸ 1. de divin.
Anno
DXXXVI.

¹⁹ 2. de divin.

²⁰ Ib.

²¹ 2. de leg.

²² Bellicam rem administrari majores nostri nisi auspiciatò noluerunt. Quàm multi anni sunt, cum bella à proprætoribus & proconsulibus administrantur, qui auspicia non

²² 2. de divin.

habent? itaque nec amnes transeunt auspicatò, nec tripudio auspicantur. Ubi est ergo avium divinatio? quæ, quoniam ab iis, qui auspicium non habent, bella administrantur, ab urbanis retenta videtur, à bellicis esse sublata.

²³ Ib.

²⁴ 2. de leg.

²³ Retinetur autem, & ad opinionem vulgi, & ad magnas utilitates Reip. mos, religio, disciplina, jus augurum, collegii auctoritas. Itaque ²⁴ maximum & præstantissimum in rep. munus est augurum, cum est auctoritati conjunctum. Quid enim majus est, si de jure quærimus, quàm posse à summis imperiis, & summis potestatibus comitia tollere? concilia vel instituta dimittere, vel habita rescindere? quid, gravius, quàm rem susceptam dirimi, si unus augur ALIO DIE dixerit? quid magnificentius, quàm posse decernere, ut magistratu se abdicent coss? quid religiosius, quàm cum populo, cum plebe agendi jus dare, aut non dare? quid, legem, si non jure rogata est, tollere? ut Titiam decreto collegii, ut Livias consilio Philippi consules & augures: nihil domi, nihil foris per magistratus gestum sine horum auctoritate posse cuiquam probari. ²⁵ Augur comitia auspicis vel impedire, vel vitare potest sacerdotii jure: consul jure magistratus. vide ne etiam facilius. augures enim nunciationem solum habent: consules & reliqui magistratus etiam spectionem. Attamen de cælo servare non licet comitiis per leges: &, si qui servavit, non comitiis habitis, sed prius, quàm habeantur, debet nunciare. ²⁶ Comitiorum solum vitium est fulmen. Itaque in nostris commentariis scriptum habemus, Jove tonante, fulgurante, comitia populi habere nefas esse. Comitiorum enim non habendorum causas esse voluerunt. ²⁷ Igitur omnibus magistratibus auspicia & judicia dantur: judicia, ut esset populi potestas, ad quam provocaretur: auspicia, ut multos inutiles comitiatus probabiles impedirent more. sæpè enim populi impetum injustum auspicis represserunt. ²⁸ Vetus illud Catonis admodum scitum est, qui mirari se aiebat, quod non rideret

²⁵ 2. Phil.

²⁶ 2. de divin.

²⁷ 3. de leg.

²⁸ 2. de divin.

rideret

videret aruspex, aruspicem cùm vidisset? Quota enim quæque res evenit prædicta ab istis: aut, si evenit, quid afferri potest, cur non casu id evenit? Rex Prusias, cùm Annibali apud eum exfulanti pugnare placeret, negabat se audere, quod exta prohiberent. an tu, inquit, Carunculae vitulinæ mavis, quàm imperatori veteri credere? Quid? ipse Cæsar cùm à summo aruspice moneretur, ne in Africam ante brumam transmitteret. nōne transmisit? quod nī fecisset, unum in locum omnes adversariorum copiae convenissent. Quid ergo aruspicum responsa commemorem (possum equidem innumerabilia) quæ aut nullos habuerunt exitus, aut contrarios? at de quibusdam exstiterunt responsa vera. ²⁹ potest veritatem casus imitari. ³⁰ nonnunquam etiam errorem creat similitudo. ³¹ Non necesse est fateri, partim horum errore susceptum esse *augurium*, partim superstitione multa fallendo. Atque his superstitionibus adjunguntur omina, fortes, vates & somnia. Tota res est inventa fallaciis, aut ad quæstum, aut ad superstitionem, aut ad errorem.

AN.
DLXX.

²⁹ Ib.

³⁰ Ib.

³¹ Ib.

QUÆ IN PERFECTO
requiruntur imperatore.

Ç A P. XVI.

EGO sic existimo in summo imperatore quatuor has res inesse oportere, scientiam rei militaris, virtutem, auctoritatem, felicitatem. *quarum prima est in iis posita, quæ traduntur* ¹ de exercitu, de agminibus, de signorum collationibus, de oppidorum oppugnationibus, de comœatu, de insidiis faciendis, atque vitandis, de reliquis rebus,

¹ pro Man.

² 1. de Or.

rebus, quæ sunt propriæ belli administrandi. quarum, qui sunt animo & scientia compotes, eos esse imperatores dicimus: utimurque exemplis Africanorum & Maximorum: Epaminondam atque Annibalem, atque ejus generis homines nominamus. *In quibus tamen præter hæc, alia inerant ornamenta virtutum. Et ne à nostris discedamus:* ³ non Q. Maximi sapientiam, neque illius superioris Africani in re gerenda celeritatem, neque hujus, qui postea fuit, singulare consilium, neque Paulli rationem ac disciplinam: Neque C. Marii vim atque virtutem, *neque felicitatem Syllæ, neque Pompeii triumphos, neque victorias Cæsaris, abs illa sola militari virtute profluxisse putandum est.* ⁴ Non enim illæ sunt solæ virtutes imperatoriæ, quæ vulgò existimantur, labor in negotiis, fortitudo in periculis, industria in agendo, celeritas in conficiendo, consilium in providendo: ⁵ sed multæ sunt artes eximiæ, harum administræ comitésque virtutum. Ac primùm, quanta innocentia debent esse imperatores? quanta deinde omnibus in rebus temperantia? quanta fide? quanta facilitate? quanto ingenio? quanta humanitate? Quæ, si quantæ fuerint in *summis imperatoribus* consideremus, *hujusmodi reperientur, ut non de imperio solum, sed de illis contendisse videantur. Intuere res gestas Pyrrhi, & de captivis reddendis illa præclara:*

Nec mî aurum, nec mî pretium dederitis:
 Ferro, non auro vitam cernamus utrique,
 Virtute experiamur: & hoc simul accipe dictum:
 Eorundem me libertati parcere certum est.
 Nec cauponantes bellum, sed belligerantes,
 Vósne velit, an me regnare hera, quidve ferat fors,
 Quorum virtuti belli fortuna pepercit,
 Dono ducite: dóque volentibus cum magnis diis.

³ 7. Ver.⁴ pro Man.⁵ Ib.

⁶ 1. Off.
 Anno
 CDLXXIII.

Regalis sane, & digna Æacidarum genere sententia. *Jam converte te ad Fabricium: & vide, num is Pyrrho cesserit: cum ipsum, ⁷ et gravem adversarium, ⁸ & regem potentem, ⁹ mœnibus jam appropinquantem monuit, à veneno sibi ut caveret: ne, ¹⁰ quicum laudis certamen fuisset, eum scelere, non virtute superâsse videretur. ¹¹ Pone ante oculos cæteros, qui hæc ex minimis tanta fecerunt. sunt enim omnes pares inter se: non modò rebus gestis & victoriis, sed imitatione majorum ad augendum imperium eruditi. ¹² Laudat Africanum Panætius, quod fuerit abstinent: quidni laudet? sed in illo alia majora. Laus enim abstinentiæ, non hominis est solùm, sed etiam temporum illorum. Omni Macedonum gaza, quæ fuit maxima, potitus est Paulus. tantum in ærarium pecuniæ invexit, ut unius imperatoris præda finem attulerit tributorum. Nihil in domum suam intulit præter memoriam nominis sempiternam. Imitatus patrem Africanus nihilo locupletior Carthagine everfa. Quid? qui ejus collega in censura fuit L. Memmius, nunquid copiosior, cum Corinthum funditus sustulisset? Italiam ornare, quàm domum suam maluit: quamquam Italia ornata, domus ipsa mihi videtur ornatior. ¹³ Quæris præstantiorem virtute, prudentia, æquitate C. Mario, ¹⁴ qui, ne militem quidem habere voluit nisi pudicum? abstinentiorem Scævola, qui Asiæ tanta integritate præfuit, ¹⁵ ut senatus deinceps in eam provinciam ituris magistratibus exemplum, atque formam officii Scævolam decreto suo proponeret? Imperatorum continentiam sequebantur milites: non ¹⁶ agros, oppidave civium, aut provincialium, cum itinera imperatores facerent, vastabant: non hibernis sociorum civitates delebant. quæ magis ex eorum, qui nunc cum imperiis mittuntur contentione, quàm ipsa per sese cognosci, atque intelligi possunt. Quantas propter avaritiam imperatorum calamitates, quocunque ventum sit, nostri exercitus*

Anno
CDLXXV.
7 3. Off.
v. cap. 36.
nu. 19.
8 Ib.
9 5. de Fin.
10 3. Off.
11 1. Parad.
ap.

12 2. Off.

Anno
DLXXXVI.

An. DCVII.

13 pro Bal.

14 Ep. ad.
Oët.

15 Val. cap.
ult. lib. 8.
An. DCLIX.

16 pro Man.
2P.

citus ferant, quis ignorat? neque enim potest exercitum is continere imperator, qui seipsum non continet: neque severus esse in judicando, qui alios in se severos esse non vult. Hic miramur *illos antiquos* tantum excelluisse, quorum legiones sic itinera fecerunt, ut non modò manus exercituum, sed ne vestigium quidem cuiquam pacato nocuisse diceretur. Jam verò *sic* milites, hibernabant, non modò, ut sumtum facerent in militem, nemini vis afferretur, sed ne cupienti quidem cuiquam permetteretur. Hyemis enim, non avaritiæ perflugium majores nostri in sociorum atque amicorum tectis esse voluerunt. Ita faciles aditus *ad imperantes* privatorum, ita liberæ querimoniæ de aliorum injuriis fuerunt, ut ii, qui dignitate principibus excelebant, facilitate pares infimis esse viderentur. Jam quantum consilio, quantum dicendi gravitate & copia valuerint, in quo ipso inest quædam dignitas imperatoria, *vetera testantur monumenta*. Etenim vir præstans ingenio,

Claud.
Bel. Getico.

— — — — ductorque placebat,
Non, qui præcipiti traheret simul omnia casu:
Sed, qui maturo, vel læta, vel aspera rerum
Consilio momenta regens, nec tristibus impar,
Nec pro successu tumidus, spatiumque morandi
Vincendique modum mutatis nossæt habenis.

¹⁷ Pro Bal.
ap.

Atqui ¹⁷ existimo, cum ex his non pauci in omni genere ac varietate artium etiam illarum, quæ sine summo otio non facile discuntur, excellerent: tum singularem quandam laudem eorum, & præstabilem fuisse scientiam in foederibus, pactionibus, in universo denique jure belli ac pacis. nisi fortè, quæ nos libri docent in umbra & otio, ea *summos imperatores*, neque, cum requiescerent, litteræ: neque cum rem gererent, res ipsæ docere potuerunt. Fidem verò ipsorum inter socios, quantam existimatam putas, quam hostes omnium gentium sanctissimam esse judicarint? et ne

in re nota consumam tempus exemplis, unum modò ponam, ut quæ fuerit opinio crudelissimi hostis de fide nostrorum appareat.

¹⁸ Ingenti Pœnorum classe circa Siciliam deviēta, duces ejus fractis animis consilia petendæ pacis agitabant. Quorum dux Hamilcar, ire se ad coff. negabat audere: ne eodem modo catenæ sibi injicerentur, quo ab ipsis Cornelio Asinæ fuerant injectæ. Hanno autem certior Romani animi nihil tale timendum ratus. maxima cum fiducia ad colloquium eorum

¹⁸ Val. cap. 6. lib. 6. An. DCX.

tetendit: apud quos, cùm de fine belli ageret, & tribunus militum ei dixisset, posse illi meritò evenire, quod Cornelio accidisset: uterque consul tribuno tacere jussit, Isto te, inquit, Hanno metu fides civitatis nostræ liberat. Claros illos fecerat tantum hostium ducem vincere potuisse: sed multò clariores fecit, noluisse, ¹⁹ Humanitate jam tanta erant imperatores nostri, ut difficile dictu sit, utrum hostes magis virtutem

¹⁹ Pro Manil. ap.

eorum pugnantes timuerint, an mansuetudinem victi dilexerint. Insignis est illa Q. Metelli: qui ²⁰ Celtibericum in Hispania gerens bellum, quum urbem Centobricam obsideret, & jam admota machina partem muri, quæ sola convelli poterat, disjēcturus videretur, humanitatem propinquæ victoriæ prætulit. nam cùm Rethogenis filios, qui ad eum transferat Centobricenses machinæ ictibus objecissent, ne pueri in conspectu patris crudeli genere mortis consumerentur (quippe ipse Rethogenes negabat esse impedimento, quo minus etiam per exitium sanguinis sui expugnationem perageret) ab obsidione discessit. Quo quidem tam clementi facto, etsi unus civitatis mœnia, omnium tamen Celtiberarum urbium animos cepit, effecitque, ut ad redigendas eas in ditionem populus Ro. non multis obsidionibus opus esset. ²¹ Et quoniam

²⁰ Val. cap. 1. l. 5. An. DCXII.

²¹ Pro Man. ap.

auctoritas multum in bellis quoque administrandis, atque imperio militari valet, certè nemini dubium est, quin ea in re & nostri veteres præstiterint, & omnes magni imperatores præstare debeant. Vehementer autem pertinere ad bella administranda, quid hostes, quid secii de imperatoribus existiment.

quis

quis ignorat ? cùm sciamus homines in tantis rebus, ut aut contemnant, aut metuant, aut oderint, aut ament, opinione non minus famæ, quàm aliqua certa ratione commoveri: De felicitate, quam præstare de seipso nemo potest, meminisse & commemorare de aliis possumus, sicut æquum est hominem de potestate divina, timidè & pauca dicenda sunt. Ego enim sic existimo: Maximo, Marcello, Scipioni, Mario, & cæteris magnis imperatoribus, non solùm propter virtutem, sed etiam propter fortunam, sæpius imperia mandata, atque exercitus esse commissos. Fuit enim profectò quibusdam summis viris, quædam ad amplitudinem, & ad gloriam, & ad res magnas benè gerendas divinitus adjuncta fortuna, sive felicitas: *quam nostri semper expetiverunt, atque expetunt: eamque, ut consequantur, magistratus in solenni carmine precationis, quod præfari solent, priusquam populum alloquantur, optant & precantur, ut, quod suscipitur, SENATUI,*

²³ *POPULO, PLEBIQUE RO. BENE ATQUE FELICITER EVENIAT. Hoc amplius, in augurum* ²⁴ *precationibus eventus rei bonæ poscitur, UT MELIUS JUVET, MELIUS FORTUNET. In prisca censorum precatione poscebatur, ut res fierent meliores: siquidem, ut augetur imperium precabantur. Modestè &* ²⁵ *sapienter Africanus posterior, cùm censor lustrum conderet, inque solito fieri sacrificio scriba ex publicis tabulis solenne ei precationis carmen præiret, quod dii immortales, UT POPULO RO. RES MELIORES, AMPLIORESQUE FACERENT, rogabantur: Satis, inquit, bonæ ac magnæ sunt: itaque precor, ut eas perpetuò incolumes servant. Ac protinus in publicis tabulis ad hunc modum carmen emendari iussit. Qua votorum verecundia deinceps censes in condendis lustris usi sunt. Prudenter enim sensit tunc incrementum Romano: imperio petendum fuisse, cùm intra septimum lapidem triumphi quærebantur: majorem autem totius terrarum orbis partem possidenti, ut avidum esset quid-*

quam

²² Liv. lib. 39

²³ Pro Mur.

²⁴ Ser. in
111 Æn.

²⁴ Val. cap.
1. lib. 4.

quam ultrà appetere, ita abundè felix, si nihil ex eo, quod
 obtinebat, amitteret. Censuit etiam fortassè Scipio, ²⁶ non ²⁶ 2. Agr. v.
 oportere populum Ro. omnium regnorum appetentem ^{cap. 23. nu.}
 videri : ²⁷ difficile esse omnia concupiscenti servare æqui- ^{135.}
 tatem, quæ est justitiæ maximè propria. ²⁸ Quod si om- ²⁷ 1. Off.
 nes populi, penes quos sit imperium, ipsique Ro. qui ²⁸ 3. de Rep.
 orbem totum possedère, justitiam sequi velint, ac suam
 cuique restituere, quod vi & armis occupaverunt, ad casas,
 & egestatem reverterentur : ²⁹ nedum tenerent illud im- ²⁹ 4. ad Her.
 perium orbis terræ, cui imperio omnes gentes, reges, na-
 tiones, partim vi, partim voluntate consenserunt : cùm aut
 armis, aut liberalitate à populo Ro. superati essent. Sed ut
 redeam ad imperatorem, & in eo desinam :

³⁰ Ipse manu sua pila gerens, præcedit anbeli
 Militis ora pedes : monstrat tolerare labores,
 Non jubet : & nulla vehitur Prævice supinus :
 Carpenoque sedens somni parcissimus ipse est.
 Ultimus haustor aquæ : cùm tandem fonte reperto
 Indiga cogatur latices potare juvenus,
 Stat, dum lixa bibat. cogit tolerare labores
 Summa ducis virtus, qui nuda fusus arena
 Excubat, atque omni fortunam provocat hora.

³⁰ Lucan,
 lib. 9.

DE NOMINE AMPLISSIMI honoris beneficiisque, &
 nomine virtutis atque victoriæ : de donis militaribus,
 ac jure imperatorio.

C A P. XVII.

IMPERATORES instructa acie solent, quamquam ¹ 4. Phil.
 paratissimos milites ad præliandum videant, eos ta-
 men adhortari : ² hi locum tenere, ³ contemnere vulnera, ² v. cap. 2.
 accipere ³ 2. Tusc. ^{nu. 24.}

⁴ 14. Phil. accipere plagam malle, quàm turpiter vitare: ⁴ Mars est
⁵ ep. 10. lib. acie fortissimum quemque pignerari: illi ⁵ victoria iusta,
^{2.} fã. imperatores appellari, ⁶ exercitus acclamatione. ⁷ habent qui-
⁶ Cof. 1. 2. dem amplissimi honoris nomen, cùm sunt consules: sed
^{de} Bel. Civ. alterum nomen beneficii est populi Ro. alterum virtutis,
⁷ 14. Phil. atque victoriæ. *Iidem* ⁸ prædas solent, ac manubias suas,
⁸ 2. Agr. partim in monumenta Deorum immortalium, atque in urbis
⁹ 5. Ver. ornamenta, *partim in milites conferre*: ex ⁹ hostium spoliis;
¹⁰ Liv. lib. è victoria, ex præda, aut manubiis donationes constituere,
^{24.} concione donandi causa advocata: ¹⁰ milites, prout cujusque
¹¹ de Opt. *virtus in pugna fuit*, ¹¹ donare virtutis ergo. ¹² Præfatio
¹² 5. Ver. autem donationis vetus, atque imperatoria hæc est: QUAN-
DO TU IN PRÆLIO, IN BELLO, IN RE MILITARI—
OB HAS RES, QUONIAM TE VIRUM FORTEM—HOC
—DONO. Sæpè etiam nostri imperatores superatis hostibus,
¹³ 2. Agr. optimè rep. gesta scribās suos annulis aureis in concione
donârunt. ¹³ Jus imperatorium, quod semper omnibus
imperatoribus est conservatum, *tantum, ac tale est, ut, ubi
bellum geritur, omnium rerum sit imperatoris iudicium: ad
eumque pertineat legum datio, captorumque agrorum ipsius
virtute cognitio. Hinc ego contra legem Agrariam Rulli:*
¹⁴ Itane verò? non legibus datis, non auditis verbis impera-
toris, nōdum denique bello confecto, cùm rex Mithridates
amisso exercitu, regno expulsus, tamen ultimis terris aliquid
etiam nunc moliatur; atque ab invicta Cn. Pompeii manū
Mæotide, & illis paludibus, & itinerum angustiis, atque
altitudine montium defendatur: cùm imperator in bello
vexetur: in locis autem illis etiam nunc belli nomen reli-
quum sit: eos agros, quorum adhuc penes Cn. Pompeium
omne iudicium & potestas more majorum debet esse, decem-
viri vendent? in ejus provincia vendent manubias impera-
toris? Neque in hoc solum inest contumelia, quæ vehemen-
ter, & insignis est, & nova: ut ulla res parta bello, nōdum
legibus datis, etiam tum imperatore bellum administrante,

non

non modò venierit, verum etiam locata sit. Plus spectant homines certè, quàm contumeliam. sperant aliquid de ejus exercitu, copiis, gloria detrahi posse. putant, si quam spem in Cn. Pompeio exercitus habeat aut agrorum, aut aliorum commodorum, hunc non habiturum, cùm viderit earum rerum omnium potestatem ad decemviros esse translatam.

Non est omittendum quod præterii, ¹⁵ imperatorem agros de ¹⁵ Pro domo. hostibus captos consecrare.

DE PRÆMIIS ET HONORIBUS, *ab imperatoribus, exteris decerni solitis.*

C A P. XVIII.

IMPERATORES nostri, non solum Romanis, sed etiam exteris, qui in bellis usui sunt, præmia tribuere solent: principibus regum appellationes, aliis civitatis jura. Scipio parta de Syphace victoria ¹ in tribunal ascendit, & concionem advocari jussit. ibi Masinissam primum regem appellatum, eximisque ornatum laudibus, aurea corona, aurea patera, sella curuli, & Scipione eburneo, toga picta, & palmata tunica donat. Addit verbis honorem, neque magnificentius quicquam triumpho apud Ro. neque triumphantibus ampliorem eo ornatu esse, quo unum omnium externorum dignum Masinissam populus Ro. ducat. Lælium deinde & ipsum collaudatum aurea corona donat, & alii militares viri, prout à quoque navata opera erat, donati. ² Cn. Pompeius pater, ² Pro Bal. rebus Italico bello maximè gestis, civitate donavit cohortes duas universas Camertium: Heracliensium legionem P. Crassus: Massiliensem Aristonem Sylla: idem heros Lx. Gaditanos: Q. Metellus pius Q. Fabium Saguntinum: M. Crassus homo, cùm gravitate & prudentia præstans, tum vel nimium parcus in largienda civitate, Aletrinensem

¹ Liv. lib. 30.
An. DL1.

² Pro Bal.

fæderatum.

3 Ib. v. cap.

24. nu. 44.

45.

4 Ib.

5 Ib.

6 Ib.

foederatum. Etenim, cùm cæteris præmiis digni sunt, qui suo labore & periculo nostram remp. defendunt: tum certè dignissimi sunt, qui civitate ea donentur, pro qua, pericula ac tela subierunt. Itaque & ³ stipendarios ex Africa, Sicilia, Sardinia, cæteris provinciis multos, civitate donatos videmus: &, qui hostes ad nostros imperatores perfugissent, & magno usui reip. nostræ fuissent, scimus civitate esse donatos: servos denique, quorum fortuna, & conditio infima est, benè de rep. meritos persæpè libertate, id est, civitate, publicè donari videbamus. ⁴ Atqui utinam, qui ubique sunt propugnatores hujus imperii, possent in hanc civitatem venire, & contra oppugnatores reip. de civitate exterminari. Neque enim ille summus Poëta noster Annibalis illam magis cohortationem, quàm communem imperatorum omnium voluit esse, *Hostem, qui feriet, mihi erit Carthaginienfis. Quisquis erit cujati* siet—id habent omnes leve, & semper habebunt. Itaque & sibi undique fortes viros asciverunt, & hominum ignobilium virtutem persæpè nobilitatis inertix prætulerunt. Audebo etiam hoc contendere, nunquam esse condemnatum, quem constaret ab imperatore nostro civitate donatum. ⁵ T. Matrinus, unus ex iis, quos C. Marius civitate donasset, dixit causam ex colonia Latina, in primis firma & illustri: quem, cùm disertus homo L. Anthistius accusaret, cùm lege Appuleia colonix non essent deductæ, qua lege Saturninus C. Mario tulerat, ut in singulas Colonias ternos cives Romanos facere posset, negabat hoc beneficium, re ipsa sublata, valere debere. Sed tamen tanta auctoritas in C. Mario fuit, ut non per L. Crassum affinem suum, hominem incredibili eloquentia, sed paucis ipse verbis, causam illam gravitate sua defenderit, & probarit. *Grave fuit, & novum hoc judicium: nullus imperator ante Marium hujusmodi causam dixerat: nulli judices, qui de re simili judicaverunt.*

⁶ Vultus C. Marii, vox, ille imperatorius ardor oculorum,

recentes.

recentes triumphi, præsens valuit aspectus, valuit auctoritas, valuerunt res gestæ? ⁷ Quis enim esset, qui imperatoribus nostris in bello, in acie, in exercitu delectum virtutis, qui sociis, qui fœderatis, in defendenda rep. nostra, spem præmiorum eripi vellet? ⁸ quis impedire, quò minus per ⁸ Ib. populum Ro. beneficiorum virtutis causa tribuendorum potestatem imperatoribus nostris deferamus. *Equidem ipsorum est, rem bene gerentes ornare, & ⁹ propositis præmiis elicere* ⁹ Ib. fortissimum quemque, ad subeunda pro salute nostra pericula. *Celebris est Sicinii Dentati militaris virtus, ac viro forti habiti honores.* ¹⁰ *Is pugnasse dicitur centum & XX.* ¹⁰ Gel. cap. præliis: cicatricem aversam nullam: adversas quinque & ¹¹ lib. 2. XL. tulisse: coronis esse donatum aureis octo, obsidionali una, muralibus tribus, civicis XIV. torquibus tribus & LXXX. armillis plus centum LX. hastis duodeviginti, phaleris item donatum quinquies vicesque: populi militaria dona habuisse multijuga, in his provocatoria pleraque: triumphasse cum imperatoribus suis triumphos novem.

QUOMODO FIRMANTUR concessa ab imperatoribus
regia beneficia, leges datæ pacis, & fœdera.

C A P. XIX.

IMPERATORUM in re militari summum est imperium: jus magnum in rebus bello partis: si tamen regia concefferint nomina, aut insignia, vel recuperata captave restituerint, vel donaverint adempta victis regna, oppida, agros aut provincias: patribus agi solent gratiæ, atque, ut firmetur, à senatu postulari. ¹ Legati Masinissæ in senatum introducti per P. Æmilium præt. gratulati primum senatui sunt, quòd P. Scipio prosperè res in Africa gessisset: deinde gratia, ² Liv. lib. 30. An. DL. egerunt,

egerunt, quòd Masinissam non appellâset modò regem, sed fecisset, restituendo in paternum regnum : in quo post Syphacem sublatum. si ita patribus visum esset, sine metu & certamine esset regnaturus : deinde, quòd collaudatum pro concione amplissimis decorâset donis : quibus ne indignus esset, & dedisse operam Masinissam, & daturum esse : petere, ut regium nomen, ceterâque Scipionis beneficia & munera, senatus decreto confirmaret. Ad ea responsum legatis, rerum gestarum in Africa prosperè, communem sibi cum rege gratulationem esse. Scipionem rectè, atque ordine videri fecisse, quòd eum regem appellâset : & quicquid aliud fecisset, quod honori foret Masinissæ, id patres comprobare, atque laudare. Sagunto à Scipionibus restituto, Saguntini per legatos à senatu postulaverunt : ut, quæ ipsis² commoda tribuerant imperatores Romani, ea rata atque firma perpetua auctoritate faceret. Hæc de beneficiis. Pacis, & fœderum gravior est conditio : ut quæ, non nisi suffragiis comprobata populi, pia & æterna habentur. testis, repudiata pax Caudina, fœdusque Numantinum. Aliis cautum melius. ³ Antiochus ille magnus, magna belli contentione terra marique superatus, ad Scipionem consulem oratores misit, qui de pace agerent. Scipio condiciones tulit : ⁴ legatos tamen Romam mitti placuit. M. Aurelius Cotta legatus L. Scipionis, cum Antiochi legatis, & Eumenes rex Rhodiæque Romam venerunt. Cotta in senatu primùm, deinde in concione jussu patrum, quæ acta in Asia essent, exposuit. Tunc omnium primùm Eumeni senatus datus est. Post Rhodios, Antiochi legati vocati sunt. Ii vulgato petentium veniam more, errorem fassi regis, obtestati sunt P. C. ut suæ potius clementiæ, quàm regis culpæ, qui satis superque pœnarum dedisset, memores consulerent : postremò pacem datam à L. Scipione imperatore, quibus legibus dedisset, confirmarent auctoritate sua. & senatus eam pacem servandam censuit, & paucos post dies populus jussit. ⁵ Magnus ille rex Asiæ, postea quàm à Scipione devictus, Tauro tenus regnare jussus esset, omnémque hanc

² Id. lib. 28.

An. DXXVIII.

³ pro Sex.

An. DLXIV.

⁴ Liv. lib. 37.⁵ pro Dejot.

hanc Asiam, quæ est nunc nostra provincia, amisisset, dicere est solitus, benignè sibi à populo Ro. esse factum, quòd nimis magna procuratione liberatus, modicis regni terminis uteretur. ⁶ Agitabatur sæpè in senatu, nonnunquam ex Rostris, possidere agros in ora maritima Hiempsalein, quos P. Africanus populo Ro. adjudicârit : & tamen postea per C. Cottam consulem cautum esse fœdere. Hoc quia fœdus populus non jussèrit, habet aliquam dubitationem : & verebatur Hiempsal, ut satis firmum esset, & ratum.

⁶ 2 Agr.

⁷ Duris temporibus reip. nostræ, cùm præpotens terra marique Carthago, nixa duabus Hispaniis, huic imperio immineret, & cùm duo fulmina nostri imperii subitò in Hispania Cn. & P. Scipiones extincti occidissent : L. Martius primipili centurio, cum Gaditanis fœdus icisse dicitur.

⁷ pro Bal.
An. DXXL.

⁸ Quod cùm magis fide illius populi, justitia nostra, vetustate denique ipsa, quàm aliquo publico vinculo religionis teneretur : sapientes homines, & publici juris periti Gaditani, M. Lepido, Q. Catulo consulibus à senatu de fœdere postulaverunt. tum est, cum Gaditanis fœdus, vel renovatum, vel icctum : de quo fœdere, populus Ro. sententiam non tulit, qui injussu suo nullo pacto potest religione obligari. Ita Gaditana civitas, quod beneficiis erga remp. nostram consequi potuit, quod imperatorum testimoniis, quod vetustate, quod Q. Catuli summi viri auctoritate, quod judicio senatus, quod fœdere, consecuta est : quòd publica religione sanciri potuit, id abest : populus enim se nusquam obligavit. ⁹ Gaditani tamen, & veterem illam speciem fœderis Marciani semper omni sanctiorem Marte duxerunt, & hoc fœdere Catuli, senatúsque auctoritate, se nobiscum conjunctissimos esse arbitrati sunt, etsi nullum populi nostri jussum haberent. *Nec tamen dixerim istud* ¹⁰ fœdus sacrosanctum esse primùm enim tale esse nihil potest, nisi quod populus, plebésque sanxisset : deinde sanctiones sacrandæ sunt, aut genere ipso, aut obtestatione legis, aut poena : cùm caput

⁸ Ib.
v. cap. 43.
nu. ult.

An. DCLXXV.

⁹ Ib.

¹⁰ Ib.

ejus, qui contrà facit, consecratur. Nihil omninò unquam de isto fœdere ad populum, nihil ad plebem, neque lege, neque pœna latum esse dico. Nec verò hæc oratio mea ad infirmandum fœdus Gaditanorum pertinet; neque enim est meum, contra jus optimè meritæ civitatis, contra opinionem vetustatis, contra auctoritatem senatus, dicere.

Sed cùm in multis, hoc unum reperiatur fœdus, quod populus auctoritate senatus, commendatione & judicio vetustatis, velut voluntate sua comprobât, etiamsi suffragiis non comprobârit,

¹¹ Ib.

cur id faciat exquirimus? an quia Gaditani ¹¹ *à principio sui generis, ac reip. ab omni studio sensûque Pœnorum, mentes suas ad nostrum imperium, noménque flexerunt? quos cùm maxima bella nobis inferrentur, mœnibus excluderunt, classibus insecuti sunt, corporibus, copiis, opibus depulerunt; qui, & vetere illo, ut dixi, fœdere, se nobiscum conjunctissimos esse arbitrati sunt: quorum mœnia, delubra, agros, ut Hercules ipse itinerum ac laborum suorum, sic majores nostri imperii, ac nominis populi Ro. terminos esse voluerunt.* ¹² *Adjunctum illud etiam est, quod non est in omnibus fœderibus, MAJESTATEM POPULI RO. COMMUNITER CONSERVANTO. Id habet hanc vim, ut sit ille in fœdere inferior. Primùm verbi genus hoc conservandi, quo magis in legibus, quàm in fœderibus uti solemus, imperantis est, non precantis: deinde, cùm alterius populi majestas conservari jubetur, de altero filetur: certè ille populus in superiori conditione causâque ponitur, cujus majestas fœderis sanctione defenditur.* *Hic locus postulat, ut observetur, quod à Menippo Antiochi legato dictum accepimus:* ¹³ *esse tria genera fœderum, quibus, integrè paciscerentur amicitias, civitates, regésque: unum, cùm bello victis dicerentur leges: ubi enim omnia ei, qui armis plus posset, dedita essent, quæ ex iis habere victos, quibus multari eos velit, ipsius jus ad arbitrium esse. alterum, cùm pares bello, æquo fœdere in pacem, atque amicitiam venirent:*

¹² Ib.

¹³ Liv. lib. 34.

tunc

tunc enim repeti, reddique per conventionem res: Et, si quarum turbata bello possessio sit, eas, aut ex formula juris antiqui, aut ex partis utriusque commodo componi. tertium esse genus, cum, qui hostes nunquam fuerint, ad amicitiam sociali fœdere inter se jungendum cœant: eos neque dicere, neque accipere leges: id enim victoris, Et victi esse. ¹⁴ Cæterum bellis con- ¹⁴ 12. Phil, fœlis, decem legati imperatoribus decerni solent, ad provinciam constituendam, Et leges victis dandas gentibus. His, ut liberè statuant, ¹⁵ permitti solet more majorum: qui X. legatos, ¹⁵ Ib. consilium dispensandæ cobonestandæque victoriæ, imperatoribus dederunt. ¹⁶ Atque hoc tamen accepi, non solitos majores ¹⁶ Ep. 6. l. 13. nostros, eos legare in decem, qui essent imperatorum ne- Att. cessarii; ut nos ignari pulcherrimorum institutorum, aut negligentes potius, M. Lucullum, & L. Murenam, & cæteros ad L. Lucullum misimus. Horum quamvis ea sit potestas, ut postulata ad senatum non rejiciant: Et quasi senatus essent, quod iis placeat, ¹⁷ senatu X. legati dicatur ¹⁷ Liv. l. 33. placere: tamen, quæ abs iis, Et imperatore fiunt, à senatu confirmanda sunt. ¹⁸ Quinctius imperator. decem legatorum ¹⁸ Id. l. 34. ex consilio, pacis leges dedit: sed postquam redierat, postulavit, An. DLX. ut de his, quæ cum decem legatis ipse statuisset, senatus audiret: eaque, si videretur, auctoritate sua confirmaret.

DE IMPERATORE triumphante.

V. Val. cap. 3.
lib. 2.

C A P. XX.

DOMUM CUM LAUDE REDEUNTO. Nihil ¹ 3. de leg. enim, præter laudem, bonis atque innocentibus, neque ex hostibus, neque à fociis reportandum. Imperator, parta insigni victoria, redit cum exercitu: Et, senatu extra urbem dato, res à se fortiter felicitèrque gestas, exponit.

² Hostium cæsorum numerum, & militum renunciat, atque ² Ep. 2. l. 3. triumphum ad Q. fr.

- ³ Liv. l. 39. triumphum postulat. ³ *M. Fulvius procos. ex Ætolia rediit,*
 An. DLXVI. *Et ad ædem Apollinis in senatu, cum de rebus in Ætolia Cephaleniâque ab se gestis differuisset, petiit à patribus, ut aquum censerent ob remp. benè ac feliciter gestam, Et diis immortalibus honorem haberi jubere, Et sibi triumphum decernere.*
- ⁴ In Pis. ⁴ Corona illa laurea decernitur à senatu ⁵ dignis, qui triumphent. *Attamen sine magistratu, re quantumvis benè gesta,*
⁵ pro Plan. *triumphus non conceditur. nec* ⁶ nisi latum de imperio sit. *Qui triumphat* ⁷ porta introit triumphali, ⁸ victore cum
⁶ ep. 17. l. 4. *exercitu, præda, Et captivis. Inde curru vehitur per urbem:*
 Att. *captivi per triumphum ante currum ducuntur: 10 simulacra feruntur oppidorum, item aurum, argentumque captum:*
⁷ In Pis. *in equis triumphantium prætextati potissimum filii sedent: 12 legati in equis & tribuni: fit clamor militum,*
⁸ Liv. lib. 39. *10 TRIUMPHE IO. ———*
⁹ 7. Ver. *14 Sic læta triumphum*
¹⁰ In Pis. *vox canit: ——— atque 15 in Capitolium invehitur victor,*
¹¹ pro Mur. *cum illa insigni laurea.*
¹² In Pis. *o Res gerere, Et captos ostendere civibus hostes,*
¹³ Var. l. 5. *Attingit solium Jovis, Et cœlestia tentat.*
 de ling. Lat. *16 Ipse autem triumphus gratissimus populo Rom. est, &*
¹⁴ Ovid. l. 1. *jucundissimus: quia nihil est victoria dulcius. Nullum est autem testimonium victoriæ certius, quàm quos sæpè metueris, eos te victos ad supplicium duci videre. 17 At etiam, qui triumphant, eoque diutius vivos hostium duces reservant, ut, iis per triumphum ductis, pulcherrimum spectaculum, fructumque victoriæ populus Rom. percipere possit: tamen cum de foro in Capitolium currum flectere incipiunt, illos duci in carcerem jubent: idemque dies, & victoribus imperii, & victis vitæ finem facit. 18 Paulus Persæ deprecanti, ne in triumpho duceretur, in tua id, inquit, potestate est. innuebat eum morte dedecus triumphi effugere potuisse. duram captivi ostendit regis sortem, non illusit. 19 Nam nec insignis improbitas, & scelere juncta, necrursus miseria insignis*
- ¹⁵ de pro Conf. *5. Tusc.*
¹⁶ Horat. ep. Anno DLXXXV.
¹⁷ 18. lib. 2.
¹⁸ 7. Ver.
¹⁹ Ib.
²⁰ 2. de Orat.

inignis agitata ridetur. Facinorosos enim majore quadam vi, quàm ridiculi vulnerari volunt: miseros illudi nolunt, nisi se fortè jactant. Parcendum est autem maximè caritati hominum: ²⁰ & eorum misereri oportet, qui propter ²⁰ 1. de Inven. fortunam, non propter malitiam in miseriis sunt. ²¹ Nihil ²¹ In Part. est tam miserabile, quàm ex beato miser. ²² Hoc jam ferè ²² pro Man. sic fieri solere accepimus, ut, regum afflictæ fortunæ, facilè multorum opes alliciant ad misericordiam, quod regale nomen magnum & sanctum esse videatur. ²³ Benè majores nostri hoc comparaverunt, ut neminem regem, quem armis cepissent, vita privarent. Quid ita? quia, quam nobis facultatem fortuna dedisset, iniquum erat in eorum supplicio consumere, quos eadem fortuna paulò antè in amplissimo statu collocarat. quid quod exercitum contrà duxit? desino meminisse: quid ita? quia viri fortis est, qui de victoria contendant, eos hostes putare: qui victi sunt, eos homines judicare, ut possit bellum fortitudo minuere, pacem humanitas augere. At ille si vicisset, num idem fecisset? non profectò tam sapiens fuisset. quid igitur ei parcis? quia talem stultitiam contemnere, non imitari consuevi.

DE SENATORIIS ORNAMENTIS,

& honoribus.

C A P. XXI.

MULTA sunt imposita huic ordini munera, multi ^{5. Ver.} labores, multa pericula: non solùm legum, ac judiciorum, sed etiam rumorum, atque temporum. sic est hic ordo, quasi propositus, atque editus in altum, ut ab omnibus ventis invidiæ circumflari posse videatur. In hac conditione vitæ, ² permulta sunt ornamenta, quibus ea mi- ² pro Clu. tigari

- 3 1^{ro} Posth. tigari molestia possit, locus, auctoritas, domi splendor, apud
 4 pro Clu. exterarum nationes nomen & gratia, toga prætexta, sella curu-
 5 Ib. lis, insignia, fasces, exercitus, imperia, provinciæ, 3 sacerdo-
 6 pro Posth. tia, triumphus : denique imago ipsa ad posteritatis memoriam
 7 pro Clu. prodita. 4 quibus in rebus majores, cum summum rectè
 8 Ib. factis præmium, tum plura peccatis pericula posuerunt.
 9 ep. 21. 1. 5 Quis unquam hoc senator recusavit, quin, quo altiore
 12. fa. gradum dignitatis beneficio populi Ro. esset consecutus,
 10 pro Sext. eo se putaret, durioribus legum conditionibus, uti oportere.
 11 4. Ver. Quàm multa sunt commoda, quibus caremus? quàm
 12 6. Ver. multa molesta ac difficilia, quæ subimus? 6 est enim solli-
 13 ep. 7. 1. 2. citudo, & legum & iudiciorum major metus: 7 plures sunt
 Art. ap. 14 6. Ver. leges, quibus nos tenemur, cæteri sunt ordines liberati.
 15 In Som. 8 Ib. 8 Atque, hæc omnia tamen, honoris & amplitudinis com-
 Scip. modis illis compensantur. *Adde in provinciis habitum hono-*
 16 6. Ver. *rem: idque à nostris prætoribus & procos. factum,* 9 quod
 17 Ib. ipse in provincia facere solitus sum, ut omnibus senatoribus
 18 Ib. lictores darem: quod idem acceperam, & cognoveram à
 summis viris facilitatum. *Ab exteris etiam omnia senatori Ro.*
deferuntur. 10 Ad urbem aliquam venienti, obviam sic pro-
 ceditur, ut sit nemo, qui 11 hunc ordinem dignitate antecel-
 lere, non existimet. 12 Ecqua civitas est, non modò in pro-
 vinciiis nostris, verùm in ultimis nationibus, aut tam potens,
 aut tam libera, aut etiam tam immanis, ac barbara: Rex de-
 nique ecquis est, qui senatorem populi Romani, 13 non salutet,
 14 tecto ac domo non invitet, 15 regio apparatu non excipiat?
 15 qui honos non homini solùm habetur, sed primùm popu-
 lo Rom. cujus beneficio nos in hunc ordinem venimus
 (siquidem per populum mandantur magistratus, quibus in se-
 natum per censores legimus:) 17 deinde ordinis auctoritati:
 quæ nisi gravis erit apud socios, atque exterarum nationes,
 ubi erit imperii nomen, ac dignitas? *Hinc jampridem ego*
 18 Ib. *de Mamertinis questus sum, quod* 18 me publice non invita-
 verunt. me cum dico, leve est: senatorem populi Ro. si
 non

non invitaverunt, honorem debitum detraxerunt, non homini, sed ordini. *Non sic aliæ civitates:* ¹⁹ Ennam cùm ¹⁹ Ib. venissem, præstò mihi sacerdotes Cereris cum infulis ac verbenis fuerunt. ²⁰ Cùm ad Heracleam nocte accederem, cives cum omnibus matronis civitatis, & cum multis facibus mihi obviam venerunt. *Ac ne ulla in re Syracusani deessent,* ²¹ ad me venit Heraclius, is, qui tum magistratum Syracusis habebat, homo nobilis? qui sacerdos Jovis fuisset: qui honos apud Syracusanos est amplissimus: agit mecum, & cum Q. fratre meo, ut, nobis si videretur, adiremus ad eorum senatum: frequentes esse in curia: se jussu senatús à nobis petere, ut veniremus. Primò nobis fuit dubium, quid ageremus: deinde, citò venit in mentem, non esse vitandum illum nobis conventum, & locum: itaque in curiam venimus. honorificè sanè confurgitur: nos rogatu magistratus assēdimus: incipit is loqui, qui & auctoritate, & ætate, & ut mihi visum est, usu rerum antecedeat Diodorus Timarchides: cujus omnis oratio hanc habuit primò sententiam: senatum populúmque Syracusanum molestè gravitèrque ferre, quòd ego, cùm in cæteris Siciliæ civitatibus senatum, populúmque docuissem, quid eis utilitatis, quid salutis afferrem: & cùm ab omnibus mandata, legatos, litteras, testimoniáque sumissem, in illa civitate nihil ejusmodi facerem: Respondi, neque Romæ in conventu Siculorum, cùm à me auxilium communi omnium legationem consilio petebatur, causáque provincie ad me deferabatur, legatos Syracusanorum adfuisse: neque me postulare, ut quicquam contra C. Verrem decerneretur in ea curia, in qua inauratam C. Verris statuam viderem. Quod posteaquam dixi, tantus est gemitus factus aspectu statuæ, & commemoratione, ut illud monumentum scelerum, non beneficiorum videretur. *Sed de his, quæ alio pertinent, fortassè nimium.* *Dignitas nostri ordinis semper fuit magna: & tamen, non nisi* ²² Megalefiis ludis, primùm, ante populi ²² de Har. confessum,

²³ 1. Or. pro
Corn.
An. DLIX.

²⁴ Liv. lib.
36.

confessum, senatui locum P. Africanus iterum consul ille major dedit. ²³ Is, ut dicitur, non solum à sapientissimis hominibus, qui tum erant, verum etiam à se ipso sæpè accusatus est, quod cum consul esset cum Tib. Longo, passus esset tum primum, à populari confesso senatoria subsellia separari. *Equidem istud* ²⁴ *præbuit sermones (sicut omnis novitas solet) aliis tandem, quod multò antè debuerit, tributum consentibus amplissimo ordini: aliis demum ex dignitate populi, quidquid majestati patrum adjectum esset, interpretantibus: & omnia discrimina talia, quibus ordines discernentur, & concordiae, & libertati æquè minuendæ esse.*

SENATORIS ROM. *in decursu honorum, & ætatis flexu auctoritas, exercitationes, oblectamenta, solatia.*

C. A. P. XXII.

^{*} In Cat.

² Ib.

An. CDXCV.

CURSUS honorum est incertus & varius, ¹ ætatis certus, & una via naturæ, eaque simplex: suæque cuique parti ætatis tempestivitas est data. ut enim infirmitas puerorum est, ferocitas juvenum, gravitas jam constantis ætatis: sic senectutis maturitas naturale quiddam habet, quod suo tempore percipi debeat. ² Apex est autem senectutis auctoritas: quanta fuit primo Punico in L. Cæcilio Metello, quanta in Atilio Calatino: in quem, illud elogium: “uno ore plurimæ consentiunt gentes, populi primarium fuisse virum?” notum est carmen incisum sepulcro. Quid de P. Crasso, M. Lepido, Fabio Maximo, Paulo, aut Africano loquar? quorum non in sententia solum, sed etiam in nutu residebat auctoritas. Habet, habet senectus, honorata præsertim, tantam auctoritatem, ut ea pluris sit, quam omnes adolescentiæ voluptates. Sed in omni oratione, eam laudo senectutem, quæ fundamentis adolescentiæ constituta sit,

fit. ex quo efficitur id, quod *Cato* magno quondam cum assensu omnium dixit, Miseram esse senectutem, quæ se oratione defenderet. Non cani, non rugæ, repente auctoritatem arripere possunt: sed honestè acta superior ætas fructus auctoritatis carpit extremos. ³ fructus autem senectutis est, antè partorum bonorum memoria, & copia: *auctoritatis fructus*, ⁴ grato atque honesto senectutis non inertis fungi munere. ⁵ Habet natura, ut aliarum omnium rerum, sic vivendi modum. Senectus autem, ætatis est peractio, tanquam fabulæ: cujus defatigationem fugere debemus, præsertim adjuncta satietate. ⁶ nihil enim magis cavendum est senectuti, quàm ne languori se desidæque dedat. ⁷ Si verò habeat aliquod tanquam pabulum studii atque doctrinæ, nihil est otiosa senectute jucundius. ⁸ Atque hæc quidem prudentibus, & benè institutis pariter cum ætate crescunt: ut honestum illud *Solonis* sit, quod ait verficulo quodam, Senescere se multa indies addiscentem: qua voluptate animi nulla certè potest esse major: *cum* ⁹ animi cultus ille sit, quasi quidam humanitatis cibus. ¹⁰ Equidem è *Cn. Aufidio*, prætorio erudito homine, oculis capto, sæpè audiebam, cum se lucis magis, quàm utilitatis desiderio moveri diceret. Is pueris nobis cæcus, & in senatu sententiam dicebat, nec amicis deliberantibus deerat, & Græcam scribebat historiam, & videbat in litteris. *Et quoniam nihil est ea in ætate, quod magis prædicandum, & præ se ferendum sit, hæc ipse de se, nec mentitur in gloriando, Cato major.* ¹¹ *Septimus* mihi liber *Originum* est in manibus: omnia antiquitatis monumenta colligo: causarum illustrium, quascunque defendi, nunc, cum maximè orationes, conficio: jus augurium, pontificium, civile tracto: multum etiam litteris Græcis utor: *Pythagoræorumque* more, exercendæ memoriæ gratiâ, quid quoque die dixerim, audiverim, egerim, commemoro vesperi. Hæ sunt exercitationes ingenii, hæc curricula mentis: in his desudans atque elaborans,

³ Ib.

⁴ 1. de leg.

⁵ In Cat.

⁶ 1. Off.

⁷ In Cat.

⁸ Ib.

⁹ 5. de Fin.

¹⁰ 5. Tusc.

An. DCLXII.

¹¹ In Cat.
An. DCIII.

elaborans corporis vires non magnopere desidero. Adsum
amicis : venio in senatum frequens, ultróque affero res multùm
& diu cogitatas, easque tueor animi, non corporis viribus.
quæ si exsequi nequirem, tamen me lectulus oblectaret ea ipsa
cogitantem, quæ jam agere non possem : sed ut possim,
facit acta vita. ¹² Hæ artes efferunt fructus, non solùm,
quia nunquam deferunt, ne in extremo quidem tempore
ætatis (quamquam id quidem maximum est) verùm etiam,
quia conscientia benè actæ vitæ, multorùmque benefactorum
recordatio jucundissima est. ¹³ Quid est etiam præclarius,
quàm honoribus, & reip. muneribus perfunctum senem,
more patrio sedentem in folio consulentibus respondere, ac
posse dicere idem, quod apud Ennium dicat ille Pythius
Apollo, se esse eum, unde sibi, si non populi & reges,
at omnes sui cives consilium expetant,

Suarum rerum incerti : quos mea ope ex
Incertis certos, compotésque consili
Dimitto, ut ne res temerè tractent
Turbidas.

In nostra civitate amplissimus quisque & amplissimus
vir, ut ille, qui propterea sic appellatus à summo poëta
est,

Egregiè cordatus homo Catus Ælius Sextus,

Multique prætereà, qui, cùm ingenio auctore sibi dig-
nitatem reperissent, ¹⁴ faceréntque omnibus civibus con-
sili sui copiam, ¹⁵ perfecerunt, ut auctoritate plus etiam,
quàm ingenio valerent : & ad eos, ¹⁶ transverso ambu-
lantes foro, & in foliis sedentes domi, de omni aut of-
ficio, aut negotio referretur. ¹⁷ Venio ad voluptates agri-
colarum, quibus incredibiliter nostri veteres delectaban-
tur : quæ nec ulla impediuntur senectute, & mihi ad
sapientis vitam proxime videntur accedere. habent enim
rationem

¹² Ib.

¹³ 1. de Or.

¹⁴ 3. de Or.

¹⁵ 1. de Or.

¹⁶ 3. de Or.

¹⁷ In Cat.

rationem cum terra, quæ nunquam recusat imperium : nec unquam sine usura reddit, quod accepit : sed alias minore, plerumque majore cum scœnore. ¹⁸ M. Valerium Corvinum ad centesimum annum accepimus vitam produxisse : quum exacta jam ætate in agris esset, eosque coleret. cujus inter primum & sextum consulatum, octo & quadraginta anni interfuerunt. Ita, quantum spatium ætatis majores nostri ad senectutis initium esse voluerunt, tantus illi cursus honorum fuit. atque hujus extrema ætas hoc beatior, quàm media, quòd auctoritatis habebat plus, laboris minus. ¹⁹ Nam, & legibus, & institutis, vacat illa ætas muneribus iis, quæ non possunt sine viribus sustineri. itaque, non modò, quod non potest, sed, ne quantum potest quidem, cogitur. ²⁰ In hac vita M. Curius, quum de Samnitibus, de Sabinis, de Pyrrho triumphasset, consumsit extremum tempus ætatis. In agris erant tunc senatores, & iidem senes : siquidem aranti L. Quinctio Cincinnato nunciatum est eum dictatorem esse dictum. A villa in senatum arcessebantur, & Curius, & cæteri senes, ex quo, qui eos arcessebant, viatores nominati sunt.

• *Frondebis ornabant, quæ nunc Capitolia, gemmis :*

Pascebâtque suas ipse senator oves.

Nec pudor in stipula placidam posuisse quietem :

Nec fœnum capiti supposuisse suo.

• Ovid. 1. - Fast.

²¹ Illis temporibus ab aratro etiam arcessebantur, qui consules fierent. Atilium sua manu spargentem semen, qui missi erant, convenerunt. ²² Sæpe audiui C. Lælium semper ferè cum Scipione solitum rusticari, eosque incredibiliter repuerascere esse solitos, cum rus ex urbe, tanquam è vinculis, evolassent. non audeo dicere de talibus viris, sed tamen ita solebat narrare Scævola, conchas eos, & umbilicos ad Caietam, & ad Laurentum legere consuevisse, & ad omnem animi remissionem, ludumque descendere. Sic enim se res habet, ut quemadmodum

²¹ pro Rose. Ain.

²² 2. de Or.

¹⁸ In Cat.

1. Conf.
an. CDI.
VI. cons. an.
CDLIV.

¹⁹ Ib.

²⁰ Ib.

Ann.
cccxiv.

admodum volucres videmus procreationis atque utilitatis suæ causa, fingere & construere nidos: easdem autem, cum aliquid effecerint, levandi laboris sui causa, passim ac liberè solutos opere volitare: sic nostri animi forensibus negotiis, atque urbano opere defessi, gestiunt, ac volitare cupiunt, vacui cura ac labore. Mihi enim liber esse non videtur, qui non aliquando, nihil agit, nec poterit referre se in otium: cujus fructus est, non contentio animi, sed relaxatio: quam ipsa natura sic appetit, ut homines, quamvis in turbidis rebus sint, tamen si modò homines sint, interdum animis relaxantur.

²³ In Cat.

²³ Quid etiam est jucundius senectute stipata studiis juventutis. *Catoni* Cn. & P. Scipiones, & L. Æmilius, & P. Africanus, comitatu nobilium juvenum fortunati videbantur. *Et quidem, nulla re prorsus nostri senatores, in*

²⁴ Ib.

ætatis flexu magis delectabantur, quàm ut ²⁴ *adolescentes docerent, instituerent, ad omne officii munus instruerent, illisque traderent, quæ ipsos usus docuit. Quo quidem opere,*

²⁵ 3. de leg. ap.

quid potest esse præclarius? quid reip. utilius? cum quæcunque in hac ætate vitæ ratio ²⁵ *existit, eadem sit in maturiore, atque in ipsa civitate secutura.*

²⁶ 1. Off.

Est igitur adolescentis majores natu vereri, exque his deligere optimos & probatissimos, quorum consilio atque auctoritate nitatur. ineuntis enim ætatis inscientia, senum constituenda, & regenda prudentia est. Senibus autem danda opera, ut, & amicos, & juventutem, & maximè rep. consilio & prudentia, quàm plurimùm adjuvent. Hæc erant apud

²⁷ Val. cap. 1. lib. 2.

majores nostros facilitata. nam ²⁷ *senectuti juvenus ita cumulatum & circumspectum honorem reddebat, tanquam majores natu adolescentium communes patres essent, quocirca juvenes, senatus die utique, aliquem ex Patribus conscriptis, aut propinquum, aut paternum amicum, ad Curiam deducebant, affixique valvis expectabant, donec reducendū officio etiam fungerentur. qua quidem voluntaria statione, & corpora,*

pora, & animos, ad publica officia sustinenda impigrè corroborabant: brevique processu morarum in lucem virtutum suarum, verecunda laboris meditatione, ipsi doctiores erant. Invitati ad cœnam diligenter quærebant, quinam ei convivio essent interfuturi? ne senioris adventum discubitu præcurrerent: sublatâque mensa priores consurgere, & abire patiebantur. Ex quibus apparet, cœnæ quoque tempore, quàm parco, & quàm modesto sermone, his præsentibus, soliti sint uti. Majores natu in conviviiis ad tibias egregia superiorum opera carmine comprehensa pangebant, quò ad ea imitanda juventutem alacriorem redderent. Quid hoc splendidius, quid etiam utilius certamine? pubertas canis suum honorem reddebat: defuncta virium cursu ætas, ingredientiæ actuosam vitam, favoris nutrimentis prosequabatur.

²⁸ Et medius juvenum non indignantibus ipsis

Ibat: & interior si comes unus erat.

Verba quis auderet coram sene digna rubore

Dicere? censuram longa senectâ dabat.

²⁸ Ovid.

5. Fast.

²⁹ Quas Athenas? quam scholam? quæ alienigena studia huic domesticæ disciplinæ prætulim? Inde oriebantur Camilli, Scipiones, Fabricii, Marcelli, Fabii. Hæ fuere exercitationes nostrorum, hæc oblectamenta senectutis, hæc solatia, quibus Senatorum ætas gravior levabatur: maximèque suo decore seipsam sustentabat. ³⁰ Ut enim adolescentes bona

²⁹ Val. d.

cap. 1. lib. 2.

indole præditi senum præceptis gaudent, quibus ad virtutum studia ducuntur: sic adolescentibus sapientes senes delectantur: leviorque fit senectus eorum, qui à juventute coluntur, & diliguntur. ³¹ Hæc enim ipsa sunt honorabilia,

³⁰ In Cat.

³¹ Ib.

quæ videntur levia atque communia, salutari, appeti, deduci, reduci, consuli: quæ, & apud nos, & in aliis civitatibus, ut quæque optimè morata est, ita diligentissimè observantur. Lyfandrum Lacedæmonium, dicere aiunt solitum

Lacedæmone esse honestissimum domicilium senectutis. nusquam enim tantum tribuitur ætati: nusquam est senectus honoratior. Quin etiam memoriæ proditum est, quum Athenis, ludis quidam in theatrum grandis natu venisset, magno confessu, locum ei nusquam à suis civibus datum: quum autem ad Lacedæmonios accessisset, qui, legati quum essent, certo in loco confederant, consurrexissent omnes, & senem sessum recepisse: quibus, quum à cuncto confessu plausus esset multiplex datus, dixisse ex iis quendam, Athenienses scire, quæ recta essent, sed facere nolle. Multa in nostro collegio præclara, sed hoc, de quo agimus, in primis: quòd, ut quisque ætate antecellit, ita sententiæ principatum tenet. neque solùm honore antecedentibus, sed iis etiam, qui cum imperio sunt, majores natu augures anteponuntur.

v. De Censoria nota Val. cap. 4. lib. 2.

DE POTESTATE, & jure censorum in senatoribus legendis: & interdicto istis quæstu.

C A P. XXIII.

¹ 3. de Leg.

CENSORES PROBRUM IN SENATU NE RELINQUANT: QUANTO: IS ORDO VITIO CARETO: CÆTERIS

² Ib.

SPECIMEN ESTO. ² Ut vitio careat ordo senatorius, &

³ pro Domo.

ne veniat in eum quisquam vitii particeps, aut tanto indignus

⁴ 4. ad Her.

loco, ³ majores nostri penes censores judicium senatus de dignitate esse voluerunt. ⁴ Uti citharæcedus, cum prodierit

optimè vestitus, palla inaurata indutus, cum chlamyde purpurea, coloribus variis intexta, & cum corona aurea, magni fulgoris gemmis illuminata, citharam tenens exornatissimam, auro & ebore distinctam: ipse præterea forma & specie sit, & statura apposita ad dignitatem: si, cum magnam populo commoverit his rebus expectationem, repente silentio facto, vocem emittat acerbissimam, cum turpissimo

pissimo corporis motu : quo melius ornatus sit, & magis fuerit expectatus, eo magis derisus, & contemptus ejiciatur : ita, si quis in excelfo loco, & in magnis ac locupletibus copiis collocatus, fortunæ muneribus, & naturæ commodis omnibus abundabit : si virtutis & artium, quæ virtutis magistræ sunt, egebit : quo magis cæteris rebus erit copiosus, illustris, & expectatus : eo vehementius derisus, & contemptus ex omni bonorum conventu ejicietur.

Hujusmodi ne veniat ullus in summum populi Ro. consilium,

censores ⁵ in senatum legunt ⁶ ex iis, qui magistratum ceperunt : *et, ne ordo alicujus improbitate prematur,* ⁷ è senatu ejiciunt ⁸ scelere contaminatum, aut aliquo dedecore infamem : *Et, quem volunt, prætereunt in legendo.* ⁹ Ille verò, ⁵ pro Domo. ⁶ 3. de Leg. ⁷ In Cat. ⁸ pro Clu. ⁹ 3. de Leg.

etsi meus totus est ordo, gratissimamque memoriam retinet consulatus mei (pace bonorum dixerim) non modò censores, sed dicam judices omnes, potest defatigare. *Cato*

¹⁰ fortissimi viri T. Flamini fratrem L. Flaminium è senatu ¹⁰ In Cat.

ejecit, septem annis postquam Consul fuisset : invitus fecit : ¹¹ An. DLXIX

sed notandam putavit libidinem. Ille enim, quum esset Consul in Gallia, exoratus in convivio à scorto est, ut securi feriret aliquem eorum, qui in vinculis essent damnati rei capitalis.

Hic Tito fratre suo Censore, qui proximus ante *Catonem* fuerat, elapsus est : *Catoni* verò & Flacco, neuti-

quam probari potuit, tam flagitiosa, & perdita libido, quæ cum probro privato conjungeret imperii dedecus. ¹¹ Pa- ¹¹ pro Do.

trum memoria, Q. Metellus ex senatu censor ejecit C. Atinium, qui postea Trib. pl. Metelli bona consecravat foculo

posito in Rostris, adhibitoque tibicine. *Appius Claudius Publii* ¹² pater, civis egregius dissimilisque filiorum, cùm ¹² Ib.

de eo tribunus pl. promulgasset, adesse propter iniquitatem illius Cinnani temporis noluit : eique imperium est abrogatum. ¹² An. DCLXVII.

In illo pœna legitima turpitudinem non habuit propter vim temporum. Quem, etsi nemo unquam sanus exulem appellavit, tamen L. Philippus censor avunculum su-

- um præteriit in recitando senatu. Nihil enim poterat dicere, quare rata non essent, quæ erant acta in ea Rep. in qua, se, illis ipsis temporibus, censorem esse voluisset. Me L. Cotta homo censorius, in senatu juratus dixit, se, si censor tum esset, cum ego aberam, meo loco senatorem recitaturum fuisse. *Pisone & Gabinio Coss.* ¹³ tacentibus, imò verò etiam approbantibus, lata lex est, ut censoria notatio, & gravissimum judicium summi magistratus nemini obesset, ¹⁴ *nisi qui apud eos accusatus, & utriusque censoris sententia damnatus esset.* ¹⁵ Censorii etiam stili mucronem multis remediis majores nostri retulerunt. ¹⁶ timoris enim causam, non vitæ pœnam, in illa dignitate esse voluerunt: ¹⁷ neque judicium nominârunt, neque proinde, ut rem judicatam, observârunt animadversionem atque auctoritatem censoriam: ¹⁸ ne in unumquemque nostrum censoribus potestatem regiam permetterent: ne subscriptio censoria, non minus calamitatis civibus, quàm proscriptio, posset afferre: ne censorium stilum, æquè atque dictatorium gladium pertimesceremus. Quapropter ¹⁹ iudices, senatores, equitesque Romani, in compluribus reis, suæ potiùs religioni, quàm censorum opinioni paruerunt: *qui sæpè, cum* ²⁰ *capiti mederi deberent, reduviam curabant.* ²¹ Prætores urbani, qui jurati debent optimum quemque in selectos iudices referre, nunquam sibi, ad eam rem, censoriam ignominiam impedimento esse oportere duxerunt. Censores denique ipsi, sæpenumero superiorum censorum judiciis (si ista judicia appellari vultis) non steterunt: atque etiam ipsi inter se censores, sua judicia tanti esse arbitrantur, ut alter alterius judicium, non modò reprehendat, sed etiam rescindat, ut alter de senatu movere velit, alter retineat, & ordine amplissimo dignum existimet: ut alter in ærarios referri, aut tribu moveri jubeat, alter vetet. ²² *Appius Claudius censor senatum primus libertinorum filiis lectis inquinavit.* ²³ Lentulus Popilium, quòd erat libertini filius, in senatum non
- ¹³ pro Sext.
¹⁴ Asc. in Pis.
¹⁵ pro Clu.
¹⁶ Ib.
¹⁷ Ib.
¹⁸ Ib.
¹⁹ Ib.
²⁰ pro Ros. Am. ap.
²¹ pro Clu.
²² L'v. lib. 9. An. CCCCXLI.
²³ pro Clu.

non legit: locum quidem senatorium ludis, & cætera ornamenta reliquit, & eum omni ignominia liberavit. *Quare, si censor censoris opinione standum non putet,* ²⁴ ut vitio careat ordo, difficile factu est, nisi educatione quadam & disciplina, aut consuetudine ²⁵ vitæ maximè disjunctæ à cupiditate, & cum officio conjunctæ: *qualis fuit illa majorum* ²⁶ parsimonix, diligentix, justitiæ magistra: quum ²⁷ in agris erant senatores, & à villa in senatum arcebantur. ²⁸ Virtus, probitas, integritas *in senatore legendo, tum spectabatur: non etiam census.* Sed ²⁹ cum duæ res sint, quæ possunt homines ad turpe compendium commovere, inopia atque avaritia: *nunc in Rep.* ³⁰ omnibus gentibus, ac nationibus imperante, *censor etiam inquit, num lectus aut legendus in ea sit conditione vitæ,* ³¹ qua ordinem tueri possit? Gravissimum autem est, cum superior factus sit ordine, inferiorem esse fortuna: *vilissimum* ³² sibi turpes quæstus proponere: ³³ quum isti ordini, ne honestus quidem possit esse ullus. ³⁴ Habebitne nostris temporibus censoresciete & vidente, curia senatorem, populus Ro. judicem, resp. civem sine ignominia quenquam, qui ad perniciem innocentis fidem suam, & religionem pecunia commutârit: quum, ³⁵ si vel fides quid attulerit religionis, opus censorium sit: *et apud veteres,* ³⁶ præfectus moribus, magister veteris disciplinæ non retinuerit quenquam sciens *in senatu, sordido addictum quæstui:* ³⁷ aut aliis rebus, in quibus pecunia maxima non insunt, noxias tamen afferunt, *contaminatum.* Jam, ut infamiæ & flagitiorum sordes transeam, & simul leges regatas de pecunia ³⁸ capta, conciliata, per emissarios quæsitæ: de ³⁹ quæstibus, qui sordidi sunt, hæc ferè accepimus. Primum improbantur ii quæstus, qui in odia hominum incurrunt, ut portitorum & fœneratorum. Illiberales autem & sordidi quæstus mercenariorum omnium, quorum operæ, non quorum artes emuntur. Est enim in illis ipsa merces auctoramentum servitutis. Sordidi

²⁴ 3. de Leg.
²⁵ pro R. Am.
²⁶ Ib.
²⁷ In Cat.
v. c. 3. nu. 18.
²⁸ 20.
²⁹ pro Plan.
v cap. 35. n. 9.
³⁰ 4. ad Her.
³¹ pro Manil.
³² Ep. 5. l.
13. fa. ap.
³³ 4. Ver.
³⁴ 6. parad.
³⁵ 2. de Or.
³⁶ pro Clu.
³⁷ in frag.
Hort.
³⁸ 5. Ver.
³⁹ 1. Off.

etiam putandi, qui mercantur à mercatoribus, quod statim vendant carius. Nihil enim proficiunt, nisi admodum mentiantur. Nec verò quicquam est turpius vanitate: opificēsque omnes in fordida arte versantur. Nec enim quidquam ingenuum potest habere officina: minimēque hæ artes probandæ, quæ ministræ sunt voluptatum. ⁴⁰ Turpe, criminofum, invidiosum putabatur, ⁴¹ nec licuit ædificare navem senatori: antiquæ sunt istæ leges & mortuæ, quemadmodum Hortensius solet dicere, quæ vetant. Fuit ista reprehensio quondam, fuit ista severitas in judiciis, ut istam rem accusator in magnis criminibus objiciendam putaret: Quid tibi navi opus fuisset: cui, si quò publice proficisceris, & præsidii, & vecturæ causa sumtu publico navigia præberentur? privatim autem, nec proficisci quoquam potes, nec arcessere res transmarinas ex iis locis, in quibus tibi mercari nihil licet. ⁴² Nolo eundem imperatorem, & portitorem esse terrarum. ⁴³ Videte majorum diligentiam, qui ea, quæ parvis in rebus accidere poterant, providebant: navem, argentum dabant de publico: vestem præbebant legibus: nos in provinciis ab emtionibus removerunt: ne mercatores, cum imperio ac securibus, in provincias mittere viderentur, ⁴⁴ Optimum autem, & in privatis familiis, & in rep. vestigal duco esse parsimoniam: Quæ ⁴⁵ majores nostri ex minima tenuissimæque rep. maximam, & florentissimam nobis reliquerunt: suos enim agros studiōse colebant, non alienos cupidè appetebant. Quibus rebus, & agris, & urbibus, & nationibus rep. atque hoc imperium, & populi Ro. nomen auxerunt. Hæc etiam eò profero, ut intelligatur, *quod paulò ante diximus*, majores nostros, summos viros clarissimōsque homines, qui omni tempore ad gubernacula reip. sedere debebant, tamen in agris quoque colendis, aliquantum operæ temporisque consumsisse: ⁴⁶ quòd omnium rerum, ex quibus aliquid

⁴⁰ 7. Ver.⁴¹ Ib.⁴² 4. de Rep.⁴³ 6. Ver.⁴⁴ 4. de Rep.⁴⁵ pro R. Am.⁴⁶ 1. Off.

aliquid acquiritur, nihil sit agricultura melius, nihil uberior, nihil dulcius, nihil homine, nihil libero dignius.

⁴⁷ *Felix, qui propriis ævum transegit in arvis:
Ipsa domus puerum quem videt, ipsa senem.*

⁴⁷ Claud. de Senatore Veronenſi.

DE AUCTORITATE, & cognitione
Romani senatus.

C A P. XXIV.

POTESTAS in populo, auctoritas in senatu est ¹ 3. de Leg. ² publicæ salutis mentisque principe, ³ reip. custode, ² de Har. ³ pro Sext. ⁴ pro Do. præſide, propugnatore. ⁴ Summum enim est populi Ro. populorúmque, & gentium omnium ac regum conſilium, ſenatus: ⁵ cui populus ipſe moderandi, & regendi ſui atque ⁵ 1. de Ora. reip. poteſtatem, quaſi quaſdam habenas tradidit. ⁶ ſed ita ⁶ Di. Hal. temperavit, ut ſenatus, neque de capite civis Romani ſtatuat, neque leges ferat, neque creet magiſtratus, neque faciat, quo minus ſenatus-conſultis intercedi poſſit, neque de bello aut indicendo, aut facienda pace, ſine populo decernat: etſi in majoribus comitiis, legibúſque ferendis, ejus interponatur auctoritas: & belli atque pacis, patres ſiant auctores: eorúmque ſit de bello ⁷ v. nu. 124. rogationem ad populum ferri jubere. ⁷ M. Juvencius Talva ⁷ Liv. li. 45. prætor, novo maléque exemplo, antè non conſulto ſenatu, non ⁸ An. DLXXVI. conſulibus certioribus factis de ſua uniús ſententia rogationem tulit, VELLENT JUBERENTNE RHODIIS BELLUM INDICI: cùm antè ſemper prius ſenatus de bello conſultus eſſet, deinde ad populum latum. ⁸ Equidem ſenatus officium eſt ⁸ 4. ad Her. conſilio civitatem juvare: magiſtratus officium, opera & diligentia conſequi voluntatem ſenatus: populi officium, res optimas & homines maximè idoneos ſuis ſententiis diligere, & probare: atque pati ſe à ſenatu regi. Et verò ⁹ pro Bal. hujus ⁹ judicium, ſemper eſt judicio populi ſic comprobatum, ¹⁰ In Vat. ¹⁰ ut nuncios pacis ac belli, curatores, interpretes,

- bellici consilii auctores, ministros muneris provincialis, more majorum deligere posset. *Unus in hac civitate post urbem conditam* ¹¹ patriæ parricida inventus est: qui sperasse tentâsseque videtur, ut patres conscripti ex Republica funditus tollerentur: cum, ne hoc quidem senatui relinqueret, quod nemo unquam ademit, ut legati ex ejus ordinis auctoritate legarentur. Eripuerat senatui provinciæ decernendæ potestatem, imperatoris deligendi judicium, ærarii dispensationem: quæ nunquam sibi populus Ro. appetivit, qui nunquam antea summo consilio gubernationem auferre conatus est. Age, factum est horum aliquid in aliis raro, sed tamen factum est, ut populus deligeret imperatorem. Quis legatos unquam audivit sine S. C. ante Vatinius nemo: post continuo fecit idem in duobus prodigiis reip. Clodius. Quo etiam majore fuit malo ille multandus quod non solum facto suo, sed etiam exemplo reip. vulneravit: neque tantum erat improbus ipse, sed etiam alios docere voluit, & *in his Pisonem: qui,* ¹² neglecta auctoritate senatus, legatos, non modo nullo S. C. sed etiam repugnante senatu, ipse sibi legavit. ¹³ Clodius provincias consulares, quas C. Gracchus, qui unus maxime popularis fuit, non modo non abstulit ab senatu, sed etiam, ut necesse esset constitui quotannis, per senatum decretas sanxit: eas lege Sempronia per senatum decretas rescidit: extra ordinem, sine sorte, nominatim dedit, non consulibus, sed reip. pestibus: effecitque, ut uni ¹⁴ helluoni bis de eadem re deliberandi, & rogata lege potestas fieret provinciæ commutandæ. *Omnia contra morem majorum, & senatus auctoritatem: quæ tanta fuit in provinciis decernendis, ut lege Sempronia* ¹⁵ intercedi de provinciis non licuerit. *Est etiam ordinis amplissimi proprium decernere,* ¹⁶ ut provincia prorogetur, stipendium detur, ¹⁷ consules fortiantur, delectus habeatur, vacationes ne valeant, legati cum auctoritate mittantur: *denique, ut paretur, atque fiat quodcumque pertinet ad rem bellicam administrandam, tenendumque in domitis imperium.* ¹⁸ Senatus in angustiis ærarii victo-
- ¹¹ Ib.
An. DCXCIV.
- ¹² pro Sext.
¹³ pro Do.
An. DCXXX.
- ¹⁴ pro Sex.
- ¹⁵ de pro. con.
- ¹⁶ Ep. 2. l. 5.
A. & 7. l. 1. fa.
¹⁷ Ep. 18. l. 1.
A. v. cap. 10.
- ¹⁸ pro Bal.

victorem Cæsaris exercitum stipendio affecit, imperatori
 decem legatos decrevit: lege Sempronia succedendum non
 censuit. *In rep. cùm Gallici belli versaretur metus,*¹⁹ atque
 Helvetii essent in armis, excursionésque in provinciam face-
 rent, senatus decrevit, ut consules duas Gallias fortirentur, de-
 lectus haberetur, vacationes ne valerent, legati cum auctori-
 tate mitterentur, qui adirent Galliæ civitates, daréntque ope-
 ram, ne hæ cum Helvetiis se jungerent. Atque cùm de con-
 sularibus mea prima fors exisset, una voce senatus frequens
 retinendum me in urbe censuit. Hoc idem, post me,
 Pompeio accidit, ut nos duo quasi pignora reip. retineri
 videremur.²⁰ *Senatus omninò ærarii potestatem habet: nãm-*
que in illius arbitrio sunt, & reditus, & sumtus: neque
quæstoribus licet in rem ullam sumtus facere, nisi in consules,
sine decreto senatus. Utrique postquam in urbem redeunt,
*rationes ad ærarium deferunt.*²¹ *Si rationum referendarum*
ius vetus, & mos antiquus maneret, consul non conferret
rationes, nisi cum quæstore contulisset, confecissetque ad
urbem. Lege Julia relinquere rationes in provincia ne-
cessè erat, easdem totidem verbis referre ad ærarium.
 Certè lex jubebat apud duas civitates, quæ maximæ vide-
 rentur, rationes confectas & consolidatas deponere. *Senatus*
autem est decernere, ut de pecunia non relata quærat.
*Inde illa Petilii rogatio contra L. Scipionem:*²² *Velitis, ju-*
beatis quærat, quæ pecunia capta, ablata, coacta à rege
Antiocho est, quique sub ejus imperio fuerunt: quod ejus in
publicum relatum non est, uti de ea re Ser. Sulpicius Pr.
urbanus ad senatum referat: quem eam rem velit senatus
quærere de iis, qui prætores nunc sunt? Ser. Sulpicio
deinde referente, quem rogatione Petilia quærere vellent,
Q. Terentium Culleonem patres jusserunt. Ad hunc prætorem
reus extemplò factus L. Scipio: simul, & delata, & recepta
nomina legatorum ejus, & quæstoris. Scipio & A. Hostilius
legatus, & C. Furius quæstor damnati: quo commodior pax
Antiocho

¹⁹ Ep. 18. l. 1.
 A. An.
 DCXCIII.

²⁰ Polyb.
 lib. 6.

²¹ Ep. 20. li.
 5. fa.

An.
 DCXCIV.

²² Liv. li. 38.
 An. DLXVI.

Antiocho daretur, Scipionem VI. millia pondo auri, quadringenta octoginta argenti plus accepisse, quàm in ærarium retulerit : A. Hostilium LXXX. pondo auri, argenti CCCCLIII. Furium quæstorem auri centum XXX. argenti CC. pondo. In L. Scipione mendum : similius enim veri est, argenti, quàm auri majus pondus fuisse : & magis quadragies, quàm ducenties quadragies litem æstimatam : eo magis, quòd tantæ summæ rationem etiam ab ipso P. Scipione requisitam esse in senatu tradunt : librúmque rationis ejus, cùm L. fratrem afferre jussisset, inspectante senatu, suis ipsum manibus concerpsisse : indignantem, quòd, cùm bis millies in ærarium retulisset, quadragies ratio ab se posceretur. Ab eadem fiducia animi, cùm quæstores pecuniam ex ærario contra legem promere non auderent : poposcisse claves, & se aperturum ærarium dixisse, qui, ut clauderetur, effecisset. At nemo tantum suis meritistribuendum putare debet, ut ob illa sit convellenda disciplina reip. Syllæ²⁴ omnes res gestas, non solum obtinemus, verum etiam propter malorum, incommodorum, & calamitatum metum, publica auctoritate defendimus. Unum hoc illius S. C. reprehensum, decretumque est, ut quibus ille de capite demisset, ii pecunias in ærarium deferrent. Statuit senatus hoc, ne illi quidem esse licitum, cui concesserat omnia, ab ipso partarum quæsitatumque rerum summas imminuere. Ille in hoc genere veterum religione legum reprehenditur : & in²⁵ proscriptione, quæ facta est in eos, qui arma capere potuerunt. cum senatus suscipere noluit : ne quid acrius, quàm more majorum comparatum est, publico consilio factum videretur. hanc verò, quæ ad eorum liberos, atque infantium puerorum incunabula pertinet, cum non potuisset rejicere, & aspernari, videte quem in locum resp. pervenerit. Homines sapientes, & ista auctoritate præditos, qua sunt senatores, ex quibus rebus maximè resp. laboravit, iis maximè mederi conveniebat. Nemo est, quin intelligat populum Ro. qui quondam in hostes lenissimus existimabatur, eo tempore domestica crudelitate

²³ v. Val. cap.
7. lib. 3.

v. infra cap.
43. nu. ult.

²⁴ 5. Ver.

An.
DCLXXII.

²⁵ pro R. Am.

delitate laborâsse. Quæ non modò id habuit in se mali, quòd tot cives atrocissimè sustulit: verùm etiam, quòd hominibus lenissimis ademit misericordiam, consuetudine incommodorum. Nam, cùm omnibus horj aliquid atrociter fieri videmus, aut audimus, etiam, qui natura mitissimi sumus, assiduitate molestiarum, sensum omnem humanitatis ex animis amittimus. ²⁶ In Syllanis omnia genere ipso præclarissima fuerunt: sed quid proscriptione hac miserius, quæ ad liberos pertinet? ²⁷ Quid enim crudelius, quàm homines honestis parentibus ac majoribus natos à rep. submoveri. sed ita legibus Syllæ continetur status civitatis, ut his solutis stare ipsa non possit. ²⁸ Jam pergo. Vestigalia locare nusquam licet, nisi in hac urbe ex Rostris, populi frequentia. L. Sylla, cùm bona indemnatorum civium funesta illa auctione sua venderet, & se prædam suam se vendere diceret, tamen ex eo loco vendidit: nec, quorum oculos offendebat, eorum ipforum conspectum fugere ausus est. ²⁹ Non fuit utilis, quia non honesta, illa Philippi. Q. F. sententia, quas civitates L. Sylla pecunia accepta ex S. C. liberavisset, ut hæ rursus vestigales essent: neque iis pecuniam, quam pro libertate dederant, redderemus. ei senatus est assensus, turpe iimperio. piratarum enim melior est fides, quàm senatus. At aucta vestigalia. Utile igitur. Quousque audebunt dicere quicquam utile, quod non honestum? potest autem ulli imperio, quod gloria debet fultum esse, & benevolentia sociorum, utile esse odium & infamia?

³⁰ Lucio Octavio & C. Cottæ coff. senatus permisit, ut vini & olei decumas, & frugum minutarum, quas antè Verrem quæstores in Sicilia vendere consuèssent, Romæ venderent: legemque his rebus, quæ ipsis videretur, edicerent. Cùm locatio fieret, publicani postulârunt, quasdam res ut ad legem adderent: neque tamen à censoriis,

²⁶ Ep. 24. l. 11. Att.

²⁷ Frag. de Prosc. lib.

²⁸ 2. Agr.

²⁹ 3. Off.

³⁰ 5. Ver. An. DCLXXVIII.

foriis cæteris legibus recederent. Contradixit, qui casum Romæ fuit Sthenius Thermitanus: consules causam cognoverunt: cum viros primarios, atque amplissimos civitatis multos in consilium advocassent, de consilii sententia pronunciârunt, se lege Hieronica vendituros. Ita prudentissimi viri summa auctoritate præditi, quibus senatus legum dicendarum in locandis vectigalibus omnem potestatem permiserat, populûsque Ro. idem iusserat, Siculo uno recusante, cum amplificatione vectigalium nomen Hieronicæ legis mutare noluerunt. Quæ lex, ita diligenter scripta est, ut eum scripsisse appareat, qui alia vectigalia non haberet: ita acutè, ut Siculum: ita severè, ut tyrannum. Qua lege Siculis tamen arare expediret: nam ita diligenter constituta sunt jura decumani, ut tamen ab invito aratore decuma non possit auferri. *Repetendum est decus prisca* ³¹ senatus nostri, qui nunquam utilitatem à dignitate sejunxit: *nec desit commodis reip. & vectigalibus pop. R. prospicere. Neutiquam penes censores, quantumvis eorum sit vectigalia locare, potestas est quidpiam de locatione remittere, aut cognoscere de ea inducenda. Omnis enim de vectigalibus notio ad senatum pertinet.* ³² Asiani, cum de censoribus conduxissent, questi sunt in senatu, se cupiditate prolapso, nimium magno conduxisse: &, ut induceretur locatio postulaverunt, *uti infra ex actis apparebit. Quintus frater prætor in Asia cum quereretur* ³³ de portorio circumvectionis, an à publicanis exigi deberet, de consilii sententia rem ad senatum rejecit. ³⁴ Illa causa publicanorum, quantam acerbiter attulerit sociis, intelleximus ex civibus: qui nuper in portoriis Italiæ tollendis, non tam de portorio, quàm de nonnullis injuriis portitorum querebantur. Quare, non ignoro, quid sociis accadat in ultimis terris, cum audierim in Italia querelas civium. Attamen nomen publicani, neque ii debent hor-

³¹ 3. Off.

³² Ep. 16. l. 1. Att.

v. cap. 46.

³³ ep. 16. l. 2. Att.

An.

DCXCIV.

³⁴ ep. 1. l. 1. ad Q. fr.

rere,

vere, qui semper vectigales fuerunt: neque ii aspernari, qui per se pendere vectigal non potuerunt: néque ii recusare, qui postulaverunt. Ac primùm Græcis id, quod acerbissimum est, quòd sint vectigales, non ita acerbum videri debet, proptereà quòd sine imperio populi Ro. suis institutis per se ipsi ita fuerunt. Nomen autem publicani aspernari non possunt, qui pendere ipsi vectigal sine publicano non potuerunt, quod iis æqualiter Sylla descripserat. Non esse autem leniores in exigendis vectigalibus Græcos, quàm nostros publicanos, hinc intelligi potest, quòd Caunii nuper omnes ex insulis, quæ erant ab Sylla Rhodiis attributæ, confugerunt ad senatum, nobis ut potius vectigal, quàm Rhodiis penderent. Illud Asia cogitet, nullam à se, neque belli externi, neque discordiarum domesticarum calamitatem abfuturam fuisse, si hoc imperio non teneretur. Id autem imperium, cùm retineri sine vectigalibus nullo modo possit, æquo animo parte aliqua suorum fructuum, pacem sibi sempiternam redimat, atque otium. ³⁵ Classis nomine pecuniam civitatibus imperare licere, me consule senatus decrevit, cùm quidem nihil à superioribus continuorum annorum decretis discefferit. *Senatus in ærarii tenuitate de locis publicis vendendis statuere solet.* ³⁶ Exhaustum erat ærarium, & de pluribus locis vendendis senatus-consulta facta sunt M. Tullio, Cn. Cornelio cons. In his erant loca publica urbis, erant sacella, quæ majores in urbe, partim periculi perfugia, partim urbis ornamenta esse voluerunt: permulta alia, quæ senatus propter angustias ærarii vendenda censuit, consules propter invidiam non vendiderunt. *Quæstorum urbanorum est commonere senatum de iis, quæ ad ærarium pertinent.* ³⁷ Cùm Saturninus trib. pl. legem frumentariam de semissibus & trientibus laturus esset, Q. Cæpio, qui per id temporis quæstor urbanus erat, docuit

fena-

³⁵ pro Flac.
An. DCXC.

³⁶ g. Agr.
An.
DCLXXII.

³⁷ 1. ad Heren.

- senatum ærarium non posse pati largitionem tantam. Senatus decrevit, si eam legem ad populum ferat, adversus remp. videri eum facere. ³⁸ Exportari aurum non oportere, cum sæpè antea senatus, tum me consule gravissimè judicavit. *Alia sunt innumera, quibus senatus pro-*
- ³⁹ Polyb. lib. 5. *spicit.* ³⁹ *Flagitia per Italiam commissa, quæ publicam animadversionem requirunt, veluti proditiōis, conjurationis, veneficii, cædis dolo factæ, ad cognitionem senatus perti-*
- ⁴⁰ Liv. l. 26. *nent.* ⁴⁰ *De iis tamen, qui cives Romani sunt, agi per senatum non video posse. Idque apud majores nostros in Sutrianis factum est, cum defecissent: ut M. Antistius trib. pl. prius rogationem ferret: scirètque plebs, uti senatui de Sutrianis sententiæ dicendæ jus esset. Idemque de Campanis, Atellanis, Calatinis, Sabatinis scitum est. Multis post annis,* ⁴¹ *Gracchus legem tulit, ne de capite civium Ro. injussu populi judicaretur. Hinc illa mea ad judices in Verrem.* ⁴² *Quò confugient focii, quem implorabunt? qua spe denique, ut vivere velint, tenebuntur, si vos eos deferitis? ad senatum devenient, qui de Verre supplicium sumant? non est usitatum, non est senatorium. Possunt tamen apud senatum,* ⁴³ *de suis miseris deplorare, & consulibus postulata edere: idque fecerunt Siculi,* ⁴⁴ *cum de factis istius publicè conquere- rentur, & gravissima postulata consulibus ederent: quæ non postulata, sed in ipsum crimina videbantur esse.* ⁴⁵ *Legationes omnium civitatum in postulatis communibus, quæ omnia ex injuriis Verris nata sunt, etiam hoc ediderunt, ut statuas, ne cui, nisi cum is de provincia decessisset, pollicerentur. hujusce novi postulati genus, atque principium, Verris prætura attulit. Cætera, quæ sunt in iisdem postulatis de injuriis suis, sunt nova, sed tamen non novo modo postulant: rogant & orant Siculi patres conscriptos, ut nostri magistratus posthac decimas lege Hieronica vendant: ne*

in cellam, quod imperatur, æstiment: ne absentis nomen recipiatur. Quæ omnia novas injurias habent, sed postulationum formulas usitatas. Hoc postulatum de statu is ridiculum esse videatur ei, qui rem sententiámque non perspiciat. petunt enim, non, ut ne cogantur statuere: quid igitur? ut ipsis ne liceat. quid est hoc? petis à me, quod in tua potestate est, ut id tibi facere ne liceat? pete potiùs, ne quis te invitum polliceri, aut facere cogat. Nihil ego, inquit, negabunt enim omnes se coëgisse. Si me saluum esse vis, mihi impone istam vim, ut omninò mihi non liceat polliceri. Ut Siculi de Verre, sic Tyrii de Gabinius questii sunt: ⁴⁷ Tyriis est senatus datus frequens: frequentes contra Syriaci publicani, vehementer vexatus Gabinius, ⁴⁸ quod publicanos miseros tradidisset in servitutem Judæis, & Syris. ⁴⁹ exagitati tamen à Domitio publicani, quòd eum essent cum equis persecuti. Noster Lamia paulò ferocius: cùm Domitius dixisset, vestra culpa hæc acciderunt, equites Romani: dissolutè enim judicatis: Nos judicamus, vos laudatis, inquit. ⁵⁰ Ad Senatum etiam nostrum, me consule, legati Apollonienses omnia postulata de injuriis unius Deciani detulerunt. ⁵¹ Regum enim, populorum, nationum portus est, & perfugium senatus. *Est verò hujus ordinis, non de his modò, sed de aliis etiam delatis ad se criminibus decernere, ut inquiratur.* ⁵² *Senatus quæstionem de Bacchanalibus & sacris nocturnis extra ordinem mandavit.* ⁵³ Legibus diligentissimè sancendum est, ut mulierum famam multorum oculis lux clara custodiat. *Hinc lex nostra.* NOCTURNA MULIERUM SACRIFICIA NE SUNTO, PRÆTER OLLA, QUÆ PRO POPULO RITE FIENT. Quid autem mihi displiceat in nocturnis, poëtæ indicant comici. Quæ licentia, Romæ ne esset, nostri caverunt. Quo in genere severitatem majorum, senatus illa vetus auctoritas de Bacchanalibus, & consulum exercitu adhibito quæstio, animadversioque declarat. Atque omnia nocturna, ne

⁴⁷ ep. 12. l. 2.
ad Q. fr.

⁴⁸ de Pro. con.

⁴⁹ d. ep. 12.
An. DCXCIX.

⁵⁰ pro Flac.
An. DCXC.

⁵¹ 2. Off.

⁵² Liv. lib.
39. Val. cap.
3. lib. 6.

An. DLXVII.
⁵³ 2. de Leg.

- nos duriores fortè videamur, in media Græcia Diagondas
⁵⁴ 4. ad Her. Thebanus lege perpetua sustulit. ⁵⁴ Majores nostri, si
 quam unius peccati mulierem damnabant simplici judicio,
 multorum maleficiorum convictam putabant. Cur? quia
 nulla potest honesta ratio retinere eam, quam magnitudo
 peccati facit timidam, intemperantia audacem, natura mu-
 lieris inconsideratam. Quid? in viris idémne hoc observa-
 bant? minimè. Quid ita? quia viros ad unumquodque
 maleficium singulæ cupiditates impellunt: mulieres ad om-
 nia maleficia cupiditas una ducit. *Attamen in flagitiis neu-
 tri parcebant sexui.* ⁵⁵ L. Tubulus cùm prætor quæstionem
 inter sicarios exercuisset, ita apertè cepit pecunias ob rem
 judicandam, ut anno proximo P. Scævola tribunus pl. ferret
 ad plebem, vellétne de ea re quæri. Quo plebiscito, decreta
 à senatu est consuli quæstio Cn. Cæpioni. Profectus in ex-
 ilium Tubulus statim, nec respondere ausus. erat enim res
 aperta. ⁵⁶ Nostri equites penè à senatu sunt disjuncti, graviter
 ferentes promulgatum ex S. C. fuisse, ut de iis, qui ob ju-
 dicandum pecuniam acceperant, quæreretur. ⁵⁷ Lænati &
 Rupilio consulibus, mandatum est à senatu, ut in eos, qui
 cum Tiberio Graccho consenserant, animadverteretur more
 majorum. C. Blossius quæstione nova perterritus in Asiam
 profugit: ad hostes se contulit, & pœnas reip. graves jus-
 tisque persolvit. *De ambitu sæpe quæri jussum.* ⁵⁸ M. Piso
 consul dicebatur domi divisores habere. S. C. duo facta
 sunt odiosa, quæ in cofs. facta putantur, Catone & Do-
 mitio postulante: unum, ut apud magistratus inquiri li-
 ceret: alterum, cujus domi divisores habitarent, cum ad-
 versus remp. facere videri. ⁵⁹ L. Domitio & Ap. Claudio
 cofs. ardebat ambitus: nunquam fuit par. ⁶⁰ Consules
 flagrabant invidia, quòd C. Memmius candidatus pactionem
 in senatu recitavit, quam ipse & suus competitor Domi-
 tius cum consulibus fecissent: uti ambo H. S. quadragena
 consulibus darent, si essent ipsi consules facti. ⁶⁰ Senatus de-
 crevit,

⁵⁵ 2. de fin.
 An. DCXI.

⁵⁶ ep. 16. l. 1.
 Att.
 An. DCXCII.
⁵⁷ in Læ1.
 An. DCXXI.

⁵⁸ ep. 15. l. 1.
 Att.
 An. DCXCII.

⁵⁹ ep. 14. l. 2.
 ad Q. fr. & ep.
 13. l. 4. Att.
⁶⁰ Ep. ult. d.
 l. 4.
 An. DCXCIX.

⁶⁰ ep. 16. l. 4.
 Att.

crevit, ut tacitum judicium ante comitiá fieret. Magnus timor candidatorum: sed quidam judices Terentium tribunum pl. appellárunť, ne injusťu populi judicarentur: res ad senatum. comitia delata ex S. C. dum lex de tacito judicio ferretur. venit legi dies: Terentius intercessit: consules, qui illud levi brachio egissent, rem ad senatum detulerunt: ⁶¹ res ardebat invidia. Tribunitii Candidati ⁶¹ ep. 14. l. 2. compromiserunt H S. quingenis in singulos apud M. Ca- ^{ad Q. fr.} tonem depositis petere ejus arbitrato, ut, qui contrá fecisset, ab eo condemnaretur. Quæ quidem comitia, gratuita si fuissent, ut putabatur, plus unus Cato potuisset, quàm omnes leges, omnesque judices. *tam ad omnia perfringenda valuit.*

———— ⁶² *avaritiæ fœdissima nutrix*

Ambitio: quæ vestibulis foribúsque potentum

Excubat: & pretiis commercia poscit honorum.

⁶² Claud. lib.
2. in Stilic.

⁶³ De ambitu rarè illud datur, ut possis liberalitatem, ⁶³ 2. de Or.
ac benignitatem ab ambitu, atque largitione sejungere.
⁶⁴ Quoties illa est etiam de cæde Clodii Milonis causa ⁶⁴ pro Mil.
à nobis acta in senatu: & tandem decretum, ut veteri- ^{An. Dcc1.}
ribus legibus extra ordinem quæreretur? *Si vis time-*
tur, & judices præsidium desiderant, ⁶⁵ defertur res ad ⁶⁵ ep. 15. l. 1;
senatum: decernitur, datur negotium, magistratibus. ^{Att.} *Non*
prætereundum est, ne id quidem, si quis magistratus abu-
tatur legibus, judiciisve ad quæstum, aut libidinem, sena-
tus esse, ne id serpat longius, providere. ⁶⁶ Petita multa ⁶⁶ 3. Ver.
est apud Verrem prætorem à Q. Opimio, qui adductus ^{DCLXXIX.}
est in judicium verbo, quòd, cùm esset Tribunus pleb., in-
tercessisset contra legem Corneliam: re, quod in tribu-
nato dixisset contra alicujus hominis nobilis voluntatem:
quo judicio apud ipsum, tribus horis Q. Opimius se-
nator populi Ro. bona, fortunas, ornamenta omnia amisit.
Cujus propter indignitatem judicii sæpissimè est actum

- in senatu, ut genus totum multarum, atque ejusmodi judiciorum tolleretur. *Si quid est in crimine, quod religionem*
- v. cap. 25. *injicit, senatus referri jubet ad pontifices.* ⁶⁷ Cùm P. Clodius Appii filius cum veste muliebri esset deprehensus domi
- ⁶⁷ ep. 11. l. 1. Att. *C. Cæsaris, cùm pro populo fieret: ⁶⁸ idque sacrificium*
- ⁶⁸ ep. 12. d. l. 1. An. DCXCI. *cùm virgines instaurassent, & mentio à Q. Cornificio in Senatu facta esset (is fuit princeps) res ex S. C. ad pontifices*
- relata est: idque ab iis nefas est decretum: deinde ex S. C. consules rogationem promulgârunt: uxori Cæsar nuncium*
- ⁶⁹ ep. 13. d. l. 1. *remisit. ⁶⁹ Cùm verò decerneretur frequenti senatu contrà*
- pugnante Pisone, ad pedes omnium sigillatim accidente Clodio, ut consules cohortarentur ad rogationem accipiendam. homines ad XV. Curioni nullum S. C. facienti assenserunt, facilè ex altera parte CCCC. adfuerunt. senatus & de*
- v. cap. 33. *provinciis prætorum, & de legationibus, & de cæteris rebus decernebat, ut antequam rogatio lata esset, ne quid*
- ageretur. De custodia verò non dubitandum, quin senatus præhendi, & in carcerem duci jubere possit: quod ipsi*
- ⁷⁰ Gel. cap. 12. lib. 13. *etiam possunt magistratus, ⁷⁰ qui habent viatorem. ⁷¹ P.*
- ⁷¹ 2. de Nat. An. DLXXXV. *Vatienus, cùm è præfectura Reatina Romam venienti*
- noctu duo juvenes cum equis albis dixissent, regem Persen illo die captum, senatui nunciavit: & primò quasi*
- temerè de rep. locutus esset, in carcerem conjectus est: post à Paullo litteris allatis, cùm idem dies constitisset,*
- ⁷² ep. 24. l. 2. Att. An. DXCIV. *& agro à senatu, & vacatione donatus est. ⁷² Fit S. C.*
- ut Vettius, quòd confessus esset se cum telo fuisse, in vincula conjiceretur: qui eum amisisset, eum contra remp.*
- ⁷³ 4. Catil. An. DCXC. *esse facturum. ° Ille enim in senatu confessus erat, se cum telo fuisse: Cn. Pompeio, summo & clarissimo civi, suis manibus necem afferre voluisse. ⁷³ Mea virtute, atque*
- diligentia perditorum hominum patefacta conjuratione senatus P. Lentulum, ut se abdicaret prætura, coëgit: tum eum, & cæteros, de quibus judicavit, in custodiam dandos censuit. Ultra quòd progressum sit, iisdem*

dem damnatis, & pœna affectis, ⁷⁴ ex hujus ordinis con- ⁷⁴ 2. Phil.
filio, auctoritate, sententia: ⁷⁵ salus esset omnium amissa ⁷⁵ pro. Syl.
una nocte, nisi esset severitas illa suscepta: ⁷⁶ & de ⁷⁶ Sall in Con.
confessis, sicuti de manifestis rerum capitalium, more ma-
jorum supplicium sumtum. ⁷⁶ Cat.

————— °Mortalia quisquis

° Stat. 2. Syl,

*Pectora serò videt, nec primo in limine sistit
Conatus scelerum, atque animos infanda parantes,
Excitat illa die sævo.*

*Jam quæri posset, utrum senatui decernere, vel cos. edi-
cere jus sit, ut civis ex urbe exeat. ⁷⁷ Habuimus S. C. ⁷⁷ 1. Catil.
in Catilina vehemens & grave, ⁷⁸ ut darent operam Con-
sules, ne quid resp. detrimenti caperet: ⁷⁹ quo ex S. C. ⁷⁸ Sal. in Con.
confestim interfectum esse Catilinam conveniebat. Cu-
piebam me esse clementem: cupiebam in tantis reip.
periculis non dissolutum videri. ⁸⁰ Non erat sæpius in ⁸⁰ Ib.
uno homine salus reip. periclitanda. Quare, quoniam
id, quod primum est, quod hujus imperii, disciplinæque
majorum proprium est, facere non audebam, feci id,
quod erat ad severitatem lenius, ad communem salutem
utilius: exire ex urbe consul jussi hostem, ut à quo
legibus non poteramus, mœnibus tuti esse possemus: ac,
si mihi inimico, ut prædicabat, constare vellet invidiam,
rectà pergeret in exilium. Vix tulissem sermones, si id
fecisset: vix molem istius invidiæ, si in exilium ivis-
set jussu consulis, sustinuissem. Ipse Cato, qui tunc id,
quod feci, probavit, postea cùm Murenam defenderem, se-
verum innuebat: dum ⁸¹ negaret esse ejusdem severita-
tis, Catilinam exitium reip. intra mœnia molientem ver-
bis, & penè imperio urbe expulisse, & tunc pro L. Mu-
rena dicere. Ego autem, has partes lenitatis & miseri-
cordiæ, quas me natura ipsa docuit, semper egi liben-
ter: illam verò gravitatis severitatisque personam non appe-
titi, sed ab rep. mihi impositam sustinui, sicut hujus imperii
dignitas*

⁸¹ pro Mur.

dignitas in summo periculo civium postulabat. Ita tum, cùm resp. vim & severitatem desiderabat, vici naturam, & tam vehemens fui, quàm cogebar, non quàm volebam: *usûsque sum verbis, ut dixit Cato, non imperio, quo Gabinius: qui* ⁸² L. Lamiam in concione relegavit: qui civem Ro. sine ullo judicio ex patria consul ejecit: edixitque, ut ab urbe abesset millia passuum ducenta. Nihil acerbius socii Latini ferre soliti sunt, quàm id, quod per raro accidit, ex urbe exire à consulibus juberi. Atque illis erat tum reditus in suas civitates, ad suos lares familiares, & in illo communi incommodo nulla in quinquam propria ignominia cadebat. Hoc verò quid est? exterminabit cives Ro. edicto consul à suis diis penatibus? expellet è patria? deliget quem velit? damnabit, atque ejiciet nominatim? hæc de relegatione. *Quid de exilio, libertate, & civitate? an de his statuere potest senatus contra civem? minimè.* ⁸³ Majores nostri de civitate & libertate ea jura sanxerunt, quæ nec vis temporum, nec potentia magistratuum, nec res judicata, nec denique universi populi Ro. potestas, quæ cæteris in rebus est maxima, labefactare possit. Nam primum, ⁸⁴ hoc juris à majoribus proditum est, ut nemo civis Ro. aut libertatem, aut civitatem amittere possit, nisi ipse auctor factus sit. ⁸⁵ Quin etiam, si decemviri, sacramentum in libertatem, injustum judicassent, tamen quotiescunque vellet quis, hoc in genere rem judicatam rescindere, posse voluerunt. Civitatem verò nemo unquam ullo populi jussu amittet invitus. Qui cives Ro. in colonias latinas proficiscebantur, fieri non poterant Latini, qui non erant auctores facti, noménque dederant. qui erant rerum capitalium condemnati, non prius hanc civitatem amittebant, quàm erant in eam recepti, quò vertendi, hoc est mutandi soli causa, venerant. Id autem ut esset faciendum, non ademptione civitatis, sed tecti, & aquæ,

&

⁸² pro Sext.
An. DCCXCV.

⁸³ pro Do.

⁸⁴ Ib.

⁸⁵ Ib.

& ignis interdictione faciebant. ⁸⁶ Quid? quem pater ⁸⁶ pro Cæc. patratus dedit, aut suus pater populúsve vendit, quo is jure amittit civitatem? ut religione civitas solvatur, civis Ro. traditur: qui, cùm est acceptus, est eorum, quibus est deditus. si non accipiunt, ut Mancinum Numantini, retinet integram causam & jus civitatis. Si pater vendit eum, quem in suam potestatem susceperat, ex potestate dimittit. Jam populus cùm eum vendit, qui miles factus non est, non adimit ei libertatem: sed judicat, non esse eum liberum, qui, ut liber sit, adire periculum noluit. Cùm autem incensum vendit, hoc judicat: cùm ii, qui in servitute justa fuerunt, censu liberentur, etiam, qui, cùm liber esset, censeretur noluerit, ipsum sibi libertatem abjudicasse. Quod ad exilium attinet, perspicuè intelligi potest, quale sit: exilium enim, non supplicium est, sed perfugium portúsque supplicii. Nam qui volunt pœnam aliquam subterfugere, aut calamitatem, eò solum vertunt, hoc est sedem, ac locum mutant. Itaque nulla in lege nostra reperietur, ut apud cæteras civitates, maleficio ulum exilio esse multatum. sed cùm homines vincula, necesse, ignominiasque vitant, quæ sunt legibus constitutæ, confugiunt, quasi ad aram, in exilium: qui, si in civitate legis vim subire vellent, non prius civitatem, quàm vitam amitterent: quia nolunt, non adimitur his civitas, sed ab his relinquitur, atque deponitur. Nam cùm nostro jure duarum civitatum nemo esse possit, tum amittitur hæc civitas denique, quum is, qui profugit, receptus est in exilium, hoc est in aliam civitatem. *Præterea* ⁸⁷ leges ⁸⁷ 3. de Leg. præclarissimæ XII. tab. duæ sunt, quarum altera privilegia tollit, altera de capite civis rogari, nisi maximo comitiatu vetat, nondum cognitis seditiosis tribunis pl., ne cogitatis quidem. Admirandum tantum majores in posterum providisse: in privatos homines leges ferri noluerunt: id est enim privilegium: quo quid

est injustius? cum legis hæc vis sit, scitum esse & justum in omnes: ferri de singulis, nisi centuriatis comitiis noluerunt. descriptus enim populus censu, ordinibus, ætatibus, plus adhibet ad suffragium auxillii, quàm fusè in tribus convocatus. Quo verius in nostra causa vir magni ingenii, summæque prudentiæ ⁸⁸ L. Cotta, rogatus sententiam dixit id, quod dignissimum rep. fuit, nihil omnino actum esse jure de nobis eo tempore, cui nos cessimus: nihil more majorum, nihil legibus: non posse quenquam de civitate tolli, sine judicio: de capite non modò ferri, sed ne judicari quidem posse, nisi comitiis centuriatis: vim fuisse illam, flammam quassatæ reip. perturbatorumque temporum, jure, judiciisque sublati magna rerum commutatione impendente, declinasse me paulum, & spe reliquæ tranquillitatis præsentis fluctus, tempestatesque fugisse. quare, cum absens remp. non minus magnis periculis, quàm quodam tempore præsens liberasset, non restitui me solum, sed etiam ornari à senatu decere. Disputavit enim multa prudenter, ità de me illum amentissimum, & profligatissimum hostem pudoris & pudicitiae scripsisse, quæ scripsisset iis verbis, rebus, sententiis: ut etiamsi jure esset rogatum, tamen vim habere non posset. Quare, me, qui nulla lege abessem, non restitui lege, sed revocari senatus auctoritate oportere. Hunc nemo erat, quin verissimè sentire diceret. Sed post eum rogatus Cn. Pompeius, approbata, laudatæque Cottæ sententia dixit, se otii mei causa, ut omni populari concione defungerer, censere, ut ad senatus auctoritatem populi quoque Ro. beneficium erga me adjungeretur. *Sed de his satis. Mirum videri poterit, quod licet judicium de capite civis populi sit, non senatus: deditio tamen ad hunc ordinem pertineat.* ⁸⁹ quod ni ita esset, nunquam claros viros senatus victos hostibus dedidisset. *At intellige id fieri solitum rogatione lata.* ⁹⁰ Veturius & Sp. Posthumius, quum iterum consules essent, quia quum malè pugnatum apud Caudium esset, legionibus

⁸⁸ pro Sext.

v. cap. 40.

⁸⁹ 3. Off.

⁹⁰ Ib.

An.

CCCCXXXIII.

legionibus nostris sub jugum missis, pacem cum Samnitibus fecerant, dediti sunt his: injussu enim populi senatúsque fecerant. Eodémque tempore Ti. Minucius, Q. Mælius, qui tum tribuni pl. erant, quòd eorum auctoritate pax erat facta, dediti sunt his, ut pax Samnitium repudiaretur. Atque hujus deditionis, ipse, qui dedebatur Posthumius, suasor & auctor fuit. ⁹¹ In eo fœdere, quidam adolescens nobilis ⁹¹ 2. de Inven. porcam sustinuit jussu imperatoris: fœdere autem ab senatu improbato, & imperatore Samnitibus dedito, quidam in senatu eum quoque dixit, qui porcam tenuerit, dedi oportere. gravis inde deliberatio: si is, qui potestatis nihil habuerit, jussu imperatoris in fœdere, & in tanta religione interfuerit, dedendus esset hostibus, necne. ⁹² C. Mancinus, ut Numantinis, quibuscum sine senatus auctoritate fœdus fecerat, dederetur, rogationem suasit eam, quam L. Furius & Sex. Atilius ex S. C. ferebant, qua excepta ⁹³ cùm eum pater patratus ex S. C. Numantinis ⁹³ 1. de Or. dedidisset, eúmque illi non recepissent, posteaque Mancinus domum revenisset, neque in senatum introire dubitasset, P. Rutilius M. filius tribunus pl. de senatu jussit educi, quòd eum civem negaret esse: quia memoria sic esset proditum, quem pater suus, aut populus vendidisset, aut pater patratus dedidisset, ei nullum esse postliminium. ⁹⁴ Defendi tamen potest postliminio redisse, deditum non ⁹⁴ in Top. esse, quoniam non sit receptus. nam neque deditionem, neque donationem sine acceptione intelligi posse. ⁹⁵ Ut religione ⁹⁵ pro Cæc. civitas solvatur, civis Ro. traditur: qui cùm est acceptus, est eorum, quibus est deditus: si non accipiunt, ut Mancinum Numantini, retinet integram causam, & jus civitatis. *Non prætereundum hìc est, quòd senatus cognoscit de remittendis, & redimendis captivis: & quòd pro hujusmodi missi causis, ad senatum mitti soleant.* ⁹⁶ M. Atilius Regulus juratus missus est ad senatum: ut nisi redditi essent Pœnis captivi nobiles ⁹⁶ 3. Off. An. D11. quidam, rediret ipse Carthaginem. Is, quum Romam venisset,

97 1. Off.
An.
DXXXVII.

98 3. Off.

99 Livius
lib. 22.
An.
DXXXVI.

nisset, in senatum venit: mandata exposuit, sententiam ne diceret, recusavit: quamdiu jurejurando hostium teneretur, non esse se senatorem. ⁹⁷ Sic decem, post Cannensem pugnam, sunt ad senatum missi, adstricti jurejurando se redituros esse, nisi de redimendis iis, qui capti erant, impetrassent. ⁹⁸ Octo hominum millia tenebat Annibal, non quos in acie cepisset, aut, qui periculo mortis diffugissent, sed, qui relictii in castris fuissent à Paulo & Varrone Coss. eos senatus non censuit redimendos, cum id parva pecunia fieri potuisset: ut esset insitum militibus nostris, aut vincere, aut emori. qua quidem re audita fractum animum Annibalis scripsit Polybius bonus auctor; quod senatus populisque Ro. rebus afflictis, tam excelsio animo fuisset. *Atqui iudicium de redimendis captivis grave videri, & senatus esse, ut cætera, quæ impensa sunt publica, declarant, illa memoranda, quæ de Q. Fabio Max. dictatore produnt annales.* ⁹⁹ *Hujus cunctatio, ut Annibalem non mediocri sollicitum cura habebat, tandem eum militiæ magistrum delegisse Romanos cernentem, qui bellum ratione, non fortuna gereret: ita contempta erat inter cives armatos pariter togatosque, utique, postquam absente eo, temeritate magistri equitum, læto, ut verius dixerim, quàm prospero eventu, pugnatum fuerat. Accesserant duæ res ad augendam invidiam dictatoris: una, fraude ac dolo Annibalis: quod, cum à perfugis ei monstratus ager dictatoris esset, omnibus circà solo æquatis, ab uno eo ferrum, ignemque, & vim omnem hostium abstineri jussit: ut, occulti alicujus pacti, ea merces videri posset: altera, ipsius facto, primò forsitan dubio, quia non expectata in eo senatus auctoritas est: ad extremum haud ambigüe in maximam laudem verso in permutandis captivis: quod, sicut primò Punico bello factum erat, convenerat inter duces Romanos, Pænumque, ut quæ pars plus reciperet quàm daret, argenti pondo bina, & selibras in militem præstaret. CCXLVII. complures Romanus quàm Pænus recepisset, argentumque pro*
eis

eis debitum, sæpius jaclata in senatu re, quoniam non consulisset Patres, tardius rogaretur: inviolatum ab hoste agrum missò Romam filio vendidit: fidemque publicam impendio privato exposuit. ¹⁰⁰ se enim patrimonii, quàm patriam fidei inopem esse maluit- eo quidem majore cum commendatione, quòd pròni studii certius judicium est, supra vires niti: quàm viribus ex facili uti. Alter enim, quod potest, præstat: alter etiam plusquam potest. Cæterum, ut pro militari disciplina senatus aliquoties se severum exhibuerit, sunt alia ejus judicia, quæ hîc, ne longiores simus, placuit omittere. Ad senatum etiam mittuntur ab exteris legati. ¹⁰¹ A Pyrrho legatus ad senatum est missus Cyneas: ¹⁰² ad quam causam Appium illum, & cæcum, & senem delatum esse, memoriæ proditum est. ¹⁰³ Athenienses, patrum memoria, ad senatum legatos de suis maximis rebus miserunt Carneadem, Critolaum, & Diogenem. ¹⁰⁴ Nostra, Molo legatus ad senatum de Rhodiorum præmiis venerat: ¹⁰⁵ & huic, opinor, consuetudini, qua Græcis actionibus aures curiæ exsurdantur, januam patefecit. cum namque ante omnes exterarum gentium in senatu sine interprete auditum constat. Porro legatis hostium ingredi urbem non conceditur. ¹⁰⁶ Q. Fulvius Gillo legatus Scipionis, Carthaginienfium legatos, de pace ad senatum missos, Romam adduxit: quibus vetitis ingredi urbem hospitium in villa publica, senatus ad ædem Bellonæ datus est, & more tradito à patribus, potestatem interrogandi, si quis quid vellet, legatos, prætor fecit. aberant enim cofs. De legationibus agi solet mense Februario. ¹⁰⁷ Nam Gabinia lege sancitum est, ex Calendis Feb. usque ad Cal. Martias legatis senatum quotidie dari. ¹⁰⁸ Ita senatus haberi Februario toto non potest, nisi perfectis, aut rejectis legationibus. L. Domitio Ap. Claudio cofs. ¹⁰⁹ pridie idus Feb. cùm App. cof. senatum infrequentem coëgisset, tantum fuit frigus, ut populi convicio coactus sit nos dimittere. De Commageno rege, cui gratificari cupiebat, quòd rem totam discusseram, mirificè mihi & per se, & per Pomponium blandiebatur.

¹⁰⁰ Val. cap. ult. lib. 4.

¹⁰¹ 1. Tusc. An.

ccccLXXIV.

¹⁰² 4. Phil.

¹⁰³ 2. de Or.

An. Dxcviii.

¹⁰⁴ de Cl. Or.

¹⁰⁵ Val. cap.

1. lib. 2.

¹⁰⁶ Liv. l. 40.

An. DL.

¹⁰⁷ ep. 12. l. 2. ad Q. fr.

¹⁰⁸ ep. 4 lib. 1. ta.

¹⁰⁹ ep. 11. l. 2. ad Q. f.

Vidit

Vidit enim, hoc genere dicendi si uterer in cæteris, Februarium sterilem fore : eumque lusi jocose satis : neque solum illud extorsi oppidulum, quod erat positum in Euphrate Zeugma, sed præterea togam sum ejus prætextam, quam erat adeptus Cæsare consule, magno hominum risu cavillatus. Quod non vult, inquam, renovare honores eosdem, quo minus togam, prætextam quotannis interpolet, decernendum nihil censeo. Vos autem homines nobiles, qui Burisfrienum prætextatum non ferebatis, Commagenum feretis ? Multa dixi in ignobilem regem, qui totus est explosus. *Quid, quod ipsi reges ad senatum veniunt, in senatu audiuntur ? uti rex Eumenes, & rex Prusias : quem* ¹¹⁰ *Polybius, indignum majestate nominis tanti, tradit pileatum, capite raso, obviam ire legatis solitum, libertumque se populi Ro. ferre, & ideo insignia ordinis ejus gerere. Romæ quoque, cum veniret in curiam, submisisse se, & osculo limen curiæ contigisse : & Deos servatores suos senatum appellasse : aliâque orationem, non tam honorificam audientibus, quam sibi deformem habuisse. Hic locus admonet, ut de nostris legationibus dicamus.* ¹¹¹ *Bellis confectis decem legati imperatoribus decernuntur ad provinciam constituendam, & leges dandas victis gentibus. Eis, ut liberè statuunt* ¹¹² *permitti solet more majorum. Alii ad socios hostesve mittuntur, qui mandata senatus renuncient : & hi postulata omnia ad senatum rejiciunt. nec enim licet aliter, nisi permissum sit ab ordine, ut decem legatis permitti solet, atque à senatu mandata acceperint. Item proficiscentibus ad bellum dantur legati : omnes senatusconsulto. Sunt præterea* ¹¹³ *legationes votivæ, ¹¹⁴ liberæ. Qui* ¹¹⁵ *in angustis versatur, postulat legationem liberam, ut aliqua causa proficiscendi honesta quæatur.* ¹¹⁶ *Legationes etiam sumere liberas exigendi causa, sicut multi viri boni sæpe fecerunt, rectum est. quod ego non reprehendo, socios video quæri. Sin, quod nostro est dignum ordine, quæri-* ¹¹⁷ *mus, illud apertum profectò est, nihil esse turpius, quam*

¹¹⁰ Liv. lib.
37. 42. & 45.

¹¹¹ 12. Phil.

¹¹² Ib.

v. supra nu.
10 & cap. 10.

¹¹³ ep. ult.
lib. 14. Att.

¹¹⁴ 1. de Leg.

¹¹⁵ ep. 1. l. 11.
12.

¹¹⁶ pro Fl.

¹¹⁷ 3. de Leg.

quen-

quenquam legari, nisi reip. causa. Omitto, quemadmodum isti se gerant, atque gesserint, qui legatione hæreditates, aut syngraphas suas persequuntur. in hominibus est hoc fortassè vitium. sed quæro, quid reapse sit turpius, quàm sine procuratione senator, legatus sine mandatis, sine ullo reip. munere. Quod quidem genus legationis ego cos. quamquam ad **commodum** senatus pertinere videatur, tamen approbant è senatu frequentissimo, nisi mihi levissimus tribunus plebis intercesset sustulissèm : tamen minui tempus, & quod erat infinitum, annum feci. Ita turpitudine manet diuturnitate sublata. *Legati poterunt legibus nostris*, ¹¹⁸ legationibus flagitiosè obitis, in iudicium vocari. ¹¹⁹ & habent opinor, liberæ legationes definitum tempus lege Julia : nec facilè addi potest ad hoc genus legationis, ut cùm velis introire, exire liceat. bella est autem ejus juris quinquennii licentia. *Sed multò est præclarius*, ¹²⁰ quod sæpè summis viris accidit, mandata exponere, aut in senatu, aut ab imperatore, aut ad imperatorem, aut ad regem, aut ad populum aliquem à senatu. ¹²¹ Prò Dii immortales ! ubi est ille mos, virtúsque majorum ? C. Popilius apud majores nostros, cùm ad Antiochum regem legatus missus esset, & verbis senatus denunciasset, ut ab Alexandria discederet, quam obsidebat : cùm tempus ille differret, virgula stantem circumscripsit : dixitque se renunciatum senatui, nisi prius sibi respondisset, quid factururus esset, quàm ex illa circumscriptione excederet. præclarè. senatus enim faciem secum attulerat, auctoritatem populi Ro. cui, qui non paret, non ab eo mandata accipienda sunt, sed ipse est totus repudiandus. *Est etiam hujus ordinis, fidem publicam dare : hanc, si Marius tum simulârat, cùm fidem Saturnino dedit, parum* ¹²² de se, & gloria sua cogitavit. ¹²³ quæ fides quî potuit sine S. C. dari ? adeone hospes hujus urbis, adeone ignarus erat disciplinæ, consuetudinisque nostræ, ut hæc nesciret, ut peregrinari in aliena civitate, non in sua magistratum gerere, videretur ?

An.
DCXC.

¹¹⁸ pro Fon.

¹¹⁹ ep. 11. 1.
^{15.} Att.

¹²⁰ 2. de Or.

¹²¹ S. Phil.

An.
DLXXX7.

¹²² pro Rab.
An. DCLIII.
¹²³ Ib.

tur? *Cujus rei, quæ consuetudo sit, mihi debet esse nota.*

¹²⁴ 3. Catil.

v. nu. 6. & 7.

¹²⁴ Etenim in reip. periculis *consul* senatum frequentem celeriter coëgi: introduxi Vulturcium sine Gallis: fidem ei publicam jussu senatus dedi; hortatus sum, ut ea, quæ sciret, sine timore indicaret. *Senatus, etsi de bello & pace non statuat sine populi jussu, solet tamen, cum de his refertur, decernere, ut rogatio ad populum feratur, & ea lata, facere de eo S. C. quod refertur populo placere: atque de omnibus exinde statuere, quæ ad rem conficiendam pertinent. Potest verò tumultum sine*

¹²⁵ 6. Phil.

populo decernere. Ego Anthonium, cum ¹²⁵ *imperatorem populi Ro. oppugnaret, coloniam fidissimam fortissimamque obsideret, bello censui persequendum: tumultum esse decerni, justitium edici, faga sumi, dixi placere: quo omnes acrius graviusque incumberent ad ulciscendas reip. injurias, si omnia gravissimi belli insignia suscepta à senatu viderent. Hic*

¹²⁶ 8. Phil.

autem convenit meminisse, quod hujus ordinis ¹²⁶ *honore usi, togati solent esse, cum est in sagis civitas. Præterea senatus de captis urbibus, utrum delendæ, an relinquendæ videantur, deliberat, & decernit. Excisa est consilio senatus*

¹²⁷ 4. ad Her.

An.

DCVII.

²³ 2. Agr.

An.

DXLII.

Ro. ¹²⁷ *dois malitiosa Carthago, viribus robusta Numantia,* ¹²⁸ *Corinthus posita in angustiiis, atque in faucibus Græciæ. De Capua multum est consultum. Exstant litteræ publicæ, sunt S. C. complura. statuerunt homines sapientes, si agrum Campanis ademissent, magistratus, senatum, publicum ex illa urbe consilium sustulissent, imaginem reip. nullam reliquissent, nihil fore, quod Capuam timeremus. Itaque hoc perscriptum in monumentis veteribus reperietis: ut esset urbs, quæ res eas, quibus ager Campanus coleretur, suppeditare posset: ut esset locus comportandis, condendisque fructibus: ut aratores cultu agrorum defessi, urbis domiciliis uterentur: idcirco illa ædificia non esse deleta. Corinθο & Carthageni, etiamsi senatum & magistratum sustulissent, agrumque civibus ademissent, non defore, qui illa restituerent: atque qui antè omnia commutarent,*

quàm

quàm nos audire possemus. hìc verò in oculis senatus, populiq[ue] Ro. nihil posse existere, quod non antè exstingui, atque opprimi posset, quàm planè exortum, ac natum esset.

Senatus etiam statuit de victis regibus, quid fieri conveniat.

¹²⁹ In senatu, & in consilio de Syphace, cùm diu deliberatum esset, ¹³⁰ patres eum in custodiam Albam mittendum censuerunt. Postea Tiburi mortuum, quo ab Alba traductus erat, senatus publico funere censuit efferendum: ¹³¹ ut vitæ dono honorem sepulturæ adjiceret. Consimilique clementia in Persæ usus est. Nam, quum Albæ, in qua custodiæ causa relegatus erat, decessisset, quæstorem misit, qui eum publico funere efferret: ne regias reliquias jacere inhonoratas permitteret. ¹³² Rex Illyriorum Gentius cum liberis, & con-

¹²⁹ 2. de Inv. An. DLII.

¹³⁰ Liv. lib. 30.

¹³¹ Val. cap. 1. lib. 5. An. DLXXXVI.

juge, & fratre ex S. C. Spoletium ductus, recusantibus custodiam Spoletinis Igiturnum traductus est. Si quæ est controversia inter socios aut populos provinciarum populi Ro. senatus, ut dirimatur, suam interponit auctoritatem. ¹³³ Halesini pro multis, & magnis suis, majorumque suorum in rep. nostram meritis, atque beneficiis, suo jure nuper L. Licinio Q. Mucio cons. cùm haberent inter se controversias de se-

¹³² Liv. lib. 45.

An. DLXXXVI.

¹³³ 4. Ver. An. DCLVIII.

natu cooptando, leges ab senatu nostro petiverunt. decrevit senatus honorifico S. C. ut his C. Clodius Appii filius Pulcher prætor de senatu cooptando leges conscriberet. C. Clodius adhibitis omnibus Marcellis, qui tum erant, de eorum sententia leges Halesinis dedit: in quibus multa sanxit de ætate hominum, ne quis minor triginta annis natu: de quæstu, quem qui fecisset ne legeretur: de censu, de cæteris rebus. quæ omnia ante Verrem prætorum, & nostrorum magistratuum auctoritate, & Halesinorum summa voluntate valuerunt. ab isto, & præco, qui voluit, istum ordinem pretio mercatus est: & pueri annorum senum, septenumque denum senatorium nomen nundinati sunt: & quod Halesini socii atque amici Romæ impetrarunt, ut apud se, ne suffragiis quidem fieri liceret,

¹³⁴ 1. Off.

liceret, id pretio, ut fieri posset, effecit. ¹³⁴ Ne noster quidem probandus est : si verum est Q. Fabium Labeonem, seu quem alium (nihil enim præter auditum habeo) arbitrum Nolanis, & Neapolitanis de finibus agri à senatu datum, quum ad locum venisset, cum utrisque separatim locutum : ut, ne cupidè quid agerent, nève appeterent, atque ut regredi, quàm progredi mallerent. id quum utrique fecissent, aliquantum agri in medio relictum est. Itaque illorum fines, sicut ipsi dixerant, terminavit : in medio relictum quod erat, populo Ro. adjudicavit. decipere hoc quidem est, non judicare. quocirca in omni re fugienda est talis solertia. *Hæreditas relicta populo Ro. senatus auctoritate adiri solet. Attalus hæredem pop. Ro. reliquit. Item Syrenarum Rex. Postea majores hæreditates crevimus :*

An.
DCXX.
¹³⁵ 2. Agr.
An.
DCLXXVIII.

¹³⁵ regnum Bithyniæ, Ægypti. Quis hoc ignorat dici regnum Ægypti testamento regis Alexandri populi Ro. esse factum ? Hic ego, non modò nihil judico, sed ne quid sentiam quidem profero. Magna enim mihi res, non modò ad statuendum, sed etiam ad dicendum videtur esse. Video qui testamentum factum esse confirmet, auctoritatem senatus exflare hæreditatis additæ sentio ; tum, quando Alexandro mortuo legatos Tyrum misimus, qui ab illo pecuniam depositam nostram recuperarent. hæc L. Philippum sæpè in senatu confirmasse memoria teneo. Dicitur contrà, nullum esse testamentum : non oportere populum Rom. omnium regnorum appetentem videri : demigraturos in illa loca nostros homines propter agrorum bonitatem, & omnium rerum copiam. ¹³⁶ Reges Syriæ regis Antiochi filii Romam venerunt, non propter Syriæ regnum : nam id sine controversia obtinebant, ut à patre & à majoribus acceperant : sed regnum Ægypti ad se, & ad Selenem matrem suam pertinere arbitrabantur. *Non silendum etiam, senatus esse, munera à populis regibusque missa, accipienda, aut repudianda censere.*

¹³⁶ 6. Ver.
An.
DXXXVI.

¹³⁷ Livius
lib. 22.

¹³⁷ *Post cladem ad Thrasymenum acceptam Neopolitani legati Romam*

An.
DXXXVI.

Romam venerunt. ab iis quadraginta pateræ aureæ magni ponderis in curiam illatæ: atque ita verba facta, ut dicerent, scire se Romani populi ærarium bello exhauriri: & cum juxta pro urbibus agrisque sociorum, ac pro capite atque arce Italiæ urbe Ro. atque imperio geratur, æquum censuisse Neapolitanos, quod auri sibi, cum ad ipsorum ornatum, tum ad subsidium fortunæ à majoribus relictum foret, eo juvare populum Ro. si quam opem in sese crederent, eodem studio fuisse oblato. gratum sibi patres Romanos populúmque facturum, si omnes res Neapolitanorum suas duxissent: dignósque judicaverint, à quibus donum animo ac voluntate eorum, qui libentes darent, quàm re majus ampliúsque acciperent. Legatis gratiæ actæ pro munificentia, curaque: patera, quæ ponderis minimi fuit, accepta. Legati etiam à Pesto pateras aureas Romam attulerunt, iis, sicut Neapolitanis, gratiæ actæ, aurum non acceptum. ¹³⁸ Hiero Syracusanorum rex audita illa clade CCC. millia modiorum tritici CC. hordei, mille sagittariorum, funditorum aptam manum, & ominis causa auream Victoriâ pondo CCCXXX. urbi nostræ pro munere misit. Nam non ignarus verecundiæ majorum nostrorum, ne nollent accipere aurum, in habitu id Victoriæ formavit: ut eos religione motos munificentia sua uti cogeret: voluntate mittendi prius, iterum providentia cavendi, ne remitteretur, liberalis. Ab senatu ita responsum regi est: Virum bonum, egregiúmque socium Hieronem esse, atque uno tenore, ex quo in amicitiam populi Ro. venerit, fidem coluisse, ac rem Romanam omni tempore ac loco munificè adjuvisse: id perinde, ac deberet, pergratum populo Ro. esse: aurum, & à civitatibus quibusdam allatum, gratia rei acta, non accepisse: populum Ro. Victoriâ, oménque accipere: sedémque ei se Divæ dare, dicare Capitolium, templum Jovis Opt. Max. in ea arce urbis Romæ sacratam, volentem, propitiâque, firmam, ac stabilem fore populo Ro. funditores, sagittariique, & frumentum traditum consulibus. P. Scipione Nasica & M. Acilio Glabrione cos.

¹³⁸ Valer. cap.
ult. lib. 4. &
Livius d.
lib. 22.

A Pto.

¹³⁹ Liv. Lib.
36.

An. DLXII.

v. cap. 42.
nu. 14.

¹⁴⁰ 3. Ver.

¹⁴¹ 2. Phil.

An. DCCIV.

¹⁴² 12. Phil.
An. DCCIX.
& DCCX.

¹⁴³ 11. Phil.

¹⁴⁴ ep. 10. l.
12. fa.

An. DCCX.

¹⁴⁵ 7. Phil. ap.

¹⁴⁶ 5. Phil.

¹⁴⁷ ep. 19. l. 9.
Att.

¹⁴⁸ Liv. l. 3.

¹⁴⁹ 1. Catil.

An. DCCXXXII.

¹³⁹ *A Ptolemæo Ægypti rege mille pondo auri; XX. millia pondo argenti allata: nihil est acceptum, gratiæ ac̄tæ. A. Masinissa etiam & Carthaginienſibus legati venerē pollicentes frumentum: id, ut ab ſe munus Romani acciperent, petere ſe. Carthaginienſes etiam ſe claſſem ſumtu ſuo comparaturos: ſtipendium, quod pluribus penſionibus in multos annos deberent, præſens omne duros. De frumento utriſque reſponſum, ita uſurum eo pop. Ro. ſi pretium acciperent. de claſſe Carthaginienſibus remiſſum, præterquam, ſi quid navium ex fœdere deberent: de pecunia ita reſponſum, nullam ante diem accepturos. Porro in ſenatus poteſtate eſt, hoſtes eos judicare, qui à rep. deſciant, aut remp. in hoſtilem modum vexant.* ¹⁴⁰ L. Magium & L. Fannium, qui Myndi habitabant, ſenatus in hoſtium numero habendos cenſuit. ¹⁴¹ In M. Antonium Tribunum pl. decrevit ſenatus, & quidem incolumis, nondum tot luminibus exſinctis, quod in hoſtes togatos eſt decerni ſolitum more majorum. *Eundem in Conſulatu, & poſt Conſulatum,* ¹⁴² multis gravibus judiciis, ignominiisſque ſenatus concidit. ¹⁴³ Dolabella, quique ejus crudeliſſimi & teterrimi facinoris miniſtri, focii, adjutores fuerunt, hoſtes populi Ro. à ſenatu judicati ſunt, eumque bello perfequendum cenſuit. ¹⁴⁴ Lepidus pridie Cal. Quinctiles ſententiis omnibus hoſtis à ſenatu judicatus eſt, cæteriſque qui unà cum illo à rep. deſecerunt. quibus tamen ad ſanitatem redeundi ante Cal. Septembres poteſtas facta eſt. *Sin adducitur res* ¹⁴⁵ in maximum periculum, & in extremum pene diſcrimen, ſenatus ¹⁴⁶ juſtitium edici, ſaga ſumi, ¹⁴⁷ dictatorem dici jubet, vel magiſtratibus univerſam remp. commendat, ne quid reſp. detrimenti accipiat. ¹⁴⁸ *quæ forma ſenatusconſulti ultimæ ſemper neceſſitatis eſt habita. In ſeditione Gracchi* ¹⁴⁹ decretum eſt, ut L. Opimius cos. videret, ne quid detrimenti reſp. caperet. ¹⁵⁰ *In motu Saturnini* factum eſt S. C. ut C. Marius L. alerius coſs. adhiberent omnes tribunos pl. præter Saturninum, omnes prætores præter Glauciam, qui remp.

remp. salvam esse vellent, arma capere, & se sequi jubent.

¹⁵¹ Cæsar, cùm minaces ad senatum, & acerbis litteris mississet, & exercitum & provinciam invito senatu teneret : senatus consulibus, prætoribus, tribunis pl. & nobis, qui procos. fuimus, negotium dederat, ut curaremus, ne quid detrimenti resp. caperet. Nunquam majore in periculo civitas fuit : nunquam improbi cives habuerunt paratiorem ducem.

¹⁵¹ ep. 11.
l. 16. fa.

An. DCCIV.

¹⁵² Cùm bello decertandum esset confestim cum Antonio, ne multa nobis quotidie decernenda forent, consulibus totam remp. commendandam censui : iisque permittendum, ut remp. defenderent, provideréntque, ne quid resp. detrimenti acciperet : censuique ut iis, qui in exercitu Antonii erant, ne esset ea res fraudi, si ante Cal. Febr. ab eo decessissent.

¹⁵² 5. Phil.

DE HONORIBUS,

atque præmiis, à senatu decerni solitis.

C A P. XXV.

DE senatus cognitione satis, supérque dictum est : nunc videamus, qui benè merentibus decernantur à senatu honores, & præmia. In iis, quæ rebus in bello gestis tribui solent, hæc præcipua sunt : ovatio, supplicatio, & confecto bello corona illa laurea, gloriâque triumphi. quibus ¹ de ¹ ep. 14. l. 15
rebus gravissimos homines, & rogare solere, & rogari scio. ^{fa.}
Hujus etiam generis sunt, quæ à senatu dari solent vacationes, pecuniæ, agri militibus, clarissimis hominibus imperia : sùntque honores alii, qui tam pro urbanis, quàm bellicis decernuntur meritis : nempe gratiarum, laudum, titulorum, monumentorum. Me consule S. C. factum est, quo ² primùm mihi ² 3. Catil. &
gratiæ verbis amplissimis aguntur, quòd virtute, consilio, ^{4.} Catil.
providentia mea Resp. maximis sit periculis liberata. Deinde L. Flaccus & C. Pomtinus præt. quòd opera eorum
forti, fidelique usus essem, meritò ac jure laudantur : atque etiam viro forti collegæ meo C. Antonio laus imper-
titur : quòd eos, qui hujus conjurationis participes fuif-

H

sent,

v. cap. 25.
nu. 35.

3 post Red. in
sen. pro Sext.
in Pif.
4 lb.

v. cap. 9.
nu. 1.

5 pro Sext.
An.
DCCXCVI.

6 In Pif.

7 ep. 2. l. 2. egressum vidi, populúmque universum. 7 Secuta est sum-

Att.

sent, à suis & Reip. consiliis removisset : atque etiam supplicatio decreta est. *Post in meo casu, exilio, & reditu, multa pro me singularia.* 3 Nostra memoria senatores, ne in suis quidem periculis vestem mutare solebant, in meo periculo senatus veste mutata fuit. 4 De me uno patres conscripti decreverunt, ut, qui provincias cum imperio obtinerent, qui quæstores, legatíque essent, salutem & vitam meam custodirent. In una mea causa post Romam conditam factum est, ut litteris consularibus ex S. C. cuncta ex Italia omnes qui remp. salvam vellent, convocarentur : quod nunquam senatus in universæ reip. periculo decrevit, id in unius mea salute conservanda decernendum putavit. 5 Quid ego illa de me divina S. C. commemorem ? vel, quod in templo Jovis Opt. Max. factum est, cum virgo, qui tripartitas orbis terrarum oras, atque regiones tribus triumphis adjunctas huic imperio notavit, de scripto sententia dicta, mihi uni testimonium patriæ conservatæ dedit. cujus sententiam ita frequentissimus senatus secutus est, ut unus dissentiret hostis, idque ipsum tabulis publicis mandaretur ad memoriam posteritatis temporis sempiternam : vel quod est postredie decretum in curia, populi ipsius Romani, & eorum, qui ex municipiis convenerant admonitu : ne quis moram ullam afferret : si quis aliter fecisset, eum planè everforem reip. fore, idque senatum gravissimè laturum : &, ut statim de ejus facto referretur ? Qua gravitate sua cum frequens senatus nonnullorum scelus, audaciámque tardassent, tum illud addidit, si diebus quinque, quibus agi de me potuisset, non esset actum, redirem in patriam, dignitate omni recuperata : Decrevit eodem tempore senatus, ut iis, qui ex tota Italia salutis meæ causa convenerant, agerentur gratiæ : atque, ut iidem ad res redeuntes, ut venirent, rogarentur. *Quid plura ?* 6 unus ille dies mihi quidem immortalitatis instar fuit, cum in patriam redii, cum senatum

ma contentio de domo. Hanc ⁸ frequentissimus senatus
statuit iudicio pontificum religione liberatam videri: tum
⁹ negotium magistratibus datum, ut curarent, ut sine vi
mihi ædificare *ex ærario* liceret, quibus in maximis peri-
culis universa resp. commendari solet, deinde cùm ille
faxis, & ignibus, & ferro vastitatem meis ædibus intulisset,
decrevit senatus eos, qui id fecissent de vi, quæ est in eos,
qui universam remp. oppugnassent teneri. *Hujusmodi se-
natusconsultis damnari solent ea, quæ iniquitatem habent, aut
vi sunt perpetrata.* ¹⁰ A. D. VII. idus ad Apollinis Sc.
factum est, quæ in turba facta essent A. D. VII. contra
Remp. esse facta. ¹¹ Similiter incendium curiæ, oppugna-
tionem ædium M. Lepidi, cædem Clodii contra remp. se-
natus factum esse decrevit. *hæc de iis, quæ læsere. De iis
autem, quæ nocitura sunt diligenter cavet, & sancit, cùm ne
fiant, tum ut suam* ¹² dignitatem, auctoritatémque sanciat.
Cujus generis sunt ista: ne quis ulla ratione rem impediret,
qui id impedisset, graviter molestéque laturum: illum con-
tra remp. salutémque bonorum, concordiamque civium
facturum. ¹³ Si quis posthac ad Antonium profectus fue-
rit: præter L. Varum, senatum existimaturum eum contra
remp. fecisse. ¹⁴ Ad IV. Idus S. C. factum est, ut sodali-
tates, decuriatique discederent, lexque de iis ferretur, ut,
qui non discessissent, ea pœna, quæ est de vi, tenerentur.
Sed, ut revertamur ad interrupta de honoribus, & præmiis.
Etsi ¹⁵ illa divina virtus, non statuas plumbo inhærentes,
nec triumphos arescentibus laureis, sed stabiliora quædam
desiderat. ¹⁶ tamen ornant, & excitant habiti honores, de-
creta virtuti præmia, res gestæ judiciis hominum compro-
batæ: in quibus etiam felicitatem ipsam, decorum immor-
taliū judiciis tribui, ut in supplicationibus fit, laudati-
onis est. *Pleraque hujus generis à senatu decreta sunt*
bello cæpto contra Antonium. ¹⁷ Duces laudati, qui contra
illum, bellum privato consilio suscepissent. ¹⁸ Laudata est

⁸ infra cap.
25. nu. 10.

⁹ de Har.
Rest.

¹⁰ ep. 3. l. 2.
ad Q. fr.

¹¹ pro Mil.
An.
DCCXVII.

¹² post Red.
in Sen.

¹³ S. Phil.

¹⁴ ep. 3. l. 2.
ad Q. fr.

¹⁵ 6. de Rep.

¹⁶ 2. de Or.

¹⁷ S. Phil.
An. DCCIX.

¹⁸ 4. Phil.

etiam provincia Galliæ, meritóque ornata verbis amplissimis à senatu, quòd resisteret Antonio. Denique ¹⁹ effectum, ne quem pœniteret remp. quàm spem prædæ, & rapinarum sequi maluisse. ²⁰ est autem fidei pietatisque nostræ, declarare fortissimis viris, quàm memores simus, quàmque grati. ²¹ C. Cæsari adolescentulo imperium *eodem in tumultu* extraordinarium decrevimus: quòd difficillimo reip. tempore saluti dignitatique populi Ro. subvenisset: ob eamque causam, senatui *etiam* placuit, *ipsum* senatorem, sententiàmque loco prætorio dicere: ejusque rationem, quemcunque magistratum peteret, ita haberi, prout haberi lege liceret, si anno superiore quæstor fuisset. *Hujus ego princeps sententiæ in senatu fui, atque etiam illius de honore* ²² M. Lepidi, *antequam à rep. defecerat*: ut ei statua equestris inaurata in Rostris, aut quo alio loco in foro vellet, statueretur. nec verò cuiquam possumus commemorare hunc honorem à senatu tributum, judicio senatus soluto, & libero. *Idem ego de honore Sulpicii princeps fui sententiæ: qua,* ²³ cùm talis vir in legatione mortem obierit, dixi senatui placere, Ser. Sulpicio statuam pedestrem æneam in Rostris, ex hujus ordinis sententia statui: cùmque antea senatus auctoritatem suam in virorum fortium funeribus, ornamentisque ostenderit, placere eum, quàm amplissimè supremo suo die efferri: & cùm ita de rep. meritis sit, ut his ornamentis decorari debeat senatum censere, atque è rep. existimare, ædiles curules edictum, quod de funeribus habeant, Ser. Sulpicii funeri remittere. *Ex quibus obiter observandum noneo, senatus in legibus, & edictis remittendis potestatem.* ²⁴ Cn. Pompeius ex S. C. legibus solutis consul antè est factus, quàm ullum alium magistratum per leges capere licuisset. ²⁵ Majores tamen nostri privilegium ferri noluerant de singulis, nisi centuriatis comitiis: *neque aliter ulla in re* ²⁶ alicui gratificabantur, aut homini, aut ordini. Quæ consuetudo intermissa plures annos, ut lege restitueretur,

Cornelius

¹⁹ ep. 12. l.
²² 1a.

²⁰ 14. Phil.

²¹ 11. Phil. &
5. Phil.

²² 5. Phil.

²³ 9. Phil.

²⁴ pro Man.

An.
DeLXXXIII.
²⁵ 3. de Leg.

²⁶ 1. Corn.
v. Dio. lib. 36.
& Asc.

Cornelius elaboravit. At consules de corrigenda lege re-
tulerunt. Ille ad rem moderandam tulit, ne quis in sena-
tu legibus solveretur, nisi CC. adfuissent: ne quis, cum
solutus esset, intercederet, cum hac de re ad populum fer-
retur. ²⁷ Antonius in Capitolio præclara S. C. fecit, ne ²⁷ 2. Phil.
qua post idus Martias immunitatis tabula, néve cujus bene-
ficii figeretur. Num me fefellit? aut num diutius sui po-
tuit esse dissimilis? inspectantibus nobis toto Capitolio ta-
bulæ figebantur: neque, solùm singulis veniebant immuni-
tates, sed etiam populis universis: civitas jam non singu-
latim, sed provinciis totis dabatur. ²⁸ Quatuor omnino ²⁸ 1. Corn.
genera sunt, in quibus per senatum, more majorum statu-
atur aliquid de legibus: unum est ejusmodi, placere legem
abrogari, ut Q. Cæcilio Marco Junio cons. quæ leges rem
militarem impedirent, ut abrogarentur. Alterum, quæ
lex lata esse dicatur, ea non videri populum teneri: ut L.
Martio. Sex. Julio cons. de legibus Livii: tertium est de
legum derogationibus, quo de genere persæpè S. C. fiunt,
ut nuper de ipsa lege Calphurnia, cui derogaretur. *De re-
mittendis jam monui: quo etiam pertinent datæ indicibus
impunitates scelerum, & decreta senatusconsultis præmia.*
Ego ²⁹ Vulturcio fidem, ut dixi, publicam jussu senatus ²⁹ sup. cap.
dedi: ³⁰ præmia senatus legatis Allobrogum, Titóque Vul- ^{23. nu. 24.}
turcio dedit amplissima. *Adde senatus esse leges interpre-* ³⁰ 4. Catil.
tari: ³¹ S. C. me referente est factum, si mercede obviam ³¹ pro Mur.
candidatis issent, si conducti sectarentur, si gladiatoribus
vulgò locus tributim, & item prandia si vulgò essent data,
contra legem Calphurniam factum videri: *Ne plura,* ³² ejus ³² pro Domo.
est gravissimum judicium de jure legum. Jam redeo. *Illud*
Sulpicii monumentum alterius renovat memoriam: quod ut
fieret, placuit, uti ³³ C. Panfa, A. Hirtius cons. imperatores, ³³ 14. Phil.
alter, ambóve, aut si abessent, M. Cornutus præt. urbanus ³³ An. dccx.
militibus, qui pro salute & libertate populi Ro. pro urbe,
templisq; deorum immortalium vitam profudissent, monu-

mentum quàm amplissimum locandum, faciendum curarent, quæstorésque urbanos ad eam rem pecuniam dare, attribuere, solvere juberent : ut esset ad memoriam posteritatis sempiternam, ad scelus crudelissimorum hostium, militumque divinam virtutem : utque, quæ præmia senatus militibus antè constituit, ea solverentur eorum, qui hoc bello pro patria occiderunt, parentibus, liberis, conjugibus, fratribus, iisque tribuerentur, quæ militibus ipsis tribui deberet, si illi vixissent, qui morte vicerunt. ³⁴ Facile est benè agere cum iis, à quibus etiam tacentibus flagitari videmur. Illud admirabilius, & majus, maximèque proprium senatus sapientis est, grata eorum virtutem memoria prosequi, qui pro patria vitam effuderunt. ³⁵ Mos est Athenis laudare in concione eos, qui sunt in præliis interfecti : qua de re Platonis oratio popularis sic probata est, ut eam quotannis illo die recitari necesse sit. *qui mos est utilis.* Atque ³⁶ hæc benignitas etiam reip. utilis est, redimi è servitute captos, locupletari tenuiores, quod vulgò solitum fieri ab ordine nostro, in oratione Crassi copiosè scriptum videmus. *Senatus magna fuit potestas, magna gravitas : & hæc una in multis, non quolibet, sed dignos tantis nominibus appellare reges, socios, amicos.* Funesto anno tribunatus Clodii ³⁷ regum appellationes venales erant. ³⁸ Appellati reges à populo, qui id nunquam à senatu quidem postulassent. ³⁹ Deiotarum, quem unum habemus in orbe terrarum fidelissimum huic imperio, atque amantiissimum nostri nominis regem, sæpè à senatu regali nomine dignum existimatum, clarissimorum testimoniis ornatum, Clodius etiam regem appellari cum Brogitaro jussit : sed alter est rex judicio senatus per nos, pecunia Brogitarus per Clodium appellatus. Cùm multa regia sunt in Deiotaro, tum illa maximè, quòd Clodio nullum nummum dedit : quòd eam partem legis Clodii, quæ congruebat cum judicio senatus, ut ipse rex esset, non repudiavit, cæteras neglexit. *Hæc appellatio in*
tanta

³⁴ Ib.³⁵ in Orat.³⁶ 2. Off.³⁷ Pro Do.³⁸ pro Sext.³⁹ de Har.

An. DCXCV.

tanta gratia & honore ponitur, ut ejus ergò magnæ debeantur, agantúrque gratia, & senatui, & senatoribus. ⁴⁰ Masinissa gratias per legatos egit senatui, quòd Scipio eum regem appelláffet: atque petiit, ut regium nomen, cæteráque Scipionis beneficia & munera, senatus decreto confirmaret.

⁴⁰ Liv. lib. 30.
v. supra. cap. 18. nu. 2.

⁴¹ Antè audio S. C. in Armeniam & Syriam esse perlatum, quod in meam sententiam factum esse dicatur, quàm omnino mentionem ullam de ea re esse factam. Nam mihi scito à regibus ultimis allatas litteras, quibus mihi gratias agant, quòd se mea sententia reges appellaverim: quos ego non modò reges appellatos, sed omnino natos nesciebam. ⁴² Omnia Deiotaro Cæsar tribuebat. cùm & ipsi, &

⁴¹ ep. 15. lib. 9. fa.

filio nomen regium concessit: quod ne amitteret Cæsare victore, timuit. Hoc nomine retento atque conservato, nullum beneficium populi Ro. nullum judicium de se senatus imminutum putavit. ⁴³ Paullus Æmilius consul cùm

⁴² Pro Deiot.

litteras ab Perseo victo per ignobiles tres legatos cerneret, & ipse illacrimasse dicitur sorti humanæ. Sed postquam regem Persea consuli Paulo S. legit, miserationem omnem stultitia ignorantis fortunam suam exemit. Itaque quamquam in reliqua parte litterarum minimè regiæ preces erant, tamen sine responso, ac sine litteris ea legatio demissa est. Sensit Perseus, cujus nominis obliviscendum victo esset. Itaque alteræ litteræ cum privati nominis titulo missæ, & petiere, & impetravere, ut aliqui ad eum mitterentur, cum quibus loqui de statu & conditione suæ fortunæ posset. Missi sunt tres legati: nihil ea legatione perfectum est, Perseo regium nomen omni vi amplectente: Paulo, ut se suáque omnia in fidem, & clementiam populi Ro. permetteret, contendente. Nostri omnia submitti volunt, fastum oderunt, flectuntur precibus. ⁴⁴ Ti-

⁴³ Liv. lib. 45.
An. DLXXXV.

granem, Cn. Pompeius cùm in suis castris supplicem abjectumque vidisset, erexit, atque insigne regium, quod ille de suo capite abjecerat, reposuit: & certis rebus imperatis, regnare jussit: nec minus & sibi, & huic imperio

⁴⁴ pro Sext.
An.
DLXXXVII.

- gloriosum putavit, constitutum à se regem, quàm constrictum videri. Tigranes igitur regnat & amicitiae nomen ac societatis, quod armis violârat, id precibus est consecutus. *Quæ res jus* ⁴⁵ imperatorium illustrat, quod omnibus imperatoribus conservatur, non in prædis ac manubiis solùm, sed etiam in locis, ubi bellum administratur: quorum penes imperatores omne iudicium, ac potestas more majorum debet esse. *quibus etiam conceditur jura* ⁴⁶ civitatis dare iis, qui magno sunt usui reip. *quæ tamen omnia à senatu populoque Ro. proficisci censentur, veluti hujuscemodi cætera.*
- ⁴³ cap. 16. nu. 13. & 14. ⁴⁶ v. cap. 17. nu. 3. ⁴⁷ 4. Ver. ⁴⁸ pro Bal. ⁴⁹ pro Sext.
- ⁴⁷ quas enim leges sociis, amicisque dat is, qui habet imperium à populo Ro. auctoritatem legum dandarum à senatu, hæ debent & pop. Ro. & senatus existimari. *Atque hæc recepta sunt more illo, quo per populum Ro.* ⁴⁸ beneficiorum virtutis causa tribuendorum potestatem imperatoribus nostris deferimus. ⁴⁹ Multa acerba, multa turpia, multa turbulenta habuit annus tribunatus Clodii: tamen illi sceleri, quod in me illorum immanitas edidit, haud scio an rectè hoc proximum esse dicam, quod editum est in regem Ptolemæum: qui, si nondum erat ipse à senatu socius appellatus, erat tamen frater ejus regis, qui cum esset in eadem causa, jam erat à senatu honorem istum consecutus: erat eodem genere, iisdem majoribus, eadem vetustate societatis: denique erat rex, si nondum socius, at non hostis; pacatus, quietus, fretus imperio populi Ro. regno paterno atque avito, regali otio perfruebatur. De hoc nihil cogitante, nihil suspicante, Clodianis operis suffragium ferentibus, est rogatum: ut sedens cum purpura & sceptro, & illis insignibus regiis præconi publico subjiceretur: & imperante populo Ro. qui etiam bello victis regibus regna reddere consuevit, rex amicus nulla injuria commemorata, nullis rebus repetitis, cum bonis omnibus publicaretur.
- ⁵⁰ pro Deiot ⁵⁰ Semper regium nomen in hac civitate sanctum fuit: sociorum verò regum & amicorum sanctissimum: *atque etiam*

etiam omnium, qui essent ⁵¹ à senatu honorem consecuti, ⁵¹ pro Sexi.
 ut focii appellarentur. *Illud verò pro singulari beneficio est
 habendum, quo senatus, dum esset procos. in Cilicia* ⁵² auc- ⁵² ep. 2. lib.
 toritas intercessit, ut ego regem Ariobarzanem, eusebe ⁵³ fa.
 & philorhomæum tuerer: ejúsque regis salutem, & in- ^{An. DCCII.}
 columitatem regni defenderem, regi, regnóque præsidio ^{Nili}
 essem: adjunxitque salutem ejus regis populo, senatuí-
 que magnæ curæ esse: quod nullo unquam de rege de-
 cretum est à nostro ordine: licet regibus, & regum liberis
 legatísque habiti sint à senatu honores, dataque munera.
Marcello & Valerio cos. ⁵³ legati ab rege Syphace Romam ve- ⁵³ Livius
 nerunt, quæ is prospera prælia cum Carthaginien-sibus fecisset ^{lib. 27.}
 memorantes: regem nec inimiciorem ulli populo, quàm Car- ^{An. DXLIII.}
 thaginien-si, nec amiciorem, quàm Romano, affirmabant esse.
 misisse eum antea legatos in Hispaniam ad Cn. & P. Cornelios
 imperatores Ro. nunc ab ipso, velut fonte, petere Romanam
 amicitiam voluisse. Senatus, non legatis modò benignè res-
 pondit, sed & ipse legatos cum donis ad regem misit, L. Genu-
 tium, P. Petellium, P. Popilium. Dona tulere, togam & tu-
 nicam purpuream, sellam eburneam, pateram auream ex quin-
 que pondo factam. Protinus & alios Africæ regulos jussit adire.
 iis quoque quæ darentur portata, togæ prætextæ, & ternum
 pondo pateræ aureæ. Et Alexandriam ad Ptolemæum Cleopa-
 trámque reges M. Attilius & M. Acilius legati ad commemoran-
 dam renovandámque amicitiam missi, dona tulere regi togam,
 & tunicam purpuream, cum sella eburnea: reginæ pallam pic-
 tam cum amiculo purpureo. ⁵⁴ Confecto Macedonico bello Mu-
 socanes Masinissæ filius cum equitibus, quos in præsidium Ro-
 manorum adduxerat ab imperatore Paullo, ad patrem remissus
 tempest ateclassè dispersa Brundisium æger delatus est: quod, ubi
 senatus cognovit, continuo illò quæstorem ire jussit: cujus cura
 & hospitium adolescenti expediretur: & omnia, quæ ad vale-
 tudinem opus essent præberentur: impensæque liberaliter, tum
 ipsi, tum toti comitatu præstarentur: naves etiam ut provi-
 derentur,

derentur, quibus se benè ac tutò cum suis in Africam trajiceret: equitibus singulas libras argenti, & quingentos sextertios dari imperavit. quæ tam prompta, & tam exquisita patrum C. humanitas efficere potuit, ut etiam, si expirasset adulescens, æquiore animo desiderium ejus pater toleraret. Idem senatus, quum ad gratulandum sibi Prusiam Bithyniæ regem Perse devicto venire audisset, obviam illi P.C. Scipionem quaestorem Capuam misit: censuitque, ut ei domus Romæ quàm optima conductoreretur: & copiæ non solum ipsi, sed etiam comitibus ejus publicè mitterentur. C. Popilio Lænote & P. ⁵⁵ Livius lib. 42. ^{An.} DLXXXI. ⁵⁵ legati Ariartis regis Cappadociæ puerum filium regis secum adducentes Romam venerant. Quorum oratio fuit, regem, educandum filium Romam misisse, ut jam inde à puero assuesceret moribus Romanis, hominibusque petere, ut eum non sub hospitum modò privatorum custodia, sed publicæ etiam curæ, ac velut tutelæ vellent esse. Ea regis legatio grata senatui fuit. Decreverunt, ut Cn. Sicinius præt. ædes instructas locaret, ubi filius regis comitésque ejus habitare possent. Et Thracum legatis apud se disceptantibus, & societatem amicitiamque petentibus, & quod petebant datum est, & munera binum millium æris summæ, in singulos missa. Hos utique populos, quod à tergo Macedoniæ Thracia esset, assumptos in societatem gaudebant. ⁵⁶ Ne Ægyptus quidem Romanæ humanitatis experts fuit. Rex enim Ptolemæus à minore fratre regno spoliatus, petendi auxilii gratia, cum paucis admodum servis, squallore obitus, Romam venerat: ac se in hospitium Alexandrini pictoris contulerat. Id postquam senatui relatum est, accersito juvene, quàm potuit accurata excusatione usus est, quòd nec quaestorem illi more majorum obviam misisset. nec publico hospitio eum excepisset: eaque non negligentia, sed ipsius subito & clandestino adventu facta dixit: & illum è curia subito ad publicos penates deduxit: hortatusque est, ut depositis sordibus adeundi ipsius diem peteret: quinetiam curæ habuit, uti munera ei per quaestorem quotidie darentur. Hi, gradi-

⁵⁵ Val. cap. 1.
lib. 5.

An.
DLXXXIX,

gradibus officiorum jacentem ad regium fastigium erexit : ef-
fecitque, ut plus spei in auxilio populi Ro. quàm metus in sua
fortuna reponeret. ⁵⁷ Illius verò Romanæ liberalitatis cæles-
tem spiritum nullæ litteræ satis dignis laudibus prosequuntur.
Philippo enim Macedonia rege superato, cùm ad Isthmicum
spectaculum tota Græcia convenisset, T. Q. Flaminius, tubæ
signo silentio facto per præconem, hæc verba recitare jussit :
S. P. Q. R. & T. Quintius Flaminius imperator, omnes Græ-
ciæ urbes, quæ sub ditione Philippi regis fuerunt, liberat atque
immunes esse jubet. Quibus auditis maximo & inopinato gau-
dio omnes percussi, primò veluti non audisse se, quæ audierant,
credentes obticuerunt : Iterata deinde pronuntiatione præconis,
tanta cælum clamoris alacritate compleverunt : ut certè constet
aves, quæ supervolabant, attonitasque paventésque decidisse.
Magni animi fuisset, à tot captivorum capitibus servitutem de-
traxisse : quot tunc nobilissimis atque opulentissimis urbibus P. R.
libertatem largitus est. qui nihil temerè, nec in indignos con-
ferre solet, quantumvis reges. quod ipse censui, cùm de Comma-
geno rege ageretur. Non est omittendum, quòd licet summa, &
hujusmodi sit auctoritas senatus, ut ea ⁵⁸ majores nostri uti
magistratus, & quasi ministros gravissimi consilii esse volue-
rint : iis tamen omnia injungit honorificè, apposita in S. C.
clausula, si eis videatur. Hinc ego Bruto : ⁵⁹ Nihil hono-
rificentius potuit facere senatus, quàm ut tuum esset judi-
cium, quid maximè conducere reip. tibi videretur. Lau-
dari etiam probarique solent honorificis S. C. quæ acta gestave
sunt commodo reip. & ut plurimum, his verbis : ⁶⁰ rectè &
ordine, exque rep. fecisse. atque interdum istis : ⁶¹ benè & è
rep. & pro sua majorumque suorum dignitate, consuetudi-
néque reip. benè gerendæ fecisse : eamque rem senatui, po-
pulòque Ro. gratam esse, & fore. ⁶² Sed senatus etiam sa-
piens, qua quémque re putat, modò honesta, ad rem juvan-
dam posse adduci, hac utitur.

⁵⁷ Val. cap. 8.
lib. 4.
Liv. lib. 39.
An. DLVII.

v. cap. 23.
nu. 109.

⁵⁸ Sup. cap.
5. nu. 6. &
cap. 6. nu. 11.

⁵⁹ ep. 4. lib.
ad Br.

⁶⁰ 3. Phil. &
5. Phil.
⁶¹ 10. Phil.

⁶² ep. 14. ad
Br.

QUÆ SIT AUCTORITAS senatus in iis, quæ religionem injiciunt, vel ad res divinas pertinent.

C A P. XXVI.

HACTENUS de profanis. Reliquum est, ut in sacris, quod jus senatus obtineat, persequamur. In more positum est, ¹ ut in nostris dubitationibus, atque superstitionibus de religione decernat, ut ad pontificum collegium referatur: ² quorum auctoritati, fidei, prudentiæ, majores nostri sacra, religionésque, & privatas, & publicas commendârunt. ³ Cùm Licinia Virgo Vestalis summo loco nata, sanctissimo sacerdotio prædita, T. Flaminio, Q. Metello cons. aram, & ædiculam, & pulvinar sub saxo sacro dedicâisset: eam rem ex auctoritate senatus ad hoc collegium Sex. Julius præt. retulit: tum P. Scævola pontifex Max. pro collegio respondit, quod in loco publico Licinia C. F. injussu populi dedicâisset, sacrum esse non videri. Pòst autem senatus, consecratam eam aram tollendam, ex auctoritate pontificum censuit. Neque ullum est passus ex ea dedicatione litterarum exstare monumentum. Antè quidem multo, P.

¹ de Har.

² Ib.

³ pro Dom.
An. DCXXX.

⁴ Livius lib. 9.
An. CDXLIX.

⁵ de Har.

⁶ pro Do.

⁷ de Har.

⁸ Ib.
An. DCXCVI.

⁹ ep. 2. l. 4.
Att.

⁴ Sulpicio Averrione P. Sempronio cons. ex auctoritate senatus latum ad populum est, ne quis templum aramve injussu senatus, aut trib. pleb. partis majoris dedicaret. ⁵ Meam domum populus Ro. cujus est summa potestas omnium rerum, comitiis centuriatis, omnium ætatum, ordinumque suffragiis eodem jure esse jussit, quo fuisset. Postea, ⁶ M. Bibuli fortissimi viri senatus sententiam secutus ⁷ decrevit, ut de earum ædium religione, ad pontificum collegium referretur. ⁸ Has dein pontifices causa cognita, duobus locis dicta, maxima frequentia amplissimorum ac fortissimorum civium assente, omni religione, una mente omnes liberaverunt. ⁹ Cùm pontifices decreissent, habetur senatus frequens. adhibentur omnes

omnes pontifices, qui erant senatores: à quibus Marcellinus, qui erat cupidissimus mēi, sententiam primus rogatus quæsit, quid essent in decernendo secuti. Tum Lucullus de omnium collegarum sententia respondit, religionis iudices pontifices fuisse, legis senatum: se & collegas suos de religionē statuissē, in senatu de lege staturos. suo quisque horum loco sententiam rogatus, multa secundum nostram causam disputavit. Cū ad Clodium ventum est, cupiit diē consumere: neque ei finis est factus: sed tamen cū horas tres ferē dixisset, odio & strepitu senatus coactus est aliquando perorare. Cū fieret S. C. in sententiam Marcellini, omnibus præter unum assentientibus, Serranus intercessit. De intercessione statim ambo consules referre cœperunt. Cū sententiæ gravissimæ dicerentur, senatui placere mihi domum restitui, auctoritatem ordinis ab omnibus magistratibus defendi: si quavis esset facta, senatum existimaturum, ejus opera factum esse, qui S. C. intercessisset: Serranus pertimuit, & Corvinus ad suam veterem fabulam rediit: abjecta toga se ad gēneri pedes abjecit: ille noctem sibi postulavit. non concedebant. Postridie ¹⁰ frequentissimus senatus, consule designato Lentulo, sententiæ principe, P. Lentulo, & Q. Metello cōs. referentibus statuit, cū omnes pontifices, qui erant hujus ordinis adessent: cūque alii, qui honoribus populi Ro. antecederent, multa de collegii judicio verba fecissent, omnesque iidem scribendo adessent, domum meam judicio pontificum, religione liberatam videri. ^{v. cap. 23. nu. 68. 69.}
De Clodii scelere & incestu ad pontifices relato supra diximus.
Neplura: ad hos veluti ¹¹ religionis interpretes decurritur. ¹¹ pro Dom.
¹² At, de capite virginum Vestalium, frequens collegium ¹² de Har. judicat: ita est enim interpretatio illa pontificum, ut iidem potestatem habeant judicium. *Si quod portentum accidit,*
¹³ senatus decem viros ad libros ire jubet. ¹⁴ Sibyllam qui- ¹³ 1. de Divin.
dem sepositam & conditam habemus, ut id, quod proditum ¹⁴ 2. de Div.
est à majoribus, injussu senatus ne legantur quidem libri:
valebantque

valeántque ad deponéndas potius, quàm ad fufcipiendas religiones. ¹⁵ Delata eſt ad ſenatum labes agri Privernatis, cum ad infinitam altitudinem terra defediſſet, Apuliáque maximis terræ motibus conquaſſata eſſet, quibus portentis magna populo Ro. bella, pernicioſæque ſeditiones denunciabantur: inque his reſponſa haruſpicum cum Sibyllæ verſibus congruebant. *L. Martio Sex. Julio conſulibus* ¹⁶ lapidum imber deſluxit, iſta ædes pietatis, ¹⁷ ſenatui nunciatum eſt deorum ſudáſſe ſimulacra. Huiusmodi omnia in metu & periculo, cum creduntur facilius, tum finguntur impunius. Nos autem ita leves, atque inconfiderati ſumus, ut ſi mures corroſerint aliquid, quorum eſt opus hoc unum, monſtrum putemus. Ante verò Marſicum bellum, quòd clipeos Lanuvii mures roſiſſent, maximum id portentum haruſpices eſſe dixerunt. quaſi verò quicquam interſit, mures diem & noctem aliquid rodentes, ſcuta an cribra corroſerint. Nam, ſi iſta ſequimur, quòd Platonis Politiam nuper apud me mures corroſerint, de rep. debui pertimeſcere: aut ſi Epicuri de voluptate liber corroſus eſſet, putarem annonam in Macello chariorem fore. At ¹⁸ haruſpices ea reſponderunt, quæ evenerunt: & in Sibyllæ libris eadem reſpectæ prædictiones ſunt. ¹⁹ Hoc ego Philoſophi non eſſe arbitror, teſtibus uti: qui, aut caſu veri, aut malitia falſi, fictique eſſe poſſunt. argumentis & rationibus oportet quare quidque ita ſit docere, non eventis: iis præſertim, quibus mihi liceat non credere. ²⁰ Nec verò ſomnia graviora, ſi quæ ad remp. pertinere viſa ſunt, à ſummo conſilio neglecta ſunt. Memoria noſtra templum Junonis Soſpitæ, *L. Julius*, qui cum P. Rutulio conſul fuit, de ſenatus ſententia reſecit ex Cæciliæ Balearici filiæ ſomnio. ²¹ quod quidem ſomnium, Siſenna cum diſputaſſet mirificè ad verbum cum re conveniſſe, tum diſputat ſomniis credi non oportere. *Cæterum, uti ex auctoritate ſenatus de religione pontifices, libri Sibyllini & haruſpices de portentis: ita de cærimoniis bellicis*

bellicis faciales consuluntur : eorúmque opera senatus utitur in rebus repetendis, in indicendis bellis, in fœderibus feriendis. sunt enim ²² fœderum, pacis, belli, induciarum, oratores, ²² v. cap. 12. nu. 23. judices, disceptatores, atque interpretes facialis populi Ro. juris, ab Anco descripti Martio. Is enim, ²³ ut à se bel- ²³ Liv. l. 1. licæ cærimoniæ proderentur, veluti à Numa religiones : nec gerentur solùm, sed etiam indicerentur bella aliquo ritu, jus ab antiqua gente Æquicolis, quod nunc faciales habent, descripsit. ²⁴ P. Cornelio Scipione & M. Acilio Glabrione coss. ²⁴ Id. lib. 36. An. DLXII. cùm populus Ro. duellum jussisset cum rege Antiocho, consul M. Acilius ex Sc. ad collegium facialium retulit : ipsine regi Antiocho indiceretur bellum ? an satis esset ad præsidium aliquod ejus nunciare ? & num Ætolis quoque qui sectam ejus secuti essent, separatim indici juberent bellum ? & num prius societas eis, & amicitia renuncianda esset, quàm bellum indicendum ? faciales responderunt : jam antè sese, cùm de Philippo consulerentur, decrevisse, nihil referre, ipsi coràm, an ad præsidium nunciaretur : amicitiam renunciatam videri. cùm, legatis toties res repetentibus, nec reddi, nec satisfieri æquum censuissent : Ætolos ultrò sibi bellum indixisse, cùm Demetriadem sociorum urbem per vim occupassent : Chalcidem terrâ marique oppugnatum issent : regem Antiochum in Europam ad bellum populo Ro. inferendum traduxissent. Ipsi faciales, nihil in his sine auctoritate senatus, facere consueverunt. ²⁵ Cùm in Africam ad fœdus ferendum ire ²⁵ Id. lib. 30. An. DLII. juberentur, ipsis postulantibus S. C. in hæc verba factum est : ut privos lapides silices, privasque verbenas secum ferrent : uti prætor Ro. his imperaret, ut fœdus ferirent, illi prætorem sagmina poscerent. herbæ id genus ex arce sumtum dari facialibus solet. Nihil enim ex solennibus in fœderibus omittitur. ²⁶ T. Veturius & Sp. Posthumius coss. ²⁶ Id. lib. 9. An. CDXXXIII. profecti ad Pontium ducem Samnitium in colloquium, cùm de fœdere victor agitaret, negârunt injussu populi fœdus feriri posse : nec sine facialibus, cærimoniæque alia solenni. Ita-
que

que non, ut vulgò credunt, Claudiusque etiam scribit, fœdere pax Caudiana, sed per sponsonem facta est. Quid enim aut sponforibus in fœdere opus esset, aut obsidibus, ubi precatione res transigitur: per quem populum fiat, quo minus legibus dictis fletur, ut eum ita Jupiter feriat, quemadmodum à fecialibus porcus feriatur? Interea, etsi ²⁷ majores nostri statas solennésque cærimonias pontificatu, rerum benè gerendarum auctoritates augurio, fatorum veteres prædictiones Apollinis vatum libris, portentorum explanationes Hetruscorum disciplina contineri putaverunt: tamen pleraque, ad res divinas pertinentia, in senatus potestate voluerunt esse: ut de iis, cum videretur commodum, decerneret. Quo de genere sunt decreta de precationibus. ²⁸ (faciles enim sunt preces apud eos, qui ultrò nobis viam salutis ostendunt) de cædendis hostiis, de prodigiis procurandis, ludis & donis vovendis, de votis solvendis, & liberanda religione rep. defer-tis, de agendis gratiis, & habendis supplicationibus. ²⁹ Supplicatio ob remp. pulcherrimè gestam postulantibus imperatoribus nostris deneganda non est: id enim præter Gabinium (³⁰ T. Albutium excipio) ³¹ contigit nemini. ³² Dii immortales! idne ego optarem, ut inimicus meus, ea, qua nemo unquam, ignominia notaretur? ut senatus is, qui in eam benignitatis consuetudinem venit, ut eos, qui benè remp. gesserint, novis honoribus afficiat, & numero dierum & genere verborum, hujus unius litteris nunciantibus non crederet, postulantibus denegaret. Sed quid? ³³ animadvertisse illud me videor, aliquos, & in his gravem ipsum Catonem, quem attentè audire soleo, non tam res gestas, quàm mores, instituta, atque vitam imperatorum spectare solere in habendis, aut non habendis honoribus. Quæ si etiam majora sunt, & in omnibus seculis pauciores viri reperti sunt, qui suas cupiditates, quàm, qui hostium copias vincerent: est profectò senatus, cum ad res bellicas, hæc, quæ rariora & difficiliora sunt, genera virtutis adjunxerit, ipsas etiam il-

²⁷ de Har.

²⁸ Ib.

²⁹ 14. Phil.

³⁰ de Pro. cons.

An. DCXLI.

³¹ d. 14. Phil.

³² in Pis.

An. DCXCVII.

³³ ep. 4. l. 15.
fa.

las res gestas, justiores esse, & majores putare. ³⁴ C. Cæ. ³⁴ pro Bal. An. DCXCVII. farem senatus, & genere supplicationum amplissimo ornavit, & numero dierum novo. ³⁵ Supplicatio diis immortalibus pro singulari eorum merito, meo nomine decreta est, quòd mihi primùm post hanc urbem conditam togato contigit: & his decreta verbis est, quòd urbem incendiis, eade cives, Italiam bello liberássem. quæ supplicatio, si cum cæteris supplicationibus conferatur, hoc intersit, quòd cæteræ benè gesta, hæc una conservata rep. constituta est: cæteræ bellis, ³⁶ hæc nullis armis sumtis, non ob eadem ³⁶ 14. Phil. hostium, sed ob conservationem civium, novo & inaudito genere decreta est ³⁷ ad omnia pulvinaria. Nam multi sæpe ³⁷ 3. Catil. honores justis diis immortalibus habiti sunt, ac debiti, sed profectò justiores nunquam, erepti enim ex crudelissimo, ac miserrimo interitu: & erepti sine cæde, sine sanguine, sine exercitu, sine dimicatione, togati me uno togato duce, & imperatore vicerunt. *Hæc enim appellatio iis debetur, quibus supplicatio decernitur. Itaque cum* ³⁸ ex litteris C. ³⁸ 14. Phil. An. DCCX. Panfæ A. Hirtii consulum C. Cæsaris propræt. de honore diis immortalibus habendo sententias diceremus, hoc primùm feci, ut imperatores appellarem eos, quorum virtute, consilio, felicitate maximis periculis servitutis atque interitus liberati sumus. Etenim, cui viginti his annis supplicatio decreta est, ut non imperator appellaretur, aut minimis rebus gestis, aut plerumque nullis? Quamobrem mea sententia, aut supplicatio ab eo, qui antè dixit, decernenda non fuit, aut usitatus honos pervulgatúsque tribuendus iis, quibus etiam novi singularésque honores debentur: Atque etiam supplicatione decernenda, hostes eos, de quibus decerneretur, judicare necesse fuit: quòd senatus supplicationem cùm decernit, hostes judicat. Nunquam enim in civili bello supplicatio decreta est: decreta dico? ne victoris quidem litteris postulata, *nisi hoc bello quinto civili gesto contra Antonium. Illud etiam observo, senatus esse providere,*

⁸⁹ pro Bal.

ut qui sacris præficiuntur, sint Romani cives. ³⁹ *Sacra Cere-
ris summa majores nostri religione confici, cærimoniæque
voluerunt. Quæ cùm essent assumpta de Græcia, & per
Græcas semper curata sunt sacerdotes, & Græca omnia
nominata. Sed cùm illam, quæ Græcum illud sacrum
monstraret & faceret, ex Græcia deligerent, tamen sacra
pro civibus civem facere voluerunt, ut deos immortales sci-
entia peregrina & externa, mente domestica & civili preca-
rentur. Has sacerdotes video ferè aut Neapolitanas, aut
Velientes fuisse foederatarum civitatum. Mitto vetera:
proxima dico, ante civitatem Veliensibus datam, de senatus
sententia C. Valerium Flaccum præf. urbanum nominatim
ad populum de Caliphana Veliente, ut ea civis Ro. esset,
tulisse. Hæc, & quæ memini alia, ex unius auctoritate sena-
tus pendent. attamen, si de religione scrupulus tenuissimus
inesse aliquis videatur, senatus pontifices consulit. ⁴⁰ *M. Ful-
vius, cùm pro triumpho decreto gratias P. C. egisset, adjecit
ludos magnos se Jovi Opt. Max. eo die, quo Ambraciam ce-
pisset, vovisse: in eam rem sibi centum pondo auri à civitati-
bus collatum: petere, ut ex pecunia, quam in triumpho latam
in ærario positurus esset, & aurum secerni juberet. Senatus
pontificum collegium consuli jussit, num omne id aurum in lu-
dos consumi necessum esset? Cùm pontifices negassent ad re-
ligionem pertinere, quanta impensa in ludos fieret: senatus
Fulvio, quantum vellet impenderet, permisit, dum ne sum-
mam octoginta millium excederet.**

⁴⁰ Liv. lib. 39.
An. DLXVI.

DE CONSULARI CURA, auctoritate, munere in Rep. tuenda: convocando, cogendo atque habendo senatu.

v. cap. 7. lib. 14. Gel. de officio senatus habendi: & Augusti legem de senatu habendo in lib. 55. Dionis.

C A P. XXVII.

VERSANTUR in animo boni consulis multæ & graves cogitationes: quæ ipsi nullam partem, neque diurnæ, neque nocturnæ quietis impertiunt: primum tuendi consulatus, quæ est ei difficilis & magna ratio: ut cui errato nulla venia, rectè facto exigua laus, & ab invitis expressa proponitur. ² Accedit etiam ille summus labor, ac difficillima ratio consulatus gerendi: quòd videat hæc omnia, pacem externam, libertatem propriam generis ac nominis Ro. otium domesticum, denique omnia, quæ populo chara atque ampla sunt, in fidem, & quodammodo in patrocinium sui consulatus esse collata. ³ Ita magnum nomen est, magna species, magna majestas consulis: magna vis animi, præstantisque ingenii, quæ tantam personam, tam gravem, tam severam sustinere possit. ⁴ Non enim in toga & prætexta esse consulatum putandum est. Quæritur consul, qui ⁵ commodis suis omnibus, emolumentis, præmiis prætermis-
⁶ missis, cura, cogitatione, vigiliis omnibus, nihil, nisi de salute suorum civium laboret: ⁷ qui dicendo nonnunquam comprimat tribunitios furores: qui concitatum populum flectat: qui largitioni resistat: qui possit consilio atque oratione, & senatus, & populi mentes permovere: qui militari laude antecellat: ⁸ qui animo consul sit, consilio, fide, gravitate, vigilantia, cura, toto denique munere consulatus. ⁹ Omnia enim, quæ sunt in imperio, & in statu civitatis à consulibus defendi, & firmari putantur. ¹⁰ Si res est in præfenti, atque ante oculos proposito periculo, vel id conjectura

¹ 2. Agr. ap.

² Ib. ap.

³ In Pis.

⁴ Ib.

⁵ pro Do.

⁶ pro Mur.
⁷ v. cap. 3.

⁷ in Pis.

⁸ pro Mur.

⁹ pro Do.

¹⁰ in Pis.

¹¹ 2. Agr.
v. cap. 38.
nu. 3.

¹² pro Mur.

prospicitur, consules causam suscipere, senatus aliquid consilii capere debet : ¹⁰ sic, ut nulla possit esse excusatio, non dicam malè sentienti, sed sedenti, cunctanti, dormienti, in reip. motu consuli. ¹¹ Omnes *viciissim*, qui se incolumes volent, sequentur in periculo salutis ac libertatis, auctoritatem consulis soluti à cupiditatibus, liberi à delictis, cauti in periculis, non timidi in contentionibus. ¹² Cùm Catilinæ voces percrebuissem, quas habuisse in concione domestica dicebatur : cùm miserorum fidelem defensorem negasset inveniri posse, nisi eum, qui ipse miser esset : integrorum & fortunatorum promissis, saucios & miseros credere non oportere. Quare, qui consumpta replere, erepta recuperare vellent, spectarent quid ipse deberet, quid possideret, quid auderet : minimè timidum, & valdè calamitosum esse oportere eum, qui esset futurus dux & signifer calamitosorum. Cùm igitur, his rebus auditis, factum est S. C. referente me, ne postero die comitia haberentur, ut de his rebus in senatu agere possemus. Itaque postridie frequenti senatu Catilinam excitavi, atque eum de his rebus iussi, si quid vellet, quæ ad me allatæ essent, dicere. Atque ille, ut semper fuit apertissimus, non se purgavit, sed indicavit, atque induit. tum enim dixit, duo corpora esse reip. unum debile infirmo capite, alterum firmum sine capite : huic, cùm ita de se meritum esset, caput se vivo non defuturum. Congemuit senatus frequens, neque tamen satis severè pro rei indignitate decrevit. Nam partim ideo fortes in decernendo non erant, quia nihil timebant : partim quia timebant. Tum erupit è senatu triumphans gaudio, quem omninò vivum illinc exire non oportuerat : præsertim, cùm idem ille in eodem ordine, paucis diebus antè, Catoni fortissimo viro iudicium minitanti, ac denunciante respondisset : si quod esset in suas fortunas incendium excitatum, id se non aqua, sed ruina restincturum. His tum rebus commotus, & quòd homines jam tum conjuratos cum gladiis in campum

pum deduci à Catilina sciebam, descendi in campum cum firmissimo præsidio fortissimorum virorum, & cum illa lata, insignique lorica, non quæ me tegeret (etenim sciebam Catilinam non latus, aut ventrem, sed caput & collum solere petere) verùm, ut omnes boni animadverterent, & cùm in metu, & periculo consulem viderent, id quod est factum, ad opem præsidiumque meum concurrerent. ¹³ Nam si est boni consulis, cùm cuncta auxilia reip. labefactari convelli- que videat, ferre opem patriæ, succurrere saluti fortunisque communibus, implorare civium fidem, suam salutem posteriore salute communi ducere : est etiam bonorum & fortium civium intercludere omnes seditionum vias, munire præsidia reip. summum esse in consulibus imperium, summum in senatu consilium putare : ea, qui secutus sit, laude & honore dignum judicare. ¹⁴ In ejus magistratus tutela reges atque exteræ nationes semper fuerunt, nedum ¹⁵ provinciar, quæ omnes in consulis jure, & imperio sunt. ¹⁶ De injuriis in socios, in reges, in liberas civitates consulum querela esse debet. *has ob causas missi legati* ¹⁷ postulata consulis edunt, *atque petunt sibi senatum dari.* ¹⁸ Teneo ad me consulem Putolanorum de Vatinio querelas esse delatas. ¹⁹ Multa Sophocles Agrigentinus apud Cn. Pompeium cos. homo disertissimus pro tota Sicilia de aratorum miseriis graviter, ac copiosè dixisse, ac deplorasse dicitur. ex quibus hoc iis, qui aderant, (nam magno conventu acta res est) indignissimum videbatur, qua in re senatus optimè ac benignissimè cum aratoribus egisset, largè liberalitèrque existimasset, in ea re prædari prætorem, bonis everti aratores : & id non modò fieri, sed ita fieri, quasi liceat, concessumque sit *Neque solum hujus generis publicæ, sed & privatar querimoniar apud consules habentur, atque ab eis referuntur ad senatum.* ²⁰ Verres palam de sella ac tribunali pronunciat, si quis absentem Sthenium rei capitalis reum facere vellet, sese ejus nomen recepturum. Sthe-

¹³ pro Rab.
p. 160.

¹⁴ pro Sext.

¹⁵ 2. Phil.

¹⁶ pro Sext.

¹⁷ v. cap. 23.
nu. 43.

¹⁸ in Vat.

¹⁹ 5. Ver.
An.
DCLXXXV.

²⁰ 4. Ver.
v. cap. 6.
nu. 11. 12.

An.
DCLXXXIII.

nus, qui Romam venisset, rem ad amicos suos detulit. Quæ, ut erat acerba & indigna, sic videbatur omnibus. Itaque in senatu continuò Cn. Lentulus, L. Gellius Cofs. faciunt mentionem, placere statui, si patribus conscriptis videretur, ne absentes homines in provinciis rei fierent rerum capitalium: causam Sthenii totam, & istius crudelitatem, & iniquitatem senatus docent. Aderat in senatu Verres, pater istius, & stens unumquemque senatorem rogabat, ut filio suo parceret: neque tamen multum proficiebat. erat enim summa voluntas senatus. Itaque sententiæ dicebantur, cum Sthenius absens reus factus esset, de absente iudicium nullum fieri placere: &, si quod esset factum, id ratum esse non placere. Eo die transigi nihil poterat, quod & id temporis erat, & ille pater istius invenerat homines, qui dicendo tempus consumerent. *Sed longè se-
cus, & graviter.* ²¹ T. Torquatus is, qui consul cum Cn. Octavio fuit, cum illam severitatem in eo filio adhibuit, quem in adoptionem D. Silano emancipaverat: ut eum Macedonum legatis accusantibus, quod pecunias prætorem in provincia cepisse arguerent, causam apud se dicere juberet: réque ex utraque parte audita, pronunciaret eum, non talem videri fuisse in imperio, quales ejus majores fuissent & in conspectum suum venire vetuit. *Hujusmodi, aut quæ alia, si ad consulem deferantur, seu ipsius judicia* ²² de rep. consulendus sit senatus, auspiciis operam dat, ²³ & edicit, ut adsit senatus frequens ad ——— Variis in locis haberi solet: sæpè ad ædem, sive Apollinis, sive Tel-
luris, sive Concordiæ, sive Virtutis, sive Castoris, vel alibi, si ²⁴ Coguntur, qui non adsunt pignore aut multa, ni causa sit. De supplicationibus cum refertur, senatores deesse non solent: coguntur enim non pignoribus, sed eorum, de quorum honore agitur gratia. quod idem fit, cum de triumpho refertur: ita sine cura consules sunt, ut penè liberum sit senatori non adesse. *Et verò, cum ho-*
nor.

²¹ 1. de Fin.
An.
DLXXXVII.

²² 1. de Div.

²³ 1. Phil.
v. cap. 8.
nu. 4.

²⁴ d. 1. Phil.

non est alicui decretus, ²⁵ res ipsa declarat, ipsi illum honorem fuisse jucundum, qui scribendo adsuit : hoc enim S. C. ab amicissimis ejus, cujus de honore agitur, scribi solet.

²⁵ ep. 6. l. 15. fa.

²⁶ Senatus absentibus consulibus nunquam nisi ad rem novam cogitur, ²⁷ ipsi verò solent edicto cogere, at hujusmodi dimittere senatum formula, ²⁸ NIHIL VOS MORAMUR PATRES CONSCRIPTI. Sed, ut ab usitatis ad antiquata

²⁶ ep. 27. lib. 12. fa.

²⁷ v. cap. 8.

²⁸ Capitol.

in Antonino.

²⁹ severissima majorum instituta transgrediar, antea senatus assiduam stationem eo loci peragebat, qui hodie quoque senaculum appellatur : nec expectabat, ut edicto contraheretur : sed inde citatus protinus in curiam veniebat : ambiguae laudis civem existimans, qui debitis reip. officiis, non sua sponte, sed jussus fungeretur. quia, quicquid imperio cogitur, exigenti magis, quam præstanti acceptum refertur. Illud quoque memoria repetendum est, quòd tribunis pleb. intrare curiam non licebat : ante valvas autem positis subfelliis decreta patrum attentissima cura examinabant : ut, si quæ ex cis improbassent, rata esse non sinerent. Itaque veteribus senatusconsultis T. littera subscribi solebat, eaque nota significabatur illa tribunos quoque censuisse.

²⁹ Val. cap. 1. lib. 2.

QUÆ SENATUM TURBANT, & minus frequentem faciunt ? quæ à senatore postulatur fortitudo, sapientia ? quæ præstanda prudentia, diligentia ?

C A P. XXVIII.

TUM illustratur senatus, cum gubernat remp. si non optabili, at necessario tempore, sed sæpenumerò obruitur vi, armis, gladiatorum impunitate, contentionibus, ambitione, motibus reip. Uniuscujusque generis singula subjecissemus exempla, nisi occurrerent inferius.

¹ 7. Phil. ap.

fortium

² 13. Phil.

fortium virorum, quales *senatores* esse debent, virtute præstare tantum, ut possint fortunæ culpam non extimescere. Sed, quoniam ab hoc ordine non fortitudo solum, verum etiam sapientia postulatur, ³ temperata sit oportet tota ratio, ut reip. constantiam *senator* præstet, privatis suis rebus propter infirmitatem bonorum, iniquitatem malevolorum, odium improborum, adhibeat quandam cautionem, & diligentiam: ⁴ ita vitam, corpusque servet, ita fortunas, ita rem familiarem, ut hæc posteriora libertate ducat: itaque his uti velit, si libera rep. possit: nec pro his libertatem, sed pro libertate hæc projiciat, tanquam pignora injuriæ. *Erat post meum consulatum*, ⁵ conjunctio mihi summa cum Pompeio, etiam cum Cæsare, reditus in gratiam cum inimicis, pax cum multitudine, senectutis otium: sed me ^{*} κατὰ κρισι; illa mea commovebat.

*Interea cursus, quos prima à parte juventæ,
Quosque adeo consul virtute, animoque petisti,
Hos retine, atque auge famam, laudisque bonorum.*

Hæc mihi, cum in eo libro, in quo multa sunt scripta
^o ἀριστοκρατικῆς *Calliope ipsa præscripserit, non opinor esse*
^o εἰς διανόητον ἀριστον, ἀπο-
 vεσθαι περὶ πάσης. *dubitandum, quin semper nobis videatur* ^o *Et verò* ⁶ *nullum fuit tempus, in quo non*
⁶ ep 1. rep. *omnia præstiti reip. quæ præstare debuit is, qui esset in eo.*
^{ep. ad Br.} *in quo ego sum gradu, senatus populique judicio collocatus.*
Nec illa modò, quæ nimirum sola ab homine sunt postu-
landa, fidem, vigilantiam, patriæ charitatem (ea sunt enim,
quæ nemo est, qui non præstare debeat) ego autem ei, qui
sententiam dicat in principibus de rep. puto etiam pruden-
tiam præstandam. Nec me, quum mihi tantum sumserim, ut
gubernacula reip. prenderem, minus putârim reprehenden-
dum, si inutiliter aliquid senatui suaserim, quàm si infide-
liter.

^o pro Statu
Optimatum.
^o unum augu-
rium opti-
mum, defen-
dere patriam.

⁶ ep 1. rep.
ep. ad Br.

liter. Neque etiam me censuerim excusandum, si cùm resp.
erit tuenda, ⁷ vel defatigatus requiem quæsierim ex magnis ⁷ ep. 14. l. 5.
occupationibus, *vel statuerim minus bonis temporibus in se-*
natum non venire : quia ⁸ nulla lassitudo, aut timor impedire ⁸ ep. 24. l. 12.
officium & fidem debet : ⁹ nec ullo casu arbitror hoc con- ⁹ fa.
stanti homini posse contingere, ut ulla intermissio fiat officii.
Et forsan in hoc ipso, in charitate erga patriam & paren-
tes, in amicitia gerenda, ¹⁰ sicut in certamine currendi, non ¹⁰ 4. ad Hæ.
ita convenit exerceri, ut, quoad necesse sit, pervenire possis :
sed, ut productus studio, & viribus, ultrà procurras. *Benè*
Pompeius ¹¹ principum munus esse ducebat resistere, & le- ¹¹ pro Mil.
vitati multitudinis, & perditorum temeritati. *Attamen* ¹² di- ¹² Frag. 3.
gladiari semper, depugnare cum facinorosis & audacibus,
quis non cùm miserrimum, tum etiam stultissimum dix-
erit ?

UTRUM IN ACERBIS CASIBUS & *tempori-*
bus reip. senator cogendus sit in senatum, an excu-
sandus ? Quid fecerit in his Cicero ?

C A P. XXIX.

JAM quæri potest, ¹ utrùmne est tempus aliquod, quo ¹ pro Do.
in senatum cogi non debeat senator ? Primum censeo
legem hanc servandam : ² SENATORI, QUI NON ADERIT, ² 3. de Leg.
AUT CAUSA, AUT CULPA ESTO. Deinde ³ dico sena- ³ pro Do.
toris esse boni, semper in senatum venire, ⁴ potestas modò ⁴ 1. Phil.
veniendi sit : ⁵ nec cum his sentio, qui statuunt minus bonis ⁵ pro Do.
temporibus in senatum ipsi non venire : non intelligentes
hanc suam nimiam perseverantiam vehementer iis, quorum
animos offendere voluerunt, gratam & jucundam esse,
His positis, quid ipse fecerim turbidis quibusdam temporibus,
cùm in rep. libera, nondum delata ad unum, tum in oppressa
per Antonium dicam : atque ab illis Clodii, omnia miscntis in
summa

6 Ib.
An.
DCCXCVI.

summa frumenti inopia, incipiam. 6 Ego in senatum non veni, & domi me tenui, quamdiu turbulentum tempus fuit: cùm servos Clodii ab ipso jampridem ad bonorum eadem paratos, cum illa sua consceleratum ac perditorum manu armatos, in Capitolium cum eo venisse constabat. Quod cùm mihi nunciaretur, scio me domi mansisse, & Clodio, & gladiatoribus instaurandæ cædis potestatem non fecisse. Posteaquam mihi nunciatum est populum Ro. in Capitolium propter motum, atque inopiam rei frumentariæ convenisse, ministros autem scelerum Clodii perterritos, partim amissis gladiis, partim ereptis diffugisse, veni non solum sine ullis copiis ac manu, verum etiam cum paucis amicis, cùm P. Lentulus cos. ac Q. Metellus me arcesserent in senatum. At enim nonnulli propter timorem, quo se in senatu tutò non esse arbitrabantur, discesserunt. Non reprehendo, nec quæro, fueritne aliquid pertimescendum: puto arbitrato suo quemque timere oportere: ego non timui, quia Clodium illinc abiisse constabat. 7 Veni expectatus, multis jam sententiis dictis rogatus sum sententiam: dixi reip. saluberrimam, mihi necessariam. Petebatur à me frumenti copia, annonæ utilitas, quasi possem aliquid in ea re: meæ valetudinis ratio non habebatur: flagitabar bonorum expostulatione, improborum convicia sustinere non poteram: delegavi amico locupletiori: non quò illi, ita de me merito, onus illud imponerem (succubuissem enim potius ipse) sed quia videbam id, quod omnes, quod nos de Cn. Pompeio polliceremur, id illum fide, consilio, virtute, auctoritate, felicitate denique sua facillimè perfecturum. Non solum rem maximam eripui à peste summi periculi, sed etiam bonos à cæde, incendiis, vastitate: nemo negat: cùm ad causam charitatis accederet iste speculator omnium miserrimarum, qui semper in reip. malis sceleris sui faces inflammaret. *Venio ad tempora Antonii, quæ difficiliora fuerunt:*

quia

7 Ib.

quia⁸ nec tutò in senatum, nec honestè venire potuimus: ⁸ ep. 2. l. 10. ^{fa.}
 sed nec sine periculo quisquam de rep. sentiens versari po- ^{An. DCCIX.}
 tuit in summa impunitate gladiatorum: nec nostræ digni-
 tatis videbatur esse ibi sententiam de rep. dicere, ubi me,
 & melius, & propius audirent armati, quàm senatores.
⁹ Ego, cùm sperarem aliquando ad hujus ordinis consilium ⁹ 1. Phil.
 auctoritatèmpue remp. esse revocatam, manendum mihi
 statuebam, quasi in vigilia quadam consulari, ac senatoria.
 Nec verò usquam discedebam, nec à rep. dejiciebam oculos,
 ex eo die, quo in ædem Telluris convocati sumus. In
 quo templo, quantum in me fuit, jeci fundamenta pacis:
 Atheniensiumque renovavi vetus exemplum: Græcum eti-
 am verbum usurpavi: quo tum in sedandis discordiis usa
 erat civitas illa: atque omnem memoriam discordiarum ob-
 livione sempiterna delendam censui. Præclara tum oratio
 M. Antonii: ad hunc ordinem res optimas deferebat: ad
 ea, quæ quæsitæ erant, respondebat. Ecce Calendæ Junæ,
 quibus, ut adessẽmus, edixerat. Mutata omnia: nihil per
 senatum: multa & magna per populum, & absente populo,
 & invito. Consules designati se audere negabant in sena-
 tum venire. patriæ liberatores urbe carebant ea, cujus à
 cervicibus jugum servile dejecerant: quos tamen ipsi con-
 sules, & in concionibus, & in omni sermone laudabant.
 Veterani qui appellabantur, quibus hic ordo diligentissimè
 caverat, non ad conservationem earum rerum, quas habe-
 bant, sed ad spem novarum prædarum *omnino* incitabantur.
 Quæ cùm audire mallet, quàm videre, haberẽmpue jus
 legationis liberum, ea mente discessi, ut adessẽm Cal. Jan.
 quod initium senatus legendi fore videbatur. Cùm redirem ¹⁰ Ib.
*audi vi multa*¹⁰ hunc ordinem decrevisse invitum: non modò
 voce neminem L. Pisoni consularem, sed ne vultu quidem
 assensum esse. *Hinc illa mea: Quæ* (malum) est ista
 voluntaria servitus? fuerit quædam necessaria: nec ego hoc
 ab omnibus iis desidero, qui sententiam consulari loco di-
 cunt.

cunt. Alia causa est eorum, quorum silentio ignosco : alia est eorum, quorum vocem requiro : quos quidem doleo in suspicionem venire, non modò metus, quod ipsum esset turpe, sed alium alia de causa deesse dignitati suæ. *At postea* ¹¹ iusta fuit excusatio cùm ¹² tanta Antonii esset, non insolentia (nam id quidem vulgare vitium est) sed immanitas, non modò ut vocem, sed ne vultum quidem liberum potuerit ferre cujusquam. Itaque mihi maximæ curæ fuit, non mea quidem vita, cui satisfacere vel ætate, vel factis, vel si quid etiam hoc ad rem pertinet, gloria: *sed me patria sollicitabat, & resp.* ¹³ hominis impotentissimi armis sic oppressa, ut in ea nec senatus, nec populus vim haberet ullam : nec leges ullæ essent, nec judicia, nec omninò simulacrum aliquod, aut vestigium civitatis : cùm ¹⁴ in senatu illo, qui quondam florens orbi terrarum præsidebat, homines perditissimos cum gladiis collocaret. ¹⁵ Quid Tarquinius tale ? senatum etiam reges habebant : nec tamen, ut Antonio senatum habente, in consilio regis versabantur barbari armati. ¹⁶ Illud verò tètèrrimum non modò auditu, sed etiam aspectu, in cella Concordiæ collocari armatos, latrones, sicarios. De templo carcerem fieri : operis valvis Concordiæ, cùm inter subsellia senatus versarentur latrones, patres conscriptos sententias dicere. Huc etiam, nisi venirem calendis Sept. fabros se missurum, & domum meam disturbaturum esse dixit. Adesse postea in senatu iussit XIII. kalendas Oct. quo die, si per amicos mihi cupienti in senatum venire licuisset, cædis initium fecisset à me, sic enim statuerat : Cùm autem semel gladium scelere imbuisset, nulla res ei finem cædendi nisi defatigatio, & satietas attulisset. *At ille* ¹⁷ inimicitias mihi denunciavit. Quid autem attinuerit L. Cassio tribuno pl. mortem denunciare, si in senatum veniret : D. Carfuleum è senatu vi, & minis mortis expellere : Ti. Canutium non templo solùm, verùm etiam aditu prohibere Capitolii : ¹⁸ tres consulares,

quia

¹¹ 7. Phil.¹² ep. 1. l. 10. fa.¹³ Ib.¹⁴ 5. Phil.¹⁵ 3. Phil.¹⁶ 5. Phil.¹⁷ 5. Phil.
& 3. Phil.¹⁸ ep. 2. l. 12. fa.

quia de rep. benè sensissent, liberè locuti essent, tutò in senatum venire non potuisse. ¹⁹ O rem miseram ! dominum ¹⁹ cp. 3. d
ferre non potuimus, conseruo servimus. *Quid dignitas con-* ^{1. 12.}
sularis, quid senatoris spiritus omni tempore postulat video :
sed vim, quam denunciât inimicus, & periculum quod certum
est, quis non extimescat. ²⁰ Custodiatûr vita reip. eâque ²⁰ 12. Phil.
quoad, vel dignitas, vel natura patietur, patriæ reservetur.
Mors autem necessitatem habeat fati : aut si antè oppetenda
est, oppetatur cum gloria. quam ²¹ in morte debent ii, qui in ²¹ Ib.
rep. versantur, non culpæ reprehensionem, & stultitiæ vituperationem relinquere. Etenim, qui multorum custodem se profitetur, cum sapientes sui primùm capitis aiunt custodem esse oportere. Cùm septus sis legibus, & iudiciorum metu, non sunt omnia timenda, neque ad omnes insidias præsidia quærenda : quis enim audeat luci, quis in militari via, quis benè comitatum, quis illustrem aggredi ? Hæc neque illo tempore, neque in me valuissent : non modò enim pœnam non extimuisset, qui mihi vim attulisset, sed etiam gloriam sperâisset à latronum gregibus, & præmia. *Hæc ego prævidi, & cavi : non est enim* ²² justior in senatum non veniendi ²² 1. Phil.
morbi causa, quàm mortis. *horum certè est semper habenda ratio : nec senatui,* ²³ & populo Ro. vilis spiritus esse debet ²³ 12. Phil.
senatoris : qui vigiliis, curis, sententiis, periculis etiam incumbit ad reip. salutem. ²⁴ Appium illum & cæcum, & senem delatum esse ad causam de Pyrrhi pace memoriæ proditum est. *At nusquam legimus* ²⁵ senatum tam acerbè coactum, ut etiam ægrotos deferri oporteret, nec posset ²⁵ Ib.
abesse, qui ²⁶ impetum pertinesceret.

²⁶ 12. Phil.

²⁷ *Dum furor in cursu est, currenti cede furori :*

Difficiles aditus impetus omnis habet.

Stultus, ab obliquo qui cùm discedere possit,

Pugnat in adversas ire natator aquas.

²⁷ Ovid. 12
de Remed.
am.

AN LICEAT SENATORI aliquando rei causa, de qua agitur, abesse, aut discedere, aut tacere, nec dicere sententiam : ne sit in offensa apud potentes, vel bene meritos? Ciceronis in his usus, & consiliorum expositio.*

C A P. XXX.

o Publius.

o Miserum est tacere cogi, quod cupias loqui.

¹ pro Do.

² 1. Phil. ap.

⁴ pro Man.
ap.

⁵ ep. 10. 1. 11.
fa.

⁶ pro Man.
ap.

⁷ 2. Phil.

SUNT nonnulli, qui aut absunt, aut discedunt, aut *tacent*, cum ¹ res talis est, de qua agitur, ut rem ipsam repudiare, & eos, qui agunt, condemnare debeant : ² quasi de reip. malis non deberent, aut non liceret dicere. forti verò licet, & semper licebit dignitatem tueri, mortem contemnere : potestas modò veniendi in senatum sit, dicendi periculum non recusat. ³ nefas esse ducit, aut ita haberi senatum, ut sibi non liceat liberè de rep. dicere : *aut etiam si quid liberè dicendum sit, se non adesse.* Itaque in senatum semper venit : omnia, quæ ad dignitatem senatus, ad commoda populi augenda pertinent, summo studio suscipit, & defendit. ⁴ quicquid in se est consilii, laboris, ingenii : quicquid beneficio populi Ro. atque dignitate senatoria : quicquid auctoritate, fide, constantia potest, id omne ad *libertatem* & *salutem* populi Ro. conservandam deferri : *sententiam dic*it, ⁵ nulla malevolentia aut livore impeditus : ⁶ neque rogatu cujusquam : neque quò potentis sibi gratiam per hanc conciliari putet : neque quò sibi ex cujusquam amplitudine, aut præsidia periculis, aut adjumenta honoribus quærat. ⁷ Doleo remp. talium senatorum copia non abundare : eamque quondam illorum, qui Pompeium secuti sunt, meisque consiliis conservatam, brevi tempore esse perituram. Neque verò sum tam indoctus, ignarusque rerum, ut frangar animo

animo propter vitæ cupiditatem, quæ me manens conficeret angoribus: dimissa, molestiis omnibus liberaret. Illos ego præstantissimos viros, lumina reip. vivere vellem: tot consulares, tot prætorios, tot honestissimos senatores: qui si viverent, quamvis iniqua conditione pacis (mihi enim omnis pax cum civibus bello civili utilior videtur) remp. hodie teneremus: ⁸ nec Calendis Sex. *post interitum Cæsaris* ⁹ accidisset, ut unus modò consularis dignus illo honore, ¹⁰ dignus rep. inveniretur. Qua quidem ex re, magnum accepi dolorem, homines amplissimos pop. Ro. beneficiis usos, L. Pisonem ducem optimæ sententiæ non secutos. *Non inficior tamen multa occurrere, quibus impedimur,* ¹¹ quæ sentimus, aut efficere, aut liberè defendere: *idque mihi ipsi contigit in conjunctione Pompeii & Cæsaris.* Quo tempore ¹² quantum humano consilio efficere potui, circumspexit rebus meis omnibus, rationibûsque subductis, summam feci cogitationum mearum omnium. Ego, si ab improbis, & perditis civibus remp. teneri vidissem, sicut & meis temporibus scimus, & nonnullis aliis accidisse accepimus, non modò præmiis. quæ apud me minimùm valent, sed ne periculis compulsus ullis, quibus tamen moventur etiam fortissimi viri, ad eorum causam me adjungerem: ne, si summa quidem eorum in me merita constarent. Cùm autem in rep. Cn. Pompeius princeps esset, vir is, qui hanc potentiam & gloriam maximis in remp. meritis, præstantissimisque rebus gestis esset consecutus, cujusque ego dignitatis ab adolescentia fautor, in prætura autem & consulatu adjutor etiam exstitissem: cùmque idem auctoritate & sententia per se, consiliis & studiis cum Lentulo me adjuvisset, meumque inimicum unum in civitate haberet inimicum: non putavi famam inconstantiae mihi pertimescendam, si quibusdam in sententiis paulùm me immutâssem, meamque voluntatem ad summi viri, de meque optimè meriti dignitatem aggregâssem. In hac sententia complectendus erat mihi

Cæsar

⁸ 1 Phil.

⁹ 1b.

¹¹ ep. 14. 1.

⁴ fa.

¹² ep. 9. 1. 1.

fa.

v. cap. 41.

nu. 15.

Cæsar in conjuncta, & causa, & dignitate. Hic multum valuit, cum vetus amicitia, quæ mihi & Q. Fratri cum Cæsare fuit, tum humanitas ejus, ac liberalitas brevi tempore & litteris, & officiis perspecta nobis, & cognita. *Sic me plurima vehementer moverunt:* ¹³ ut, vel ea defenderem, quæ Pompeius vellet, vel tacerem. ¹⁴ Primum resp. quæ mihi videbatur contentiōem cum illis viris nolle fieri, & ne fieret recusare: *Deinde utriusque merita, quæ postularunt,* ¹⁵ ut officium meum memorēque in bene meritos animum fidēque fratris mei præstarem: *Postremo salutis meæ ratio, cum* ¹⁶ non mihi aliter potuisse videbar hominum perditorum de me consilia frangere, nisi cum prædiis iis, quæ semper habui, hanc etiam potentium benevolentiam conjunxissem. *Interea nihil mihi* ¹⁷ assumsi, quod ququam non malevolentissimum jure posset offendere. tantum enitebar, ut neque amicis, neque etiam alienoribus opera, consilio, labore deessem. Hic meæ vitæ cursus offendebat eos fortasse, qui splendorem & speciem ejus intuebantur, sollicitudinem autem & laborem perspicere non poterant. Illud verò non obscure querebantur, in meis sententiis, quibus ornavi Cæsarem, quod quasi descivissem à pristina causa: atque de me idem cogitabant ¹⁸ quod de fortissimo viro Q. Metello, quem post reditum dictitabant fracto animo & demisso fuisse. ¹⁹ Est verò probandum, qui & summa voluntate cesserit, & egregia animi alacritate abfuerit, neque sanè redire curaret, eum ob id ipsum fractum fuisse: in quo cum omnes homines, tum M. illum Scaurum singularem virum, constantia & gravitate superasset. ²⁰ Ego autem, cum illa sequebar, quæ paulò antè proposui, tum hoc non in postremis. non offendi eundem bonorum sensum, quem reliqui; qui confirmatus consulatu nostro, nonnunquam postea interruptus, & affictus ante Lentulum consulem, recreatus abs eo totus est, postea ab iis, à quibus tuendus fuerat, derelictus: idque non solum fronte atque vultu, quibus simulatio

¹³ ep. 8. d.

l. 1. fa.

¹⁴ d. ep. 9.¹⁵ Ib.¹⁶ Ib.¹⁷ Ib.¹⁸ Ib. nu. 5.¹⁹ Ib.²⁰ Ib.

latio facilè sustinetur, ii declarârunt, qui tum nostro illo statu optimates nominabantur, sed etiam sensu sæpè, tabellâque docuerunt. Itaque tota tunc sapientium civium, qualem me, & esse, & numerari volo, & sententia, & voluntas mutata esse debuit. *Proinde cùm à Pompeianis impetus esset factus in Clodianos, &*^{20 ep. 3. l. 2. ad Q. fr.}*ejectus esset de Rostris Clodius, ac nos quoque tum fugissemus, ne quid in turba, senatus vocatus in curiam, Pompeius domum: neque ego tamen in senatum, ne aut de tantis rebus tacerem, aut in Pompeio defendendo (nam is carpebatur à Bibulo, Curione, Favonio, Servilio filio) animos bonorum offenderem. Paulò post*^{21 ep. 9. l. 1. fa.}*S. C. de agro Campano in meam sententiam facto, cùm molestè Pompeium id ferre constaret, & multa de mea sententia questus esset Cæsar, quippe, qui à Crasso in me esset incensus: collegi ipse me, & cum ipsa quasi rep. collocutus sum, ut mihi tam multa pro se perpeffo atque perfuncto concederet, ut officium meum, memorémque in benè meritos animum, fidémque fratris mei, qui multa Pompeio & Cæsari de me receperat, præstarem: eúmque, quem bonum civem semper habuisset, bonum virum esse pateretur. Præterita omitto de utroque: ²² quorum alter, ²³ in Pis. (id quod meminero semper) æquè mihi fuit amicus, ac sibi: alter, id quod obliviscebar, sibi amīciōr, quàm mihi. Deinde hoc ita fit, ut viri fortes, etiamsi ferro inter se cominus decertârint, tamen illud contentionis odium, simul cum ipsa pugna, armisque ponant. Atqui me ille odisse nunquam potuit, ne tum quidem, cùm dissidebamus. Habet hoc virtus, ut viros fortes species ejus, & pulchritudo, etiam in hoste posita delectet. Si mihi nunquam amicus C. Cæsar fuisset, sed semper iratus: si aspernaretur amicitiam meam, seseque mihi implacabilem, inexpiabilémque præberet: tamen ei, cùm tantas res gessisset, non amicus esse non potui. ²⁵ Cur igitur expectâssem hominem ali-^{25 de Pro cons.} quem, qui me cum illo in gratiam reduceret? reduxit*

ordo amplissimus, & ordo is, qui est & publici consilii, & meorum omnium consiliorum auctor, & princeps. Vos sequor, patres conscripti, vobis obtempero, vobis assentior : qui quamdiu C. Cæsaris consilia in rep. non maximè diligebatis, me quoque cum illo minùs conjunctum videbatis : posteaquam rebus gestis mentes vestras, voluntatésque mutastis, me non solùm comitem esse sententiæ vestræ, sed etiam laudatorem vidistis : cùm ego multa decrerim, quæ magis ad hominis dignitatem, quàm ad reip. necessitatem pertinerent : ut omnes intelligerent, me id, quod reip. causa sentirem, facere uberiùs propter ipsius Cæsaris dignitatem.

QUÆ DEBEANT ESSE Senatoris partes in tumultu, aut dissensione civili? quæ Ciceronis in contentione Pompeii & Cæsaris?

C A P. XXXI.

SENATOR gravis, & tanto dignus nomine, se comparet¹ ita necesse est, ut sit contra hæc, quæ civitatis statum pervertunt, semper armatus :² ut de libertate populi Ro. de dignitate senatus omnino cogitet : quod agendum, atque faciendum sit, id non modò non recuset, sed etiam appetat, atque deponat, cùm in tranquilla, tum in perturbata dissensionibus rep. Quo tempore³ cùm maximè consilio subvenire communi salutis oporteat, in senatum vocari, & venire senatores debent. ⁴ Quid autem agatur, cùm aperietur, interdum faciliè erit statuere, quam sententiam dicant, aut quam sequantur : at non semper. Nam⁵ si quid rectissimum sit, quærat, perspicuum erit : si quid maximè expediat, obscurum erit in contentione principum civitatis : si tamen fuerint, qui profectò esse debebunt, ut nihil arbitrentur expedire, nisi quod rectum honestumque sit,

in

¹ 6. de Rep.
v. c. 41.
nu. 24.

² 3. Phil.

³ 5. Phil.

⁴ Ib.

ep. 2. l. 4. fa.

in plerisque non poterit esse dubium, quid faciendum sit: præcipuè quando seditio oritur, aut ⁶ bellum sive ex dissensione ⁶ 5. Phil. partium, sive ex nefaria spe perditissimorum civium excitatur: qui ⁷ id moliantur, id pugnant, ut leges, judicia, ⁷ 8. Phil. libertatem perturbent, evertant: prædam reip. causam belli putent: ⁸ Hæc, qui cùm videt, non contrà decernit, im- ⁸ 5. Phil. pius est. Nullæ istæ excusationes sunt: meus amicus est. sit patria prius. meus cognatus. an potest cognatio propior ulla esse, quàm patriæ, in qua parentes etiam continentur. ⁹ L. Cæsar, antequam sententiam diceret de tumultu An- ⁹ 8. Phil. toniano, propinquitatem excusavit. Idem fecerat me consule in sororis viro, quod tum in sororis filio fecit. atque ipse tamen præcepit cæteris quodammodo, ne sibi assentirentur: cùm ita dixit, aliam sententiam se dicturum fuisse, eamque se ac rep. dignam, nisi propinquitate impediretur: *Sunt etiam, qui aliis de causis ab officio abducuntur, ut in bello Pompeiano Cælius, qui ferre non potuit* ¹⁰ Appii injurias: ¹⁰ ep. 12. l. 8: nec voluit ¹¹ premi Curionem: ¹² cujus amicitia paulatim ¹¹ fa. eum in Cæsaris causam imposuit. Laudanda ¹³ constantia ¹¹ ep. 11. d. l. 8. ornatissimi viri L. Tuberonis, *quam ego olim apud Cæsarem* ¹² ep. 17. Ib. *commemoravi*: quòd ab ipso cognovissem in primis eam ¹³ pro Lig. virtutem solere laudari. Quæ fuit igitur unquam in ullo homine tanta constantia? constantiam dico? nescio an melius patientiam possem dicere. quotus enim istud quisque fecisset, ut, à quibus partibus in dissensione civili non esset receptus, essetque etiam cum crudelitate ejectus, ad eas ipsas rediret? magni cujusdam animi, atque ejus viri est, quem de suscepta causa, propositaque sententia, nulla contumelia, nulla vis, nullum periculum posset depellere. Ut enim paria Tuberoni alia cum pluribus essent: hoc certè præcipuum Tuberonis fuit, quòd justo cum imperio, ex S. C. in provinciam suam venerat. hinc prohibitus, non ad ¹⁴ An. Deciv. Cæsarem, ne iratus: non domi, ne iners: non aliquam in regionem, ne condemnare causam illam, quam secutus esset,

videretur: in Macedoniam, in Cn. Pompeii castra venit : in eam ipsam causam, à qua erat rejectus cum injuria. *Firmior ille, quàm plures, qui* ¹⁴ suarum rerum, quid tum consilii caperent, non reperiebant : *ne ipse quidem Caelius, etsi diceret,* ¹⁵ homines in dissensione domestica debere, quamdiu civiliter sine armis certatur, honestiorem sequi partem : ubi verò ad arma ventum sit, firmiorem : & id melius statuere, quod tutius sit. ¹⁶ Hujus genus belli fugi, pacis semper auctor fui : & eò magis, quòd crudeliora etiam commitari & parari videbam. ¹⁷ Dominatio quæsitæ ab utroque est : non id actum, beata & honesta civitas ut esset : uterque regnare voluit : *Pompeius parem, Cæsar superiorem noluit.* ¹⁸ Utriusque acceperam ejusmodi litteras eodem tempore, ut neuter quenquam omnium pluris facere, quàm me videretur. verùm quid agerem ? non quæsi illa ultima: si enim castris res gereretur, *ut gesta sunt*, vidi cum altero vinci satius fuisse, quàm cum altero vincere. Sed illa, quæ tum agerentur, ne ratio absentis habeatur, ut exercitum dimittat, dic M. Tulli : quid dicerem ? quàm volui *tunc* in provincia morari. Initio ¹⁹ oræ maritimæ præfui. Nullum majus negotium suscipere volui : quò plus apud illum meæ litteræ cohortationesque ad pacem valerent. *Deliberatio fuit, an* ²⁰ Solonis lex negligenda esset, qui capite sanxit, si qui in seditione non alterius partis fuisset. aut enim mihi liberè inter malos ^{ο πολιτευτέον} fuit, aut vel periculosè cum bonis : aut temeritas bonorum sequenda, aut audacia improborum insectanda. Utrumque periculosum fuit : at *id*, quod tum agebamus, & turpe, nec tamen tutum. *Atticus me.* ²¹ amicissimè admonuit, ut me integrum, quoad possem, servarem. Ego me ducem in civili bello, quoad de pace ageretur, negavi esse : non, quia rectum esset : sed quia, quod multò rectius fuit, id mihi fraudem tulit. Planè eum, cui noster alterum consulatum deferret, & triumphum: at quibus ver-

bis ?

¹⁴ ep. 14. l. 1.
8. fa.

¹⁵ Ib.

¹⁶ ep. 12. l. 9.
Att.

¹⁷ ep. 11. l. 8.
Att.

¹⁸ ep. 1. l. 7.
Att.

¹⁹ ep. 12. l. 16.
fa.

²⁰ ep. 1. l. 10.
Att.

• versandum
in rep.

²¹ ep. ult. l. 1.
7. Att.

bis ? PRO TUIS REBUS GESTIS AMPLISSIMIS, inimicum habere nolueram. Ego sciebam, & quem metuerem, & quam ob causam. *Cæsar cupivit, ut* ° ad urbem venirem : ° ep. 22. l. 9. Att. damnari se nostro judicio, tardiores fore reliquos, si in his non veniremus, dicere. Ego dissimilem illorum esse causam. Quid multa ? veni igitur, & age de pace. Meone, inquam, arbitrato ? an tibi, inquit, ego præscribam ? sic inquam, agam : senatui non placere in Hispanias iri, nec exercitus in Græciam transportari : multaque, inquam, de Cnæo deplorabo. Tum ille, ego verò ista dici nolo. Ita putabam, inquam : sed ego, eo nolo adesse, quòd, aut sic mihi dicendum est, multaque quæ nullo modo possem siliere, si adessem : aut non veniendum : summa fuit, ut ille quasi exitum quærens, ut deliberarem : non fuit negandum. ita discessimus. Ego tum liberè, quòd mihi in eorum conjunctione usu non venit. *Postea* 22 mihi ignovit per litteras, quòd non venissem : seque in optimam partem id accipere dixit. faciliè patiebar. Nam aut 23 probare oportuerat ea, quæ fierent : aut interesse, etiamsi non probarem. quarum altera mihi turpis, altera etiam periculosa ratio videbatur. Sed 24 tamen munus hoc ipsum probi est, & magnum sit ° τῶν πολιτικῶτάτων σεμνμάτων veniendum ne sit in consilium tyranni, si is aliqua de re bona deliberaturus sit. 25 Faciliè patiebar, quòd scripsit Tullum & Servium questos esse, quia non idem sibi, quòd mihi remisisset : homines ridiculos, qui cùm filios misissent ad Cn. Pompeium circumfidendum, ipsi in senatum venire dubitarent, 26 sive potiùs in conventum senatorum. 27 consules enim erant cum Pompeio, multique nostri ordinis. *Ille aliis ad me litteris scripsit,* 28 viro bono, & quieto, & bono civi nil magis convenire, quàm abesse à civilibus controversiis : neque tutius, neque honestius me reperturum quicquam, quàm ab omni contentione abesse. 29 Partes etiam mihi has imposuit, ne quem omnino discedere ex Italia paterer.

° ep. 22. l. 9. Att.

22 ep. 3. l. 10. Att.

23 ep. 2. l. 4. fa.

24 ep. 1. l. 10. Att.

° maximè civilium considerationum.

25 ep. 3. l. 10. Att.

26 ep. 1. l. 4. fa.

27 ep. 15. l. 8. Att.

28 ep. 9. l. 10. Att.

29 ep. 12. d. l. 10.

- ³⁰ ep. 9. l. 9. ³⁹ Balbus etiam scripsit me Cæsari cumulatissimè satisfacturum, si nullam partem belli contra eum susceperem, neque socius ejus adversariis forem : eumque prius meæ dignitatis, ³¹ Omnino res
- ³¹ ep. 2. l. 4. ^{fa.} quàm suæ utilitatis rationem habiturum : ³¹ miserior nunquam accidit, tum ne deliberatio quidem difficilior. nihil enim constitui potuit, quod non incurrebat in
- ³² ep. 7. l. 7. ^{Att.} magnam difficultatem. Tandem ³² ut bos armenta, sic ego bonos viros : aut eos, quicunque dicerentur boni, sequendos
- ³³ ep. 23. l. 8. ^{Att.} putavi, etiam si ruerent. ³³ Malui multi me non cautè, quàm pauci non honestè fecisse existimassent, & ³⁴ pudori
- ³⁴ ep. 3. l. 7. ^{fa.} malui famæque cedere, quàm salutis meæ rationem ducere.
- ³⁵ ep. 3. l. 8. ^{Att.} At ³⁵ si resistissem, & fuisset nobis in altera parte locus, idem fecissem, quod in Cinnæ dominatione L. Philippus,
- ^{An.} quod L. Flaccus : quod Q. Mucius, quoquo modo ea res huic quidem ceciderit, qui tamen ita dicere solebat, se id fore videre, quod factum est : sed hoc malle, quàm armatum ad patriæ mœnia accedere. Aliter Thrasibulus, & fortasse meliùs. Sed est certa quædam illa Mucii ratio, atque sententia : est aliqua etiam Thrasibuli, & cùm sit necesse, servire tempori, & non amittere tempus, cum sit
- ³⁶ ep. 19. l. 9. ^{Att.} datum. Sed hoc tamen ipso ³⁶ nihil expediebam, nisi ut, aut ab hoc, tanquam Q. Mucius à Mario : aut ab illo, tanquam L. Scipio à Sylla : ³⁷ nec ullum in his malis con-
- ³⁷ ep. 7. l. 10. ^{Att.} filium periculo vacuum, inveniri potui. ³⁸ Itaque vel officio, vel fama bonorum, vel pudore victus, ut in fabulis Amphiaræus, sic ego prudens & sciens ad pestem ante oculos positam sum profectus : ad senatum tamen : ³⁹ in quo decem fuimus consulares : prætorii non pauci, quorum princeps M. Cato, idemque omnium gentium virtute princeps ; plures ædilitii, tribunitii, quæstorii. quid multa ? talis senatorum & dignitas, & multitudo fuit : ut magna excusatione opus iis sit, qui illa in castra non venerunt.

QUOMODO SE GERERE *debeat Senator in rep. delata ad unum? quæ Cicero secutus sit consilia in dominatione Cæsaris?*

C A P. XXXII.

POST has miseras, id est, postquam armis disceptari ^{1 ep. 4. l. 4.}
ceptum est de jure publico, cum ferè nihil actum ^{fa.}
fuit cum dignitate, statueram (non meherculè inertia, sed
desiderio pristinæ dignitatis) in perpetuum tacere. fregit
hoc meum consilium, & Cæsaris magnitudo animi, & se- ^{An. DCCVI.}
natus officium. Sed tamen, quando effugi ejus offensionem, ^(Cæsar 27)
qui fortasse arbitraretur me hanc remp. non putare, si per-
petuò tacerem: modicè hoc feci, aut etiam intra modum:
ut, & illius voluntati, & meis studiis servirem. *Marcel-*
lum verò, ² qui hoc fortasse humilis animi duxerat, *litteris* ^{2 ep. 7. d. l. 4.}
³ hortatus sum, ut in rep. quæcunque esset, quàm pri- ^{3 ep. 9. d. l. 4.}
mum vellet esse: *idque his verbis*: Multa videbis fortasse,
quæ nolis: non plura tamen, quàm audis quotidie. Non
est porrò tuum, uno sensu solùm oculorum moveri: cum
idem illud auribus percipias, quod etiam majus videri solet,
minus laborare. Et tibi ipsi dicendum erit aliquid, quod
non sentias, aut faciendum, quod non probes. Primùm
tempori cedere, id est necessitati parere, semper sapientis
est habitum. Deinde non habet, ut nunc quidem est, id
vitii res: dicere fortasse quæ sentias, non licet, tacere planè
licet. omnia enim delata ad unum sunt. Is utitur consilio,
ne suorum quidem, sed suo. Quod non multò secus fi-
cret, si is remp. teneret, quem secuti sumus. *hæc Marcel-*
lo. ⁴ Ego autem, si dignitas est benè de rep. sentire, & ^{4 ep. 14. d. l.}
bonis viris probare, quod sentias, obtinui tum dignitatem ^{4.}
meam. sin autem in eo dignitas est, quod sentias, aut re
efficere, si possis, aut denique libera oratione defendere,

ne vestigium quidem ullum erat reliquum nobis dignitatis: agebatúrque præclare, si nosmetipfos regere potuimus: ut ea, quæ partim tunc aderant, partim impendebant moderatè ferremus. ⁵ Non enim est idem ferre, si quid ferendum est, & probare, si quid probandum non est. ⁶ Quid populi Ro. majestas, quid senatus severitas postulet, *in turbata à nefariis civibus rep. video*: ⁷ ago auctoritate, ago consilio, ago per summum ordinem, ago exemplo bonorum ac fortium civium: ⁸ mihi licere volo, tutò esse in foro, in templo, in curia: & ⁹ vinci turpe puto, & deterreri. *At ereptis senatui gubernaculis, & posita in unius voluntate summa rerum, non improbo consilium Asinii Pollionis: qui in bello civili* ¹⁰ compulsus eò, quò minimè volebat: Cæsarem, inquit, quòd me in tanta fortuna, modò cognitum vetustissimorum familiarium loco habuit, dilexi summa cum pietate & fide: quæ mea sententia gerere mihi licuit, ita gessi, ut optimus quisque maximè probârit, quod jussus sum eo tempore, id ita feci, ut appareret invito imperatum esse. Cujus facti injustissima invidia erudire me potuit, quàm jucunda libertas, & quàm misera sub dominatione vita esset. *Habeo etiam quos sequar alios: video* ¹¹ philosophis placuisse iis, qui mihi soli videntur vim virtutis tenere: nihil esse sapientis præstare, nisi culpam. Qua videor mihi dupliciter carere, & quòd ea censuerim, quæ rectissima fuerunt: & quòd, cùm viderem præsidii non satis esse ad ea obtinenda, viribus certandum cum valentioribus non putârim. Ergo in officio boni civis, & senatoris, certè non sum reprehendendus. Ita sit, ut, & superiorum consiliorum conscientia, & secuti temporis moderatione me consolet: & illa, quæ acciderunt, ad fortunam transferam: quam existimo levem, imbecillam, ab animo firmo & gravi, tanquam fluctum à saxo frangi oportere. Etenim, cùm plena sint monumenta Græcorum, quemadmodum sapientissimi viri regna tulerint, vel Athenis, vel Syracusis: cùm

⁵ ep. 6. l. 9.
fa.

⁶ 5. Phil.

⁷ pro Sext.ap.

⁸ Ib. ap.

⁹ Ib.

¹⁰ ep. 31. l.
10. fa.

¹¹ ep. 16. l. 9.
fa.

cùm servientibus suis civitatibus fuerint ipsi quodammodo liberi : ego me non putem tueri meum statum sic posse, ut neque offendam animum cujusquam, nec frangam dignitatem meam. ¹² *Honestè servit, qui succumbit tempori.*

¹² Publius.

DE RELATIONIBUS, et non enunciandis arcanis
patrum consiliis.

C A P. XXXIII.

CONSUL *cujus* ¹ vox debet esse in rep. princeps, ⁴ Catil.
aut ultrò refert, aut ² *flagitante his senatu verbis, ut* ² *infra nu. 5.*
referat : Consul ³ *refer ad senatum. Non desunt exempla.* ³ *1. Catil.*
⁴ *Nobis senatus frequens flagitavit triumphum. Sed Lentulus Consul, quò magis suum beneficium faceret, simul* ⁴ *ep. 11. l. 16. fa.*
atque expedisset, quæ essent necessaria de rep. dixit se re- ⁴ *An. DCCIV.*
laturum. Nos agimus nihil cupidè : eoque fuit nostra pluris
auctoritas. Habe aliud : ⁵ *Planci litteræ redditæ sunt* ⁵ *ep. 16. l. 10. fa.*
frequente senatu Cornuto, cùm is frigidus sanè & incon- ⁵ *An. DCCX.*
stantes recitasset litteras Lepidi : sub eas statim recitatæ
sunt Planci, non sine magnis quidem clamoribus. cùm
enim rebus ipsis essent, & studiis beneficiisque in remp.
gratissimæ : tum erant gravissimis verbis, & sententiis per-
scriptæ. Flagitare senatus instituit Cornutum, ut referret
statim de Planci litteris. Ille se considerare ait velle :
cùm ei magnum convicium fieret cuncto à senatu, quinque
tribuni pleb. retulerunt. Interdum etiam senatus, ne mora ⁷ *cap. 23. nu. 69.*
sit in referendo, de aliis agi non patitur, donec de iis, quæ
referri cupit, fiat relatio. De meo reditu cùm agi vellet,
⁶ *omnia senatus rejiciebat, nisi de me consules primùm* ⁶ *pro Sext.*
retulissent. Nam, ⁷ *quacunque de re verbum facere cœpe-* ⁷ *in Pis.*
rant, aut referre ad senatum, cunctus ordo reclamabat :
osten-

ostendebátque nihil esse consules acturos, nisi prius de me retulissent. *Quibus verò licitum sit referre, & cum patribus*
³ *de Leg.* *agere in senatu, hac nostra scies lege: 3 CUM POPULO PATRIBUSQUE AGENDI JUS ESTO CONSULI, PRÆTORI MAGISTRO POPULI, EQUITUMQUE, EIQUE, QUEM PRODUNT PATRES CONSULUM ROGANDORUM ERGO: TRIBUNISQUE, QUOS SIBI PLEBES ROGASSIT, JUS ESTO CUM PATRIBUS AGENDI: IIDEM AD PLEBEM, QUOD CENSUERINT, FERUNTO. Jam sequitur, ut de*
² *de Divin.* *relatis, actisque in senatu non evulgandis, agamus. 2 Silen-*
tium dicimus in auspiciis, quod omni vitio caret. Hoc
intelligere, perfecti auguris est: arcana filere digni senatoris: efferre foras, hominis est nihil de dignitate, nihil de
¹⁰ *Val. lib. 2.* *periculo cogitantis. Nostri patrum memoria tanta 10 cha-*
^{cap. 1.} *ritate patriæ tenebantur, ut arcana consilia Patrum conscrip-*
torum multis seculis nemo senator enuntiaverit. 2. Fabius
Max. tantummodo, & is ipse per imprudentiam de tertio
Punico bello indicendo, quod secretò in curia erat actum, P.
Crassò rus petens domum revertenti in itinere narravit:
memor eum triennio antè quæstorem factum, ignarúsque non-
dum à censoribus in ordinem senatorium electum, quo uno
modo etiam his, qui jam honores gesserant, aditus in curiam
dabatur. Sed quamvis honestus error Fabii esset, vehemen-
ter tamen à consulibus objurgatus est. Nunquam enim taci-
turnitatem, optimum ac tutissimum administrandarum rerum
vinculum, labefactari volebant. Ergo cùm Asiæ rex Eu-
menes amantissimus nostræ urbis bellum à Perse adversus po-
pulum Ro. comparari senatui nuntiasset, non antè sciri potuit
quid, aut ille locutus esset, aut patres respondissent, quàm cap-
tum esse Persen cognitum est. fidum erat & altum reip. pec-
tus curia, silentiique salubritate munitum & vallatum undi-
que: cujus limen intrantes, abjecta privata charitate, pub-
licam induebant. Itaque, non dicam unum, sed neminem au-
disse

disse crederes, quod tam multorum auribus fuerat commissum.

QUIBUS RETARDARI solent effugiis relata ad senatum,
sententiæ, S.C^a.

C A P. XXXIV.

ILLUD Planci negotium, alia in more posita illustrat, atque ostendit relata impediri moris injectis per auspicia, plebiscita, & intercessiones. ¹ Cùm Munatius Planci dedisset ¹ ep. 12. l. 10. mihi litteras, placuit nobis, ut statim ad Cornutum præ-^{fa.} torem urbis ejus deferremus, qui, quòd consules aberant, consulare munus sustinebat more majorum. Senatus est continuò convocatus, frequénsque convenit propter famam, atque expectationem litterarum Planci. Recitatis litteris, oblata religio Cornuto est pullariorum admonitu, non satis diligenter eum auspiciis operam dedisse. Itaque res dilata est in posterum. Cùm in exilio essem, ex Attici litteris intellexi, ² quoddam caput legis Clodium in curiæ poste ² ep. 15. l. 3. fixisse, ne referri, néve dici liceret. ³ P. Lentulus, ut est ^{Att.} designatus, nunquam dubitavit sententiam de salute mea, ³ post. Red. in sen. se & rep. dignam dicere. Cùm à tribuno pl. vetaretur, cùm præclarum caput recitaretur, ne quis ad senatum referret, ne quis decerneret, ne disputaret, ne loqueretur, ne pedibus iret, neu scribendo adesset: totam illam clausulam proscriptionem, non legem putavit: qua civis optimè de rep. meritus nominatim, sine judicio, unà cum senatu reip. esset ereptus: Tritum etiam est, sæpè moras afferri, & relatis, & sententiis, & senatusconsultis ⁴ longa oratione tollendo diem: aut ⁴ 3 de Leg. noctem ad deliberandum postulando: item per metum. ⁵ supra cap. 25. nu. 9. & At ⁶ voluntas senatus pro auctoritate haberi debet, cùm pro Sext. auctoritas impeditur metu. Intercedere cuivis rei licet: ⁶ ep. 7. l. 11. ^{fa.} re-

⁷ ep. 15. l. 1. *relationi*, ⁷ legi, etiam quæ ex S. C. fertur, ⁸ senatus auctoritati etiam perscriptæ: *quantumvis sæpè* ⁹ intercessio fluitiam intercessoris significatura sit, non rem impeditura. ⁹ 2. Agr. *Attamen* ¹⁰ intercessioni parere oportet. *qui enim* ¹¹ intercessorem vi dejicit, *aut* ¹² pellit ex templo, cùm intercedere vult, *aut alio modo* ¹³ intercessionem negligit, *populi majestatem minuit: cujus est de intercessione cognoscere.* ¹⁴ Quid enim Ti. Gracchum aliud perculit, nisi quòd potestatem intercedendi collegæ abrogavit? quin per ipsum non solùm nexus, sed etiam sublatus intercessor fuerat. ¹⁵ Quid aliud Cæsar dicebat, quam causam sui dementissimi consilii & facti afferebat, nisi quòd intercessio neglecta, jus tribunitium sublatum, circumscriptus à senatu esset Antonius? qui, ut in feminibus est causa arborum & stirpium, sic hujus luctuosissimi belli semen fuit. Dum genus hominum, dum populi Ro. nomen exstabit, Antonii illa pestifera intercessio nominabitur. Quid cupidè à senatu, quid temerè fiebat? cùm is unus adolescens universum ordinem decernere de reip. salute prohibuit, neque id semel, sed sæpius: neque *ipse* secum de senatus auctoritate agi passus est. Quid autem agebatur, nisi ne deleri & everti remp. funditus vellet? cùm illum, neque principes civitatis rogando, neque majores natu monendo, neque frequens senatus agendo, de vendita atque addicta sententia movere potuit.

QUOMODO CONSULITUR *senatus*, *roganturque sententiæ*?

C A P. XXXV.

¹ 4. Cat.

² 3. Cat.

³ 5. Phil.

CONSUL prædicit, quæ sunt consulis; & *re* ²expōsit, senatum consulit, quid fieri placeat, *quidve censeat*. *Posteà* rogantur, *dicunturque sententiæ*. ³ Ordo in sententiis rogandis is servari solet: consul designatus more majorum

post

post comitia consularia primùm rogatur : post hunc princeps senatus : qui ⁴ omnibus in rebus ornatissimus, & paratissimus esse debet. Deinceps ⁵ suo quisque loco, ⁶ consulari, prætorio, ædilitio, aut quem rogare velit, qui habet senatum. Non tenuit ordinem ⁷ M. Piso consul parvo animo, & pravo : nihil agens in rep. sejunctus ab optimatibus. Memini ab illo primùm me non esse rogatum sententiam, præpositumque esse nobis C. Pisonem, pacificatorem Allobrogum : idque admurmurante senatu, neque me invito esse factum. Fui enim ab observando homine perverso liber ; & ad dignitatem in rep. retinendam, contra illius voluntatem solutus : & ille secundus locus in dicendo habuit auctoritatem penè principis, & voluntatem non nimis devinctam beneficio consulis. Tertius fuit Catulus, quartus Hortensius. ⁸ L. Piso cos. me affinem suum cal. Jan. tertio loco sententiam rogavit : C. ⁹ Pansa cos. cùm retulisset de honoribus, & præmiis benè de rep. meritum, ¹⁰ Calenum generum ¹¹ sententiam primùm rogavit : qui ea probavit, ea decrevit, ea sensit, quæ fuerunt inimica & otio communi, & dignitati suæ. à quo ita dissensi, ut ¹² legatorum mentionem nullam censuerim faciendam : rem administrandam sine ulla mora, & confestim gerendam ; tumultum decerni, justitium edici, saga sumi dixerim oportere : dilectum haberi sublatis vacationibus in urbe & in Italia, præter Galliam togatam. Senator ad dicendum ¹³ surgit, veluti orator : & sententia dicta assedit. Ad assentiendum tamen, ut surgat non est necesse. ¹⁴ Nulla est à me unquam sententia dicta in Metellum, etsi animo in me inimicissimo esset : quotiescunque aliquid est actum, sedens iis assenti, qui mihi levissimè sentire visi sunt. Interrogari verò senator potest, & interrogare, atque dicere quàm velit diu, de re qualibet. ¹⁵ Messala cos. in senatu de Pompeio quæsit, quid de religione & de promulgata rogatione contra Clodium sentiret. locutus est ita in senatu : ut omnia illius ordinis

⁴ 1. Ver. ap.
⁵ ep. 2. l. 4. Att.
⁶ ep. 21. l. 12. Att.
⁷ ep. 12. l. 1. Att.
An. DCXCII.

⁸ post Red. in sen. & in Pis. An. DCXCV.

⁹ 5. Phil. An. DCCX.

¹⁰ 8. Phil.

¹¹ 10. Phil.

¹² 5. Phil. An. DCCX.

¹³ v. infra nu. 15. et 2. de ci. ¹⁴ ep. 2. l. 5. fa.

¹⁵ ep. 13. l. 1. Att. An. DCXCII.

° generaliter. ordinis consulta ° γενικῶς laudaret : mihi que, ut assedit, dixit se putare fatis abs se etiam de nostris rebus responsum. Crassus posteaquam vidit illum accepisse laudem ex eo, quod suspicarentur homines ei consulatum meum placere, surrexit, ornatissiméque de meo consulatu locutus est : ut ita diceret, se, quod esset senator, quod civis, quod liber, quod viveret, mihi acceptum referre : quoties conjugem, quoties domum, quoties patriam videret, toties se benefici-

¹⁶ ep. 4. l. 8. um meum videre. ¹⁶ Cùm senatus habitus esset ad Apollinis a. d. xi. cal. Sextiles, & referretur de stipendio, Cn. Pompeii : mentio facta est de legione ea, quam expensam tulit C. Cæsari Pompeius, quo numero esset, quo appellaretur, cùm ex Gallia coactus esset dicere Pompeius se legionem adducturum, sed non statim sub mentionem & convivium obrectatorum. Inde interrogatus est de successione C. Cæsaris : de qua, hoc est de provinciis, placitum est, ut quàm primùm ad urbem reverteretur Cn. Pompeius : ut coram eo de successione provinciarum ageretur. Nam Ariminum ad exercitum Pompeius erat iturus, & statim iit. In disputando coniecit illam vocem Cn. Pompeius, omnes oportere senatus dicto audientes esse. *Ut alio tempore Pompeius interrogatus est in senatu, & acerbè responderit, suo dicam loco. Poteest etiam ipse consul interrogari.* ¹⁷ M. Antonius consul in æde Telluris summa constantia ad ea, quæ quæsitæ erant, respondebat. *Postea* ¹⁸ vehemens & violentus consuetudinem liberè dicendi exclusit : ¹⁹ Omnis eum, quæ habebatur contra voluntatem ejus oratio, graviter offendebat, etiamsi nulla inesset contumelia. ²⁰ Irasci pro rep. dicenti non oportet. *Senatoris est suam* ²¹ consuetudinem tenere, id est liberè, quæ sentiat de rep. dicere.

v. cap. 51.

¹⁷ 1. Phil.¹⁸ 5. Phil.¹⁹ 1. Phil.²⁰ Ib.²¹ Ib.

QUÆ NOSSE SENATOR *debeat ? duplex peritia, una à doctrina & usu: altera ab ingenio, & varia rerum tractatione.*

C A P. XXXVI.

AD consilium de rep. dandum, caput est, nosse rep. ¹ 2. de Or. ac simul ² tota mente, omnique animi impetu in ³ ep. 5. l. 10. rep. incumbere. Nihil est, quod *senatori* majori fructui, ⁴ fa. gloriæque esse possit, nec quidquam ex omnibus rebus humanis est præclarius, quàm de rep. benè mereri. Nam ⁵ si ⁶ 1. de Or. nos, id quod maximè debet, nostra patria delectat, cujus tanta est vis, ac tanta natura, ut Ithacam illam in asperrimis saxulis, tanquam nidulum, affixam, sapientissimus ille vir immortalitati anteponeret: quo tandem animo inflammati esse debemus in ejusmodi patriam, quæ una omnibus in terris domus est virtutis, imperii, dignitatis? Cujus primùm nobis mens, mos, disciplina nota esse debet: vel, quia est patria parens omnium nostrum: vel, quia ⁷ sicut ⁸ 2. de Or. medico diligenti priusquam conetur ægro adhibere medicinam, non solum morbus ejus, cui mederi volet, sed etiam consuetudo valentis, & natura corporis cognoscenda est: *sic adhibitus senator ad sananda vulnera, quæ sunt imposita reip.* ⁹ 5 omni mente in ea cogitatione curaque ver- ¹⁰ 5 Ib. fari debet, ut sciat quid sit è rep. quid contra rep. salutemque bonorum, concordiamque civium. ¹¹ 6 Quod ergo ¹² 3. de Leg. nostra lex addit: CAUSAS POPULI TENETO—est senatori necessarium nosse rep. idque latè patet, quid habeat militum, quid valeat ærario, quos socios resp. habeat, quos amicos, quos stipendiarios: qua quisque sit lege, conditione, fœdere: tenere consuetudinem decernendi, nosse exempla majorum. Est quidem genus hoc omne scientiæ, diligentiae, & memoriæ, sine quo paratus esse senator

⁷ in Pis.

⁸ 1. de Or.

⁹ pro Planc.
v. cap. 22. nu.
23.

¹⁰ 1. de Or. ap.

¹¹ Ib.

¹² 3. de Or.

senator nullo pacto potest. ⁷ An quisquam eum senatorem putet, qui ejus civitatis, in qua principum numero vult esse, non leges, non mores, non jura, non memoriam ⁸ antiquitatis, non senatoriam consuetudinem, non disciplinam reip. nec jura sociorum, foedera, pactiones, causam imperii noverit. *Sic enim se res habet, ut licet qui magistratum gesserint in senatum veniant, legique possent, & in his sint, qui sententiæ jus sic habeant, ut non rogentur, sed in principum discedant sententias: senatores tamen non sunt, nisi à censoribus in senatum legantur.* ⁹ Virtus, probitas, integritas in candidato, non scientia requiri solet. Ut nos in mancipiis parandis, si emimus, quem villicum imponeremus, quem pecori præficeremus, nihil in eo nisi frugalitatem, laborem, vigilantiam esse curamus: sic populus Ro. deligit magistratus, quasi reip. villicos: in quibus, si qua prætereà est ars, facile patitur: sin minùs, virtute eorum, & innocentia contentus est. Censores verò quærunt senatorem, ¹⁰ qui ad remp. moderandam usum, & scientiam, & studium suum contulit. *quod intuens noster Crassus, eum,* ¹¹ qui quibus rebus utilitas reip. pareretur, augeturque, teneret, iisque uteretur: reip. rectorem, & consilii publici auctorem esse habendum duxit. ¹² Equidem sæpè hoc audivit de patre & socero suo, nostros *senatores*, qui excellere sapientiæ gloria vellent, omnia, quæ quidem tum hæc civitas nosset, solitos esse completi. Meminerant illi Sext. Ælium: M. verò Manilium ipse etiam vidit transverso ambulans foro. quod erat insigne, eum, qui id faceret, facere civibus omnibus consilii sui copiam. ad quos olim, & ita ambulantes, & in folio sedentes domi, sic adibatur: non solum, ut de jure civili ad eos, verum etiam de filia collocanda, de fundo emendo, de agro colendo, de omni denique aut officio, aut negotio referretur. Hæc fuit P. Crassi illius veteris, hæc T. Coruncanii prudentissimi hominis sapientia, qui pontifices maximi fuerant,

erant, ut ad eos, de omnibus divinis atque humanis rebus referretur : iidemque & in senatu, & apud populum, & in causis amicorum, & domi, & militiæ consilium suum, fidemque præstabant. Quid enim M. Catoni præter hanc Politissimam doctrinam transmarinam atque adventitiam defuit ? Nemo apud populum fortior, nemo melior senator, idem facilè optimus imperator. Denique nihil in hac civitate temporibus illis sciri, discere potuit, quod ille non, cùm investigârit, & sciêrit, tum etiam conscripserit. Nunc contrâ plerique ad honores adipiscendos, & ad remp. gerendam nudi veniunt, atque inermes, nulla cognitione rerum, nulla scientia ornati. Sin aliquis excellit unus è multis effert se, si unum aliquid effert, aut bellicam virtutem, aut usum aliquem militarem (quæ sanè nunc quidem obsoleverunt) aut juris scientiam (ne ejus quidem universi : nam pontificium, quod est conjunctum, nemo discit) aut eloquentiam, quam in clamore, aut in verborum cursu positam putant : omnium verò bonarum artium, denique virtutum ipsarum societatem cognitionemque non norunt. *At ceriè, si quod conveniat exquirere volumus : ut in judiciis oratori juris civilis scientia necessaria est : sic in senatu antiquitatis memoria, & publici juris auctoritas, & regendæ reip. ratio ac scientia iis, qui in rep. versantur, nota esse debet. Ac, ne in his quidem hac ætate nostri imperiti fuerunt, ne ii, qui bella gesserunt. quorum ea fuerunt ingenia atque studia, ut in quibusdam* ¹³ *liberalis & digna homine nobili percepta doctrina* ¹³ *in Lucull.* non desideraverit indocilem usus disciplinam : in aliis, peritia usûsque rerum non quæsiêrit magnum optimarum artium studium. Numero illo fuit L. Lucullus, qui ¹⁴ *tantus im-* ¹⁴ *ib.* perator in omni genere belli fuit, præliis, oppugnationibus, navalibus pugnis, totiûsque belli instrumentis & apparatu, ut rex post Alexandrum maximus Mithridates hunc à se majorem ducem cognitum, quàm quenquam eorum, quos legisset fateretur. In eodem tanta prudentia fuit in consti-

25 2. Phil. tuendis temperandisque civitatibus, tanta æquitas, ut hodie
 16 in Br. stet Asia Luculli institutis servandis, & quasi vestigiis per-
 17 2 Phil. sequendis. *Eodem in genere fuit Cæsar nulli inferior* 25 ra-
 18 pro Bal. tione, ingenio, memoria, cura, cogitatione, diligentia, lit-
 19 Sallust. in teris: & his quidem 16 reconditis & exquisitis: 17 rebus
 Bel. Jugur. bello gestis, quamvis reip. calamitosis, attamen magnis.
*Altero in genere Marius, Sylla, Pompeius fuit: & hi non
 tam doctrina, quàm usu, ingenio & voluntate præstantes:*
sæpè in gravibus de rep. consiliis, præcipuè in 18 *exquirendis*
conditionibus civitatum, atque causis: in fœderibus, & in
toto jure pacis & belli, juris peritissimis anteferendi. Scitè
ad populum Marius, 19 *plerumque evenit, ut quem vos imperare*
jussistis, is sibi imperatorem alium quærat. Atqui ego scio,
qui postquam consules facti sunt, acta majorum, & Græcorum
militaria præcepta legere cæperunt, præposteri homines. Nam
gerere, quàm fieri tempore posterius, re atque usu prius est.
Quæ illi audire, & legere solent, eorum partem vidi, alia
gessi: quæ illi litteris, ea ego didici militando. 20 *Quæ fuerit*
 22 pro Bal. *Cn. Pompeii gravitas in dicendo, cùm Balbum defenderet,*
quæ facultas, quæ copia non opinione tacita amicorum,
sed perspicua admiratione declarari videbatur. Nihil enim
unquam audiavi, quod mihi de jure subtilius dici videretur,
nihil de more majorum, de exemplis acutius, nihil peritius
de fœderibus: nihil illustriori auctoritate de bellis, nihil de
rep. gravius: nihil de ipso modestius, nihil de causa &
crimine ornatius. ut mihi tunc verum videretur illud esse,
quod nonnulli litteris, ac studiis doctrinæ dediti, quasi quid-
dam incredibile dicere putabantur, eum, qui omnes animo
virtutes penitus comprehendisset, omnia, quæ facere vellet,
 21 ep. 8. l. 7. *facillimè tractare. Initio belli civilis,* 21 *cùm multum, &*
 Att. *accuratum sermonem mecum haberet de spe pacificationis:*
 o Communis *etsi mihi crebrò* o *Ξυνὸς ἐνωδάλιος* *occurrebat, tamen levabar*
 mars. *cura, virum fortem, & peritum, & prima auctoritate va-*
lentem

lentem audiens ° πολιτικῶς de pacis simulatæ periculis dif- ° Civiliter.
ferentem. 22 Affiduus usus uni rei deditus, & ingenium, 22 pro Bal.
& artem sæpè vincit.

DE DELIBERATIONIBUS: *cujusmodi so-
leant esse? Quem sibi finem proponere conveniet se-
nator in deliberando?*

C A P. XXXVII.

DELIBERATIONES, quæ habentur in senatu, par- 1 3 ad Her.
tim hujusmodi sunt, ut quærat *quid faciendum?* ap.
ut L. Paullo & C. Marcello Cōs. de provinciis consularibus: An. DCCIII.
partim hujusmodi, ut quærat, *quemadmodum faciendum?*
ut cū Cato 2 senatui, non modò, quæ essent gerenda præ- 2 in Cat.
scriberet, sed quo modo Carthagini resisteretur bellum co- An. DCIII.
gitanti, denunciaret: *etsi* de 3 bello Punico, aliud L. Lentulo 3 3. Tusc.
videretur: 4 partim hujusmodi, ut quærat, utrum potius fa- 4 3. ad Her.
ciendum sit, *ut in senatu* de Carthagine delenda, an relin-
quenda? *Item in diffensione Cæsaris & Pompeii, an ab-*
sentis 5 ratio habenda esset necne? & *in bello cæpto contra*
Cæsarem: an 6 urbs retinenda necne? 7 partim hujusmodi,
ut quid potissimū sit consideretur, *ut cū deliberaretur*
de pœna sumenda de traditis in custodiam sociis Catilinæ:
utrum in exilium mittendi, an in vinculis retinendi, & sola
vita reliquenda, an morte multandi? Præterea 8 delibera-
tiones partim ipsæ propter se consultandæ sunt: ut ° illa
senatus de captivis ab hoste redimendis post Cannensem
pugnam: partim propter aliquam extraneam causam, ut
° illa senatus bello Italico, solverétne legibus Scipionem, ut
eum liceret ante tempus consulem fieri: partim, & propter
se sunt deliberandæ, & magis propter extraneam causam,
ut ° illa senatus bello Italico, fociis civitatem daret, an non?
9 Omnem interea deliberationem eorum, qui sententiam 9 lb.

¹⁰ in Part.¹¹ 2. de Inv.¹² in Part.¹³ Publius.¹⁴ 3. ad Her.¹⁵ in Part.¹⁶ 3. Off.¹⁷ pro R.
Am.

dicent, finem sibi conveniet utilitatis proponere : ut omnis
 eò totius orationis ratio conferatur *in consilio dando senten-*
tiâque dicenda : ¹⁰ & illa prima sint videnda, quid aut fieri
 possit, aut non possit : & quid aut necesse sit, aut non ne-
 cesse. Nam & si quid effici non potest, deliberatio tollitur,
 quamvis utile sit : & si quid necesse est, ¹¹ id pertinebit,
 aut ad honestatem, aut ad incolumitatem : aut ad commo-
 ditatem. Ac summa quidem necessitudo videtur esse ho-
 nestatis : huic proxima incolumitatis : tertia ac levissima
 commoditatis : quæ cum his nunquam poterit duabus con-
 tendere. ¹² Si tamen necesse id est, sine quo salvi liberive
 esse non possumus, id, est reliquis, & honestatibus in civili
 ratione, & commodis anteponendum. Cùm autem quæri-
 tur quid fieri possit, videndum etiam est, quàm facilè possit.
 Nam quæ perdifficilia sunt, proinde habenda sæpè sunt,
 ac si effici non possint. Et, cùm de necessitate attende-
 mus, etsi aliquid non necessarium videbitur, videndum
 tamen erit, quàm sit magnum : quod enim permagnum
 est, pro necessario sæpè habetur. ° *Faxis ut libeat, quod*
est necesse. Jam ut de utilitate dicamus, quæ in discernendis
 bonis, malisque versatur ¹³ hæc in duas partes in civili con-
 sultatione dividitur : tutum & honestum. Tuta est, quæ
 conficit instantis, aut consequentis periculi vitationem qua-
 libet ratione. Honestæ res dividitur in rectum, & lauda-
 bile. rectum est, quod cum virtute & officio sit : lauda-
 bile est, quod conficit & præsentem & consequentem
 commemorationem. ¹⁴ Sed quia temporibus, quæ vim
 habent maximam, persæpè evenit, ut utilitas cum honestate
 certet, earumque rerum contentio plerumque deliberatione
 efficit, ne aut opportuna propter dignitatem, aut honesta
 propter utilitatem, relinquuntur : *meminerit senator, se in*
senatu dicere, qui nunquam utilitatem à dignitate se-
jungit : etsi peccandum sit, non in eam, ut ¹⁵ *bestiæ, peccet*
partem,

partem, quæ est cautior, *sed quæ honestior: nec committat, ut videatur sentire, nedum dicere,*¹⁷ faceréve, quod sciat¹⁷ pro Bal. non licere: vel omnino nescire, quid liceat.¹⁸ Omnino¹⁸ 3. Off. etiam hoc deliberantium genus pellatur è medio (est enim totum sceleratum & impium) qui deliberant, utrum id sequantur, quod honestum esse videant, an se scientes scelere contaminent? In ipsa enim dubitatione facinus inest, etiam si ad id non pervenerint. Ergo ea deliberanda omnino non sunt in quibus est turpis ipsa deliberatio: atque etiam in omni deliberatione, celandi & occultandi spes, opinióque removenda est. satis enim nobis persuasum esse debet, si omnes deos, hominésque celare possimus, si ipsum Gygis annulum habeamus, nihilo plus nobis licere putandum peccare, quàm si non haberemus. honesta enim bonis viris, non occulta quærentur: iisque satis persuasum esse debet, nihil esse utile, quod non honestum sit.¹⁹ Quam-¹⁹ Ib. quam id quidem cum sæpè aliàs, tum Pyrrhi bello à C. v. cap. 16. NW. Fabricio consule iterum, & à senatu nostro judicatum est.^{7.} Cum enim rex Pyrrhus populo Ro. bellum ultirò intulisset, cumque de imperio certamen esset cum rege generoso ac potente, perfuga ab eo venit in castra Fabricii: eique est pollicitus, si præmium sibi proposuisset, se, ut clam venisset, sic clam in Pyrrhi castra rediturum, & eum veneno necaturum. hunc Fabricius reducendum curavit ad Pyrrhum: idque factum ejus laudatum à senatu est. Atqui si speciem utilitatis, opinionémque quærimus, magnum illud bellum perfuga unus & gravem adversarium imperii sustulisset. sed magnum dedecus & flagitium, quicum laudis certamen fuisset: eum non virtute, sed scelere superatum. utrum igitur utilius vel Fabricio, qui talis in hac urbe, qualis Aristides Athenis fuit, vel senatui nostro, qui nunquam (*ut dixi*) utilitatem à dignitate sejunxit, armis cum hoste certare, an venenis. Si gloriæ causa imperium expetendum est, scelus absit, in quo non potest esse gloria:

ria : sin ipsæ opes expetuntur quoquo modo, non poterunt esse utiles cum infamia. Malè Curio, quum causam Transpadanorum æquam esse dicebat : semper etiam addebat, VINCAT UTILITAS. potius diceret non esse æquam, quia non esset utilis reip. quàm, quum æquam esse diceret, non esse utilem fateretur.

DE LIBERTATE SENATORIS Ro. in sententiis dicendis, & tuenda rep.

C A P. XXXVIII.

° Sen. in Hip.
act. 2.

° *Ingenia melius recta se in laudes ferunt,
Si nobilem animum vegeta libertas alit.*

1 7. Phil.

2 Ib.

3 2. de Or.

4 10. Phil.

5 Ib.

6 pro Plan.

TURP E est summo concilio orbis terræ, in re ulla consilium intelligi deesse. *Turpe senatori* ² tanti honoris nomen nolle, aut non posse sustinere. ³ Nemo est præsertim in tam clara civitate, quin putet, & expetendam maximè, & retinendam dignitatem : sed vincit utilitas plerumque, cum subest ille timor, ea neglecta ne dignitatem quidem posse sustineri. *At nemo,* ⁴ aut sapientior ad conjecturam rerum futurarum, aut ad propulsandum metum diligentior, *aut in dicendo liberior, aut libertatem civium tuendam paratior esse debet senatore Ro.* ⁵ Omnes nationes servitutem ferre possunt : nostra civitas non potest : nullam ob causam, nisi, quod illi laborem, dolorémque fugiunt : quibus ut careant, omnia perpeti possunt : nos ita à majoribus instituti atque imbuti sumus, ut omnia consilia ad dignitatem, gloriam, & virtutem referremus. *Hæc sunt illa veterum, quæ in plurimis desidero.* ⁶ Ubi est ille mos, illa consuetudo senatoria, illa æquitas juris, illa antiqua libertas : quæ malis oppressa civilibus extollere jam caput,

caput, & aliquando recreata se erigere deberet? Quid usque eò oppressa arrogantia civitas est, ut quæ fuit olim præconi Grannio in ridendo, nunc senatori Ro. in plorando non sit concessa libertas? ⁷ App. Claudius, quem cæcum & senem in senatum delatum memoriæ proditum est, ⁸ quum sententia senatus inclinaret ad pacem cum Pyrrho, cœdûsque faciendum, non dubitavit illa dicere, quæ versibus persecutus est Ennius.

⁷ 1. Tusc.
An.
ccccLxxiv.
⁸ in Cat.

*Quo vobis mentes, rectæ quæ stare solebant
Antebac, dementes, sese flexere viai?*

Cæterâque gravissimè. notum enim carmen est: & ipsius Appii exstat oratio: qua^o senatum jamjam inclinatum à Pyrrhi pace revocavit. *Magnus vir Appius: nec minor Q. Scævola augur.* ⁹ *Sylla occupata urbe senatum armatus coegerat, ac summa cupiditate ferebatur, ut C. Marius quàm celerrimè hostis judicaretur: cujus voluntati nullo obviam ire audente, solus Scævola interrogatus hac de re sententiam dicere noluit: quando etiam truculentius sibi minitanti Syllæ: licet, inquit, mihi agmina militum quibus curiam circumse-distis, ostentes: licet mortem identidem ministeris: nunquam tamen efficies, ut propter exiguum senilémque sanguinem meum, Marium, à quo urbs & Italia conservata est, hostem judicem. Quæ fuerit etiam senatoris Ro. in dicendo libertas, quæ magnitudo animi, quæ gravitas, quæ sapientia, cùm causam haberet, in qua & voluntatem posset suam, & virtutem declarare, ostendit gravitas* ¹⁰ *M. Scauri: quem nunquam ulla vis, ullæ minæ, ulla invidia labefecit: perseverantia Q. Metelli, qui, cùm in eam legem, quam non jure rogatam judicârat, jurare unus noluiſſet, de civitate maluit, quàm de sententia dimoveri: constantia Q. Catuli, quem neque periculi tempestas, neque honoris aura potuit unquam de suo cursu, aut spe, aut metu demovere.* ¹¹ *Is enim liberè reprehendere & accusare populi nonnunquam temeritatem solebat, aut errorem senatus. Sileo, quæ dici possent*

^o in Brut.
⁹ Val. cap. 8.
lib. 3.
An. Dcl.xv.

¹⁰ pro Sext.
An. DCLIII.

¹¹ Ib.

¹² 3. de Or.
An. DCLXVI.

possent de M. Antonio, Sulpicio, & aliis: quibus ¹² *ferro*
vita erepta est, & pœna liberioris linguæ, non sine magno
reip. malo constituta. Quid memorem Crassum, quem
cùm vitæ flore, tum mortis opportunitate, divino consilio
& ortum & exstinctum esse arbitror. Nam ei, aut virtute
animi, constantiaque sua subeunda crudelitas: aut, si qua
eum fortuna ab atrocitate mortis vindicasset, eadem esse il-
lum funerum patriæ spectatorem coegisset. *Venio ad nostra*

¹³ ep. 6. l. 15.
fa.

tempora, quibus si multi ¹³ *Catones essent in civitate nos-*
tra, in qua unum exstitisse mirabile est, quem ego cum eo

¹⁴ ep. 4. d. l.
¹⁵.

conferrem: ¹⁴ qui in sententiis dicendis, non modò iis,
quos vidimus, sed iis, de quibus audivimus omnibus ante-
ferendus est. ¹⁵ Consule me dixit eam sententiam, cujus

¹⁵ pro Sext.
v. c. 41. nu. 2.

invidiam capitis periculo sibi præstandam videbat. At in

v. c. 24. nu. 49.

tribunatu Clodii, cùm Cyprius miser est publicatus, cur
rogationi paruit? quasi verò ille non in alias quoque leges,
quas injustè rogatas putârat, jam antè jurârit. Non obtulit
se ille istis temeritatibus, ut cùm reip. nihil prodesset, se
cive remp. privaret. ¹⁶ Ille mihi unus fuit pro centum

¹⁶ ep. 5. l. 2.
Att.

millibus: ¹⁷ etsi cum eo sæpè dissenserim (at sine acerbitate,
sine invidia) quòd nolens servire temporì, ¹⁸ noceret interdum

¹⁷ 3. Off.

reip. atque ¹⁹ à senatu & ordinem conjunctissimum, & ho-

¹⁸ ep. 1. l. 2.
Att.

minem clarissimum abalienaret. Quid de aliis dicam sena-

¹⁹ ep. 8. l. 1.
fa. v. cap. 39.

toribus, qui me cos. floruerunt. aut iis, qui in dissensione Cæ-
saris & Pompeii, non nisi se digna & sentire & defendere

²⁰ 13. Phil.

voluerunt? ²⁰ qui, si omnes viverent, bellum omnino ci-
vile non fuisset: auctoritati cessisset audacia. sed quantum
præsidii fuerit in cæteris, hinc intelligi potest, quòd ego
unus relictus è multis, contudi & fregi, adjuvantibus viris
fortibus, exultantis prædonis audaciam.

²¹ *Ociùs ite viri, & nascentem exstinguite flammam:*
Ne seræ redeant post aucta pericula curæ.

²¹ Silius lib. 1.

IN QUO EST POSITA *senatoria libertas*?

C A P. XXXIX.

OMNES, quibus *propositum est vigiles se præstare*
¹ propugnatores reip. & in fenatu, ² quæ ipsis visa ¹ ep. 10. ad Brut.
erunt dicere, *sibi magna debent subsidia comparare: ut* ³ fo- ² 1. Phil.
luti à cupiditatibus, cauti in periculis, non timidi, *nec nimii* ³ v. cap. 26.
in contentionibus. ⁴ ab animi perturbatione liberi, nulla re ⁴ nu. 11.
impediti possint ⁵ ea probare, decernere, statuere, quæ sunt ⁴ 1. Off.
amica, & communi otio, & dignitati suæ. ⁶ Sudandum ⁶ 10. Phil. ap. pro Sext.
quippe est his pro communibus commodis, adeundæ inimi-
citæ, subeundæ sæpè pro rep. tempestates: cum multis
audacibus, improbis, nonnunquam etiam potentibus dimi-
candum: & *contra eorum voluntatem de iis, quæ ad remp.*
pertinent statuendum, decernendumque liberè. ⁷ Sed ad hu- ⁷ 2. Agr. ap. & pro Plan.
jusce verbi vim, & interpretationem vehementer opus est
sapientia. Versatur enim magnus error propter nonnul-
lorum pertinaciam, qui libertatem, quam in fenatore re-
quirimus, non in *moderatione & judicio, sed in quadam vel*
severitate morum, vel audacia, vel nimia perseverantia, vel
infinita licentia, bonis inimica moribus & consiliis, positam
existimant: quasi ⁸ audacia pro sapientia liceret uti: aut ⁸ ep. ult. l. 1. fa. & ep. 11.
libertatis ea esset majestas (ut Sylla voluit) ut in quemvis ¹ 3. fa.
impunè declamare liceret: aut erudiendus foret senator à
⁹ Stoicis in illa correctione veteris Philosophiæ, quæ omnino ⁹ 1. de Fin.
aditum habere nullum potest in urbem, in forum, in cu-
riam: *vel* ¹⁰ à Platone de fide & justitia disputante, qui cùm ¹⁰ 1. de Or.
hæc exprimenda verbis arbitraretur, novam quandam finxit
in libris civitatem (usque eò illa, quæ dicenda de justitia
putabat, à vitæ consuetudine, & à civitatum moribus ab-
horre-

¹¹ 3. de Or.
An. DCLXI.

horrebant) vel à ¹¹ magistris dicendi, quos *Crassus* censor edicto suo sustulerat : non quo (ut nescio quos dicere aiebant) acui ingenia adolescentium nollet : sed contrà ingenia obtundi noluit, corroborari impudentiam. Nam apud Græcos cujuscmodi essent, videbat tamen esse, præter hanc exercitationem linguæ, doctrinam aliquam, & humanitate dignam scientiam : hos verò novos magistros nihil intelligebat posse docere, nisi ut auderent. Hoc cùm unum traderetur, & cùm impudentiæ ludus esset, putavit esse censoris, ne longius id serperet, providere. *Fam, ut dicam de*

¹² 1. de Or. ap.

Romano senatore, ejusque libertate : ¹² sic ego statuo, fortis & constantis senatoris moderatione & sapientia, non solum ipsius dignitatem : sed & privatorum plurimorum, & uni-

¹³ 1a Or. ap.

versæ reip. salutem maximè contineri. *Itaque* ¹³ magni judicii, summæ etiam facultatis esse debbit moderator ille, & quasi temperator hujus *libertatis*. Nam judicabit, quid opus sit, *quid deceat, quid senatoria dignitas, quid res, quid tempora reip. postulabunt fieri, dicere*. In omnibusque rebus videndum erit quatenus. etsi enim suus cuique modus est, tamen magis offendit nimium, quàm parum. In quo Apelles pictores quoque eos peccare dicebat, qui non sentirent, quid esset satis. Magnus est hic locus, cùm aliud totum sit, utrum decere, an oportere dicas. oportere enim perfectionem declarat officii, quo & semper utendum est, & omnibus : decere, quasi aptum esse, consentaneumque tempori & personæ : itémque contrà dedecere. Quod si poeta fugit, ut maximum vitium, *itémque* pictor : si histrio quid deceat quærit, quid *senatori* faciendum putemus ? *cui quæ convenient, quæ incumbant*, magnum volumen desiderant : cum hæc ei ¹⁴ publicæ dignitatis fundamenta, hæc membra & tuenda, & vel capitis periculo defendenda sint : Religiones, potestas magistratuum, senatus auctoritas, leges, mos majorum, judicia, jurisdictio, fides, provinciæ, focii, imperii laus, res militaris, ærarium. Harum rerum

¹⁴ pro Sext.

tot atque tantarum esse defensorem & patronum, magni animi est, magni ingenii, magnæ constantiæ, atque consilii. Et verò non aliter ¹⁵ hanc personam, & has partes, hono- ¹⁵ de Har. R. ribus populi Ro. senatûsque plurimis ornamentis sibi tributas, sustinere poterit, quàm ¹⁶ si statuatur reip. dignitatem, ¹⁶ pro Man. & salutem provinciarum atque sociorum, suis omnibus ^{ap.} commodis & rationibus præferri oportere : atque ita se gerat, ut ¹⁷ sua consilia cuique probet, in senatu liberè sine ulla ¹⁷ pro Sext. cupiditate sententiam dicat : ¹⁸ maneat in laudabili sententia : ¹⁸ pro Man. nullius vim, aut minas pertimescat : magnitudinémque animi, ne unquam flectat cujusquam injuria : Denique ¹⁹ suum ¹⁹ pro Sylla. esse putet, ita vivere, ut non modò homini nemini, sed ne cupiditati quidem ulli serviat : contemnere omnes libidines : non auri, non argenti, non cæterarum rerum indigere : in senatu sentire liberè : populi utilitati magis consulere, quàm voluntati : nemini cedere, multis obistere. ²⁰ Hæc ego, ²⁰ pro Sext. si aut aspera, atque ardua, aut plena esse periculorum, aut insidiarum negem, mentiar : præsertim, cùm id, non modò intellexerim semper, sed etiam præter cæteros senserim. Majoribus præfidiis & copiis oppugnatur resp. quàm defenditur : propterea quòd audaces homines & perditii metu impellantur : & ipsi etiam sua sponte contra remp. incitentur : boni nescio quo modo tardiores sint, & principii neglectis ad extremum ipsa denique necessitate excitentur : ita, ut nonnunquam cunctatione ac tarditate, dum otium volunt etiam sine dignitate retinere, ipsi utrumque amittant. Propugnatores autem reip. qui esse voluerunt, si leviores sunt, desciscunt : si timidiores, desunt : permanent illi soli, atque omnia reip. causa perferunt, qui sunt tales, qualis fuit M. Scaurus, Q. Metellus, Q. Catulus, ° & ^o ep. 16. l. 1. heros ille noster Cato. Hos imitatur, qui dignitatem, qui ^{Att.} laudem, qui gloriam quærit : cum his, & ²¹ secum ipse ²¹ ep. 19. l. 14. certat : ²² sensum in rep. rectum & confirmatum non de- ^{Att.} ponit : ²³ mercede ad officium non impellitur, sed desiderio ²² ep. 8. l. 1. ^{fa.} ²³ 4. Ac. ap. tuendæ

²⁴ ep. 20. l. 11. *tuendæ reip.* ²⁴ Nunquam extimescit, nunquam pertur-

fa. batur: neque metuit quicquam, & cavet omnia: *in sententia dicenda non paret dolori suo, nec iracundiæ servit: ne*

²⁵ in Orat. *suis quidem utilitatibus, aut desiderio cujusquam* ²⁵ in veritate

²⁶ ep. 3. lib. crimen arrogantiae pertimescit: ²⁶ quod nondum senatus
²⁴ Br. censuit, nec populus Ro. iussit, id arroganter non præjudicat, neque revocat ad arbitrium suum: *semper meminit uti*

²⁷ Claud. in Manlii Theodari cons. ²⁷ *peragit tranquilla potestas,
Quod violenta nequit: mandatæque fortius urget.
Imperiosa quies.*

²⁸ 1. Off. ²⁸ Nihil studiosè de aliquo detrahendi causa, aut ridiculum, aut severè, maledicè, contumeliosève dicit. ²⁹ quod
²⁹ ep. 5. ad Br. ego ad officium & senatorium, & privatarum ejus rerum
²⁹ p.

³⁰ Or. in Sa l. æquè, atque ullam rem pertinere arbitror. ³⁰ sæpè enim
gravius vidi offendere animos auditorum eos, qui aliena
flagitia apertè dixerunt: quàm qui commiserunt. *Pertina-*

³¹ v. cap. 45. *ciam refugit: calumnia dicendi tempus non eximit:* ³¹ nihil
³¹ 2. de Fin. fingit: nec ea dicit, quæ non sentit: ne ut vestitum, sen-

³² p. tentiam habeat aliam domesticam, aliam forensem: ut in
fronte ostentatio sit, intus veritas occultetur. *Senatori*
quidem gravi eæ veræ videntur opiniones, quæ honestæ,
quæ laudabiles, quæ gloriosæ, quæ in senatu, quæ apud
populum, quæ in omni cœtu, consilióque proferendæ sunt.

³² 2. Tusc. ³² Nullum theatrum virtuti conscientia majus est. ³³ In
³³ 1. Off. contentionibus etiam illis, quæ cum inimicissimis fiunt,
quantumvis indigna audiat, gravitatem retinet, iracundiam

³⁴ 2. de Or. ap. repellit. ³⁴ In quo etiam illud assequitur, ut si quis ei
³⁵ 1. Off. malè dicat, petulans, aut planè insanus esse videatur. *In*
dicende non commovetur. ³⁵ quæ enim cum aliqua pertur-

³⁶ 1. de Fin. batione fiunt, ea nec constanter fieri possunt, nec iis, qui ad-
sunt, probari. ³⁶ Maledicta, contumeliæ, iracundiæ, con-
tentiones, concertationesque in dicendo pertinaces, indignæ
mihi

mihi philosophia videri solent : *quid sapientia, & dignitate senatoria?* ³⁷ *cujus est non infinitis concertationumque plen- 37 1. de Or.*
 nis disputationibus, sed auctoritate, ratione, consiliis *sua-*
dere, decernere. Siquidem in orbis terræ consilio ³⁸ *suadere 38 1. de Or.*
 aliquid, aut dissuadere, non nisi gravissimæ est personæ.
Nam & ³⁹ *intento opus est animo, ne omnia dilabantur, si 39 4. Tusc.*
 unum aliquid effugerit : ⁴⁰ *& sapientis est consilium expli- 40 2. de Or.*
 care suum de maximis rebus : & honesti & disertis, ut mente
 prævidere, auctoritate probare, oratione persuadere possit.
 Atque hæc in senatu minore apparatu agenda sunt. Sa-
 piens enim est consilium, multisque aliis dicendi relinquen-
 dus locus. *Huc pertinet illa* ⁴¹ *gravis & præclara lex: 41 3. de Leg.*
 QUÆ CUM POPULO ; QUÆQUE CUM PATRIBUS AGEN-
 TUR, MODICA SUNTO. SENATORI, QUI NEC ADERIT,
 NEC LOCO, NEC MODO DIXERIT : AUT CAUSA, AUT
 CULPA ESTO. CAUSAS POPULI TENETO. ⁴² *MO- 42 Ib.*
 DICA SUNTO : Id est modesta, atque sedata. auctor enim
 moderatur & fingit, non modò mentes ac voluntates, sed
 penè vultus eorum, apud quos agit. Quod in senatu non
 difficile est. est enim ipse senator is, *cujus non ad aucto-*
ritatem referatur animus, sed qui per se ipse spectari velit.
 Huic jussa tria sunt, ut adsit. nam gravitatem res habet,
 cùm frequens ordo est : ut loco dicat, id est rogatus : ut
 modo, ne sit infinitus. Nam brevitatis non modò senatoris,
 sed etiam oratoris magna laus est in sententia : nec est un-
 quam longa oratione utendum, nisi aut cùm spectante se-
 natu, quod sit ambitione sæpissimè, nullo magistratu adju-
 vante, tolli diem utile est : aut cùm tanta causa est, ut opus
 sit oratoris copia, vel ad hortandum, vel ad docendum,
 quorum generum in utroque magnus noster Cato fuit.

IN QUO EST POSITA constantia senatoria?

C A P. XL.

• Surge age, & in duris haud unquam desce: cælo
Mox aderis, téque astra ferent.

• Val. Flaccus
lib. 5.

• 1. Off.

• 2. Ib.

• 3. 2. de Inv.

• 4. 1. Off.

• 5. 12. Phil.

• Sen. in Hipp.

• **N** I H I L est, quod tam senatorem decet, quàm in omni re gerenda consilioque capiendo servare constantiam. In quo plura sunt tenenda: ² primùm habenda ratio in deligendo, ut ad id, quod melius est, consilium omne conferat, in eoque constantiam teneat: id enim maximè decet, nisi fortè se intellexerit errare in deligendo. quod si acciderit, facienda consiliorum mutatio est: ne si processerit, fallatur ³ pertinacia, quæ constantiam imitando progreditur in errore, uti perseverantiæ finitima. Hæc è contrario in ratione benè considerata, stabilis, & perpetua permansio est: altis nixa radicibus: fortitudinis, in rebus arduis: patientiæ, in acerbis: prudentiæ, in delectu habendo bonorum & malorum. Deinde sciendum plerumque accidere, ut quamvis in eligendo erratum non sit, ab instituto tamen sit recedendum, parendumque temporibus, rebus, personis. Ex quibus, cum oporteat consilia & capere, & suscepta moderari, omnia momenta erunt ponderanda: ut, quæ fuerunt utiliter susceptæ rerum actiones, si huiusmodi permaneant, teneantur: sin cœperint obesse, vel esse ⁴ periculosæ, aut iis, qui eas susceperunt, aut reip. dimittantur. ⁵ Omnino, si est erratum ulla spe, aut re falsa atque fallaci, redeundum in viam.

• Obstare primum est velle, nec labi via:
Pudor est secundus, nosse peccati modum.

Optimus

Optimus est portus pœnitenti mutatio consilii. ⁶ Cu- ⁶ 12. Phil.
 jussis est hominis errare: nullius nisi insipientis in errore
 perseverare. Posteriores enim cogitationes (ut aiunt) sa-
 pientiores solent esse. *Quorum omnium norma sit una: id*
utile esse, quod honestum est: ⁷ qua servata, quæ, quasi de cœlo ⁷ 1. de Fin. 37.
 delapsa est ad *benè vivendum deliberandúmque* regula, nun- ⁸ 1b.
 quam *in consilio dando, sentiéntiæ dicenda* errabimus: ⁸ nun-
 quam ullius oratione victi sententia desistemus. ⁹ Nam, ⁹ 1. Off.
 cùm neque utilitas ad se rapere, neque honestas contrà, revo-
 care ad se videbitur, *fiet, ut non distrahatur in deliberando,*
aut progrediendo animus: nec afferat ancipitem curam co-
gitandi, vel exequendi. Altera, quæ eodem est dirigenda
norma, sit illa legis: ¹⁰ SALUS POPULI SUPREMA LEX ¹⁰ 3. de Leg.
 ESTO: quia ¹¹ Jupiter ipse sanxit: ut omnia, quæ reip. sa- ¹¹ 11. Phil.
 lutaria essent, legitima & justa haberentur. *Adde illam mo-*
ris majorum: ¹² ad novos casus temporum, novorum consi- ¹² pro Man.
 liorum rationes accommodandas esse.

¹³ *Moribus antiquis res stat Romana, virisque.*

¹³ 3. de Rep.

sed ita, ut casibus temperentur. Sic

¹⁴ *Unus homo nobis cunctando restituit rem:*

¹⁴ in Cat.

augúrque quum esset, dicere ausus est, optimis auspiciis ea
 geri, quæ pro reip. salute gererentur: quæ contra remp.
 ferrentur, contra auspicia ferri. ¹⁵ In sententia permaneat ¹⁵ pro Mur.
 senator: enimverò, nisi sententiam sententia alia vicerit
 melior. *A suis non discrepet judiciis, nisi causis antegressis*
posteriores obstiterint, cum ratione conspirantes: vel status
reip. sit hujusmodi, ut omnia seditionibus, quasi violentissimis
tempestatibus, sic concitentur, ut nec rationi, nec legibus lo-
cus relinquatur. Est quidem omnium domina rerum ratio:
etiam earum, quæ ¹⁶ causas alias ex aliis aptas, & necessi- ¹⁶ 5. Tusc.
 tate nexas habent. quibus ab æterno tempore fluentibus in
 æternum, ratio tamen ménisque moderatur. *Sed plerumque*
evenit, ut res civiles sint veluti ¹⁷ rusticæ: quas non ratio, ¹⁷ 5. Verr.
 neque

neque labor, sed res incertissimæ, venti, tempestatésque moderantur. *Et proinde ut cultura, necnon spes, sæpenumerò fallit agricolas : ita non rarò consilia decipiunt reip. rectores.*

¹³ pro Mur.

¹⁹ 1. Off.

Multa sunt etiam, ¹⁸ quæ ad disciplinæ præcepta si perpendas, recta sunt : sin dirigere ad civitatis rationem velis, reperientur pravissima. ¹⁹ Omnino, si quicquam est decorum, si quicquam constans, nihil est profectò magis, quàm æquabilitas universæ vitæ, tum singularum actionum. *Hanc tamen, cùm omnibus in sententiis consiliisque de rep. conservare voluisset Cato, nec tantulùm discedere ab antiquis moribus, sæpè in vita peccavit, Et nocuit reip. in morte fato non reliquit locum. Nam cùm ei* ²⁰ *incredibilem natura tri-*

³² Ib.

²³ Ib.

buiisset gravitatem, eamque ipse perpetua constantia roboravisset, sempérque in proposito susceptoque consilio permansisset, frangi aut flecti non potuit in senatu, cùm diceret sententiam : Et rep. ad unum delata, ²¹ *mori potius statuit, quàm tyranni vultum aspicere. Nos Cæsarianis videbamur in libro, quem de Catonis laude scripsimus* ²² *ψευδῶς gravitatem constantiamque ejus laudasse : Et Cæsar ipse, qui* ²³ *constantiam solebat laudare, vituperationem scripsit contra laudationem meam : in quo collegit vitia Catonis, sed cum maximis laudibus meis.* ²⁵ *Catonem nemo plus amavit, quàm ego : sed tamen ille optimo animo utens, & summa fide, nocuit interdum reip. dixit enim tanquam in Platonis πολιτεία non tanquam in Romulifæce sententiam.*

²² ep. 4. l. 12.
Att.
falsò.

²³ v. cap. 30.
nu. 13.

²⁴ ep. 39. l. 12.
Att.

An. DCCVII.

²⁵ ep. 1. l. 2.
Att.

²⁶ 3. Off.

²⁷ ep. 3. l. 2.
ad Q. Fr.

²⁸ ep. 21. l. 2.
Att.

²⁹ ep. 15. d.
l. 2.

³⁰ ep. 8. l. 1.
fa.

Omnia publicanis negavit, multa sociis : in senatu ²⁷ *vehementer in principes civitatis invecus est : eos tanquam reos accusavit :* ²⁸ *Archilochia edicta Bibuli probavit.* ²⁹ *Sed illa ejus constantia, Bibuli ista magnitudo animi, quid habuit, nisi ipsorum judicium sine ulla correctione reip.* ³⁰ *Ne errassent quidem, si cùm pares esse non potuissent, pugnare destitissent. Otium nobis exoptandum fuit : quod ii, qui potiebantur rerum, præstaturi videbantur, si quidem isti patientiùs eorum potentiam ferre potuissent.*
quod,

quod, cum non facerent, ³¹ illi Catoni irati omnia perdiderunt. *ejúsque pertinacia, atque aliorum,* ³² stultitia & inconstantia adversariorum perfecerunt, ut & auctoritate plus valerent, ³³ & commutata tota ratio esset senatus, judiciorum, rei totius publicæ, *atque etiam* ³⁴ sensus bonorum. Itaque tota tunc sapientium civium, & sententia & voluntas mutata esse debuit: ³⁵ ipsius etiam, qui peccavit, Catonis. ³⁶ cum quo sæpè diffensi, *atque prævidi,* ³⁷ multa ejus ad nihil recasura. ³⁸ Ego mediocritate delector; & in administranda rep. non idem semper dicendum, sed idem semper spectandum sentio: nec reprehendendum puto senatorem, *qui* ³⁹ sine reip. detrimento respicit aliquando salutem, tum suam, tum suorum: ⁴⁰ qui ea de rep. sentit, ac dicit, quæ cum sibi maximè, tum etiam reip. rationibus putat conducere. *Sunt tamen nonnulli, qui, sicut Cato, constantiam* & ⁴¹ libertatem ponunt in eo, si in una permaneant sententia, & semper cum iis, quibuscum aliquando contenderunt, depugnent: quod est longè secus. In natura & arte constantia est, in cæteris nulla: unde ° nemo doctus mutationem consilii inconstantiam dixit esse: ° nec vir clarus putat non judicium aliquod habendum de reip. utilitate, sed hominibus amicum aut inimicum esse oportere. Stare omnes debemus, tanquam in orbe aliquo reip. qui, quoniam versetur, eam deligere partem debemus, ad quam nos illius utilitas salutisque converterit. An, cum videam navem secundis ventis cursum tenentem suum, si non ea, eum petat portum, quem ego aliquando probavi, sed alium non minùs tutum atque tranquillum, cum tempestate pugnem periculose potius, quàm illi, salute præsertim proposita, obtemperem, & paream? Neque enim inconstantis esse puto, sententiam, tanquam aliquod navigium atque cursum, ex reip. tempestate moderari. Ego verò hæc didici, hæc vidi, hæc scripta legi, hæc de sapientissimis & clarissimis viris, & in hac rep. & in aliis civi-

³¹ ep. 21. l. 2
Att.

³² ep. 7. l. 1.
fa.

³³ ep. 8. d. l.
1. fa.

³⁴ ep. 9. l. 1.
fa.

³⁵ ep. 10. l. 2.
Att.

³⁶ 3. Off.

³⁷ v. cap. 12.
nu. 17.

³⁸ ep. 9. l. 1.
fa.

³⁹ pro Plan.

⁴⁰ d. ep. 9. l.
1. fa.

⁴¹ pro Plan.

° ep. 7. l. 16.
Att.

° pro Plan.

tatibus monumenta nobis litteræ prodiderunt. non semper easdem sententias ab iisdem, sed quascunque reip. status, inclinatio temporum, ratio concordiae postuleret, esse defendendas. Quod ego, & facio, & semper faciam : libertatémque & constantiam, quam neque dimisi unquam, neque dimittam, non in pertinacia, sed in quadam moderatione positam putabo.

Hor. ep. 6.
lib. 1. ep.

*Insani sapiens nomen ferat, æquus iniqui :
Ultrà quàm satis est, virtutem si petet ipsam.*

MONITA QUÆDAM de senatorio usu, prudentia, atque moderatione in dicendis sententiis, & vitæ rationibus temperandis.

C A P. XLI.

¹ de Or. ap.

² post. Red. ad
Quir. ap.

³ de Har. resp.
²p.

⁴ de Pro. cons.

JAM verò, ut viris clarissimis ad remp. accedentibus, ¹ usus senatorii alia quædam, quasi monita tradamus : quibus majores nostri certos sibi fines terminosque constituerunt, extra quos egredi non poterant, maxime si voluissent : hoc mihi videor animadvertisse senatoribus Ro. ² in consiliis de rep. capiendis diligentiam, in periculis à rep. propulsandis animum, in sententia simpliciter dicenda fidem, in hominum voluntatibus pro rep. lædendis libertatem, in perferendo labore industriam, in civium commodis augendis grati animi benevolentiam nunquam defuisse. Atqui hæc cura fuit infixæ nostrorum animis sempiterna, ut, cum populo Ro. qui apud ipsos deorum immortalium vim & numen tenebat, tum posteris, cunctisque gentibus dignissimi ea civitati viderentur, quæ omnibus gentibus imperaret. ³ Hos ego mihi semper proposui ad imitandum : ⁴ nec vereor, ne hæc de mea voluntate prædicatio, non libera potius, quàm arrogans videatur : præsertim, cum ⁴ ego omnium

omnium meorum consiliorum atque factorum exempla,
semper ex summorum hominum factis mihi censuerim pe-
tenda: *tametsi* ⁵ cogitationes & consilia mea, tum graves ^{5 1. de Or.}
communium temporum, tum varii nostri casus perturbá-
runt. Nam prima ætate incidimus in ipsam perturbationem
disciplinæ veteris: & in consulatu devenimus in medium
rerum omnium certamen atque discrimen: & hoc tempus
omne post consulatum objecimus iis fluctibus, qui in nos-
metipsos redundarunt. Sed tamen in his, vel asperitatibus
rerum, vel angustiis temporum *senatui me semper addixi:*
& libertate, constantia, moderatione retinui dignitatem meam.
Hic meus animus & in tuenda rep. voluntas, ⁶ mense De- ^{6 pro Plan.}
cembri mei consulatus, omnium parricidarum tela com-
movit: quæ si viginti quiessem dies, in aliorum jugulum
consulum resedissent: *Pisone & Gabinio cons.* ⁷ in me flam- ^{7 de Har.}
mam illorum temporum conjecit: ⁸ cùm alii (vide caliginem ^{8 pro Sext.}
temporum illorum) me suspicione periculi sui non defen-
derent: alii vetere odio bonorum incitarentur: alii invide-
rent: alii obstare sibi me arbitrarentur, & ⁹ nisi me civitate ^{9 ep. 4. 1. 10.}
expulissent, obtinere se putarent non posse licentiam cupi-
ditatum suarum: ¹⁰ alii ulcisci dolorem aliquem suum vel- ^{10 pro Sext.}
lent: alii rem ipsam publicam atque bonorum statum oti-
úmque odissent: & ob hæc causas tot, tàmque varias me
unum deposcerent. ¹¹ Vide quàm sit varia vitæ commu-
tabilisque ratio, quàm vaga volubilisque fortuna, quantæ
infidelitates in amicis, quàm ad tempus aptæ simulationes,
quantæ in periculis fugæ proximorum, quantæ timiditates.
Hæc eadem meæ vitæ ratio in causa fuit, ut ¹² illi, qui mihi ^{12 ep. 2. lib.}
pennas inciderant, noluerint easdem renasci, cùm redieram. ^{4. Att.}

¹³ Est enim hujus seculi læbes quædam & macula, virtuti ^{13 pro Bal.}
invidere, velle ipsum florem dignitatis infringere. ¹⁴ Ultra ^{14 2. Phil. v.}
cùm se esset resp. non recuperasset morte Cæsaris ¹⁵ patrium ^{15 pro Sext.}
animum, morem virtutémque majorum capiendam censui:
in senatu ¹⁶ veterem illam severitatem, in vita consulari ^{16 5. & 7.}
rationem ^{Verr.}

17 8. Phil.

rationem summi officii desideravi. *Fuere, qui ridebant scilicet nostram amentiam: qui* ¹⁷ *invidebant meæ constantiæ, qui labori: meam perpetuam in rep. adjuvanda voluntatem, & à senatu, & à populo Ro. probari molestè ferebant. Omnes id quidem facere debebamus, eaque erat non modò apud majores nostros, sed etiam nuper summa laus consularium, vigilare, adesse animo, semper aliquid pro rep. aut cogitare, aut facere, aut dicere. Ego Q. Scævola in augurem memoria tenco, bello Marfico, cùm esset summa senectute & perdita valetudine, quotidie, simul atque luceret, facere omnibus conveniendi sui potestatem: neque eum quisquam in illo bello vidit in lecto: senexque & debilis primus veniebat in curiam. Hujus industriam maximè quidem vellem, ut imitarentur ei, quos oportebat: secundo autem loco, ne alterius labori inviderent. Etenim, cùm in hunc honoris gradum beneficio populi Ro. ascendimus,* ¹⁸ *quas vigilias, quas sollicitudines, quos labores reip. tuendæ causa recusare debemus? Hæc dudum ego in magna atrocitate temporum dixi in senatu:* ¹⁹ *ut quosdam nimis jejuno animo, & angusto monerem, id, quod semper ipse fecissem, uti excellentium civium virtutem, imitatione dignam, non invidia putarent: eodémque tempore* ²⁰ *maximas gratias Pansæ habendas censui, quòd declarasset verum esse id, quod ego semper sensi, neminem alterius, qui suæ confideret, virtuti invidere.* ²¹ *Magnus est in rep. campus, ut sapienter dicere Crassus solebat: multis apertus cursus ad laudem:* ²² *nemo civis, qualis sit vir, potest latere.*

18 1b.

19 14. Phil.

20 10. Phil.

21 14. Phil.

22 Or. in Sal.

23 3. de Or.

24 14. Phil.

²³ *Sapiens virtuti honorem præmium, haud prædam petit.*

²⁴ Quòd, si quis de contentione principatus laborat, quæ nulla esse debet, stultissimè facit, si vitiis cum virtute contendit. Ut enim cursu cursus, sic in viris fortibus virtus virtute superatur. Tu, si ego de rep. optimè sentiam: ut me vincas, ipse pessimè senties? aut, si ad me bonorum concursus fieri videbis, ad te improbos invitabis?

nollem,

nollem, primùm reip. causa : deinde etiam, dignitatis tuæ. Sed si principatus ageretur, quem nunquam expetivi : quid tandem mihi esset optatius ? ego enim malis sententiis vinci non possum, bonis forsitan possum, & libenter. Hæc populum Ro. videre, animadvertere, judicare quidam molestè ferunt ? poterátne fieri, ut non proinde homines de quoque, ut quisque mereretur, judicarent ? ut enim de universo senatu populus Ro. verissimè judicat, nullis reip. temporibus hunc ordinem firmiorem, atque fortiorem fuisse : sic de unoquoque nostrùm, & maximè, qui hoc loco sententias dicimus, sciscitantur omnes : avent audire, quid quisque senserit : ita de unoquoque, ut quemque meritum arbitrantur, existimant. Sin verò acta tua non probem, quòd noceant reip. vide, si mihi eam ob rem succenseas, quàm à dignitate tua recesseris. *Hoc genus offensionis Appius Claudius arripuit :* ²⁵ quòd quædam à se constituta rescinderem. Ut si medicus, cùm ægrotus alii medico traditus sit, irasci velit ei medico, qui sibi successerit, si quæ ipse in curando constituerit, immutet ille : sic Appius, cùm ^o ἐξ ἀφ' ἐρίσεως provinciam curasset, sanguinem misisset, quicquid poterat detraxisset, mihi tradidisset enectam : ^o προπαυχτρεφόμενην eam à me non libenter vidit, sed modò succensuit, modò gratias egit. Nihil à me factum erat cum ulla illius contumelia : dissimilitudo tantum meæ rationis offenderat hominem *non animadvertentem, quomodò meis de reip.* ²⁶ sex libris tanquam prædibus me obstrinxerim. *In omnibus, quæ ad remp. pertinent, prudens senator cavet, ne alicujus aut sententiam improbet, aut iniquè constituta tollat cum acerbitate : ne ipse* ²⁷ idcirco putetur benè audire velle, ut alter malè audeat : & rectè facere, non suæ laudis, sed illius contumeliæ causa. ²⁸ Non præcerpit fructum officii alterius : non alienam sibi laudem appetit : *nec plus tribuit, quàm oporteat.* ²⁹ C. Fimbriam consularem audiebam de patre nostro puer, judicem M. Lutatio Pinthiæ fuisse equiti Ro. sanè honesto, quum is

²⁵ ep. 1. l. 6
Att. An.
DCCII.

^o per extraditionem.

^o recreatam.

²⁵ Ib.

²⁷ Ib.

²⁸ 6. Verr.

²⁹ 3. Off.

- sponſionem feciſſet. NI VIR BONUS ESSET. itaque ei dixiſſe Fimbriam, ſe illam rem nunquam iudicaturum : ne, aut ſpoliaret fama probatum hominem, ſi contrà iudicaviſſet : aut ſtatuſſe videretur virum bonum eſſe aliquem, quum ea res innumerabilibus officiis, & laudibus contineretur. *Providet etiam ſapiens, ne quos ob* ³⁰ *benefacta diligere* ³⁰ *volet, eorum laudem atque gloriam, cui maximè invideri ſolet, nimis efferre videatur. Omnia circumſpicit, ne excite-* ³¹ *tur odii aut invidiæ offenſio :* ³¹ *non laceſſit : non invehitur :* ³² *non maledicit. conſiderat quantum ſit mali, ſi iratum, ſi non levem hominem læſerit. habet enim & voluntatem nocendi in iracundia, & vim in ingenio, & pondus in vita.* ³² *Præ-* ³³ *ſtare in primis hoc ſenator debet, quantum poteſt, ne quis vir clarus, aut potens huic ordini jure irasci poſſe videatur, atque hoc, ſi inimiciſſimus eſſet alicui, ſentire tamen oportet reip. cauſa.* ³³ *Habet ergo rationem hominum, rerum, tem-* ³⁴ *porum,* ³⁴ *ne quid offendaſt, ne quo irruat :* *ne quid, aut* ³⁵ *motus animi, aut oratio de dignitate, vel* ³⁵ *gravitate decerpat. quod quidem in primis à Cràſſo obſervari ſolebat.* ³⁶ *Ita* ³⁶ *dolore non effertur, nec iracundia longiùs progreditur, quàm ſapientis hominis cogitata ratio poſtulat. Nihil facit iratus, nihil impotenti animo : nihil in re gravi non diu conſideratum, ac multò antè meditatatum. Nunquam committit, ut videatur, aut aliud de ſumma reip. quàm ſenatus ſentire, uti Calenus,* ³⁷ *eos, quos omnes penè venerari debemus, ſolus oppugnans : aut quæ ſenatus decrevit infringere, ut Piſo & Gabinio,* ³⁸ *non dicam conſules, ſed proditores noſtræ dignitatis : aut* ³⁹ *properare, quod ſenatus dederit, auferre, velut is, qui ulteriorem Galliam decrevit cum Syria Lentulo & Philippo conſulibus. Nihil prudens arbitratur expedire, niſi quod rectum honeſtūque ſit : neque ſolùm ea expendit, quæ geruntur, quæque geſta ſunt :* ⁴⁰ *ſed etiam qui curſus rerum, qui exitus futurus ſit.* ⁴⁰ *Quæ* ⁴¹ *quoniam in temporum inclinationibus ſæpè parvis poſita ſunt :*

³⁰ 2. de Or.
ap.

³¹ Ib. ap.

³² de Pro.
conf.

³³ 2. de Or.
ap.
³⁴ Ib.
³⁵ Ib.

³⁶ de Har.

³⁷ 10. Phil.
An. DCCX.

³⁸ pro. Sext.

³⁹ de Pro.
conf.
An. DCXCVII.

⁴⁰ ep. 11. l. 6.
fa. & ep. 13.
l. 5.

sunt: omnia momenta observat temporum, atque rerum: circumspicit omnia membra reip. ⁴¹ nullum prætermittit ⁴¹ Ib. ap. ejus juvandæ locum. ⁴² neque arbitratur permanendum in ⁴² ep. 9. l. 1. una sententia, universis rebus ac bonorum voluntatibus mutatis, sed temporibus assentiendum. Nunquam enim præstantibus in rep. gubernanda viris laudata est in una sententia perpetua mansio: sed, ut in navigando tempestati obsequi artis est, etiamsi portum tenere non queas: cum verò id possis mutata velificatione assequi, stultum est eum tenere cum periculo cursum, quem ceperis potiùs, quàm eo commutato, quò velis tamen pervenire: sic cum omnibus nobis in administranda rep. propositum esse debet id, quod à me sæpissimè dictum est, cum dignitate otium: non idem semper dicere, sed idem semper spectare debemus. Tempora autem reip. quæ futura sint, quis scit? ergo sufficiat ⁴³ in officio boni senatoris non reprehendi. ⁴⁴ Nam ⁴³ ep. 16. l. 9. neque pugnandum arbitror contra magnas opes, neque de- ⁴⁴ fa. lendum, etiamsi id fieri posset summorum civium principa- ⁴⁴ ep. 9. l. 1. tum: ⁴⁵ nisi plus legibus ac senatu posse concupiscant, quod ⁴⁵ ep. 15. cum faciendum erit, ⁴⁶ reip. tribuendum hoc muneris: cu- ⁴⁶ Brut. jus inimicos ulcisci, non est reprehendendum. Est enim ⁴⁶ 2. Off. ap. senatus magistratuumque ⁴⁷ audaciæ resistere: & hominum ⁴⁷ pro. R. perniciosam atque intolerandam potentiam primo quoque ⁴⁷ Am. tempore extinguere, atque opprimere. Ita tamen, ut prius omninò illustrentur pateantque consilia, à potentibus suscepta: quum res est ⁴⁸ tanta, tam atrox, tamque incredibilis, ut ⁴⁸ 1. Catil. tentari non posse videatur. Erant in nostro numero, in hoc ⁴⁸ An. DCXC. orbis terræ sanctissimo, gravissimoque consilio, qui de meo nostrumque omnium, qui de hujus urbis atque adeò orbis terrarum exitio cogitarent. Hosce ego vidi consul, & de rep. sententiam rogavi: & quos ferro trucidare oportebat, eos non voce vulneravi. Nonnulli etiam fuerunt in hoc ordine, qui spem Catilinæ mollibus sententiis aluerunt, conjurationemque nascentem non credendo corroboraverunt:

quorum auctoritatem secuti multi non solum improbi, verum etiam imperiti, si in hunc animadvertissem, crudeliter & regiè factum esse dicerent. Intellexi, si iste, quò intendat, in Manliana castra perveniret, neminem tam stultum fore, qui non videret conjurationem esse factam: neminem tam improbum, qui non fateretur. Hoc autem interfecto, intellexi hanc reip. pestem paulisper reprimi, non in perpetuum comprimì potuisse. Quòd, si se ejiceret, secumque suos educeret, & eodem cæteros undique collectos naufragos aggregaret: exstingueretur atque deleteretur, non modò hæc tam adulta reip. pestis, verum etiam stirps, ac semen malorum omnium. *Itaque* ° multa tacui, multa pertuli, multa concessi, multa meo quodam dolore in nostri ordinis timore sanavi. ° Mea lenitas, si cui solutior visa est, hoc expectavit, ut id, quod latebat, erumperet: ° & quoniam auribus populi Ro. propter incredibilem magnitudinem sceleris minorem fidem faceret oratio mea, rem ita comprehenderem, ut tum demum animis salutis suæ provideret, cum oculis maleficium ipsum videret.

° 4. Catil.

° 2. Catil.

° 3. Catil.

° Corn. Gallus.

° *Non intellecti nulla est curatio morbi:*

Ut magis inclusis ignibus antra fremunt.

° 2. Catil.

° Quod expectavi sum assecutus, ut omnes factam esse apertè conjurationem contra remp. viderent: nisi verò si quis esset, qui Catilinæ similes cum Catilina sentire non putaret. Non fuit tum lenitati locus: severitatem res ipsa flagitavit. *Sed hac de re satis.* In omnibus ⁴⁹ cavendum, ne aut diligentia alicui molesta, aut veritas acerba sit. *Ego senatorem,* ⁵⁰ ut ad certam laudem adhortor, sic à dimicatione deterreo: admoneoque quod ipse litteris omnibus à pueritia deditus, experiendo tamen magis, quàm discendo cognovi, ut is rebus suis integris discat, neque salutis rationem habendam esse sine dignitate, neque dignitatis sine salute. *Inimicitias autem non suscipiat, nisi reip. causa: quæ suis ejus causa ponat.* ⁵¹ M. ille Lepidus, qui bis consul

⁴⁹ ep. 17. l. 3. Att.

⁵⁰ ep. 7. l. 1. fa.

⁵¹ de Pro. conf. An. LXXIV.

ful

ful & pontifex maximus fuit, non solùm memoriæ testimo-
nio, sed etiam annalium litteris, & summi poëtæ voce lauda-
tus est, quòd cum M. Fulvio collega, quo die censor est
factus, homine inimicissimo, in campo statim rediit in gra-
tiam: ut commune officium censuræ communi animo ac
voluntate defenderent. *Etenim is fuit nostrorum in patriam
amor, ut reip. causa* ⁵² justissimas inimicitias cum benè me-
ritis civibus deponerent, aut intermitterent. ⁵³ Tiberius
Gracchus (patrem dico, cujus utinam filii ne degenerassent
à gravitate paterna) tantam laudem est adeptus, quòd tri-
bunus pl. solus ex toto illo collegio L. Scipioni auxilio fuit,
inimicissimus & ipsius, & fratris ejus Africani: juravit-
que in concione se in gratiam non rediisse, sed alienum sibi
videri dignitate imperii, quo duces essent hostium trium-
phante ducti, eodem ipsum duci, qui triumphasset. *Hæc,
quæ summorum sunt virorum, similes qui esse volunt suspiciunt,
& imitantur: Fabiûmque in cælum ferunt, quòd* ⁵⁴ *dictator,*
cùm ei magistrum equitum Minutium jure imperii senatus
æquasset, silentium egit: compluribus præterea injuria lacef-
situs in eodem animi habitu permansit: nec unquam sibi
permisit reip. irasci: tam fuit perseverans in amore civium.
At, Minutii temerè cum Annibale configentis acie inclinante,
55 *victoriam hosti extorsit, confessionem erroris civibus, Mi-*
nutio & fuso ejus exercitui saluti fuit: palàm ferente Anni-
bale abs se Minutium, se à Fabio victum. Deinde ad dicta-
toris castra Minutius cum exercitu incedens, ut constituta
sunt ante tribunal signa: Parentibus, inquit, meis dictator,
quibus te modò nomine, quo fando possum, æquavi, vitam
tantum debeo: tibi, cùm meam salutem, tum omnium horum.
Itaque plebiscitum, quo oneratus magis, quàm honoratus sum,
primus antiquo, abrogòque: & quod tibi, mihiq̃ue, quod meo
exercitui tuòque conservato ac conservatori sit felix, sub im-
perium auspiciûmque tuum redeo, & signa hæc legionèsq̃ue
restituo. tu quæso placatus magistrum equitem, hos ordinibus

⁵² pro. Flac.

⁵³ de Pro.

conf.

An. DLXVI.

⁵⁴ Val. cap. 3.
lib. 3.

⁵⁵ Liv. lib. 32.

fuīs quemque teneri jubeas. Hæc cū reip. causa fecerint
56 ep. 11. l. 10. fa. *imperantes, annon eo animo esse debet senator, ut eum* ⁵⁶ *non*
57 1. Catil. *impediant privatæ offensiones, quò minùs pro reip. salute*
etiam cum inimicissimo consentiat : ⁵⁷ *nec propter invi-*
diam, aut alicujus periculi metum, salutem civium suorum
negligat ? Nunquam tamen (si me audiêrit, & dignum ali-
58 ep. 8 l. 10. fa. *quid tanti honoris nomine aggrediendum putaverit)* ⁵⁸ *ad aux-*
ilium patriæ nudus cum bona voluntate, sed cum facul-
59 ep. 6. l. 15. Att. ap. *tatibus accedat :* ⁵⁹ *tantum, si quid in motu timet, caveat :*
nihil prætereà moliatur. non mediusfidiis acerrimis con-
siliis, plus quàm etiam inertissimis, dummodo diligentibus
consequetur. quæ enim fluunt, per se diuturna non sunt :
in contentione præsentis ad nocendum habent vires. Id-
60 ep. ult. l. 2. ad Q. fr. *circò omninò* ⁶⁰ *statuat ad nullam medicinam reip. sine mag-*
61 pro Domo. *no præsidio accedere :* ⁶¹ *neque publicam causam contra*
vim armatam sine populi præsidio sumere. In his tamen
62 pro Mil. *Pompeii sequatur consilia, qui* ⁶² *sapientiæ non putavit esse*
suæ, temeritatem concitatæ multitudinis auctoritate pub-
lica armare : neque contra armatum ducem populi, sine auc-
63 3. de Leg. *toritate senatus arma capere.* ⁶³ *In nostra causa, quæ inci-*
dit in tribunitiam potestatem & servitia incitata, adjuncto
64 in Pis. *terrore etiam militari :* ⁶⁴ *cū L. Lentulus, qui tum erat*
præt. Q. Sanga, L. Torquatus pater, M. Lucullus ad
Pompeium, multique mortales oratum in Albanum, obse-
cratumque venissent, ne meas fortunas defereret cum reip.
salute conjunctas : eos ille ad consules remisit, ut causam
publicam susciperent, ut ad senatum referrent. se contra
armatum tribunum pleb. sine consilio publico decertare
nolle: consulibus ex SC. remp. defendentibus se arma sus-
cepturum. Et verò consulem ego tum requirebam, con-
sulem inquam, non illum quidem, quem in hoc animali
invenire non possem, qui tantam reip. causam gravitate, &
consilio suo tueretur, sed qui tanquam truncus atque stipes,
si stetisset modò, posset sustinere tamen titulum consulatus.

Cū

Cùm enim esset omnis causa illa mea consularis & senatoria, auxilio mihi opus fuerat, & consulis, & senatus: quorum alterum etiam ad perniciem meam erat à consulibus conversum, alterum reip. penitus ereptum. Ac tamen cùm vim omnium sceleratorum acerbitas mei casus exceperet, eorúmque omnium crudelitati scelerique cessissem, ne fervorum, & egentium civium, & facinorosorum armis, meos cives meis consiliis periculisque servatos pro me objicerem: ° videtis me in meam pristinam dignitatem brevi dolore ° pro Sext. interjecto reip. voce esse restitutum. *Porrò senator, sapientis, cujus ipse locum tenet, putet esse,* 65 proprium, nihil cu- 65 5. Tuse. jus pœnitere possit facere, nihil invitum: graviter omnia: nihil ita expectare, quasi certè futurum: nihil, cùm acciderit admirari, ut inopinatum ac novum accidisse videatur. *Ejus quidem partes sunt,* 66 omnia quæ homini accidunt, 66 2. de Fin. intra se judicare: *in acerbis casibus reip.* 67 optare optima, 67 ep. 17. l. 9. cogitare difficillima, ferre quæcunque erunt: *in suis se colligere: erroris &* 68 stultitiæ suæ pœnam ferre gravius, 68 ep. 8. l. 3. quàm eventi: *pati, ut eum* 69 inimici interpellent, quò mi- & 4. l. 9. Att. nus remp. commodè administrare possit. 70 Sic honores & 4. l. 6. fa. præmiaque expectet, ac suscipiat, ut sine his nihil de suo 69 ep. 10. l. studio perseverantiæque sit remissurus: concupiscat autem 11. fa. ap. nihil immoderatè: sed & temporis, & rei viros principes 70 ep. 9. l. 10. moderatores faciliè patiatur esse. Nihil aut serò, aut exiguè à patria civi tributum potest videri. *Cavendum, ne hæreat suspicio animi obscure iniqui, aut alienati: si quæ verò sit, omnibus erit studiis tollenda. Hoc in genere tua, Lentule,* 71 mihi humanitas, vel summa potius sapientia, 71 ep. 7. l. 1. non injucunda solum, sed etiam admirabilis visa est: virum 71 fa. enim excellentem, & tibi tua præstanti in eum liberalitate devinctum Cn. Pompeium, nonnihil suspicantem, propter aliquorum opinionem suæ cupiditatis *in rege Alexandrino reducendo,* 72 te abs se alienatum, epistola retinuisti. Fuit 72 Ib. eodem tempore incredibilis hominum perversitas (graviore

enim verbo uti non licet) qui nos, quos favendo in communi causa retinere potuerunt, invidendo abalienârunt. tanta erant in plerisque levitas, ut eos non tam constantia in rep. nostra delectaret, quàm splendor offenderet.

• Lucret. lib.

5.

• *Invidia quoniam, ceu fulmina summa vaporant*

Plerumque : & quæ sunt aliis magis edita.

73 ep. 19. l. 2.

Att. v. cap.

43. nu. 17.

74 ep. 10. l. 3.

fa.

75 ep. ult. l. 2.

ad Q. fr.

76 ep. 18. l. 1.

Att.

77 ep. 16. d. 1.

1.

78 ep. ult. d. 1.

1.

79 ep. 1. l.

2. Att.

Sed in hujusmodi, ⁷³ utendum via. ⁷⁴ in obscuris odiis apertæ inimicitiae non ostendendæ: ⁷⁵ danda opera, ne cujus animum offendamus: ab æquis amemur: ⁷⁶ odia mitigemus comitate: ⁷⁷ muniamus quandam ad nos tuendos per eos, qui potiuntur rerum, tutam viam: ⁷⁸ homines amplissima fortuna, auctoritate, gratia, fluctuantes confirmemus, & à spe malorum ad laudem convertamus, *uti ego Pompeium.* ⁷⁹ Quod à me ita præcautum, atque provisum est, non, ut ego de optimati illa mea ratione decederem: sed, ut ille esset melior, & aliquid de populari levitate deponeret. Quid si etiam Cæsarem, cujus venti erant valdè secundi reddidisset, *uti conabar*, meliorem? non tamen obfuissem reip. quinetiam, si mihi nemo invidisset, si omnes, ut erat æquum, favissent: tamen non minùs esset probanda medicina, quæ sanaret vitiosas partes reip. quàm quæ exsecaret. *Sed, ne de hujusmodi usus nostri observationibus plura:* ⁸⁰ ut nec medici, nec imperatores, nec oratores, quamvis artis præcepta percipiant, quicquam magna laude dignum sine usu, & exercitatione consequi possunt: sic officii senatorii præcepta traduntur illa quidem, uti faciamus ipsi: sed rei magnitudo usum quoque, exercitationemque desiderat.

⁸⁰ 1. Off. ap.

⁸¹ Teren. in Adel.

⁸¹ *Nunquam ita quisquam benè subducta ratione ad vitam fuit, Quin res, ætas, usus semper aliquid apportet novi, Aliquid moneat: ut illa, quæ te scire credas, nescias: Et quæ tibi putâris prima, in experiundo repudies.*

DE QUIBUS POTISSIMUM liberè dicuntur sententiæ,
& contenditur in senatu.

C A P. XLII.

SENATOR Ro. in variis exercetur, & de omnibus
decernit liberè: præcipuè de summa reip. de amplitudi-
ne, utilitate, splendore ejusdem: de auctoritate senatus, liber-
tate populi: de vi, de religione, de judiciis: de regibus, de
sociis, de clientibus tuendis: de dignitate retinenda sua: de
honore parentum & amicorum. Illustria sunt de singulis ex-
empla. Me consule ¹ de summa salute senatus populique ⁴ Catil.
Ro., de nostris conjugibus ac liberis, de aris ac focis, de fa-
nis ac templis, de totius urbis tectis ac sedibus, de imperio,
de libertate, de salute Italiæ, deque universa rep. decer-
nendum fuit contra eos, qui hæc delere conati sunt. ² Ca-
to obtulit in discrimen vitam suam: dixit eam sententiam, ² pro Sext. v.
cujus invidiam capitis periculo sibi præstandum videbat. ^{cap. 37. nu.}
dixit vehementer: egit acriter: ea, quæ sensit, præ se
tulit: dux, auctor, actor, rerum illarum fuit: non quò
periculum suum non videret: sed in tanta reip. tempestate
nihil sibi, nihil de patriæ periculis cogitandum putabat.
Consecutus est ipsius tribunatus. Quid ego de singulari
magnitudine animi ejus, ac de incredibili virtute dicam?
Meministis illum diem, cùm templo à collega occupato,
nobis omnibus de vita ejus viri & civis timentibus, ipse
animo fortissimo venit in templum: & clamorem hominum
auctoritate, impetum improborum virtute sedavit. Adiit
tum periculum, sed adiit ob causam, quæ quanta fuerit,
jam mihi dicere non est necesse.

° Lucan. lib.
2:

° *Hi mores, hæc duri immota Catonis
Seçta fuit : servare modum, finémque tenere,
Naturámque sequi, patriæque impendere vitam :
Nec sibi, sed toti genitum se credere mundo :
Juslitia cultor, rigidi servator honesti,
In commune bonus : nullósque Catonis in ætus
Surrepsit, partémque tulit sibi nata voluptas.*

3 ep. 15. l. 1.
Att.
An. DCXII.

Multa ille postea in senatu liberè, ut instituta majorum &

*remp. tueretur, dixit : nos non pauciora. Equidem cùm
judicio & absolutione Clodii religio, pudicitia, judiciorum
fides, senatus auctoritas concidisse putaretur : ego recre-
avi afflictos animos bonorum : unumquemque confirmans
& excitans. insectandis verò, exagitandisque nummariis
judiciis, omnem omnibus studiis ac fautoribus illius victo-*

° loquendi li-
centiam.

*riæ ° πρῆξιαν eripui. Pisonem consulem nulla in re con-
sistere unquam sum passus : desponsam homini jam Syriam
ademi : senatum ad pristinam suam severitatem revocavi,
atque abjectum excitavi : Clodium præsentem fregi in*

v. cap. 44. nu.
18.

4 ep. 12. l. 1.
Att.

*senatu, cùm oratione perpetua, plenissima humanitatis, tum
altercatione. Ego tamen non sine causa verebar, 4 ne hæc
neglecta à bonis, defensa ab improbis, magnorum reip.*

5 3. Phil.
An. DCCIX.

*malorum causa forent. Antonio consule, 5 cùm res in dis-
crimen adducta esset, utrum ille pœnas reip. lueret, an*

6 Ib.

*nos serviremus : 6 nec ille armis solùm, sed etiam nostris
decretis urgendus esset, nullum tempus demissi, neque diur-*

7 ep. 14. ad
Brut.

An. DCCX.

8 12. Phil,

*num, neque nocturnum, quin de libertate populi Ro. de
dignitate senatus, quod cogitandum esset, cogitarem. 7 Dixi
igitur sententias in Antonium severas, 8 nec solùm in ipsum,
sed in ejus socios facinorum. Ego tum liberè & sæpè antea*

9 3. de Or.

An. DCLXII.

*pro rep. dixi. At pro senatu, seque ipso, nemo olim in Curia
liberius 9 L. Crasso, qui vehementer commotus ea oratione,
quæ ferebatur habita esse in concione à Philippo : quem
dixisse constabat, videndum sibi esse aliud consilium : illo
senatu se remp. gerere non posse. Manè Idibus septem-
bribus,*

bribus, & ille, & senatus frequens vocatu Drusi in Curiam venit. Ibi cùm Drusus multa de Philippo questus esset, tulit ad senatum de illo ipso, quòd consul in eum ordinem tam graviter in concione esset investus. Hic sæpè inter homines sapientissimos constare vidi, quamquam hoc Crasso, cùm aliquid accuratiùs dixisset, semper ferè contigisset, ut nunquam meliùs dixisse putaretur: tamen omnium consensu, sic esse tum judicatum, cæteros à Crasso semper omnes, illo autem die etiam ipsum à se superatum. Deplo-
ravit enim casum atque orbitatem senatus, cujus ordinis à consule, qui quasi parens bonus, aut tutor fidelis esse deberet, tanquam ab aliquo nefario prædone diripere-
tur patrimonium dignitatis: neque verò esse mirandum, si, cùm suis consiliis rep. prostrigasset, consilium senatus à rep. repudiaret. Hic, cùm homini & vehementi, & dis-
serto, & in primis forti ad resistendum Philippo quasi quasdam verborum faces admovisset, non tulit ille, & gra-
viter exarsit: pignoribúsq; ablatis Crassum instituit coer-
cere. Quo quidem ipso in loco multa à Crasso divinitus dicta esse ferebantur, cùm sibi illum consulem esse negaret, cui senator ipse non esset. An tu, cùm omnem auctorita-
tem universi ordinis pro pignore putares, eamque in con-
spectu populi Ro. concideres, me his pignoribus existimas posse terreri? non tibi illa sunt cedenda, si Crassum vis
coercere: hæc tibi est excidenda lingua, qua vel evulsa, spiritu ipso libidinem tuam libertas mea refutabit. Per-
multa tum vehementissima contentione animi, ingenii, vi-
rium, ab eo dicta esse constabat, sententiámque eam, quam senatus frequens secutus est, ornatissimis & gravissimis ver-
bis, ut populo Ro. satisfaceret, nunquam senatus neque consilium reip. neque fidem defuisse, ab eo dictam: &
eundem, id quod in auctoritatibus perscriptis existat, scri-
bendo adfuisse. *Hæc in senatu. Ad populum etiam* ¹⁰ *in*
suasione legis Serviliæ summis ornat senatum laudibus: & multa

¹⁰ pro Clu. &
5. Parad. & 1.
de Or.
An. DCXLVII,

& multa in equites Ro. asperius dicit. sed, quis illi concederet clarissimo viro, & amplissimo civitatis principi, ut illa diceret, in maxima concione suorum civium, quæ dixit : Eripite nos ex faucibus eorum, quorum crudelitas nostro sanguine non potest expleri. Nolite sinere nos cuiquam servire, nisi vobis universis, quibus & possimus & debeamus. Onitto miseras, in quibus vir fortis esse non potest : omitto fauces, ex quibus se eripi vult, ne iudicio iniquo exforbeatur sanguis suus : quod sapienti negamus accidere posse : servire verò, non modò se, sed universum senatum, cujus tum causam agebat, ausus est dicere ? Potestne virtus servire ? quæ etiam si corpora capta sint armis, aut constricta vinculis, tamen suum jus, atque omnium rerum impunitam libertatem tenere debet. Quæ verò addidit, non modò senatum servire posse populo sed etiam debere, quis hoc probare posset senatum servire populo, cui populus ipse moderandi & regendi sui potestatem, quasi quasdam habenas tradidit ? Itaque hæc P. Rutilius Rufus homo doctus, & Philosophiæ deditus, non modò parùm commodè, sed etiam turpiter, & flagitiosè dicta esse dicebat : neque verò hoc solùm dixit : sed ipse, & sensit, & fecit.

¹¹ in Bruto. ¹¹ Mihi à pueritia quasi magistra fuit Crassi in legem Cæpionis oratio : in qua, & auctoritas ornatur senatus, quo pro ordine illa dicuntur : & invidia concitatur in iudicum & in accusatorum factionem, quorum contra potentiàm populariter tum dicendum fuit. *Est etiam libera* censoris oratio, qua anno duo de quinquagesimo usus est. ¹² In illius orationis suæ, quam contra collegam censor habuit, principio dixit : quæ natura, aut fortuna darentur hominibus, in iis rebus vinci se posse animo æquo pati : quæ ipsi sibi homines parare possent : in iis rebus se pati non posse vinci.

¹³ in Br. ¹³ Nulla est altercatio clamoribus unquam habita maioribus.

¹⁴ ep. 9. l. 1. *Fuit tempus, quo* ¹⁴ quamquam & Pompeio plurimùm debebam, & eum non solùm beneficio, sed amore etiam, & perpetuo

perpetuo quodam iudicio meo diligebam: tamen non reputans quid ille vellet, in omnibus meis sententiis de rep. pristinis permanebam. Ego sedente Cn. Pompeio, cum, ut laudaret P. Sextium Pompeius introiisset in urbem, dixi *summa* libertate, animoque maximo de vi, de auspiciis, de donatione regnorum: neque verò hac in causa modò, sed constanter sæpè in senatu. Quinetiam Marcellino & Philippo coss. Nonis Aprilis mihi est senatus assensus, ut de agro Campano frequenti senatu Idibus Maiis referretur: num potui magis in arcem illius causæ invadere, aut magis oblivisci temporum meorum, meminisse actionum? Hac à me sententia dicta, magnus animorum motus est factus, cum eorum, quorum oportuit, tum illorum etiam, quorum nunquam putàram. Nam hoc S. C. in meam sententiam facto, Pompeius, cum mihi nihil ostendisset se esse offensus, in Sardiniam & Africam profectus est: eoque itinere Lucam ad Cæsarem venit, ubi multa de mea sententia questus est Cæsar. Hæc, cum ad me frater pertulisset, collegi ipse me: ¹⁵ ne si inter nos esset aliqua dissensio, maximas in rep. discordias versari esset necesse. Neque errassent, ne adversarii quidem ejus, si cum pares esse non potuerant, pugnare destitissent, nec hominem clarissimum abalienassent. *Cato propter ea, quæ facta sunt Lentulo & Philippo Coss.* ¹⁶ vehementer est in Pompeium invehens, & eum oratione perpetua tanquam reum accusavit in senatu; de me multa, me invito, cum mea summa laude dixit, cum illius in me perfidiam increparet. Auditus est magno silentio malevolorum. Respondit ei vehementer Pompeius, Crassumque descripsit, dixitque apertè se munitiorem ad custodiendam vitam suam fore, quàm Africanus fuisset, quem C. Carbo interemisset. *Sequuntur* ¹⁷ clientelæ & hospitia provincialia, quæ senatores nostri urbanis opibus non minore labore tuentur, quàm comparant. ¹⁸ Clarissimi viri nostræ civitatis, temporibus optimis,

¹⁵ ep. 1. l. 2.

Att. v. cap.

24. nu. 12.

o ep. 8. l. 1.

fa.

¹⁶ ep. 3. l. 2.

ad Q. fr.

An. DCXCVII.

v. cap. 29. nu.

20.

¹⁷ 4. Catil.

¹⁸ 1. Ver.

mis, hoc sibi amplissimum pulcherrimūque ducebant, ab hospitibus clientibúsque suis, ab exteris nationibus, quæ in amicitiam populi Ro. ditionēque issent, injurias propul-
fare, eorūque fortunas defendere. M. Catonem illum sapientem clarissimum virum & prudentissimum, cum multis graves inimicitias gessisse accepimus, propter Hispanorum, apud quos consul fuerat, injurias. Nuper Cn. Domitium scimus M. Syllano diem dixisse, propter unius hominis Egritomari paterni amici, atque hospitis injurias: *Et ne videretur vir ejusmodi* ¹⁹ in ea civitate defensorem non habere, in qua nemini unquam infimo majores nostri patronum deesse voluerunt. ²⁰ Neque enim magis animos hominum nocentium res unquam illa commovit, quàm hæc majorum consuetudo longo intervallo repetita, ac relata: fociorum querimoniæ delatæ ad hominem non inertissimum: susceptæ ab eo, qui videbatur eorum fortunas fide diligentiaque posse defendere. *Quæ omnia à consuetudine manarunt, qua apud nostros receptum est: ut ii* ²¹ qui civitates, aut nationes devictas bello in fidem recepissent, earum patroni essent more majorum. ²² Cujus consuetudinis, atque instituti patres majorésque nostros non pœnitebat tum, cū P. Lentulus is, qui princeps senatus fuit, accusabat M. Aquilium subscriptore C. Rutilio Rufo: aut cū P. Africanus homo virtute, fortuna, gloria, rebus gestis amplissimis, posteaquam bis consul & censor fuerat, L. Cottam in judicium vocabat. Jure tum florebat populi Ro. nomen: jure auctoritas hujus imperii, civitatísque majestas gravis habebatur. ²³ Nostri magistratus imperatorésque, ex hac una re maximam laudem capere studebant, si focios æquitate & fide defendissent. Itaque illud patrociniū orbis terræ veriùs, quàm imperium poterat nominari. Sensim hanc consuetudinem & disciplinam jam antè minuebamur: post verò Syllæ victoriam penitùs amisimus. desitum est enim videri quicquam in focios iniquum, quum exstisset
in

¹⁹ pro Mur.
²⁰ P.

²⁰ I. Ver.

²¹ I. Off.

²² I. Ver.

²³ I. Off.

in cives tanta crudelitas. *At quotus quisque nunc invenitur tanta virtute vir, qui optimam causam reip. & sociorum amplectatur* : ²⁴ qui se comparet ita, ut sit contra hæc, quæ ^{24 v. cap. 30. nu. 1.} civitatis statum pervertunt semper armatus : *qui nihil, aut de majestate populi Ro. aut de senatus auctoritate minui patiatur.* ^{25 1. Off.} ²⁵ difficilis est cura rerum alienarum : & quia magis ea percipimus, atque sentimus, quæ nobis ipsis, aut prospera, aut adversa eveniunt, quàm illa, quæ cæteris quasi longo intervallo interjecto videmus : aliter de illis, ac de nobis judicamus. *Omniñò est amans sui quisque : & omnes trahuntur studio gloriæ. quod respectum si habeat ad remp. probandum est : eoque incendi illos est laudabile, quos populus Ro. in tanto honoris gradu collocavit, ut eis* ²⁶ *remp. & fortunas suas commiserit.* ^{26 pro Clu.} *Senator auctoritatem senatus refert, majestatem populi. Itaque in omnibus* ²⁷ *habere debet rationem suæ dignitatis :* ^{27 pro Sylla.} Nemo unquam me, ne tenuissima quidem suspicione perstrinxit, quem non perverterim : etsi non iis libentissimè soleam respondere, quos mihi videor facillimè posse superare : quòd statuam eos virium non satis habere, ut ego cum iis luctari, & congregi debeam. Qui non ignorant consuetudinem dicendi meam, cavere debent hac lenitate abuti mea : aculeos orationis meæ, qui reconditi sunt, excussos arbitrari. ²⁸ Ego Metello præsentì restiti. Nam in senatu Cal. ^{28 ep. 2. l. 5. fa.} Ian. sic cum eo de rep. disputavi, ut sentiret sibi cum viro forti & constanti esse pugnandum. Ad iii. Nonas Januarias, cùm agere cœpisset, tertio quoque verbo orationis suæ me appellabat, mihi minabatur. neque illi quicquam deliberatius fuit, quàm me quacunque ratione posset, neque judicio, neque disputatione, sed vi atque impressione evertere. Hujus ego temeritati, si virtute atque animo non restitissem : quis esset, qui me in consulatu non casu potius existimaret, quàm consilio fortem fuisse ? ²⁹ Ego etiam, ^{29 ep. 9. l. 1. fa.} cùm mihi cum Crasso magna jam gratia esset, quòd ejus omnes gravissimas injurias communis concordie causa vo-

luntaria quadam oblivione contriveram, repentinam ejus defensionem Gabinii, quem proximis superioribus diebus acerrimè oppugnâisset, tamen si sine ulla mea contumelia suscepisset, tulissem : sed cùm me disputantem, non lacefentem læsisset : exarsit non præsente (credo) iracundia (nam ea tam vehemens fortasse non fuisset) sed cùm inclusum illud odium multarum ejus in me injuriarum, quod ego effudisse me omne arbitrabar, residuum tamen insciente me fuisset, omne repentè apparuit. Quo quidem tempore ipso quidam homines, & iidem illi, quos sæpè nutu significati-onéque appello, cùm se maximum fructum cepisse dicerent ex libertate mea : méque tum denique sibi esse visum reip. qualis fuisset : cùmque ea contentio mihi magnum etiam foris fructum tulisset : gaudere se dicebant, mihi & illum inimicum, & eos, qui in eadem causa essent, nunquam amicos futuros. quorum iniqui sermones, cùm ad me per honestissimos homines perferrentur : cùmque Pompeius ita contendisset, ut nihil unquam magis, ut cum Crasso redirem in gratiam : Cæsárque per litteras maxima se esse molestia ex illa contentione affectum ostenderet : habui non temporum solùm rationem meorum : sed etiam naturæ : Crassúsque, ut quasi testata populo Ro. esset nostra gratia, penè à meis laribus in provinciam est profectus. Nam cùm mihi condixisset, cœnavit apud me in mei generi Crassipedis hortis. *Sequitur, ut de parentum amicorúmve honore tuendo exempla ponamus.* ³⁰ Bello Antiocheno magno & gravi, cùm L. Scipioni provincia Asia obvenisset, parúmque in eo putaretur esse animi, parúm roboris : senatúsque ad collegam ejus C. Lælium, hujus sapientis patrem, negotium deferret : surrexit P. Africanus frater major L. Scipionis, & illam ignominiam familiæ deprecatus est : dixitque & in fratre suo summam virtutem esse, summúmque consilium : neque se ei legatum id ætatis, iisque rebus gestis defuturum : quod cùm ab eo esset dictum, nihil est de

Scipionis

A₁.
DCXCVIII.

SC II. Phil.
An. DLXIII.

Scipionis provincia commutatum, nec plus extraordinarium imperium ad id bellum quæsitum, quàm duobus antea maximis Punicis bellis, quæ à consulibus, aut à dictatoribus gesta & confecta sunt: aut quàm Pyrrhi, quàm Philippi, quàm post Achaico bello, quàm Punico tertio. ³¹ fructus ingenii & virtutis, omnisque præstantiæ, tum maximè capitur, quum in proximum quemque confertur. ³² Ego non multum pridem cum homine furioso satis habui negotii Servilio, quem tuli diutius, quàm dignitas mea patiebatur: sed tuli reip. causa, ne darem perditis civibus hominem, parum sanum illum quidem, sed tamen nobilem, quod concurrerent: quod faciebant nihilominus: sed eum alienandum à rep. non putabam. Finem feci ejus ferendi. cœperat enim esse tanta insolentia, ut neminem liberum duceret. In Planci verò causa exarsit incredibili dolore, mecumque per biduum ita contendit, & à me ita fractus est, ut eum in perpetuum modestiorem sperem fore. *Ad hæc non omittendum, quod ipse etiam senatus tueri soleat senatorum dignitatem.* ³³ Gabinus in senatu undique actus, cum à me maximè vulneraretur, non tulit, & me trementi voce exulem appellavit. Hic ò dii, nihil unquam honorificentius nobis accidit: confurrexit senatus cum clamore ad unum, sic, ut ad corpus ejus accederet: pari clamore atque impetu publicani. Nihil hominum sermone foris charius. *Piso etiam* ³⁴ ausus est meum discessum illum, testem sceleris & crudelitatis suæ, maledicti & contumeliæ loco ponere. Quo quidem tempore accepi fructum immortalis senatus in me amoris, & judicii: qui non admurmuratione, sed voce & clamore, abjecti hominis & femivivi furorem fregit. Cum tantis ergo à senatu beneficiis affectus sim, tantis honoribus, non modò illam calamitatem esse non duco, sed si quid mihi potest à rep. esse sejunctum, quod vix potest, privatim ad meum nomen augendum, optandam duco fuisse illam, expetendamque fortunam.

³¹ In Læli.

³² ep. 2. rep. ad Br.

An. DCCX.

³³ ep. 2. l. 3. ad Q. fr.

An. DCCXCV.

³⁴ In Pis. An.

DCXCVIII.

³⁵ Ovid. 3.
Am. 10

³⁵ *Perfer, & obdura : dolor hic tibi proderit olim :
Sæpè tulit lassis succus amarus opem.*

VITANDA STUDIA DISSENSIONUM in senatu: enumerationis contentionum, quæ prima civilium bellorum incendia excitârunt.

C A P. XLIII.

Ovid 1. Fast.

Nunc benè prospicies Latiam Concordia turbam :

Nunc te sacratæ constituere manus.

Furius antiquus populi superator Hetrusci.

Voverat, & voti solverat ille fidem.

AN.
CCCLXXXVII.

Causa, quod à patribus sumtis secesserat armis

Vulgus : & ipsa suas Roma timebat opes.

¹ pro Dom.

An.
DLXXXIX.

An. DXCIX.

¹ **Q** MARCIUS censor annis plus centum post Furium Camillum signum Concordiæ fecit, idque in publico collocavit. Hoc signum C. Cassius censor cum in curiam transtulisset, collegium pontificum consulit, num quid esse causæ videretur, quin id signum, curiamque Concordiæ dedicaret? Ille erat summa modestia & gravitate censor. Tempus illud erat tranquillum, & in libertate populi, & gubernatione positum senatus: res illa plena justitiæ, sapientiæ, dignitatis. Censor enim penes quem majores nostri judicium senatus de dignitate esse voluerunt, Concordiæ signum volebat in curia, aramque ei dedicare. Præclara voluntas, atque omni laude digna. præscribere enim se arbitrabatur, ut sine studiis dissensionum sententiæ dicerentur, si sedem ipsam, ac templum publici consilii religione Concordiæ devinxisset. ² Magna vis, magnum numen est, unum & idem sentientis senatus. ³ Quanta vis amicitiae, concordiaeque sit, ex dissensionibus, atque ex discordiis percipi potest. quæ enim domus tam stabilis, tam
firma

² 3. Phil.

³ in Læl.

firma civitas est, quæ non odiis, atque diffidiis funditùs possit everti? ex quo quantum boni sit in amicitia, judicari potest. Agrigentinum quidem doctum quendam virum carminibus Græcis vaticinatum ferunt, quæ in rerum natura, totôque mundo constarent, quæque moverentur, ea contrahere amicitiam, dissipare discordiam. Atque hoc quidam omnes mortales intelligunt, & re probant. *tum ista*, ⁴ concordiam, arctissimum, atque optimum omni in rep. vinculum incolumitatis esse: facillimam autem in ea rep. esse concordiam, in qua idem conducat omnibus.

⁴ in Frag. 1.
& 2. de Rep.

⁵ Respublica enim est res populi, populus autem non omnis cætus multitudinis, *sed* cætus juris consensu, & utilitatis communione sociatus. *Sapientes* ⁶ rerum varietate, atque usu ipso perdocti, à discordiis avocare debent ⁷ claros, & potentes viros. Neque enim ullus alius discordiarum solet esse exitus inter ipsos, nisi aut universus interitus, aut victoris dominatus, aut regnum. ⁸ Nam hoc natura est in-

⁵ 3. de Rep.

⁶ pro Bal.

⁷ de Har.

⁸ pro Syl.

situm, ut quem timeas, quicum de vita fortunisque contenderis, *cujus* ex insidiis evaseris, hunc semper oderis, tollique volueris. ⁹ Recordamini omnes civiles dissensiones. ¹⁰ Consul nobilissimus & fortissimus L. Sylla dissensit cum Mario clarissimo cive ¹¹ & Sulpicio. *Trib. pl.* de jure legum, quas per vim latas esse Sylla dicebat. *Sulpicius enim legem tulerat, qua Mario commissum est bellum*

⁹ 3. Catil.

¹⁰ de Har.

An. DCLXV.

¹¹ 8. Phil.

v. Val. c. 7. l.

⁹

Mithridaticum, quod fortitus erat Sylla. Inde ¹² civile bellum consul Sylla gessit: legionibus in urbem adductis, quos voluit, expulit: quos potuit, occidit: ¹³ P. Sulpicium oppressit. C. Marium custodem hujus urbis, multosque viros fortes partim ejecit ex civitate, partim interemit.

¹² 14. Phil.

¹³ 3. Catil.

¹⁴ Q. Rubrius Varro à senatu hostis cum C. Mario judicatus est. ¹⁵ Sulpicium, cui paulò antè omnia concedebant, eum brevi spatio non modò vivere, sed etiam sepeliri prohibuerunt. *Hæc origo fuit* ¹⁶ bellorum civilium, quibus contentionem reip. causa faciebat. ¹⁷ Civile bellum Syllæ

¹⁴ in Br. v. c.

23. fu. 140.

141.

¹⁵ 4. ad Her.

¹⁶ 8. Phil.

¹⁷ 14. Phil.

- ¹⁸ 8. Phil. grave bellum Octavianum infecutum est, *dissentiente* ¹⁸ Cinna
- ¹⁹ 3. Catil. cum Octavio de novorum civium suffragiis. ¹⁹ Cn. Octavius consul armis collegam suam expulit. Omnis hic locus acervis corporum, & civium sanguine redundavit. Superavit postea Cinna cum Mario. tum verò clarissimis viris interfectis lumina civitatis extincta sunt. ²⁰ Cinna collegæ sui consulis Cn. Octavii præcidi caput jussit, P. Crassi, L. Cæsaris, M. Antonii: cujus ²¹ in his ipsis Rostris, in quibus ille remp. constantissimè consul defenderat, quæque censor imperatoriis manubiis ornârat, positum caput illud fuit, à quo erant multorum civium capita servata. Neque verò longè ab eo C. Julii caput hospitis Etrusci scelere proditum, cum L. Julii fratris capite jacuit. ²² Tenemus memoria, tum Q. Catulum virum omni laude præstantem, cùm sibi non incolumem fortunam, sed exilium & fugam deprecaretur, esse coactum, ut vita se ipse privaret. *Marius enim* ²³ victor, iratus necessariis Catuli deprecantibus, non semel respondit, sed sæpè, moriatur. Quod sceleratè imperans, talis viri interitu sex suos obruit consulatus, & contaminavit extremum tempus ætatis. ²⁴ Triennium ferè fuit urbs sine armis: sed oratorum, aut interitu, aut discessu, aut fuga. ²⁵ Marius *interea* feliciter septimùm consul domi suæ senex est mortuus. Antè nemo septies hunc magistratum consecutus est. *Id etiam in eo singulare, quòd* ²⁶ rusticanus vir, sed planè vir, cùm secaretur, principio vetuit se alligari: nec quisquam ante Marium solutus dicitur esse sectus. Cur ergo postea alii? valuit auctoritas. ²⁷ Rursus cum Mario C. Filio & Carbone Sylla contendens, ne dominarentur indigni, &, ut clarissimorum virorum puniretur necem, *superavit*: ²⁸ ac Cinnæ victoriam imperator ultus est. ²⁹ tum sine dubio habuit regalem potestatem, quamquam remp. recuperârît: ³⁰ cùm *interea* cædes indignissimæ, maximæque factæ sunt. ³¹ C. Marii sitas reliquias apud Anienem dissipari jussit Sylla victor acerbo odio
- ² Ib.
- ²³ 5. Tusc.
- ²⁴ in Br.
- ²⁵ 3. de Nat. An. DCLXVII.
- ²⁶ 2. Tusc.
- ²⁷ 8. Phil. An. DCLXXI.
- ²⁸ 14. Phil.
- ²⁹ de Har.
- ³⁰ pro Ro. Am.
- ³¹ 2. de Leg.

odio incitatus: cui paruiſſet nunquam, ſi tam ſapiens fuiſſet, quàm vehemens. quod haud ſcio an timens ne ſuo corpori poſſit accidere, primus è patriciis Corneliis igni voluit cremari. ³² Poſt Marium & Carbonem coſs. ³³ Sylla effecit ab interrege, ut dictator nominaretur. *Ad firmandum* ³² 3. Agr. ³³ ep. 19. l. 9. Att.
³⁴ illud Syllanum regnum, ³⁵ legem interrex noſter tulit, ut dictator, quem vellet civium, indiſta cauſa impunè poſſet occidere. ³⁶ Is omnes, quos oderat, morte multabat: ipſe jubebat occidi nullo poſtulante: præmiis etiam invitabat. quæ tamen crudelitas aliquot annis poſt à *Cæſare*, quem crudelem eſſe voluerunt, vindicata eſt. ³⁷ Erat tum multitudo ſicariorum, & homines impunè occidebantur: ea multitudo erat, opinor, aut eorum, qui in bonis erant occupati: aut eorum, qui ab iis conducebantur, ut aliquem occiderent: quos, qui leniore nomine appellant, percuſſores vocant. *In eo numero fuit Catilina*, qui ³⁸ non ſolùm ad negligendas leges & quæſtiones, verùm etiam ad evertendas perfringendâſque valuit. ³⁹ Unus fuit poſt Romam conditam ante *Cæſarem*, cui reſp. ſe totam tradidit, temporibus coacta, & malis domeſticis L. Sylla. Hic tantum potuit, ut nemo illo invito, nec bona, nec patriam, nec vitam retinere poſſet. Tantum animi habuit ad audaciam, ut dicere in concione non dubitaret, bona civium Romanorum cùm venderet, ſe prædam ſuam vendere. *Ab his verò dici illi potuit.* ⁴⁰ FER MANSUETE FORTUNAM: NOS QUOQUE FUIMUS BEATI: NOSCE TE ESSE HOMINEM. *Si quis eorum*, ⁴¹ in quibus ſumma auctoritas fuit atque amplitudo, verbum de rep. feciſſet, multa plura dixiſſe, quàm dixiſſet, putaretur. ⁴² Omnium poſſeſſiones erant incertæ. ⁴³ omnia ſine ulla religione, quibus voluit, eſt dilargitus. ⁴⁴ Ergo in illo, ſecuta eſt honeſtam cauſam non honeſta victoria. ⁴⁵ Sylla mortuo Q. Catulus ejus rationes vehementer defendit contra M. Lepidum collegam: qui de proſcriptis reſtituendis legem promulgavit. quæ, ne in ſeditione ferretur

- ⁴⁶ pro Cœl. Lutatia de vi lata est: ⁴⁶ quæ de seditiosis sceleratîsque civibus, qui armati senatum obsederint, magistratibus vim attulerint, temp. oppugnârint, quotidie quæri jubet. ⁴⁷ Lepidus manum ex intermortuis Marianorum reliquiis concitavit. quæ illius morte extinctæ sunt. ⁴⁸ Atque illæ dissensiones omnes erant hujusmodi, quæ non ad delendam, sed ad commutandam temp. pertinerent: non illi nullam esse temp. sed in ea, quæ esset, se esse principes neque hanc urbem conflagrare, sed se in hac urbe florere voluerunt. Atque illæ tamen omnes dissensiones, quarum nulla exitium reip. quæsit, ejusmodi fuerunt, ut non reconciliatione concordiæ, sed internecione civium dijudicatæ sunt. In hac autem extrema, ita se Q. Catulus gessit cum Pompeio, ut finem attulerit malorum civilium. Me consule ⁴⁹ nova quædam immanitas exorta est: incredibilis fuit ac singularis furor: ex multis ab adolescentia collectis perditorum hominum vitiis, repenti extrema importunitas inauditi sceleris exarsit. ⁵⁰ Muræna enim consule designato, Catilina à consulatu depulsus ⁵¹ apertè temp. universam petebat, templa deorum immortalium, tecta urbis, vitam omnium civium, Italiam denique totam ad exitium & vastitatem vocabat. ⁵² Ego patefeci conjurationem: ⁵³ vitam omnium civium, statum orbis terræ, urbem hanc, cædem omnium nostrum, arcem regum ac nationum exterarum, lumen gentium, domicilium imperii, quinque hominum amentium ac perditorum pœna redemi.

Diis proximus ille est,

⁵⁴ Claud. in
Nianl. Theod.
Conf.

⁵⁴ *Quem ratio non ira movet: qui facta rependens
Consilio, punire potest mucrone cruento.*

DE STATU REIP. post consulatum Ciceronis: signis
& causis reip. concidendis: sublata senatoria in
sententiis dicendis libertate per potentiam translatam,
primum ad paucos, deinde ad unum, postea ad ar-
matus.

C A P. XLIV.

TENEO memoria nobis consulibus ea fundamenta ^{1 ep. 9. l. 1. fa.}
jacta ex Cal. Jan. confirmandi senatus, ut nemi-
nem mirari oporteret Nonis Decembribus, tantum vel ani-
mi fuisse in illo ordine, vel auctoritatis. idémque memini,
nobis privatis usque ad Cæsarem & Bibulum cofs. cum
sententiæ nostræ inagnum in senatu pondus haberent, unum
ferè sensum fuisse bonorum omnium. *Consecuta sunt tem-
pora, in quibus* ^{2 resp. erat infirma, misera, commutabilis: 2 ep. 16. l. 1. Att.}
^{3 dignitas illa consularis fortis & constantis senatoris amissa: 3 ep. 8. l. 1. fa.}
^{4 homines per se afflicti ac jacentes perniciosi optimatum 4 de Har.}
discordiis excitabantur: πολιτικὸς ἀνὴρ ὃν ὅναρ quisquam
inveniri potuit: qui poterat familiaris noster (sic erat enim)
Pompeius, togulam illam pictam silentio tuebatur suam,
veluti is, ^{6 qui, tanquam cochlea abscondens retentat se}
tacitus, quò sit tutius, cum domo sua comeditur, & aufer-
tur. ^{7 Crassus verbum nullum contra graviam: cæteri ita}
erant stulti, ut amissa rep. piscinas suas salvas sperare posse
viderentur. Unus erat, qui curabat heros ille noster Cato.
^{8 sed tamen ille optimo, ut dixi, animo utens nocuit inter-}
dum reip. Quid verius, quàm in judicium vocare, qui ob
rem judicandam præmium acceperit? censuit hoc Cato,
& assensit senatus: equites curiæ bellum, non mihi: nam
ego dissensi. Quod impudentius Publicanis conductionem
renuntiantibus? ^{9 invidiosa res, turpis postulatio, & confessio}
temeritatis. ^{9 fuit tamen retinendi ordinis causa facienda}
jactura: ^{9 d. ep. 1. l. 2.}

An.
DCXCIV.

2 ep. 16. l. 1. Att.

3 ep. 8. l. 1. fa.

4 de Har.

5 ep. 17. l. 1. Atr.

Civilis vir, ne
in somnio qui-
dem.

6 4. ad Her.
ap.

7 d. ep. 17.

8 ep. 1. l. 2. Att.

9 ep. 16. l. 1. Att.

9 d. ep. 1. l. 2.

⁹ ep. 16. l. 2.
Att.

¹⁰ ep. 17. d. l.
^{2.}
¹¹ d. ep. 1. l. 2.
Att.
An. DCXCIII.

¹² ep. 21. d. l.
2.

¹³ ep. 9. l. 7.
Att.
An. DCXCIV
¹⁴ ep. 18. l. 2.
Att.

° minutatim.

¹⁵ ep. 7. d.
l. 2.
¹⁶ ep. 18. d.
l. 2.
¹⁷ ep. 19.
d. l. 2. v. cap.
40. nu. 73.

jaçtura: restitit & pervicit Cato. *Itaque plagis injectis gravibus reip. judicio Clodiano,* ⁹ portoriis Italiæ sublatiis, agro Campano diviso, *nullo relicto* vectigale domestico, præter vicesimam, ¹⁰ effusâ pecuniâ *publicâ,* ¹¹ consule in carcere incluso, sæpè etiam seditione commota, aspiravit nemo eorum, quorum ego concursu, itémque ii consules, qui post me fuerunt, remp. defendere solebant. *Proinde illa ab iis, à quibus tuenda fuerat, derelicta,* ¹² iracundiam, atque intemperantiam illorum fumus experti, qui Catoni irati omnia perdiderunt. Sed ita lenibus uti videbantur venenis, ut posse videremur sine dolore interire. *Magna fuit eo tempore conjunctio inter Pompeium & Cæsarem: qui tum* ¹³ consul plus valuit, quàm tota resp. ¹⁴ Tenebamur igitur undique, neque, quò minùs serviremus, recusavimus: sed mortem & ejectionem, quasi majora, timebamus: quæ multò fuère minora, atque *ille* status: qui una voce omnium gemebatur, neque verbo cujusquam sublevabatur. Unus loquebatur, & palam adversabatur adolescens Curio. Ac ne fortè quæras ¹⁵ *κατὰ λεπτόν* de singulis rebus, universa res eò fuit deducta, spes ut nulla esset, aliquando, non modò privatos, verùm etiam magistratus liberos fore. Attamen in oppressione sermo in circulis duntaxat, & in conviviis *cæperat* esse liberior, & vincere timorem dolor: sed ita, ut omnia essent plena desperationis. ¹⁶ Una spes salutis fuit *illorum* inter ipsos dissensio: *quæ tamen postea perdidit Remp.* ¹⁷ Displicebam mihi: me tuebar, ut oppressis omnibus, non demissè: ut tantis rebus gestis, parùm fortiter. ¹⁷ neque pugnavi cum illa causa propter illam amicitiam: neque approbavi, ne omnia improbarem, quæ antea gessi. utebar via. Populi sensus maximè in theatro, & spectaculis perspectus est. Nam gladiatoribus, quâ dominus, quâ advocati, sibilis conscissi: ludis Apollinaribus Diphilus tragædus in nostrum Pompeium petulanter invehctus est. **NOSTRA MISERIA TU ES MAGNUS:** millies coactus est dicere. **VIR-**

TUTEM

TUTEM ISTAM VENIET TEMPUS, CUM GRAVITER GEMES: toties theatri clamore dixit, itémque cætera. Nam ejusmodi sunt ii versus, uti in tempus ab inimico Pompeii scripti esse videantur. SI NEQUE LEGES, NEQUE MORES COGUNT, &c. magno cum fremitu, & clamore sunt dicta. Non tulerunt homines, quod videbatur esse tamen ferendum. Sed erat *tunc* una vox omnium, magis odio firmata, quàm præsidio. *Interea meam & Pompeii*¹⁸ conjunctionem, conspiracyonem in rep. benè gerenda, ¹⁸ pro Do. jucundissimam vitæ atque officiorum omnium societatem certi homines fictis sermonibus, & falsis criminibus diremerunt: cùm iidem illum, ut me metueret, sibi à me caveret, monerent: iidem apud me, mihi illum esse uni inimicissimum dicerent: ut neque ego ab illo, quæ mihi petenda essent satis audaciter petere possem: neque ille tot suspicionibus certorum hominum, & scelere exulceratus, quæ meum tempus postularet, satis prolixè mihi polliceretur. Data merces est erroris mei magna, ut me non solum pigeat stultitiæ meæ, sed etiam pudeat: qui, cùm me, non repentinum aliquod meum tempus, sed veteres multò antè suscepti, & provisi labores cum viro fortissimo & clarissimo conjunxissent, passus sum me à tali amicitia distrahi: neque intellexerim quibus, aut, ut apertis amicis obsisterem, aut, ut insidiosis amicis non crederem. *Exinde*¹⁹ cùm ¹⁹ ep. 9. l. 1. r. resp. non consules haberet, sed mercatores provinciarum, ¹⁹ fa. & seditionum servos ac ministros: jecit quidam casus caput meum, quasi certaminis causa, in mediam contentionem diffensionemque civilem. Quo in discrimine, ut jam sit in iis culpa, qui non me defenderunt: non minor est in iis, qui reliquerunt: magis etiam reprehendendi sunt, si qui se timere simulârunt: nostrum consilium jure laudandum, qui meos cives & à me conservatos, & me servare cupientes, spoliatos ducibus, servis armatis objici noluerim: declararique maluerim, quanta vis esse potuisset in consensu bonorum,

rum, si iis pro me stante pugnare licuisset, cum afflictum excitare potuissent. Quorum quidem animum *Lentulus* non perspexit solum, cum de me ageret, sed etiam confirmavit, & recreavit. Qua in causa usus est quibusdam nobilissimis hominibus fortioribus in me restituendo, quam fuerant iidem in tenendo. Qua in sententia, si constare voluissent, suam auctoritatem simul cum salute mea recuperassent. *Postea non* ²⁰ integra re mihi ad consulendum, capefferemne remp. implicatus tenebar. *Nam* ²¹ non offendi eundem bonorum sensum, quem reliqui: & *postquam Pompeius cum Crasso redierat in gratiam,* ²² commutata iterum tota ratio est senatus, iudiciorum, rei totius publicæ. *Itaque ego* ²³ circumrodebam, quod devorandum fuit. ²⁴ Quid foedius tum nostra vita, præcipue mea? qui, si locutus essem de rep. quod oporteret, insanus: si, quod opus esset, servus existimabar: si tacerem, oppressus & captus: quo dolore esse debui? quo fui scilicet: hoc etiam acriore, quod ne dolere quidem poteram, ut non ingratus viderer: ²⁵ *neque in mea pristina sententia permanere,* nisi ea, quæ mutare non potui, convellere mallet, quam tueri: & ²⁶ cum par esse non possem, pugnare. ²⁷ *Philoxeno ignosco,* qui reduci in carcerem maluit. ²⁸ *Amisimus omnem,* non modò succum & sanguinem, sed etiam colorem, & speciem pristinam civitatis. Nulla fuit res, qua delectarer, in qua acquiescerem. Igitur ²⁹ quæ proposita fuerant nobis, cum & honoribus amplissimis, & laboribus maximis perfuncti essemus, dignitas in sententiis dicendis, libertas in rep. capeßenda, ea sublata tota: sed nec mihi magis, quam omnibus. *Nam,* aut assentiendum erat nulla cum gravitate paucis, aut frustra dissentendum, ³⁰ cum senatus potentia ad tres homines immoderatos *Pompeium, Cæsarem, & Crassum* translata fuisset. *Postea Crassus* interfecto P. filio exercitūque deletō, trans Euphratem cum ignominia, & dedecore periit. *Pompeius, ut unus in*
urbe

²⁰ Ib.²¹ Ib.²² ep. 8. d. 1.^{1.}
An. DCCXVIII.²³ ep. 5. l. 4.

Att.

²⁴ ep. 6. d. l. 4.²⁵ pro Bal. v.
c. 44. nu. 8.²⁶ ep. 8. l. 1.

fa. ap.

²⁷ ep. 6. l. 4.

Att.

²⁸ ep. 17. d.

l. 4.

²⁹ ep. 8. l. 1.

fa.

³⁰ ep. 10. l. 2.

Att.

An. DCC.

urbe omnia posset, ³¹ tertio consulatu, postquam esse defensor reip. cœpit, contendit, ut decem tribuni pl. ferrent, ut Cæsaris absentis ratio haberetur. quod idem ipse sanxit lege quadam sua, ne liceret. *Hæc ejus cum Cæsare conjunctio, sic utrumque auxit, ut hic* ³² sibi opinionis errore finxerit principatum : *ille tantum in rep. valuit, ut* ³³ rectè facienti gratia fuerit habenda. esse enim quamvis vellet justus, iniquus poterat impunè. *Quæ cum ego antè multò prospicerem* ³⁴ M. Bibulo præstantissimo cive consule, nihil prætermisi, quantum facere enitique potui, quin Pompeium à Cæsaris conjunctione avocarem : in quo Cæsar fuit felicior. ipse enim Pompeium à mea familiaritate disjunxit. Postea verò, cùm se totum Pompeius Cæsari tradidit, quid ego illum à Cæsare distrahere conarer ? stulti erat sperare, suadere impudentis. Duo tamen tempora inciderunt, quibus aliquid contra Cæsarem Pompeio suaserim : unum, ne quinquennii imperium Cæsari propagaret : alterum, ne pateretur ferri, ut absentis ejus ratio haberetur. quorum, si utrumvis persuasissem, in has miseras nunquam incidissemus. Atque idem cùm jam opes, & suas, & populi Ro. ad Cæsarem detulisset, & aperte non vellet cum provinciam tenere cum exercitu, & consulem esse : seroque ea sentire cœpisset, quæ multò antè prævideram, inferrique patriæ bellum nefarium viderem : pacis, concordix, compositionis auctor esse non destiti (³⁵ Cato enim, ipse, qui peccavit tum servire, quàm pugnare maluit) ³⁶ meaque illa vox est nota multis, **UTINAM CN. POMPEII CUM C. CÆSARE SOCIETATEM, AUT NUNQUAM COIISSES, AUT NUNQUAM DIREMISSES. FUIT ALTERUM GRAVITATIS, ALTERUM PRUDENTIÆ TUÆ.** Hæc mea semper & de Pompeio, & de rep. consilia fuerunt, quæ si valuissent, resp. staret. ³⁷ horum igitur omnium fons unus : imbecillo resistendum fuit : & id erat facile. ³⁸ Pompeius Cæsarem serò cœpit timere : ³⁹ cui mallem tantas vires non dedisset, quàm

³¹ ep. 3. l. 3.
Att.
An. DCC1.

³² 1. Off.
³³ 2. de Fin.

³⁴ 2. Phil.
An. DCCIV.

³⁵ ep. 15. l. 7.
Att.
³⁶ d. 2. Phil.

³⁷ ep. 7. l. 7.
Att.
³⁸ ep. 11. l. 16. fa.
³⁹ ep. 3. l. 7.
Att.

- ⁴⁰ ep. 3. l. 7. quàm postea tam valenti restitisset. ⁴⁰ Signa tirone & col-
fa. lectio exercitu cum legionibus robustissimis contulit : vic-
tus turpissimè, amissis etiam castris, solus fugit. Hunc
ego belli mihi finem feci, nec putavi cum integri pares non
⁴¹ ep. 7. l. 4. fuisset, fractos superiores fore. ⁴¹ Neque enim iis rebus
fa. pugnabamus, quibus valere poteramus, consilio, aucto-
ritate, causa, quæ erant in nobis superiora. Victi sumus
igitur, aut si vinci dignitas non potest, fracti certè & ab-
⁵² ep. 24. l. 7. Att. jecti. ⁴² O rem miseram ! malas causas semper obtinuit,
in optima concidit. *Ne plura.* Omnino conversa res est
Pharsalico prælio : ⁴³ nomen populi Ro. deletum : *omnia*
^{10. ap.} *delata ad unum sunt.* ⁴⁴ jure plecebamur, nisi enim multo-
⁴⁴ 2. Off. rum scelera tulissemus, nunquam ad unum tanta pervenisset
licentia. Attamen, ⁴⁵ quia omnis fracta dissensio fuit ar-
⁴⁵ pro Mar. mis, & extincta æquitate victoris : restabat, ut unum
omnes vellent, qui modò haberent aliquid, non solum sa-
pientiæ, sed etiam sanitatis. ⁴⁶ Reliquum etiam tunc fuit,
⁴⁶ ep. 16. l. 9. fa. ne quid stultè, ne quid temerè dicerem, facerémve contra
potentes. ⁴⁷ Ut enim olim arbitrabar esse meum liberè lo-
⁴⁷ Ib. qui, cujus opera esset in civitate libertas : sic ea amissa,
nihil loqui, quod offenderet aut Cæsaris, aut eorum, qui
ab illo diligebantur, voluntatem. ⁴⁸ Bellorum enim civi-
⁴⁸ ep. 18. l. 12. fa. lium ii semper exitus sunt, ut non ea solum fiant, quæ ve-
lit victor : sed etiam, ut iis mos gerendus sit, quibus ad-
jutoribus parta sit victoria. ⁴⁹ Fuit in illo ingenium, ra-
tio, memoria, cura, cogitatio, diligentia, multos annos reg-
nare meditatus, magno labore, magnis periculis, quod
cogitârat, effecerat : muneribus, monumentis, congiariis,
epulis, multitudinem imperitam deliniebat : suos præmiis,
adversarios clementiæ specie devinxerat. Quid multa ? at-
tulerat jam liberæ civitati partim metu, partim potentia
consuetudinem serviendi. *Hæc cum illo dominante cogita-*
⁵⁰ in Br. *rem,* ⁵⁰ fortunatus mihi exitus *Hortensi* videbatur, qui ea
⁵¹ Ib. non vidit cum fierent, quæ prævidit futura : ⁵¹ angebárque
animo,

animo, non consilii, non ingenii, non auctoritatis armis egere rep. quæ didiceram tractare, quibúsque me assuefeceram, quæque erant propria, cùm præstantis in rep. viri, tum benè moratæ & benè constitutæ civitatis: & quòd, quo tempore ætas nostra perfuncta rebus amplissimis, tanquam in portum confugere deberet, non inertiae, neque desidiæ, sed otii moderati, atque honesti: cùmque ipsa oratio jam nostra canesceret, haberétque suam quandam maturitatem & quasi senectutem, tum arma sunt ea sumpta, quibus illi ipsi, qui didicerant eis uti gloriose, quemadmodum salutariter uterentur, non reperiebant.

⁵² Sed, etsi doleo, me in vitam paulò seriùs, tanquam in ⁵² Ib. viam ingressum, priusquam confectum iter sit, in hanc reip. noctem incidisse: tamen ea consolatione sustentor, quam *tunc* mihi Brutus adhibuit *suís* litteris suavissimis: quibus me forti animo esse oportere censebat: quòd ea egissem, quæ de me etiam tacente ipsa loquerentur, mortuòque viverent: quæ, si rectè esset, salute reip. sin secus, interitu ipso testimonium meorum de rep. consiliorum darent. Quorum memoria & recordatio, in maximis nostris gravissimisque curis, jucunda sanè fuit, etiam ⁵³ quum ⁵³ 2. Off. dominatu unius omnia tenerentur: neque esset usquam consilio, aut auctoritati locus: socios denique tuendæ reip. summos viros amisissem. *At nova, & major secuta cura est. Interfecto Casare* ⁵⁴ liberati dominatu regio videbamur: multò ⁵⁴ 7. Phil. post graviùs urgebamur: ⁵⁵ ut nostræ ætati, quoniam cæso ⁵⁵ ep. 4. l. 15. domino liberi non fuimus, non fuerit dominus ille fugi- ^{Att.}endus. ⁵⁶ Instrumentum regni delatum ad Lepidum & ⁵⁶ ep. 14. ad Antonium: quorum alter inconstantior, alter impurior: ^{Br.}uterque pacem metuens, inimicus otio: paulò plures in senatu malevoli, quàm grati: ⁵⁷ unus modò consularis dignus illo honore, dignus rep. inventus. ⁵⁸ Quare senatum ⁵⁷ 1. Phil. cogebar, quem laudavi semper, reprehendere: & *simul* ⁵⁸ 7. Phil. *cohortari*, ut retineret constantiam, gravitatem, perseve-

rantiam : repeteret veterem illam severitatem : siquidem auctoritas senatus, decus, honestatem, laudem, dignitatemque desiderat : quibus rebus hic ordo caruit nimium diu. Sed erat excusatio oppressis, misera illa quidem, sed tamen iusta : post nulla, ⁵⁹ regni timore sublato, & *depulso* Antonio : qui quamdiu in urbe fuit, ⁶⁰ populo Ro. leges imposuit : armis & praesidiis, & populum, & magistratus foro exclusit : senatum stipavit armatis. ⁶¹ Caesare dominante veniebamur in senatum, si non liberè, attamen tutè. Hoc archipirata (quid enim dicam tyranno?) senatorum subsellia Ithyreis occupabantur. ⁶² An illa non gravissimis ignominiiis monumentisque hujus ordinis ad posteritatis memoriam sunt notanda, quod unus M. Antonius in hac urbe post urbem conditam, palàm secum habuerit armatos : quod neque reges nostri fecerunt, neque ii, qui regibus exactis regnum occupare voluerunt ? Cinnam memini, vidi Syllam, modò Caesarem. hi enim tres post civitatem à L. Bruto liberatam plus potuerunt, quàm universa resp. Non possum affirmare nullis telis eos stipatos fuisse : hoc dico, nec multis, & occultis. ⁶³ Ista verò, quæ, & quanta barbaria fuit ? agmine quadrato cum gladiis sequebantur scutati milites : scutorum lecticas portari videbamus. Cal. Jan. cum in senatum, ut erat constitutum, venire vellemus, metu perterriti repente diffugimus. *Antonius tandem urbem reliquit, & nos in libertatem pedem posuimus.* ⁶⁴ Ego, in tanta inopia constantium & fortium consularium, magno dolore afficiebar. cum alios malè sentire, alios nihil omninò curare viderem, alios parùm constanter in suscepta causa permanere, sententiàmque suam, non semper utilitate reip. sed, cum spe, tum timore moderari. ⁶⁵ Quamobrem, ut primùm post illum Antonii foedissimum discessum senatus haberi liberè potuit, ad animum meum reverti pristinum. Nam cum senatum tribuni pl. vocavissent, deque alia re referrent, totam remp. sum complexus, egique acerrimè :
senatùmque

⁵⁹ 1. Phil.⁶⁰ 3. Phil.⁶¹ 13. Phil.⁶² 5. Phil.⁶³ 2. Phil.⁶⁴ 14. Phil.⁶⁵ ep. 28. l. 10. fa.

senatúmque tum languentem & defessum, ad pristinam virtutem, consuetudinémque revocavi, magis animi, quàm ingenii viribus. Hic dies, meáque contentio, atque actio spem primùm populo Ro. attulit libertatis recuperandæ. neque verò ipse postcà tempus ullum intermisi de rep. non cogitandi solùm, sed etiam agendi. Quàm volui ad illas epulas me Idib. Martiis invitassent? reliquiarum nihil habuissimus. Habuimus fortem senatum, consulares partim timidos, partim malè sentientes, populum querentem ⁶⁵ de bello, non modò, non restincto, sed etiam inflammato. ^{65 ep. 12. l. 11. fa.} Omninò est hoc populi maximèque nostri in eo potissimùm abuti libertate, per quem eam consecutus sit. Sed tamen providendum fuit, ne qua justa querela esset. ⁶⁶ Bellum ad Mutinam gerebatur: nihil ut in Cæsare tunc reprehenderes, nonnulla in Hirtio. Hujus belli fortuna, ut in secundis fluxa: ut in adversis, bona: erat victrix resp. cæsis Antonii copiis, ipso expulso à Bruto. Deinde ita multa pacata, ut quodammodò victoria excideret è manibus: perterritos, inermes, faucios non sunt nostri duces persecuti: datúmque Lepido tempus est, in quo levitatem ejus sæpè perspectam, majoribus in malis experiremur. Erat sollicita civitas. illudebamus enim cùm militum deliciis, tum imperatoris insolentia: tantum quisque in rep. posse postulabat, quantum habuit virium: non ratio, non modus, non lex, non mos, non officium valuit, non judicium, non existimatio civium, non posteritatis verecundia, *non majestas populi, non senatus auctoritas.* In quo ⁶⁷ animadverti dici à quibusdam: Vide ne veteranos offendas. Tum ego, Quousque P. C. dicimus sententias veteranorum arbitrato? quod eorum tantum fastidium est, quæ tanta arrogantia, ut ad arbitrium eorum imperatores etiam deligamus? ⁶⁸ Quæ (malum!) est ista ratio, semper optimis causis veteranorum nomen opponere? quorum etiam si amplecterer virtutem, ut facio: tamen, si essent arrogantes, fastidium

⁶⁵ ep. 12. l. 11. fa.

⁶⁶ ep. 9. ad Br.

⁶⁷ 11. Phil. v. c. 12. nu. 13.

⁶⁸ 10. Phil.

ferre non possem. An nos conantes servitutis vincula rumpere impediet, si quis veteranos id nolle dixerit? non sunt enim (credo) innumerabiles, qui pro communi libertate arma capiant. nemo est præter veteranos milites vir, qui ad servitutem propulsandam ingenuo dolore excitetur? Potest igitur stare resp. freta veteranis sine magno subsidio juventutis? quos quidem vos libertatis adiutores complecti debetis: servitutis auctores sequi non debetis. Postremò (erumpat enim aliquando vera, & me digna vox) si veteranorum nutu mentes hujus ordinis gubernantur, omniâque ad eorum voluntatem nostro dicta, facta referuntur; optanda mors est, quæ civibus Ro. semper fuit potior ser-

⁶⁹ Val. cap. 7. vitute. ⁶⁹ *Lucius Martius tribunus militum, cum reliquias*
^{l. 2.}
^{v. cap. 18. nu.} *duorum exercituum P. & Cn. Scipionum, quos arma Pænorum*
^{7.} *in Hispania absumserant, dispersas mira virtute collegisset, earumque suffragiis dux esset creatus: senatui de rebus actis à se scribens, in hunc modum orsus est: L. Martius Propr. cujus honoris usurpatione uti eum, patribus conscriptis non placuit: quia duces à populo, non à militibus creari solerent. quo tempore tam angusto, tamque gravi, propter immane Reip. damnum, etiam trib. militum adulandus erat: quoniam quidem ad statum totius civitatis corrigendum unus suffecerat. sed nulla clades, nullum meritum valentius militari disciplina apud senatum fuit.*

DE DISPUTATIONE et altercatione

C A P. XLV.

° *Tutius esse puta gravibus contendere verbis,
Quàm pugnare manu.*

° Ovid. lib.
13. Met.

° 3. de Or.
v. cap. 42.

° **M**IHI & eorum casus, de quibus antè dixi, & ea, quæ ipsi ob amorem in remp. incredibilem & singularem pertulimus, ac sensimus cogitanti, sententia sæpè
 Q. fra-

Q. fratris vera ac sapiens videri solet: qui propter tot, tantos, tamque præcipites casus clarissimorum atque optimorum virorum, me semper ab omni contentione, ac diminutione revocavit. Sed quoniam hæc jam neque integra nobis esse possunt, & summi labores nostri magna compensati gloria mitigantur, pergamus ad ea solatia, quæ non modò sedatis molestiis jucunda, sed etiam hærentibus salutaria esse possunt: & nos ad nostrum pensum revocemus, ac dissensiones principum civitatis, & exinde ² contentionem, ² 1. Off. quæ disputationibus tribuitur senatus, qualis esse soleat videamus. Ea autem duplex est: una ³ quum veritas ipsa ³ 2. Off. limatur in disputatione: & hæc sæpè necessaria est: verum ita temperanda, ut absit ⁴ concertatio captatioque verborum: ⁴ in Part. ⁵ nec contendatur quidquam contra æquitatem, neque pro ⁵ 1. Off. injuria: patiatur senator facile se vinci bonis sententiis, eaque se ⁶ de rep. sentire ac dicere, quæ cùm sibi maximè, tum ⁶ ep. 9. l. 1. etiam reip. rationibus putet conducere. quod nisi fecerit, ⁶ fa. non sine perjurio faciet id, ⁷ quod, cùm de rep. disceptatur, ⁷ 4. Acad. fieri interdum solet, jurabit per Jovem, deosque penates, se ea sentire, quæ dicit. ⁸ Ita contendere mihi videtur & ⁸ pro Bal. v. rep. cùm id defendas, quod esse optimum sentias: & id ^{cap. 43. nu.} fortium virorum, & magnorum hominum semper putavi: ^{25.} neque huic unquam labori, officio, muneri defui: sed contentio tam diu sapiens est, quamdiu aut proficit aliquid, aut si non proficit, non obest civitati. Voluimus quædam, contendimus, experti sumus: obtenta non sunt: dolorem alii, nos luctum, mœrorémque suscepimus: cur ea, quæ mutare non possumus, convellere maluimus, quàm tueri?

⁹ Id enim jubet Plato, quem ego auctorem vehementer sequor, tantum contendere in rep. quantum probare tuis civibus possis, vim neque parenti, neque patriæ afferre oportere. Atque hanc quidem ille causam sibi ait non attingenda reip. fuisse: quòd cùm offendisset populum Atheniensem propè jam desipientem senectute, tum eum nec per-

v. cap. 43. nu.

20.

10 1. Off.

suadendo, nec cogendo regi posse vidisset, cùm persuaderi posse diffideret, cogi fas esse non arbitraretur. Mea ratio fuit alia, quòd neque desipiente populo, neque integra re mihi ad consulendum, capefferémne remp. implicatus tebebar, *ut paulò antè dixi*. ¹⁰ Miserrima est omninò ambitio honorúmque contentio: de qua præclarè apud eundem est Platonem, similiter facere eos, qui inter se contenderent, uter potiùs remp. administraret, ut, si nautæ certarent, quis eorum potissimùm gubernaret. Idémque præcepit, ut eos adversarios existimemus, qui arma contrà feruat: non eos, qui suo iudicio tueri remp. velint: qualis fuit inter P. Africanum, & Q. Metellum sine acerbitate dissensio:

¹¹ ep. 17. l. 1. 1. Att.¹² ep. 8. l. 2. fa.

v. c. 41. nu.

15. 16.

¹³ 2. Phil.

itémque inter me, & Catonem, quum ille ¹¹ miseris Publicanos, quos habuit amicissimos sui, vexaret: *quum* ¹² à senatu, & ordinem conjunctissimum, & hominem clarissimum Cn. Pompeium abalienaret. *Et licet in omnibus non fuerit eadem mea, & ipsius Pompeii sententia,* ¹³ an ille tamen quenquam plus dilexit? cum ullo aut sermones, aut consilia contulit sæpiùs? quod quidem erat magnum de summa re dissidentes, in eadem consuetudine amicitiae permanere. Sed & ego quid ille, & contrà ille quid ego & sentirem, & spectarem videbat. ego incolumitati civium primùm, ut postea dignitati possemus: ille præfenti potiùs consulebat. quod autem habebat uterque quod sequeretur, idcirco tolerabilior erat nostra dissensio. Quid verò ille singularis vir, ac penè divinus de me scuserit, sciunt, qui eum de Pharsalica fuga Paphum persecuti sunt. Nunquam ab eo mentio de me, nisi honorifica, nisi plena amicissimi desiderii, cùm me vidisse plus fateretur, se speravisse meliora. *De me non verebor etiam dicere,* ¹⁴ nihil unquam, non modò acerbum in me fuisse, sed ne paulò quidem tristius, aut severius, quàm necessitas reip. postulârit: ut, ne in ipsum quidem Clodium, meum insigne odium fuerit unquam. Contendi cum illo, cùm ego publicam causam, ille suam de-

¹⁴ ep. 14. l. 1.

14. Att.

fenderet:

fenderet : nostras contentiones resp. dijudicavit. Si viveret, mihi cum illo nulla contentio jam maneret. ¹⁵ ex quo judi- ¹⁵ 11. Phil. cari *potest*, me non cum homine, sed cum causa diffidere *solere*. *Habes ea, quæ de contentionibus primi generis sentio, è quibus, tanquam è scrupulosis cotibus enavigavit oratio. reliquæ disputationis cursum teneamus. Altera contentio in altercationibus consumitur: quæ interdum inutiles non sunt.*

¹⁶ plerumque enim resp. privatis crescit inimicitiiis: ubi ¹⁶ Orat. in Sall. nemo civis qualis sit vir potest latere. *Hæ tamen non tam senatori, quàm oratori conveniunt. decenter his Crassus usus,*

¹⁷ in altercando invenit parem neminem. *Hujus generis* ¹⁷ in Br. *fuit illa mea cum Clodio, quem* ¹⁸ præsentem fregi in senatu, ¹⁸ ep. 15. l. 1. Att. *cùm oratione perpetua, plenissima gravitatis, tum altercatione hujusmodi, ex qua licet pauca degustes. nam cætera non possunt habere eandem neque vim, neque venustatem, restincto illo studio contentionis, quem ἀγῶνα Græci appellant. Nam, ut Id. Maii in senatum convenimus, rogatus ego sententiam, multa dixi de summa rep. atque ille locus inductus à me est divinitus: Ne una plaga accepta P. C. conciderent: vulnus esse ejusmodi, quod mihi nec dissimulandum, nec pertimescendum videretur, ne aut ignorando stultissimi, aut metuendo ignavissimi judicaremur. Bis absolutum esse Lentulum, bis Catilinam, hunc tertium jam esse à iudicibus in remp. immissum. Erras, Clodi, non te iudices urbi, sed carceri reservârunt: neque retinere in civitate, sed exilio privare voluerunt. Quamobrem P. C. erigite animos, retinete vestram dignitatem, manet illa in Repub. bonorum consensio, dolor accessit bonis viris, virtus non est imminuta, nihil est damni factum novi: sed, quod erat inventum est: in unius hominis perditu iudicio plures similes reperti sunt. Sed quid ago? Redeo ad altercationem: surgit pulchellus puer, objicit mihi me ad Baias fuisse. Salsum: sed tamen quid huic simile est, inquam? dicas quasi in operto fuisse. Quid, inquit, homini*

Arpinati cum aquis calidis? Narra, inquam, patrono tuo, qui Arpinateis aquas concupivit: nôsti enim Marianas. Quousque, inquit, hunc regem feremus? Regem appellas, inquam, cùm Rex tui mentionem nullam fecerit? ille autem regis hæreditatem spe devorârat. Domum, inquit, emisti. Putas, inquam, dicere, iudices emisti? Juranti, inquit, tibi non crediderunt. Mihi verò, inquam, XXV. iudices crediderunt: XXXI. quoniam nummos antè acceperunt, tibi nil crediderunt. Magnis clamoribus afflictus conticuit, & concidit. ¹⁹ Illum ego periisse duco, cui quidem periit pudor. *Hæc & alia in more posita, cùm non nisi per acta senatus facile percipiantur, non erat inutile acta quadam hic adscribere, & simul sententiarum ac senatusconsultorum formulas: ut notatione eliciatur, atque illustretur exemplis consuetudo senatoria.*

¹⁹ Plaut. in
Bacchid.

ACTA UNIUS DIEI.

C A P. XLVI.

Ep. I. l. 2.
ad Q. fr.
An. DCXCVI.

SENATUS fuit frequentior, quàm putabamus esse posse mense Decembri sub dies festos. consulares nos fuimus, & duo consules designati: P. Servilius, M. Lucullus: Lupus, Volcatius, Glabrio præt. sanè frequentes fuimus, omninò ad ducentos. Commôrat expectationem Lupus: egit causam agri Campani sanè accuratè: auditus est magno silentio: nihil ex nostris actionibus prætermisit. Fuerunt nonnulli aculei in C. Cæsarem, contumeliæ in Gellium, expostulationes cum absente Pompeio. Causa ferò perorata sententias se rogaturum negavit, ne quod onus simultatis nobis imponeret: ex superiorum temporum conviciis, & ex præsentis silentio, quid senatus sentiret se intelligere dixit. In illo cœpit dimittere. Tum Marcellinus: Noli, inquit, ex taciturnitate nostra, Lupe, quid aut probemus

bemus hoc tempore, aut improbemus judicare. ego quod ad me attinet, idémque arbitror cæteros, idcirco taceo, quòd non existimo, cùm Pompeius absit, causam agri Campani agi convenire. Tum ille se senatum negavit tenere. Racilius surrexit, & de judiciis referre cœpit. Marcellinum quidem primùm rogavit. is, cùm graviter de Clodianis incendiis, trucidationibus, lapidationibus questus esset, sententiam dixit, ut ipse judices prætor urbanis fortiretur: judicium sortitione facta, comitia haberentur: qui judicia impedivisset, eum contra remp. esse facturum. Approbata valdè sententia, C. Cato contrà dixit & Cassius maxima acclamatione senatus, cùm comitia judiciis anteferebat. Philippus assensit Lentulo. Postea Racilius de privatis me primùm sententiam rogavit. Multa feci verba de toto furore, latrocinioque P. Clodii. eum tanquam reum accusavi multis & secundis admurmurationibus cuncti senatus. Orationem meam collaudavit fatis multis verbis, non meherculè indifertè vetus Antistius: isque judiciorum causam suscepit, antiquissimamque se habiturum dixit. Ibatur in eam sententiam. tum Clodius rogatus, diem dicendo eximere cœpit. furebat à Racilio se contumaciter, inurbanèque vexatum: deinde ejus operæ repentinè à Græcostasi & Gradibus clamorem fatis magnum sustulerunt, opinor, in Q. Sextilium, & amicos Milonis incitata. Eo metu injecto repentinè magna querimonia omnium discessimus. habes acta unius diei.

ACTA ALTERIUS DIEI: *quæ monstrant senatoriam libertatem in monendo, & objurgando etiam senatu: nedum in dicendo, quæ senator velit, & quàm velit diu.*

C A P. XLVII.

EQUITES valdè graviter tulerunt promulgatum ex S. C. fuisse, ut de iis, qui ob judicandum pecuniam accepissent, quæreretur: qua in re decernenda, cùm

Ep. 16. l. 1.
Arr.
An. DCXCII.
ego

ego casu non adfuisssem, sensissémque id equestrem ordinem ferre molestè, neque apertè dicere, objurgavi senatum, ut mihi visus sum summa cum auctoritate, & in causa non verecunda, admodum gravis & copiosus fui. Ecce aliæ deliciæ equitum vix ferendæ, quas ego non solùm tuli, sed etiam ornavi. Asiani, qui de censoribus conduxerunt, questi sunt in senatu se cupiditate prolapsos nimium magno conduxisse: &, ut induceretur locatio, postulaverunt. Ego princeps in adjutoribus, atque adeò secundus. Nam, ut illi auderent hoc postulare, Crassus eos impulit. Invidiosa res, turpis postulatio, & confessio temeritatis. Summum erat periculum, ne si nihil impetrassent, planè alienarentur à senatu. Huic quoque rei subventum est maximè à nobis, perfectumque, ut frequentissimo senatu & liberalissimo uterentur: multaque à me de ordinum dignitate & concordia dicta sunt Cal. Decembribus, & postridie: neque tum res confecta est, sed voluntas senatus perspecta. unus enim contradixerat Metellus cos. des. Diu erat dicturus (ad quem propter diei brevitatem perventum non est) heros ille noster Cato.

RES ACTÆ IN SENATU: *ex quibus sciri potest S. C.^a fieri, vel per discessionem, vel sententiis dictis voce, aut de scripto.*

C A P. XLVIII.

¹ ep. 21. l. 12. ¹ Att.
An. DCXC.

² ep. 13. l. 8. fa.

IN sententiam Catonis contra Cethegum & socios, quia verbis luculentioribus & pluribus rem eandem comprehenderat, est facta discessio. ² Cùm de intercessione, de provinciis referretur, quæ relatio fiebat ex S. C. primaque M. Marcelli sententia pronuntiata esset, qui agendum cum Tribunis pl. censebat, frequens senatus in alia omnia iit. Transierant illuc, ut ratio esset ejus habenda, qui neque exercitum, neque provincias tradere vellet. ³ Quid ego illud

³ pro Sext.
An. DCXCVI.

illud de me divinum S. C. commemorem ? quod in templo Jovis optimi Max. factum est, cùm vir is, qui tripartitas orbis terrarum oras, atque regiones tribus triumphis adjunctis huic imperio notavit, de scripto sententia dicta, mihi uni testimonium patriæ conservatæ dedit. Cujus sententiam ita frequentissimus senatus secutus est, cùm ccccx. senatores essent, magistratûsque omnes adessent, ut unus dissentiret hostis, idque ipsum tabulis publicis mandaretur ad memoriam posterì temporis sempiternam.

RES ACTÆ IN SENATU : ex quibus intelligi poterit sententias, cùm variæ sunt, pronuntiari : sententiam, quæ res plures complectitur, dividi : ut de singulis fiat relatio.

C A P. XLIX.

IDIBUS Jan. in senatu nihil est confectum. propterea, quod dies magna ex parte consumtus est altercatione Lentuli cos. & Caninii tribuni pl. Eo die nos quoque multa verba fecimus, maximèque visi sumus senatum, commemoratione tuæ voluntatis erga illum ordinem, commovere. Itaque postridie placuit, ut breviter sententias diceremus : videbatur enim reconciliata nobis voluntas senatus esse, quod tum dicendo, tum singulis appellandis, rogandisque perspexeram. Itaque cùm sententia prima Bibuli pronuntiata esset, ut tres legati regem reducerent : secunda Hortensii, ut tu sine exercitu reduceres : tertia Volcatii, ut Pompeius reduceret : postulatum est, ut Bibuli sententia divideretur, quatenus de religione dicebat, cui quidem rei jam obsisti non poterat, Bibulo assensum est. De tribus legatis, frequentes ierunt in alia omnia. Proxima erat Hortensii sententia, cùm Lupus tribunus pl. quod ipse de Pompeio retulisset, intendere cœpit, antè se oportere disces-

Ep. 2. l. 1. fa.
ad Lent.
An. dcxcvii.

discessionem facere, quàm consules. Ejus orationi vehementer ab omnibus reclamatum est: erat enim, & iniqua, & nova: consules neque concedebant, neque valdè repugnabant: diem consumi volebant: id quod est factum. perspiciebant enim in Hortensii sententiam multis partibus plures ituros: quamquam apertè Volcatio assentirentur. Multi rogabantur, atque id ipsum consulibus invitis. Nam & Bibuli sententiam valere cupiêrunt. Hâc controversiâ usque ad noctem ductâ, senatus est dimissus.

ACTA, QUIBUS PATET S. C^a. *etiam fieri sine varietate: interdum non dictis sententiis.*

C A P. L.

¹ 3. Phil.
^v. c. 42.
² 3. Catil.

¹ **M**AGNA vis est, magnum numen, unum & idem sententiis senatus. ² Indiciis expositis atque editis *de conjuratione Catilinæ*, senatum consului de summa rep. quid fieri placeret. Dictæ sunt à principibus acerrimæ ac fortissimæ sententiæ, quas senatus sine ulla varietate est secutus; atque ea lenitate est usus, ut ex tanta conjuratione, tantæque vi ac multitudine domesticorum hostium, novem hominum perditissimorum pœna rep. conservata, reliquorum mentes sanari possè arbitrarentur. ³ In æde Telluris post mortem Cæsaris, quantum in me fuit, jeci fundamenta pacis: Atheniensiumque renovavi vetus exemplum: Græcum etiam verbum usurpavi, quo tum in sedandis discordiis usa erat civitas illa: atque omnem memoriam discordiarum oblivione sempiterna delendam censui. Præclara tum oratio M. Antonii: dictaturam, quæ vim jam regiæ potestatis obsederat funditus ex rep. sustulit: de qua ne sententias quidem diximus: scriptum S. C. quod fieri veller, attulit: quo recitato auctoritatem ejus summo studio secuti sumus, eique amplissimis verbis per S. C. gratias egimus.

³ 1. Phil.
 An. dccix.

SENTENTIARUM formulæ.

C A P. LI.

QUÆ cùm ita sint : quòd C. Pansa cos. verba fecit ¹ 10. Phil.
 de litteris, quæ à Q. Cæpione Bruto procos. al- ^{An. dccx.}
 latæ, & in hoc ordine recitatæ sunt : de ea re ita censeo :
 cùm Q. Cæpionis Bruti procos. opera, consilio, industria,
 difficillimo reip. tempore provincia Macedonia, Illyricum,
 & cuncta Græcia, & legiones, exercitus, equitatus in con-
 sulum, senatus, populique Romani potestate sint : id Q.
 Cæpionem Brutum procos. benè & è rep. & pro sua ma-
 jorúmque suorum dignitate, consuetudinèque reip. benè
 gerendæ fecisse : eámque rem senatui, populóque Ro. gra-
 tam esse, & fore. Utique Q. Cæpio Brutus procos. pro-
 vinciam Macedoniam, Illyricum, cunctámque Græciam
 tueatur, defendat, custodiat, incolumémque conservet. ei-
 que exercitui, quem ipse constituit, comparavit, præsit :
 pecuniámque ad rem militarem, si qua opus sit, quæ pub-
 lica sit, & exigi possit, exigat, utatur : pecuniásque, à qui-
 bus videatur, ad rem militarem mutuasumat, imperet
 frumentúmque : operam det, ut cum suis copiis quàm
 proximè Italiam sit : cùmque ex litteris Q. Cæpionis Bruti
 procos. intellectum sit Q. Hortensii procos. opera & virtute
 vehementer remp. adjutam, omniáque ejus consilia cum
 consiliis Q. Cæpionis Bruti procos. conjuncta fuisse, eám-
 que rem magno usui reip. fuisse, Q. Hortensium procos.
 rectè & ordine, exque rep. fecisse : senatuíque placere Q. ^{v. c. 24. nu.}
 Hortensium procos. cum quæstoribus, próve quæstoribus, ^{59.}
 & legatis suis provinciam Macedoniam obtinere, quoad ei ex
 S. C. successum sit. ALIA. ² Censeo : cùm P. Dolabella, quique ejus crudelissimi, & teterrimi facinoris mi-
 nistri, focii, adjutores fuerunt, hostes populi Ro. à senatu
 judicati sint : cùmque senatus P. Dolabellam bello perfe-
 quendum censuerit, ut is, qui omnia deorum, hominúmque
 jurá

jura novo, inaudito, inexplabili scelere polluerit, nefarióque patriæ se patricidio obstrinxerit, pœnas diis, hominibúsq; meritis debitásque persolvat: senatui placere C. Cassium procos. provinciam Syriam obtinere, uti qui eam optimo jure provinciam obtinuerit, eúmque à Q. Martio Crispo procos. L. Statio Murco procos. A. Alieno legato exercitus accipere, eósque ei tradere: cúmque his copiis, & si quas prætereà paraverit bello P. Dolabellam terrâ, marique persequi: ejus belli gerendi causa, quibus ei videatur, naves, nautas, pecuniam, cæteráque omnia, quæ ad id bellum gerendum pertineant, ut imperandi in Syria, Asia, Bithynia, Ponto, jus potestatemque habeat: utque quamcunque in provinciam ejus belli gerendi causa advenerit, ibi majus imperium C. Cassii procos. sit, quàm ejus erit, qui eam provinciam tum obtinebit, cùm C. Cassius in eam provinciam venerit: regem Deiotarum patrem, & regem Deiotarum filium, si, ut multis bellis sæpenumerò imperium populi Ro. juverint, item C. Cassium pro consule copiis suis, opibúsq; juvissent, senatui, populóque Ro. gratum esse facturos: itémque si cæteri reges, tetrarchæ, dynastæque fecissent, S. P. Q. R. eorum officii non immemorem futurum: utique C. Pansa, A. Hirtius consules, alter, ambóve, si eis videretur, rep. recuperata de provinciis consularibus, prætoriis ad hunc ordinem primo quoque tempore referant: intereà provinciæ ab iis, à quibus obtinentur, obtineantur, quoad cuique ex S. C. successum sit.

FORMULÆ S. C. ET AUCTORITATUM.

C A P. LII.

Ep. 8. l. 8. fa.
An. dccii.

QUOD M. Marcellus cos. V. F. de provinciis consularibus D. E. R. I. C. uti L. Paullus, C. Marcellus cons. cùm magistratum inissent Cal. a. d. Mar. quæ in suo magistratu

magistratu futuræ essent, de consularibus provinciis ad senatum referrent, néve quid prius ex a. d. Cal. Martiis néve quid conjunctim de ea re referretur à consulibus : utique ejus rei causa per dies comitiales senatum haberent, S. Q. C. facerent : & cum de ea re ad senatum referretur à consulibus, eorum, qui in ccc. judiciis essent, sex adducere liceret : si quid de ea re ad populum plebémve lato opus esset, ut Servius Sulpicius, M. Marcellus consules, prætores, trib. pl. quibus eorum videretur ad populum plebémve ferrent : quod ii non tulissent, uti quicumque deinceps essent, ad Po. plebémve ferrent. S. C. Auctoritas. Prid. Cal. Octobris in æde Apollinis, scribendo adfuerunt, L. Domitius Cn. F. Ahenobarbus, Q. Cæcilius Q. F. Metellus Pius, Scipio, L. Villius L. F. Pomt. Annalis, C. Septimius, T. F. Quir. C. Scribonius C. F. Pop. Curio, L. Atteius, L. F. An. Capito, M. Oppius M. F. Terent. Quod M. Marcel. cos. V. F. de provinciis, D. E. R. I. C. senatum existimare, neminem eorum, qui potestatem habent intercedendi, impediendi, moram asserre oportere, quò minùs de rep. quamprimùm ad senatum referri, S. C. Q. fieri posset qui impediêrit, eum senatum existimare contra remp. fecisse. Si quis huic senatus-consulto intercesserit, senatui placere auctoritatem perscribi, & ea de re ad senatum, populúmque referri. Huic S. C. intercessit. C. Cælius, L. Vicinius, P. Cornelius, C. Vibius Pansa. Item senatui placere de militibus, qui in exercitu C. Cæsaris sunt, qui eorum stipendia emerita, causas, quibus de causis missi fieri debeant, habeant, ad hunc ordinem referri, ut eorum ratio habeatur, causæque cognoscantur. Si quis huic S. C. intercessisset, senatui placere auctoritatem perscribi, & de ea re ad senatum, populúmque ferri. Huic S. C. intercessisset, C. Cælius C. Pansa, trib. pl. Itémque senatui placere in Ciliciam provinciam, inque octo reliquas provincias, quas prætorii pro prætore obtinerent,

obtinerent, eos qui prætore fuerunt, neque in provincia cum imperio fuerunt, quos eorum ex S. C. cum imperio in provincias pro prætore mitti oporteret, eos sortitò in provincias mitti placere. Si ex eo numero, quos ex S. C. in provincias ire oporteret, ad numerum non essent, qui in eas provincias proficiscerentur, tum uti quodque collegium primum prætorium fuisset, neque in provincias profecti essent, ita sorte in provincias proficiscerentur. Si ad numerum ii non essent, tunc deinceps proximi cujusque collegii, qui prætore fuissent, neque in provincias profecti fuissent in sortem conjicerentur, quoad is numerus effectus esset, quem ad numerum in provincias mitti oporteret. Si quis huic S. C. intercessisset auctoritas perscriberetur. Huic S. C. intercessit C. Cælius, C. Panfa trib. pl. Illa tunc Cn. Pompeii sunt animadversa, quæ maximè confidentiam attulerunt hominibus, ut diceret ante Cal. Mar. se non posse sine injuria de provinciis Cæsaris statuere: post Cal. Mar. se non dubitaturum. Cùm interrogaretur, si qui tum intercederent: dixit hoc nihil interesse, utrùm Cæsar senatus dicto audiens futurus non esset, an pararet, qui senatum decernere non pateretur. Quid si, inquit alius, & consul esse, & exercitum habere volet: at ille quàm clementer! quid si filius meus fustem mihi impingere volet? his vocibus, ut existimarent homines Pompeio cum Cæsare esse negotium, effecit.

QUID SIT S. C. TACITUM: *quid differat*

auctoritas à s. c.

C A P. LIII.

† Capitol in
Gord. ad Con-
siant.

SENATUSCONSULTUM tacitum quale sit, aut quare sic appellatum brevi exponam. Omnino exemplum senatusconsulti taciti, non aliud est hodie, quàm quo vestra clementia convocatis ad interiora majoribus, ea disponit, quæ non sunt

sunt omnibus publicanda: de quibus adjurare etiam soletis, ne quis ante rem completam quicquam, vel audiat, vel intelligat. Hunc autem morem apud veteres necessitates publicæ repere-runt, ut si fortè aliqua vis ab hostibus immineret, quæ vel cogeret humilia captare consilia: vel aliqua constituere, quæ non priùs oporteret dici, quàm effici: vel si nollent ad amicos aliqua permanare, S. C. tacitum fieret: ita, ut non scribæ, non servi publici, non censuales illis actibus interessent, senato-res omnium officia censualium scribarumque complerent, ne quid fortè proderetur. Hæc de S. C. tacito.

Sin accideret, ut tot non adessent senatores, quot opus erat, Dio lib. 5. consilium qui aderant capiebant: quod statuerant perscribeba-tur: non tamen vim S. C. obtinuit, sed auctoritas senatus di-cebatur, quæ ostenderet, sententia quæ fuisset eorum, qui con-silio aderant. quod etiam observatum est, cùm aut loco, aut tem-pore alieno, aut nullo legitimo edicto vocati coisset: aut tri-buni pl. intercessissent. Nam cùm S. C. fieri tunc nequiret, sententiam tamen suam senatus volebat esse occultam, quæ deinde more Romano rata foret, ac nomen obtineret S. C. Idque ab antiquis diu retentum nostro tempore ferè exolevit.

OBSERVATIO SINGULARIS de adhibitis interdum ad excipiendum acta senatoribus.

C A P. LIV.

IN rebus gravioribus adhibentur interdum ad excipiendum pro Syl. non S. C. modò, sed etiam acta senatores, ut ea sint cer-tissimis testata monumentis. Vidi ego hoc consul: nisi re-centi memoria senatus, auctoritatem indicii conjurationis Catilinæ, ejúsque sociorum monumentis publicis testatus es-sem, fore, ut aliquando aliquis patrimonio naufragus, inimi-cus otii, bonorum hostis, aliter indicata hæc esse diceret, quò faciliùs vento aliquo in optimum quemque excitato, posset in malis reip. portum suorum malorum aliquem invenire. Itaque introductis in senatum indicibus, constitui senatores,

P

qui

qui omnia indicum dicta, interrogata, responsa perscriberent. At quos viros? non solum summa virtute & fide, cujus generis est in senatu facultas maxima: sed etiam quos sciebam memoria, scientia, consuetudine & celeritate scribendi facillimè, quæ dicerentur, persequi posse: C. Cosconium, qui tunc erat prætor: M. Messalam, qui tum præturam petebat: P. Nigidium, Ap. Claudium. Credo esse neminem, qui his omnibus aut verè referendis, aut scribendis putet fidem, diligentiam, ingenium defuisse. Quid deinde? quid feci? cum scirem ita indicium in tabulas publicas relatum, ut illæ tabulæ privata tamen custodia more majorum continerentur: non occultavi, non continui domi, sed describi ab omnibus statim librariis, dividi passim & pervulgari, atque edi populo Ro. imperavi: divisi toti Italiæ, divisi in omnes provincias: ejus indicii, è quo salus oblata esset omnibus, expertem esse neminem volui. Itaque dico locum in orbe terrarum esse nullum, quo in loco populi Ro. nomen sit, quin eodem perscriptum hoc indicium pervenerit. In quo ego tam subito, & exiguo, & turbido tempore multa divinitus, ita ut dixi, non mea sponte, providi: primum, ne quis posset tantum aut de reip. aut de alicujus periculo meminisse, quantum vellet: deinde, ne cui liceret unquam reprehendere illud indicium, aut temerè creditum criminari: postremò, ne quid jam à me, ne quid ex meis commentariis quæreretur: ne aut oblivio mea, aut memoria videretur nimia: ne denique aut negligentia turpis, aut diligentia crudelis putaretur.

ACTA, QUÆ MONSTRANT S. C.^a nonnunquam infringi,
sententias abrumpi per calumnias & contentiones
principum in Repub. aut per improbitatem, & dis-
simulationem consulum.

C A P. LV.

¹ ep. 1. l. 1. fa.
² ep. 7. d. l. 1.
S. C. Lentulo referente factum est, ut qui Ciliciam
sortiretur regem Alexandrinum reduceret: ² ita se-
natus

natus initio censuit. *Sed planè* ³ res multò antequam *Lentulus, cui Cilicia obtigerat* profectus est, ab ipso rege, & ab intimis ac domesticis Pompeii clam exulceratæ sunt: deinde palàm à consularibus exagitata, & in summam invidiam adductæ. *Per Catonem quidem tribunum pl. objecta senatui religio est, prolato è Sibyllinis libris oraculo, ne rex cum* ⁴ *multitudine reduceretur: si fieret, malo publico futurum.* *Inde* ⁵ *res ab adversariis Lentuli extracta est variis calumniis.* ⁶ *Senatus religionis calumniam, non religione, sed malevolentia, & illius regis largitionis invidia comprobavit.* ⁷ *Opinio populi Ro. fuit à Lentuli invidis atque obtrectatoribus nomen inductum fictæ religionis, non tam, ut eum impedirent, quàm, ut ne quis propter exercitus cupiditatem Alexandriam vellet ire.* *Hinc aliud* ⁸ *de rege Alexandrino factum est S. C. cum multitudine reduci periculosum reip. videri.* *Reliqua cùm esset in senatu contentio, Lentulúsne an Pompeius reduceret, obtinere causam Lentulus videbatur.* *Attamen res ab eo remota est: licet* ⁹ *S. C. nullum exstet, quo reductio regis Alexandrini illi ademta sit: eaque, quæ de ea scripta est auctoritas, cui intercessum est, ut ne quis omninò regem reduceret, tantam vim habet, ut magis iratorum hominum studium, quàm constantis senatus consilium esse videatur.* ¹⁰ *Quæ cùm gravia sunt, tum nihil gravius illo, quòd decretam provinciam non habere, aut multari imperatorem diminutione provinciæ contumeliosum est: neque solùm summo in viro, sed etiam in mediocri homine ne accadat, providendum.* ¹¹ *Cn. Pompeio Magno & M. Licinio Crasso cons. ad tertium idus Maii S. C. factum est de ambitu in Afranii sententiam: sed magno cum gemitu senatus consules non sunt persecuti eorum sententiam: qui Afranio cùm essent assensu addiderunt, ut prætores ita crearentur, ut dies LX. privati essent. eo die Catonem planè repudiârunt. Quid multa? tenuerunt omnia: idque ita omnes intelligere volebant.*

³ d. ep. 1.

⁴ d. ep. 7.

⁵ ep. 4. d. l. 1.

⁶ d. ep. 1.

⁷ d. ep. 4.

⁸ ep. 2. l. 2.
ad Q. fr.

⁹ ep. 7. l. 1.
fa.

¹⁰ de Pro.
cons. ap.

¹¹ ep. 8. l. 2.
ad Q. fr.
DCXCVII.

DE SENATORIO CONSILIO, & *judiciaria senatorum dignitate imminuta paucorum improbitate: & transfatis offensione judiciorum ad alios judiciis.*

C A P. LVI.

¹ v. cap. 1.
nu. 14.

² pro R. Am.

³ 3. Ver.

⁴ Ib.

⁵ Ib.

⁶ 4. ad Her.

⁷ pro R. Am.

⁸ 3. Ver. ap.

⁹ 2. Ver. ap.
An. DCXXXI.

¹⁰ Or. 1. pro
Corn.

¹¹ Afc. lib.

HACTENUS de ¹ summo consilio, quod à senibus majores nostri appellârunt senatum, & de patribus, ² qui ex civitate in senatum propter dignitatem *lecti*, patres conscripti nominantur, ab ætate senatores diximus. Reliqua de iisdem erit oratio, ut ex senatu in consilium judicarium deligantur propter severitatem. ³ Splendor horum facit, ut peccare sine summo reip. detrimento, ac periculo non possint. ⁴ Neque enim salus ulla major reip. reperiri potest, quàm populum Ro. intelligere optimis latis judiciis socios, leges, remp. senatorio consilio maximè posse defendi. neque tanta fortunis omnium perniciēs potest accidere, quàm opinione populi Ro. rationem veritatis, integritatis, fidei, religionis ab hoc ordine abjudicari. ⁵ Non potest sperare populus Ro. esse alios, qui rectè possint judicare, *senatores* si non potuerint, aut noluerint. ⁶ Nam si canes fungantur officio luporum, cuinam præsidio pecuaria credemus? ⁷ dii prohibeant, ut hoc, quod majores consilium publicum vocari voluerunt, præsidium sectorum existimetur. C. Gracchus patribus *insensus* ⁸ aliud genus hominum atque etiam rationem judiciorum requisivit: & senatoribus *judicandi potestatem eripuit*. Tulit enim legem, ⁹ ut equester ordo judicaret. Secuta est lex Plotia, qua ¹⁰ senatores cum equitibus Ro. judicaverunt ¹¹ M. Plotius trib. pl. legem tulit adjuvantibus nobilibus, ut tribus singulæ quinos denos suffragio crearent, qui eo anno judicarent. Unde factum est, ut senatores in eo numero essent, & quidam ex plebe. Tribus autem XXXV. fuerunt. Ita iudicium numerus DXXXV. fuit. Sapienter actum est lege Plotia, quia iudicia communicata cum cæteris civibus constituta sunt, ut in judi-

cum¹² consiliis omnibus, non modò aures hominum: sed¹² 2. Ver. ap.
 etiam oculi populi Ro. interesse viderentur, & equites in
moderata vitæ ratione permanerent. ¹³ Antea cùm equester¹³ 5. Ver.
 ordo solus judicaret, improbi & rapaces magistratus in pro-
 vinciiis inserviebant publicanis: ornabant eos, qui in operis
 erant: quemcunque equitem Ro. in provincia viderant, be-
 neficiis ac liberalitate prosequabantur: neque tantùm illa
 res nocentibus proderat, quantùm obfuit multis, cùm ali-
 quid contra utilitatem ejus ordinis, voluntatémque fecissent.
 Retinebatur hoc tum, nescio quo modo, quasi communi
 consilio ab illis diligenter, ut qui unum equitem Ro. con-
 tumelia dignum putasset, ab universo ordine malo dignus
 judicaretur. L. Sylla¹⁴ pro illo odio, quod habuit in¹⁴ pro Clu. ap.
 equestrem ordinem *judicia ad senatum transfudit: & judi-*
cavit hic ordo per annos decem turpiter. Unde senatores sic
in invidiam vocabantur, ut videretur honoris amplissimi no-
men, plus invidiæ, quàm dignitatis afferre. ¹⁵ O comme-¹⁵ 2. Ver.
 moranda judicia, præclarámque existimationem nostri or-
 dinis! cùm¹⁶ omnia non modò commemorarentur, sed¹⁶ Ib.
 etiam expositis certis rebus agerentur, quæ inter decem
 annos, posteaquam judicia ad senatum translata sunt, in re-
 bus nefariè, flagitiosèque facta sunt. *Agnovit inde populus*
 Ro. quid esset quamobrem cùm equester ordo judicaret an-
 nos propè quinquaginta continuos, nullo judice equite Ro-
 mano judicante, ne tenuissima quidem suspicio ob rem judi-
 candam constituta sit: quòd judiciis ad senatorium ordinem
 translatis, sublatáque populi Ro. in unumquemque judicem
 potestate Q. Calidius damnatus dixerit minoris tricies præ-
 torium hominem honestè non posse damnari: quòd P.
 Septimio senatore damnato, Q. Hortensio prætore, de pe-
 cuniis repetundis, lis æstimata sit eo nomine, quòd ille ob
 rem judicandam pecuniam accepisset: quòd in C. Herennio,
 quòd in C. Popilio senatoribus, qui ambo peculatus dam-
 nati sunt: quòd in M. Atilio, qui de majestate damnatus
 est, hoc planum factum est, eos pecuniam ob rem judican-
 dam

dam accepisse: quòd inventi sunt senatores, qui C. Verre prætor urbano sortiente exirent in eum reum, quem incognita causa condemnarent: quòd inventus est senator, qui cùm judex esset, in eodem judicio & ab reo pecuniam acciperet, quam iudicibus divideret, & ab accusatore, ut reum condemnaret. Jam verò quomodo ego illam labem, ignominiam, calamitatèmq; totius ordinis conquerar, hoc factum esse in hac civitate, cùm senatorius ordo judicaret, ut discoloribus signis juratorum hominum sententiæ notarentur? *Hæc & similia in causa fuere*, ut ¹⁷ totus ordo paucorum improbitate & audacia premeretur, & urgeretur infamia judiciorum: ¹⁸ nulla in judiciis severitas, nulla religio, nulla denique existimarentur judicia. Itaque à populo Rom. contemnebamur, despiciebamur: gravi, diuturnaque flagravimus infamia judiciorum. Neque enim uliam aliam ob causam populus Ro. tribunitiam potestatem tanto studio requisivit: quam cùm poscebat, verbo illam poscere videbatur, re vera judicia poscebat. Neque hoc Q. Catulum hominem sapientissimum, atque amplissimum fugit: qui Cn. Pompeio viro fortissimo & clarissimo de tribunitia potestate referente, cùm esset sententiam rogatus, hoc initio est summa cum auctoritate usus: Patres conscriptos judicia malè & flagitiosè tueri: quòd si in rebus judicandis populi Ro. existimationi satisfacere voluissent, non tantopere homines fuisse tribunitiam potestatem desideraturos. Ipse denique Cn. Pompeius, cùm primùm concionem ad urbem consul designatus habuit, ubi id, quod maximè exspectari debebatur, ostendit se tribunitiam potestatem restitutum, factus est in eo strepitus, & grata concionis admurmuratio. Idem in eadem concione cùm dixisset populas vexatásque esse provincias, judicia autem turpia, ac flagitiosa fieri: ei rei se providere, ac consulere velle: tum verò non strepitu, sed maximo clamore suam populus Ro. significavit voluntatem. ¹⁹ Nihil est enim quod minùs ferendum sit, quàm rationem ab altero vitæ, reposcere eum, qui non possit suæ reddere.

O mi-

¹⁷ Ib.¹⁸ 2. Ver.¹⁹ 1. Ver.

²⁰ O miserum, atque invidiosum offensumque paucorum ²⁰ 5. Ver.
 culpa atque indignitate ordinem senatorium ! ²¹ Inveteravit
 tum opinio pernicioſa reip. nobisſque periculosa, quæ non ²¹ 2. Ver.
 modò Romæ, sed & apud exteras nationes omnium sermone
 percrebruit, judiciis, quæ tunc erant, pecuniosum hominem,
 quamvis esset nocens, neminem potu iſſe damnari. Itaque ²² 3. Ver.
²² omnes homines alium omninò ordinem ad res judicandas
 quærendum arbitrabantur. ²³ Populus Ro. aliud genus ²³ 7. Ver.
 hominum, alium ordinem requisivit. *L. Aurelius Cotta*
²⁴ legem de judiciis judicibusſque novis promulgavit, ²⁵ & ²⁴ Ib.
 remp. ſiſtere negavit poſſe, nî ad equeſtrem ordinem judicia ²⁵ 5. Ver.
 referrentur : ²⁶ plebs legem Aureliam non modò accepit, ²⁶ 1. Corn.
 ſed etiam efflagitavit, *qua à ſenatoribus, equitibus, tribunis*
ævariis, item centurionibus judicia exercentur. ²⁷ Antonius ²⁷ 5. Phil.
 homo caſtus, atque integer, judiciorum & juris auctor, le-
 gem etiam judiciariam tulit ²⁸ de tertia judicum, quæ eſt ²⁸ 1. Phil.
 centurionum. Iſti ordini judicatus lege Julia, etiam antè
 Pompeia, Aurelia patebat: Cenus præſiniebatur, non cen-
 turioni quidem ſolùm, ſed equiti etiam Romano. Itaque
 viri fortiſſimi atque honeſtiſſimi, qui ordines duxerunt, res
 & judicant, & judicaverunt. Non quæro, inquit, iſtos:
 quicumque ordinem duxit, judicet. At in iudice ſpectari,
 & fortuna debet & dignitas, ²⁹ in quo nos ſcellit: Ante- ²⁹ 5. Phil.
 ſignanos, & manipulares, & alaudas iudices ſe conſtituiſſe
 dicebat. At ille legit alcatores, legit exules, legit Græcos,
³⁰ ſaltatores, cithariſtas, totum denique comiſſationis Anto- ³⁰ Ib.
 nianæ chorum in tertiam decuriam iudicum ſcitote eſſe con-
 jectum. En cauſam, cur lex tam egregia, tamque pre-
 clara maximo imbri, tempeſtate, ventis, procellis, turbini-
 bus, inter fulmina, & tonitrua ferretur: ut eos iudices
 haberemus, quos hoſpites habere nemo velit. Scelerum
 magnitudo, conſcientia maleficiorum, direptio ejus pecuniæ,
 cujus ratio in æde Opis conſecta eſt, hanc tertiam decuriam
 excogitavit: nec antè turpes iudices quæſiti, quàm ho-
 neſtis iudicibus nocentium ſalus deſperata eſt.

³¹ Lucan. lib. 2.

³¹ *Imminet armorum rabies, ferrique potestas
Confundet jus omne manu: scelerique nefando
Nomen erit virtus, multòsque exibat in annos.*

Reliqua de iudiciis iudiciisque separatim volumen desiderant: & cum civili prudentia atque legibus expectant Ciceronis Prætorem, Iudicemque Romanum.

Varia sunt scripta auctorum, qui longè à Ciceronis aberant ætate, hic aspersa, ut suppleant quæ in Cicerone desiderantur, aut levent fastidium. Et quidem consultò, & cogitatè: ne quis putet errata memoriæ, & in ratione temporum sic me lapsum, ut ³² quidam Poeta homo per litteratus, qui facit Euripidem & Menandrum inter se, & in alio loco Socratem & Epicurum differentes, quorum ætates non annis, sed seculis scimus esse disjunctas. Quid sim secutus conjicient experti: in quo elaboraverim discent alii, qui vigiliis experiri volent litteratis, quàm deceat, quàm sit arduum confusis dare ordinem, jejunis varietatem, lucem abditis, fastiditis gratiam, integritatem mutilis, sparsis concinnitatem, ornamenta disjectis.

E R R A T A :

P. 3. l. 6. Pr. Or. *lege*, cunctabiturP. 17. l. 27. — *lege*, IntravitP. 18. l. 9. — *lege*, emerfitP. 19. l. 15. — *lege*, cumP. 27. *post* quæsitum, *lege*, commaP. 15. l. 3. Cic. Prin. *lege*, cumP. 16. l. 5. — — *lege*, igitur-neP. 18. l. 6. — — *lege*, MultumIb. l. 10. — — *lege*, ipse teP. 22. l. 3. — — *lege*, facileP. 25. l. 27. — — *lege*, commemorariP. 47. l. 34. — — *lege*, injuriosiusP. 47. l. 16. Cic. Conf. *lege*, cerviceP. 91. l. 8. — — *lege*, intercessissetP. 93. l. 10. — — *lege*, PerseP. 125. l. 7. — — *lege*, patiaturP. 133. l. 1. — — *lege*, bis

Ad Marginem.

P. 4. n. 25. *lege*, ep. 18.P. 17. n. 6. *lege*, DXC.P. 22. n. 12. *lege*, c. 26. & 24. nu.

58.

P. 24. n. 2. *lege*, nu. 82.P. 27. n. 2. *lege*, cap. 23.P. 29. n. 6. *lege*, Ib.P. 30. n. 12. *lege*, nu. 11.P. 89. n. 106. *lege*, Liv. 30.P. 121. n. 8. *lege*, ep. 25.³² pro Q.
Gallio.







